

金史卷二十七

志第八

河渠

黃河 漕渠 盧溝河 滹沱河 漳河

黄河。

員。 |懷州、孟津、孟州及||城北之四埽則兼沁水事,設廣沁都巡河官一員於懷州以臨之。 人設官置屬,以主其事。 雄武、滎澤、原武、陽武、延津五埽則兼汴河事,設黃汴都巡河官一員於河陰以莅之。 金始克宗,兩河悉界劉豫。 沿河上下凡二十五埽,六在河南,十九在河北,埽設散巡河官一 豫亡,河遂盡入金境。數十年間,或決或塞,遷徙無定。 崇福上

志第八 河渠

下、衞南、洪上四埽屬衞南都巡河官,則居新鄉。

武城、白馬、書城、敎城四埽屬濬滑都巡河





元 脱 脱 等撰

中 華 局

卷二七至 卷三 四 五(志)

册

凡巡 濟北 官, 則 河官、皆從都 寒山 處 教 金金 城 山 曹甸 四 水監廉舉,總統 埽者也 都巡河官則總東明、西佳、孟華、 一。故都巡河官凡六員。 埽兵萬二千人,歲 後 用 叉 凌城 特設 一新百 崇福 一 十 一 四 埽。 上下 萬三千餘束,草百八十三 曹濟 ·婦都 都巡河 巡河 官 官 兼 則司 石 定陶 橋使

萬

上

百餘

東,椿杙之木不

與,此備

河

之恒

制

也

卒難成 若李 若塞 梁肅 地, 曹、單雖被其 驟興大 往 大定 固 新 視 南 功。 河 築隄 之。 八年六月,河決李固渡,水潰曹州 役,人心動搖,恐宋 則二水 縦能塞 思,而 以防 河南 復合爲 決溢 之, 兩州 統軍 他日 本以 爲便。」尚書省以聞,上從之。 使宗室宗敍言:「大河 霖 水利 人乘 如週 潦, 爲生,所害農田 間 漲 亦將潰決, 溢 構 了南決則害於南京,北決則山東 爲邊患。」 城,分流于單州 所以決溢者, 則 Щ 無幾。 而 東河 庸亦 患又非曹、單比 言:「新河 今欲河復 之境。 以河 道 水六分, 故道, 積 九年正月,朝廷遣 淤 不不 也。 河北皆被其害。 不 能受水 舊河 惟大費工 叉 沿 水 故 河 四 都水 數州 也 役, 分, Ż 叉 監 今 今

然其 卿 害,甚合朕意。 、旣參朝政,凡類此者皆當革其弊,擇所利 所徵 年三月, 之物 或委積 股 拜宗敍 每念百姓 經 爲參 年 凡 知 至腐品 有差調, 吏互 政 事 朽 不 可 上渝之曰:「 復 爲姦, 而行之。」 用, 使吾民數十萬之財 若不早 卿 昨為 計 河南 而 迫 期徵 統 軍 斂, 時, 皆爲棄物, 嘗言 則民 黄河 增 于 此害非細 倍 堤 之費 埽 利

十一年,阿決王村,南京孟、衞州界多被其害。

至原武、陽武、東明等縣孟、衞等州增築堤岸, 十二年正月,尚書省奏:「檢視官言,水東南行,其勢甚大。可自河陰廣武山循河而東, 日役夫萬一千,期以六十日畢。」詔遣太府少

監張九思、同知南京留守事紀石烈邈小字阿補孫監護工作。

十三年三月,以尚書省請修孟津、滎澤、崇福埽堤以備水患,上乃命雄武以下八埽並以

類從事。

夫,以尚書工部郎中張大節、同知南京留守事高蘇董役。 百,以六十日畢工。」詔以十八年二月一日發六百里內軍夫,幷取職官人力之半,餘聽發民 十七年秋七月,大雨,河決白溝。十二月,尚書省奏:「修築河堤,日役夫一萬一千五

先是,祥符縣陳橋鎭之東至陳留潘崗,黃河堤道四十餘里以縣官攝其事,南京有司言,

乞專設埽官,十九年九月,乃設京埽巡河官一員。

于歸德府創設巡河官一員,埽兵二百人,且韶頻役夫之地與免今年稅賦。 岸增築堤以捍湍怒,計工一百七十九萬六千餘,日役夫二萬四千餘, 「河水因今秋霖潦暴漲,遂失故道,勢益南行。」宰臣以聞。乃自衞州埽下接歸德府 二十年,河決衞州及延津京東埽,瀰漫至于歸德府。 檢視官南京副留守石抹輝者言 期以七十日畢工。 南北 逐 兩

志 第 泂 渠

二十一年十月,以河移故道,命築堤以備。

備禦。 旣而 河 一十六年八月,河決衞州堤,壞其城。 而 勢泛濫及大名。 寂視被災之民不為拯救,乃專集衆以網魚取官物爲事,民甚怨嫉。 上於是遣戶部尚書劉瑋往行工部事,日一從宜規畫,黜寂爲蔡州防 上命戶部侍郎王寂、都水少監王汝嘉馳傳措畫 上聞 而 惡之。

禦使。 「今推 後,有司 聞 其貲 產, 河 於泛溢,民罹其害者,貲產皆空。 冬十月,上謂宰臣曰:「朕聞亡|宋|河防一步置一人,可添設|河防軍數。」它日,又曰:「比 排者皆非被災之處。」上曰:「雖然,必其鄰道也。 何 豈有 故不令朕知。」 餘 哉, 尚何推排爲。」十一月,又謂宰臣曰:「河未決<u>衛州</u>時嘗有言者,旣決之 命詢 其故。 今復遣官於被災路分推排,何耶。」 右丞張汝霖曰: 旣鄰水而居,豈無驚擾遷避者乎,計

廟額。 一十七年春正月,尚書省言:「鄭州河陰縣聖后廟,前代河水爲患、屢禱有應,嘗加封號 今因 高 新,河邃安流,乞加褒贈。」

上從其詩,特加號日昭應順濟聖后,廟日靈德善利

功,皆遷賞有差。 月, 以 衞 州新鄉縣令張廣、丞唐括唐古出、主簿溫敦偎喝,以河水入城閉塞救護有 御史臺言:「自來沿河京、府、州、縣官坐視管內河防缺壞,特不介意。若令

之廟。

曹州濟陰,滑州白馬,睢州襄邑,滕州沛,單州單父,解州平陸,開州濮陽,濟州嘉祥、金鄉 州彭城、蕭、豐,孟州河陽、溫,鄭州河陰、滎澤、原武、氾水,濬州衞,陝州閿鄉、湖城、靈寶, 陵、虞城,河南府及孟津,河中府及河東,懷州河內、武陟,同州朝邑,衞州汲、新鄉、獲嘉,徐 以南京府及所屬延津、封丘、祥符、開封、陳留、胙城、杞縣、長垣、己歸德府及所屬宋城、寧 沿河京、府、州、縣長貳官皆於名銜管勾河防事,如任內規措有方能禦大患,或守護不謹以 致疏虞,臨時聞奏,以議賞罰。」上從之,仍命每歲將泛之時,令工部官一員沿河檢視。 鄆城,四府、十六州之長貮皆提舉河防事,四十四縣之令佐皆管勾河防事。

遷。於是遣大理少卿康元弼按視之。元弼還奏:「舊州民復業者甚衆,且南使驛道館舍所 從其民情,修治舊城爲便。」乃不遷州,仍勅自今河防官司怠慢失備者,皆重抵以罪。 在,向以不爲水備,以故被害。若但修其堤之薄缺者,可以無虞,比之遷治,所省數倍,不若 初,衞州爲河水所壞,乃命增築蘇門,遷其州治。 至二十八年,水息,居民稍還,皆不樂

溢,而所報文字如此稽滯。水事最急,功不可緩,稍緩時頃,則難固護矣。」十二月,工部言: 所五百里州、府差顧,於不差夫之地均徵顧錢,驗物力科之。每工錢百五十文外,601日支官 「營築河堤,用工六百八萬餘,就用埽兵軍夫外,有四百三十餘萬工當用民夫。」遂詔命去役 二十九年五 月,河溢于曹州小堤之北。六月,上諭旨有司曰:「比聞五月二十八日河

錢五十文,米升半。 仍命彰化軍節度使內族裔、都水少監大齡壽提控五百人往來彈

藁十八萬餘束,旣而又配四萬四千,是皆常歲必用之物,農隙均科則易輸統。 者,不過堤埽,若土功從實計料,薪藁樁杙以時徵斂,亦復何難。今春築堤,都水監初料取 便。」詔尚書省詳議以聞 工,乞令本監以實計度,量一歲所用物料,驗數折稅,或令和買,於冬月分爲三限輸納爲 上甚近,及其興工乃遠數倍,人夫懼不及程,貴價買土,一隊之間多至千貫。又許州初科薪 先是,河南路提刑司言:「沿河居民多困乏逃移,蓋以河防差役煩重故也。 竊惟禦水患 自今堤埽興

常,夏秋暴漲危急,則用相鄰埽分防備之物,不足,則復於所近州縣和買。然復慮人戶道塗 籍舊貯物外實闕之數,及次年春工多寡,移報轉運司計置,於冬三月分限輸納。 功立限,牓諭使人先知,無令增加力役。幷河防所用物色,委都水監每歲於八月以前,先拘 泥淖,艱于運納,止依稅內科折他物,更爲增價,當官支付,違者並論如律,仍令所屬提刑司 正官一員馳驛監視體究,如此則役作有程,而河不失備。」制可之。 明昌元年春正月,尚書省奏:「臣等以爲,自今凡興工役,先量負土遠近,增築高卑,定 如水勢不

導,足泄其勢,及長堤以北恐亦有可以歸納排瀹之處,乞委官視之。<u>濟北</u>婦以北宜創起月 四年十一月,尚書省奏:「河平軍節度使王汝嘉等言『大河南岸舊有分流河口,如可疏

堤 。 。 臣等以爲宜從所言。其本監官皆以諳練河防故注以是職, 當使從汝嘉等同往相視,

庶発異議。 如大河南北必不能開挑歸納,其月堤宜依所料興修。」上從之。

十二月,勅都水監官提控修築黃河堤,及令大名府差正千戶一員,部甲軍二百人彈壓

勾當。

徙。今擬先於南岸王村、宜村兩處決堤導水,使長堤可以固護,姑宜仍舊,如不能疏導,即依 河分流。然北淸河舊堤歲久不完,當立年限增築大堤,而梁山故道多有屯田軍戶,亦宜遷 恐難依元料增修長堤與創築月堤也。可於北岸牆村決河入梁山灤故道,依舊作南、北兩淸 清河乃濟水故道,可容三二分而已。今河水趨北,齧長堤而流者十餘處,而堤外率多積水, 遇古堤南決,多經南、北淸河分流,南淸河北下有枯河數道,河水流其中者長至七八分,北 來之患。若定陶以東三埽棄堤則不必修,止決舊壓河口,引導積水東南行,流堤北張彪、白 於南岸延津縣堤決堤洩水,其北岸長堤自白馬以下,定陶以上,並宜加功築護,庶可以遏將 北淸河州縣二十餘處,兩岸連亙千有餘里,其堤防素不修備,恐所屯軍戶亦卒難徙。今歲先 不同,及令陳言人馮德輿與櫟面對,亦有不合者,送工部議。復言「若遽於牆村疏決,緣 上開決,分爲四道,俟見水勢隨宜料理。」尚書省以櫟等所言與明昌二年劉瑋等所案視利害 五 |年春正月,尚書省奏:「都水監丞田櫟同本監官講議黃河利害,嘗以狀上言,前代每 瀕

志第

州 及 工 機等所擬,恐旣 塔 以參知 縣築護城堤,及北淸河兩岸舊有堤處別率丁夫修築,亦就令講究河防之計。 與本監官同議經久之利。」詔以知大名府事內族裔、尚書戶部郎中李敬義充行戶工部 部事覆視之,同則就令計實用工物、量州縣遠近以調丁夫,其督趣春工官卽充今歲守漲, 兩 河 政事胥持國都提控。又奏差德州防禦使李獻可、尚書戶部郎中焦旭於山東當水所經 間 礙水軍戶可 更張,利害非細。 '使遷徙,及梁山濼故道分屯者,亦當 比召河 <u>|</u>|不軍節度使王汝嘉同計議,先差幹濟官兩員行戶 「預爲安置」。 宰臣 .奏曰:「若遽從

以 賜 卿。 他日,上以宋閻士良所述黃河利害一帙付參知政事馬琪曰:「此書所言亦有可用者,今

稍 歲 於南岸行視否? 便當 :涉違慢,當併治罪。」 二月, 經 畫, 上諭平章政事守貞曰:「王汝嘉、田櫟專管河防, 今不稱職如是耶? 乃稱『未也』。又問水決能行南岸乎? 可諭旨令往盡心固護, 叉云『不可知』。 無致失備,及講究所以經久之計 此國家之重事也。 且水趨北 **股比問** 久矣,自去 其曾

處開 無所犯之城市村落。 導河勢,緣比來 三月 ,行省并行戶工部及都水監官各言河防利害事。 水勢去宜村堤稍緩,至唯王村岸向上數里 又擬於北岸牆村疏決,依舊分作兩淸河入梁山故道,北淸河兩岸素有 都水監元擬於南岸王村 三臥捲, 可以開 決作 河, 且

小堤不完,後當築大堤。[六]尚書省謂:「以黃河之水勢,若於牆村決注,則山東州縣膏 則當各復業,此亦戶工部之所言也。」上曰:「地之相去如此其遠,彼中利害,安得悉知。惟 臣等所見,止當堤前作木岸以備之,其間居人未當遷徙,至夏秋水勢泛溢,權令避之,水落 修,止言『決舊壓河口 邑已勸率作護城堤矣,先所修清河舊堤已遣罷之。[P]監丞田櫟言定陶以東三埽棄堤不當 地及諸鹽場必被淪溺。 委行省盡心措畫可也。」 益,而又害之也。 況長堤已加固護,復於南岸疏決水勢,已寢決河入梁山濼之議,水所經 以導漸水入堤北張彪、白塔兩河之間,凡當水衝屯田戶須令遷徙』。 設使修築壞堤,而又呑納不盡,功役 至重,虚困山東之民, 非徒 腴之 城 無

其成 勞股 以爲黃河水勢非常,變易無定,非人力可以斟酌,可以指使也。 儻有潰走, 若何枝梧。 所言棄長堤,無起新堤,放河入梁山故道,使南北兩清河分流,爲省費息民長久之計。 朕不親見,難爲條畫,雖卿亦然。 丞相、左丞皆不熟此,可集百官詳議以行。」百官咸謂:「櫟 心爾。 否未可知,就使可成,恐難行也。遷徙軍戶四千則不爲難,然其水特決,尚不知所歸, 四月,以田櫟言河防事,上諭旨參知政事持國曰:「此事不惟貴卿,要卿等同心規畫,不 如櫟所言,築堤用二十萬工,歲役五十日,五年可畢,此役之大,古所未有。 如令南岸兩處疏決,〔八〕使其水趨南,或可分殺其勢。 况梁山濼淤塡已高,而北淸 然水之形勢, 臣等 況

經 許 河 斷 罪 派 都 窄 的 水 狹 監符 7又於 不能 決 之法,凡櫟所言無可用。」遂寢其 下州 吞 外監署司多以沿河州府長官兼領之,及令佐管勾河防, 伏,兼所經州縣農民廬井非一,使大河北入淸河, 府運司,專其用度,委其任責,一切同於 議 軍期,仍委執 山東 其或怠慢已有 政提控。 必被其害。 緣 櫟又言乞 今監官已 同 軍期

守 都 + 來 有 司 轉 累 犯 運 職 八 一使高旭、武衛軍副都指揮使女奚列奕 報 月,以河 E 朝 經戒 爲遷延,以至害民。 決陽武故堤、灌封丘而 諭,使之常切固護。 即是故違制旨,私罪當的決。」詔汝嘉等各削官 今王汝嘉等殊不加 東,尚書省奏,都水監、行部官有失固護。 小字韓家奴 が意, 旣 同往規措。 見水 勢趨南,不預經畫, 尚書省奏:「都水監官前 兩階,杖七 韶命同知 承留

使 得 於 段 防, 爲 河 南 問 聞 無 上 猶嘗置行省, 王村河口開導之月,則對以四月終,其實六月也,月日尙不知,提刑司官當如 之。 罪,雖都 然 宰臣曰:「李愈論河決事,謂宜遣大臣往,以慰人心,其言良是。 民 徒 皆赤子, 能 水監官非提刑 張 皇水勢而 況今方橫潰爲害, 而止差小官, 恐失 何彼 此之間。」乃命參知政事 無經畫, 司統攝,若與 及其 已決,乃與王汝嘉一往 、留守司以便宜率民固護,或申聞 馬琪往,仍許便宜從事。 、衆望。 自國家觀之,雖 視 之而 還,亦未嘗 嚮慮 省部,亦 上曰:「李愈不 河 Щ 北決,措畫 東之地 1有所施 何不 重 可

尋命戶部員外郎何格賑濟被浸之民。

至 汴 而 一十餘 中道淤澱,地有高低,流不得泄,且水退,新灘亦難開鑿。其孟華等四埽與孟陽堤道,沿 河東岸,但可施功者,卽悉力修護,將於農隙興役,及凍畢工,則京城不 時 里外乃能 行 省參知 政事胥持國、馬琪言:「已至光祿村周視堤口。以其河水浸漫、 取土。 而堤面窄狹,僅可數步,人力不可施,雖窮力可 以暫成,終當復毀。 至爲 害。 堤岸陷潰,

提刑 或有 到 人 事 任 內 選注 之老疾,避倉庫之繁,行賄請託,以致多不稱職。 參 司 擬 一年,委提刑司體察,若不稱職,即日罷之。 保申,量與升除。 罷 知 都 一分,散巡河依舊,亦於諸司及丞簿廉舉人內選注,並取年六十以下有精力能幹者。 政事馬琪言:「都水外監員數冗多,每事相倚,或復邀功,議論 水監掾、設勾當官二員。又自昔選用都、散巡河官,止由 凡河橋司使副亦擬同此 選注。」繼 如守禦有方,致河水安流,任滿,從本監及 擬升都巡河作從七品,於應入縣令廉舉 而胥持國亦以爲言,乃從其請。 監官辟舉,皆諸司人, | 紛紜不一,隳廢官

第恐 則 將 困,今持國 財 害滋甚。」上曰:「無乃因是致盜賊乎。」字貞曰:「宋以河決興役,亦嘗致盜 里 殫 十月,平章 力屈,成而 復病、請別遣有材幹者往議之。」上曰:「堤防救護若能成功、則財 政事守貞曰:「馬琪措畫河防事,未見 復毀,如 重 |困何。」宰臣對曰:「如盡 力固 功役之數,[2] 加之積歲興功,民力 四護,縱 爲害亦輕,若恬然不顧, 力固不敢惜。 賊,然多生於

視。」上以所言付尚書省,而治檢覆河堤幷守漲官等罪有差。 疏決,以解南北兩岸之危。 凡計工八百七十餘萬,可於正月終興工。 臣乞前期再往河上監 見,言:「孟陽河堤及汴堤已塡築補修,水不能犯汴城。自今河勢趨北,來歲春首擬於中道 取,若遠調之,民益艱苦,但使津濟可也。然當俟馬琪至而後議之。」庚辰,」琪自行省還,入 凶歉。今時平歲豐,少有差役,未必至此。 至於科徵薪芻,不問有無,督輸迫切則破產業以易之,恐民益困耳。」上曰:「役夫須近地差 且河防之役,理所當然,今之當役者猶爲可耳。

修治河防,且諭之曰:「汝二人皆朕所素識,以故委任,冀副朕意。如有錯失,亦不汝容。」 之,命翰林待制奧屯忠孝權尚書戶部侍郎、太府少監溫昉權尚書工部侍郎,行戶、工部事, 別差官相度,儻有奇畫,亦未可知。如適與臣策同,方來興功,亦庶幾稍寬朝廷憂顧。」上然 他日,尚書省奏事,上語及河防事,馬琪奏言:「臣非敢不盡心,然恐智力有所不及。若

承安元年七月,勅自今沿河傍側州、府、縣官雖部除者皆勿令員闕

泰和二年九月,勅御史臺官:「河防利害初不與卿等事,然臺官無所不問,應體究者亦

體究之。」

買,而未嘗還其直」,勅委右三部司正郭澥、御史中丞孟鑄講究以聞。澥等言「大名府、鄭州 五年二月,以崔守眞言,「黃河危急,芻藁物料雖云折稅,每年不下五六次,或名爲和

等處自承安二年以來,所科芻藁未給價者,計錢二十一萬九千餘貫」。遂命以各處見錢差能

幹官同各州縣淸强官一一酬之,續令按察司體究。

宣宗貞祐三年十一月壬申、「10〕上遣參知政事侯擊祭河神於宜村。

若失此計,則河南一路兵食不足,而河北、山東之民皆瓦解矣。」詔命議之。 此守禦之大計也。若曰浸民田,則河徙之後,淤爲沃壤,正宜耕墾,收倍于常,利孰大焉。 必以浸沒河北良田爲解。臣嘗聞河側故老言,水勢散漫,則淺不可以馬涉,深不可以舟濟, 其故堤宛然猶在, 工役不勞, 水就下必無漂沒之患。而難者若不以犯滄鹽場損國利爲說, 三年四月,單州刺史顏盞天澤言:「守禦之道,當決大河使北流德、博、觀、滄之境。今

倍於他所,夏秋租稅,猶所未論,乞減其稍緩者,以寬民力。」事下尚書省,宰臣謂:「河流東 復之基。」又言:「南岸居民、既已籍其河夫修築河堰、營作戍屋、又使轉輸芻糧、賦役繁殷、 清河合`則由濬州、大名、觀州、清州、柳口入海,此河之故道也,皆有舊堤,補其缺罅足矣。 河南之地為狹。臣竊見新鄉縣西河水可決使東北,其南有舊堤,水不能溢,行五十餘里與 此則山東、大名等路、皆在河南、而河北諸郡亦得其半、退足以爲禦備之計、進足以壯恢 四年三月,延州刺史溫撒可喜言:「近世河離故道,自衞東南而流,由徐、邳入海,以此, 一旦決之,恐故道不容,衍溢而出,分爲數河,不復可收。水分則淺狹易渡,天寒

六八二

輒 凍, 禦備愈難,此甚不可。」詔但令量宜減南岸郡縣居民之賦役。

五 年夏四月,勅樞密院,沿河要害之地,可壘石岸,仍置撒星椿、陷馬塹以備敵。

漕渠。

陽、衛 河,山東之北淸河,皆其灌輸之路也。 大名、恩州、景州、滄州、會川之境,漳水東北爲御河,則通蘇門、獲嘉、新鄉、衞州、濬州、黎 濟、會川 事 故常從事 海 凡 場,泝流而至通州,由 諸路瀕 見盧溝 金都於燕,東去潞水五十里,故爲牐以節高良河、白蓮潭諸水,以通山東、河北之粟。 縣、彰德、磁州、洛州之館,衡水則經深州會于滹沱,以來獻州、淸州之餉,皆合于信安 ,獻州及深州之武强,是六州諸縣皆置倉之地也。曰三其通漕之水,舊黃河行滑州 河。江三其後亦以牐河或通或塞,而但以車輓矣。 陸輓,人頗艱之。 河之城,則置倉以貯傍郡之稅,若恩州之臨淸、歷亭,景州之將陵、東光,淸州之興 通州入牐,十餘日而後至于京師。其它若覇州之巨馬河,雄州之沙 世宗之世,言者請開盧溝金口以通漕運,役衆數年,竟無成功, 然自通州而上,地峻而水不留,其勢易淺,舟膠不行,

之粟 苴而封之,先以付所卸之地,視與所封樣同則受。 其 制 ,春運以冰消行,暑雨畢。 秋運以八月行,冰凝畢**。** 凡綱船以前期三日修治,日裝一綱, 其綱將發也,乃合衆,以所載

分八釐、三年剋一分七釐、四年剋一分五釐、五年以上剋一分。 分,夏秋百一十四文。諸民戶射賃官船漕運者,其脚直以十分爲率,初年剋二分,二年剋一 七文八分,山路則春冬百四十九文,夏秋二百一文。凡使司院務納課傭直,春冬九十文三 毫,錢每貫三文九釐六毫。餘物每百斤行百里,平路則春冬百三十一文五分,夏秋百五十 漕脚直,水運鹽每石百里四十八文,米五十文一分二釐七毫,粟四十文一分三毫,錢則每貫 裝畢以三日啓行。計道里分泝流、沿流為限,至所受之倉,以三日卸,又三日給收付。凡輓 一文七分二釐八毫。陸運傭直,米每石百里百一十二文一分五毫,栗五十七文六分八釐四

塞,召問其故。主者云戶部不爲經畫所致。上召戶部侍郎曹望之,責曰:「有河不加濬,使 夫數萬,上曰:「方春不可勞民,令宮籍監戶、東宮親王人從、及五百里內軍夫,濬治。」 百姓陸運勞甚,罪在汝等。朕不欲卽加罪,宜悉力使漕渠通也。」五年正月,尚書省奏,可調 初,世宗大定四年八月,以山東大熟,詔移其粟以實京師。十月,上出近郊,見運河湮

近海之地,自大務清口幷咸平銅善館皆可置倉貯粟以通漕運,若山東、河北荒歉,卽可運以 明昌三年四月,尚書省奏:「遼東、北京路米粟素饒,宜航海以達山東。 昨以按視東京 二十一年,以八月京城儲積不廣,詔沿河恩獻等六州粟百萬餘石運至通州,輦入京師。

相濟。」制可。

第八

承安五年,邊河倉州縣,可令折納菽二十萬石,漕以入京,驗品級養馬於俸內帶支,仍

漕麥十萬石,各支本色。乃命都水監丞田櫟相視運糧河道。

百里,官吏取賄延阻,人不勝苦,雖近官監之亦然。遂命監察御史一員往來糾察之。 泰和元年,尚書省以景州漕運司所管六河倉,歲稅不下六萬餘石,其科州縣近者不下

五年,上至扇州,以故漕河淺澁,勅尚書省發山東、河北、河東、中都、北京軍夫六千,改

鑿之。犯屯田戶地者,官對給之。民田則多酬其價。

陽、內黃、黎陽、衞、蘇門、獲嘉、新鄉、汲、潞、武淸、香河、漷陰。 橋、將陵、東光、南皮、淸池、靖海、興濟、會川、交河、樂壽、武强、安陽、湯陰、臨漳、成安、滏 獻、深、衞、濬、滑、磁、洺、通。縣三十三:□□大名、元城、館陶、夏津、武城、歷亭、臨淸、吳 「管勾漕河事」,俾催檢綱運,營護堤岸。爲府三:大興、大名、彰德。州十二:恩、景、滄、淸、 爲名,姦弊百出。於是遂定制,凡漕河所經之地,州府官銜內皆帶「提控漕河事」,縣官則帶 六年,尚書省以凡漕河所經之地,州縣官以爲無與於己,多致淺滯,使綱戶以盤淺剝載

月,通濟河創設巡河官一員,與天津河同爲一司,通管漕河牐岸,止名天津河巡河

官,隸都水監。

八年六月,通州刺史張行信言,「船自通州入牐,凡十餘日方至京師,而官支五日轉脚

之費」,遂增給之。

貞祐三年、旣遷于汴,以陳、潁二州瀕水,欲借民船以漕,不便。 遂依觀州漕運司設提

舉官,募船戶而籍之,命戶部勾當官往來巡督。

匹 年,從右丞侯擊言,開沁水以便餽運。 上又念京師轉輸之勞,命出尚愿牛及官車,以

助 其力。

興定四年十月,諭皇太子曰:「中京運糧護送官,當擇其人,萬有一失,樞密官亦有罪

其船當用毛花輦所造兩首尾者,仍張幟如渡軍之狀,勿令敵知爲糧也。」

以紓 陝西行省把胡魯言:「陝西歲運糧以助關東,民力浸困,若以舟自渭入河,順流而下,可

民力。」遂命嚴其偵候,如有警,則皆維於南岸。

德府置通濟倉,設都監一員,以受東郡之粟。 時 ·朝廷以邳、徐、宿、泗軍儲,京東縣輓運者歲十餘萬石,民甚苦之。 元光元年,遂於歸

百 人以數日運 陝西地 定國軍節度使李復亨言:[18]「河南駐蹕,兵不可闕,糧不厭多。比年,少有匱乏即仰給 大慶關渡 腴歲豐,十萬石之助不難。 七千斛矣。 入河,東抵湖城,往還不過數日,篙工不過百人,使舟皆容三百五十斛,則是 自夏抵秋可漕三千餘萬斛,口五且無稽滯之患。」上從之。 但以車運之費先去其半,民何以堪。 宜造 大船二

時又於靈璧縣潼郡鎭設倉都監及監支納,以方開長直溝,將由萬安湖舟運入汴至泗,

以貯粟也。

焉。」命計之,當役千里內民夫,上命觅被災之地,以百官從人助役。 已而,勅宰臣曰:「山東 淤塞,積滓成淺,不能勝舟。其後,上謂宰臣曰:「分盧溝爲漕渠,竟未見功,若果能行,南路 卿等何爲慮不及此。」及渠成,以地勢高峻,水性渾濁。峻則奔流漩洄,齧岸善崩,濁則泥淖 十二年三月,上令人覆按,還奏「止可五十日」。上召宰臣責曰:「所餘三十日徒妨農費工, 月,省臣奏復開之,自金口疏導至京城北入壕,而東至通州之北,入潞水,計工可八十日。 歲飢,工役興則妨農作,能無怨乎。開河本欲利民,而反取怨,不可。其姑罷之。」十一年十二 諸貨皆至京師,而價賤矣。」平章政事駙馬元忠曰:「請求識河道者,按視其地。」竟不能行 大定十年,議決盧溝以通京師漕運,上忻然曰:「如此,則諸路之物可徑達京師,利孰大

至是復決,朝廷恐枉費工物,遂令且勿治。 二十五年五月,日也盧溝決於上陽村。 先是,決顯通案,詔發中都三百里內民夫塞之,

非曠土。不然則更立重牐,仍於岸上置埽官廨署,及埽兵之室,庶幾可以無虞也」。上是其 恐不足恃。儻遇暴漲,人或爲姦,其害非細。若固塞之,則所灌稻田俱爲陸地,種植禾麥亦 二十七年三月,宰臣以「孟家山金口牐下視都城,高一百四十餘尺,止以射糧軍守之,

夏四月丙子,詔封盧溝水神爲安平侯。

言,遺使塞之。

|) |利。 俱稱,亦便於觀望也。」遂從之。 民間自應爲耳。」左丞守貞言:「但恐爲豪右所占,況罔利之人多止東岸,若官築則東西兩岸 九年六月,復以涉者病河流湍急,詔命造舟,旣而更命建石橋。明昌三年三月成,勅命名曰 二十八年五月,詔盧溝河使旅往來之津要,令建石橋。未行而世宗崩。章宗大定二十 有司謂車駕之所經行,使客商旅之要路,請官建東西廊,令人居之。上曰:「何必然,

檢視其堤道。 行,不必補修玄同口以下、丁村以上舊堤。上命宰臣議之,遂命工部尚書胥持國及路鐸同 六月,盧溝堤決,詔速遏塞之,無令泛溢爲害。右拾遺路鐸上疏言,當從水勢分流以

滹沱河。

志第八 河渠

六八八

大定八年六月,滹沱犯真定, 命發河北西路及河間、太原、冀州民夫二萬八千,繕完其

堤岸。

十年二月,滹沱河創設巡河官二員。

十七年,滹沱決白馬崗, 有司以聞,韶遣使固塞,發真定五百里內民夫,以十八年二月

日興役,命同知眞定尹鶻沙虎、同知河北西路轉運使徐偉監護。

漳河。

大定二十年春正月,詔有司修護漳河牐,所須工物一切並從官給,毋令擾民

明昌二年六月,漳河及盧溝堤皆決,詔命速塞之。

四年春正月癸未,有司言修漳河堤埽計三十八萬餘工,詔依盧溝河例,招被水闕食人

充夫,官支錢米,不足則調礙水人戶,依上支給。

校勘記

[1] 十年三月拜宗敍爲參知政事 河南統軍使宗敍爲參知政事」。卷七一宗敍傳,「十年,召至京師,拜參知政事」,今據補 原脫「十年」二字。按本書卷六世宗紀,大定十年三月「戊午,以

- 劉瑋往行工部事 「工」原作「戶」。按本書卷九五劉瑋傳,「擢戶部尚書,時河決于衞……,詔兼
- 工部尚書往塞之」。今據改。
- 於是以南京府及所屬延津封丘祥符開封陳留胙城杞縣長垣 按金代無「南京府」之建置。 本書

陵時割隸滑州 卷二五地理志,南京路開封府屬縣十五,與此相較,僅無胙城。 ,泰和七年復隸南京,八年以限河來屬」。蓋金人習慣稱開封府爲南京,此處「府」 而衞州胙城下云,「本隸南京,海

字蓋是衍文。

- [B] 每工錢百五十文外 原脫「錢」字。 據殿本補。
- **五** 緣比來水勢去宜村堤稍緩 「比」原作「北」。據文義改。
- 【六〕後當築大堤「後」殿本作「復」。
- 〔七〕 先所修淸河舊堤已遣罷之 「已」殿本作「宜」。
- [K]如令南岸兩處疏決 「令」原作「今」。據文義改**。**
- [九] 未見功役之數 「數」疑是「效」字之誤。
- 宣宗貞祐三年十一月壬申 于宜村」。今據補。 申,遣參知政事侯擊祭河神于宜村」。卷一〇八侯擊傳,貞祐三年「十一月入見。壬申,遣祭河神 又此事依年月順敍當在下條「三年四月」之後。 原脫「十一月」三字。按本書卷一四宣宗紀,貞祐三年十一月「壬

是六州諸縣皆置倉之地也 尚有「滄州之淸池、南皮」,下接「及深州之武强」,六州之數具足。惟地理志于獻州屬縣皆不記 無縣名,當有脫文。本書卷二五地理志,河北東路滄州「淸池、置河倉。南皮,置河倉」,則所脫 按上文僅敍恩、景、淸、獻、深五州,與「六州」之數不合,「獻州」下

「置河倉」,究脱何縣,竟無可考。

事見盧溝河 「盧溝河」原作「漕渠」。按下文盧溝河條首記請開金口事,終言「竟不能行而罷」,

[1] 縣三十三 按下文列名者實得三十四縣。

與此相

合。

今據改。

定國軍節度使李復亨言 原脱「軍」字。按本書卷一六宣宗紀,元光元年「十一月丁未,大元兵

徇同州,定國軍節度使李復享……自盡」。今據補。

自夏抵秋可漕三千餘萬斛 斛。「千」當是「十」字之誤。 按上文言「百人以數日運七千斛」,則「自夏抵秋」可漕三十餘萬

二十五年五月 按本書卷八世宗紀作大定二十六年五月「戊子」。盧溝決於上陽村。」相差一年。

金史卷二十八

志第九

禮一

郊

析津,始乘金輅,導儀衞,陳鼓吹,其觀聽赫然一新,而宗社朝會之禮亦次第舉行矣。繼以 物、儀仗而北、時方事軍旅、未遑講也。旣而、即會寧建宗社、庶事草創。 海陵狼顧,志欲併吞江南,乃命官修汴故宮,繕宗廟社稷,悉載宋故禮器以還。外而黷武, 金人之入; 一也,時 宗承平日久,典章禮樂粲然備具。 金人旣悉收其圖籍,載其車輅、法 皇統間,熙宗巡幸

內而縱欲,其猷旣失,奚敢議禮樂哉。 世宗旣興,復收嚮所遷宋故禮器以旋,廼命官參校唐、宋故典沿革,開「詳定所」以議

志第

九

禮

六九一

者,爲何如也。 序,炳然如丹。又圖吉、凶二儀:鹵簿十三節以備大葬,小鹵簿九節以備郊廟。而命尚書左 百年者實此乎基。嗚呼,禮之爲國也信矣夫。而況關雎、麟趾之化,其流風遺思被於後世 右司、春官、兵曹、太常寺各掌一本,其意至深遠也。是時,宇內阜安,民物小康,而維持幾 至明昌初書成,凡四百餘卷,名曰金纂修雜錄。 禮,設「詳校所」以審樂,統以宰相通學術者,於一事之宜適、一物之節文,旣上聞而始彙次, 凡事物名數,支分派引,珠貫棋布,井然有

缺文則亦愼之。作禮志。 乎否耶,蓋莫得而考也,故宣孝之喪禮存,亦不復紀。噫,告朔餼羊雖孔子所不去,而史之 書,若夫凶禮則略焉。 存,僅集禮若干卷,其藏史館者又殘缺弗完,姑掇其郊社宗廟諸神祀、朝覲會同等儀而爲 尋,而其宰相<u>韓企</u>先等之所論列,禮官張暐與其子<u>行簡所私著自公紀,亦亡其傳。故書之</u> 宣宗南播,疆宇日蹙,旭日方升而爝火之燃,蔡流弗東而餘燼滅矣。圖籍散逸旣莫可 蓋自熙宗、海陵、衞紹王之繼弑,雖曰「鹵簿十三節以備大葬」,其行

<u>金之郊祀,本於其俗有拜天之禮。其後,太宗卽位,乃告祀天地,蓋設位而祭也。</u>

以後,始有南北郊之制,大定、明昌其禮寖備。

南郊壇,在豐宜門外,當闕之已地。圓壇三成,成十二陛,各按辰位。壝牆三匝,四面

各三門。齋宮東北,厨庫在南。壇、遺皆以赤土圬之。

北郊方丘,在通玄門外,當闕之亥地。方壇三成,成爲子午卯酉四正陛。方壝三周,四

面亦三門。

朝日壇日大明,在施仁門外之東南,當闕之卯地,門壝之制皆同方丘。

夕月壇日夜明,在彰義門外之西北,當闕之酉地,日祖地行之,爲壇其中。

常以冬至日合祀昊天上帝、皇地祇於圜丘,夏至日祭皇地祇於方丘,春分朝日於東郊,

秋分夕月於西郊。

止 宗,遂有三祖同配之禮。至宋,亦嘗以三帝配,後禮院上議,以爲對越天地,神無二主,由是 尊之也。兩漢、魏、晉以來,皆配以一祖。至唐高宗,始以高祖、太宗崇配。垂拱初,又加以高 祖,此所以祖配上帝也』。[三蓋配之者,侑神作主也。自外至者無主不止,故推祖考配天, 以太祖配。 大定十一年始郊,命宰臣議配享之禮。左丞石踞奏曰:「按禮記『萬物本乎天,人本乎 臣謂冬至親郊宜從古禮。」上曰:「唐、宋以私親,不合古,不足爲法。今止當

飾于國容,推本奉承,猶未遑于郊見。況天休滋至而年穀屢豐,敢不敷釋曠文、明昭大報。 取陽升之至日,將親享于圓壇,嘉與臣工,共圖熙事。以今年十一月十七日有事于南郊,咨 行,舊章咸在。仰惟太祖之基命,詔我本朝之燕謀,奄有萬邦,于今五紀。因時制作,雖增 宋主,據天下之正,郊祀之禮豈可不行。」乃以八月詔曰:「國莫大于祀,祀莫大于天,振古所 以太祖配。」又謂宰臣曰:「本國拜天之禮甚重。今汝等言依古制築壇,亦宜。 法 爾有司,各揚乃職,相予肆祀,罔或不欽。」乃於前一日,遍見祖宗,告以郊祀之事。 一駕鹵簿,躬詣郊壇行禮。 我國家絀遼、 其日,備

儀注。

齋戒:用唐制。大祀,散齋四日,致齋三日。中祀,散齋二日,致齋一日。

廟令丞、大樂令丞、太官令丞、良醞令、廪犧令、郊社丞、司尊、太祝、奉禮郎、協律郎、諸執事 西,[三] 監禮博士居東,皆相向。 官雖不 天 至七品者亦助祭受誓。又誓百官於尚書省。攝太尉南向,司徒北向, ·子親祀,皆前期七日,攝太尉誓亞終獻官、親王、陪祀皇族於宮省。 皇族十五以上, 太常卿、光祿卿在司徒後,重行北向。 司天監、光祿丞、太 監祭御史在

官皆重行西上北向。禮直官以誓文授攝太尉,乃誓曰:「維某年歲次某甲,某月,某日,某

甲,皇帝有事于南郊,各揚其職。 餘皆再拜,退。 誓於宮省之儀皆同。 其或不恭,國有常刑。」禮直官贊曰:「七品以下官皆退。」 於是,皇帝散 齋于別 殿。

氊褥,自玉輅下至升輿所 施 簾 於 前 楹下。 致 齋一 日,尚舍設御坐於大安殿,當中南向。 享前三日,陳設小次。 享前一日,設拜褥, 設東西房於御坐之側,設御幄於室內, 及皇帝版位、皇帝飮福位,及黃道

中跪 祀 宿 珮,俱詣閤奉迎。 事 於 ,則行,餘悉禁。 正寢、治事如故、不弔喪問疾、不判署刑殺文字、不決罰罪人、不與穢惡事。 奏:「臣某言,請降就齋。」俛伏,興,還侍位。 皇帝卽御座,東向 及致齋之日,通事舍人引文武五品以上官,陪位如式。 上水二刻,侍中版奏「外辦」。 已齋 坐。 而闕者,通攝行 通事舍人承傳、殿上下俱拜、訖、西面、贊「各祗 事。 皇帝服袞冕,結珮,乘輿出 皇帝降座,入室,羣官皆退。 諸侍衞之官,各服其器服,並結 候人。 :`,警蹕、侍衞 諸 致齋 執事 刻 領,侍 日 官皆 如常 了, 惟

次 宮東稍 陳設: 前祀 東向 南,西向 北 五 上,重行異位。 北 日,儀鸞、尙舍陳設齋宮。 上,宗室子孫位於其後。 又設天名房, 在壇南外壝門之東,西向。 有司設扈從侍衞次於宮東西。 叉設司 徒亞終獻行 事 執 事 官 大禮使次於其後, 次 又設陪祀 於 壇 南 外 親 壝 Ī

皆西向。又設席大屋於壇外西北,駐車輅以備風雪。

有 中境內戌位。 其屬,掃除壇之上下及壝之內外。乃爲燎位,在南中壝東門之東,壇之已位。又爲瘞坎,在 司設饌慢於東壝中門之北,南向。設兵衞,各服其器服,守衞壝門,每門二人。郊社令帥 祀 前 三日,尙舍設大次於東壝外門內道北,南向。 又設小次於壇下卯陛之北,南向。

瑟在前,匏竹在後,於壇下第一等上,皆重行異位,北向。又設宮縣樂南壝外門之外,八佾 陛之東, 柷一在鐘前稍北, 敔一在磬前稍北, 東西相向, 歌工次之, 餘工各位於縣後。 [四] 琴 舞表於樂前。又設采茨樂於應天門前。 **祀前二日,太樂令帥其屬,設登歌之樂於壇上稍南,北向。 玉磬在午陛之西,金鐘在午**

向。 社令、廪犧令、太官令、良醞令位於其後。 又設郊社丞、太祝、奉禮郎以下諸執事官位於其 位於小次之左少却、西向。又設分獻官、司天監、讀册中書侍郎位於中壝門道北、西向。 却、北向。 後,[三皆西向,重行異位。 禮部尙書、太常卿、光祿卿、禮部侍郎位各次之,太常丞、光祿丞又次之。又設 祀前一日, 又帥禮直官設亞終獻位於卯陛之東北,西向北上。 奉禮郎升設皇帝版位於壇上辰巳之間,北向。又設皇帝飮福位於其左稍 又設從祀文武羣官一品至五品位於中壝門內道南,西向,皆重 司徒位於卯陛之東,道南西 大禮使

陛之東 向。 位 俱 外 陛 叉設奉 九 行 於 壝 之 品品 立。 西 東 其 向 西 從 叉 陳 後 禮 北, 門之外 南,一員在子 **祀羣官,又於** 又設助奠祝史齋郎位於東境門外道北,西 叉設 禮 郎 皆西向。 監祭御 位 饌於饌牓之前案上 禮部 於 ,西向。 壇 史、監 南 尙 其 陛之西北、皆東向。 又設太樂令位於 書、太常卿 稍 饌牓於其北 南、皆西 東, 禮 博 士 西向。 向 於 光 禮 稍 重行 禄 部 西, 樂簾 卿 贊 異位, 尙 叉設 位於牲牓南稍 南 者次之。 書位 之間 向 監 各依 之西稍 稍 禮 牲牓 向。 東, 博 其 司 品。 士 之東, 尊位於酌尊所, 却, 西向。 又設陪祀 北 員,一員 又設監祭御史二員,公 北 西 牲位。 向。 向。 協律 皇族於道南 廪犧 在午陛之東南, 太常丞、 郎 太史、太祝各位 位 俱北 令位 於樂簾 在牲 向。 光 一西向。 藤 之西, 叉設 位 丞 西 於牲 太官 員在子 六 牲牓於 員 東向 品品 在 後, 北 令

位於 其後 叉設異寶嘉 丞、光祿丞、太官令位於其後,西向。 、其後。 未 天子 後 叉設 瑞位 刻,陳饌之時,又設禮部 八 寶 位 於宮 大 樂令位 於宮 縣 縣 西北,太府 於宮 西 南 縣 符 之北 寶 小 尚書、太常卿、 光祿 郎 監 叉設 稍 位 八員 東 於 監祭御 協律 各 寶 於 後 郎 寶 史、監禮 二在 諸州 後。 卿位於案前 伐國毀寶位於宮縣 歲貢位於宮縣 大 博士位於案 樂令 南, 東西相 稍 前 東 東 北北 稍 北 向 西 う月 東南 上,西 北 部 上, 向。 少 郎 府 中 東 位 少 向 於

司 天 監 一,未 後二 刻,同 郊社令升設昊天上帝 、皇地祇神座於壇上北 方南 向,地 在 東

六座、丘陵墳衍原隰三十座於內壝之內,衆星三百六十座在內壝之外,席皆以莞。神座版 帝、北極神座於壇上第一等,席皆藁秸。內官五十四座、五神、五官、嶽鎭海瀆二十九座於 稍却,席皆以藁秸。太祖配位座於東方西向,席以蒲越。五方帝、日、月、神州地祇、天皇大 各設於座首。又設禮神玉。俟告潔畢,權徹去壇上及第一等神位,祀日丑前五刻重設。日日 壇上第二等,□中官一百五十有八座、崑崙、山林川澤二十一座於壇上第三等,外官一百

四,在壇下午陛之南,北向西上。配位壺尊二、山罍四在酉陛之北,東向北上,皆有坫,設而 之東,俱北向西上,皆有坫,加勺、幂,爲酌尊所。又天、地位象尊各二、壺尊各二、山罍各 著尊各二、犧尊各二、山罍各二,壇上東南隅配位著尊二、犧尊二、象尊二,在天、地位酒尊 籩豆間。簠一簋一於登前,簠在左,簋在右。各於神座前藉以席。又設天、地位太尊各二、 不酌,亦左以明水,右以玄酒。 奉禮郎同司尊及執事者設天、地、配位各左十有一籩,右十有一豆,俱爲三行。登三在

澤二十一座,及內壝內外官一百六座,[10]丘陵墳衍原隰三十座,內壝外衆星三百六十座, 九座,每座箋二、豆二、簠一、簋一、俎一、爵坫一。第三等中官一百五十八座,崑崙、山林川 間, 簠一簋一在登前, 爵坫一在神座前。第二等內官五十四座, 五神、五官、嶽鎭海凟二十 又設五方帝、日、月、神州地祇、天皇大帝、北極,第一等皆左八籩、右八豆,登在籩豆

皆用 饌 第二 毎 叉 慢內 設 位箋二、豆二、簠一、簋一、俎一、爵一。 等毎 天 匏爵,先洗拭訖, 二 地 陛山 及 (配位 .尊二,第三等每位蜃尊二,內壝內外每辰槪 籩 置於尊所, (豆一、簠 一、簋一、俎四、及毛血豆各一,并第一等神位每位 其尊所皆在神 又設第一等每位太尊二、著尊二, 位之左。 凡祭器皆藉以席,籩豆 尊二,[1]皆加勺。 自第二等已下 皆有坫加勺。 各加 俎 二,於 巾蓋。

肆, 實 在 洗 玉 加巾。 爵站。 左,篚在洗 又設皇帝洗二於卯陛下,道北,南向。 叉設第一 又設亞終獻洗位在小次之東, 右,俱內向,執罍篚者位 等分獻官盥洗 . 爵洗位,及第二等分獻官盥洗位,各於其辰陛道之左,罍 於其後 南向。 盥洗在東,爵洗在西,匜在東,巾在 盥洗在東, 爵洗在 西, 加 勺。 西。 篚 在 篚 西,南 一南肆,

於 以 祇 匣。 白號,黑帝以玄璜,北 以黄琮、黄幣,配位 太府 五 帝之幣各從其方色。 監 少少 府監祀 一、以蒼幣,黃帝以黃琮,青帝 前 極 以青珪壁, 日未後二 凡幣皆陳於篚。 刻,帥 天皇大帝以玄珪 其屬升壇 設訖,俟告潔訖權徹 以 靑 陳 注,赤帝 壁, 玉幣。 神州 以赤璋, 昊天上帝以蒼璧、蒼幣, 地 祇 去,祀 以玄色兩 大明以 日 重 青 珪 設。 注壁, 有邸 皇地

於宮縣 祀 H 東 丑: 北, 前 五. 金爲前列,玉帛次之,餘爲從列,皆藉以席,立於歲貢之後, 刻 禮部設配 册神 座之右,皆藉 以 案。 太常卿明燈燎。 戶部郞 北 向。 中 設諸 太府監 州

監設伐國毀寶於宮縣東南,皆藉以席,立於寶後,北向。符寶郞設八寶於宮縣西南,各分立 少府監設異寶嘉瑞於宮縣西,北上,瑞居前,中下次之,皆藉以席,立於寶後,北向。少府少

於寶南,皆北向。司天監、太府監、少府監、郊社令、奉禮郞升設昊天上帝、皇地祇、配位、及

>>>等三行,以右爲上,形鹽在前,魚鱅次之,第二行乾養在前,桃棗次之,第三行乾芡在前,榛 之。豆三行,以左爲上,芹菹在前,筍菹葵菹次之,第二行韭菹在前,菁菹魚醢兔醢次之,第 寨。豆二,鹿臡、菁菹。俎,羊一段。內壝內、內壝外每位籩鹿脯,豆鹿臡,俎羊一段。 實應脯次之。豆三行以左爲上,芹菹在前,筍菹次之,第二行菁菹在前,韭菹魚醢次之,第 壇上第一等神座,又設玉幣,各於其位。 魚繡糗餌次之,第二行榛實在前,乾桃乾藤乾棗次之,第三行乾菱在前,乾芡乾栗鹿脯次 三行豚胉在前,醓醢鹿臡次之。ᠬᠴ簠黍,簋稷,豋大羹。第二、第三等每位籩二,鹿脯、乾 三行豚胉在前,醓醢酏食鹿臡次之。簠黍,簋稷,豋皆大羹。第一等壇上一十位,每位皆實 光祿卿帥其屬入實祭器。昊天上帝、皇地祇、配位每位箋三行,以右爲上,形鹽在前, 太祝取瘞玉加於幣,以禮神之玉各置於神座前,

犪尊次之,實以盎齊;象尊次之,實以醍齊;壺尊次之,實以沈齊; 山罍爲下,實以三酒。 配 良醞令帥其屬入實尊罍,昊天上帝、皇地祗大尊爲上,實以汎齊,著尊次之,實以體齊,

罍爲下,實以三酒。第一等每位大尊實以汎齊,著尊實以醴齊。 位著尊爲上,實以汎齊,犧尊次之,實以體齊,象尊次之,實以盎齊,壺尊次之,實以醍齊,山 三等及內壝內,蜃尊實以汎齊。內壝外及衆星,概尊實以三酒。 第二等山尊實以醍齊。

及 濯滌,執事者皆舉幂告潔,俱畢,降復位。禮直官稍前曰:「告潔畢,請省牲。」禮部尚書侍郎 遠東門外省牲位。 立定,乃引禮部尚書、侍郎、太常丞、及監祭御史、監禮博士升自卯階,**視** 書、太常卿、光祿卿、禮部侍郎、太常丞、監祭御史、監禮博士、廪犧令、太官令、太官丞詣內 壇之上下,司尊、奉禮郎帥執事者以祭器入,設於位。 司天監設神位,太府監、少府監陳玉 西向 幣於篚。 定,省饌,訖,禮直 曰「備訖」,乃復位。 、太常卿丞稍前,省牲訖,退,復位。次引光祿卿丞巡牲一匝,光祿卿退,光祿丞西向折身 詣厨,授太官令丞。 躬身曰「腯」。 省牲器: 祀前一日午後八刻, 去壇二百步禁止行人。未後二刻, 郊社令丞帥其屬掃除 未後三刻,禮直官引廪犧令與諸太祝、祝史以牲就位。又禮直官贊者分引禮部尚 |官引禮部尚書侍郞、太常卿丞各還齋所,餘官廪犧令與諸太祝祝史以次 畢, 俱復位。 次引廪犧令巡牲一匝,西向躬身曰「充」,又引諸祝史巡牲一匝,首一員 次引光祿卿丞、監祭、監禮詣厨,省鼎鑊,視滌濯畢,乃還齋所。 禮直官稍前曰「請省饌」。乃引禮部尚書以下各就位,立

史乃取瘞血貯於盤。

晡後 一刻,太官令帥宰人以鸞刀割牲,祝史各取毛血實以豆,置於饌幔。 遂烹牲。 祝

終獻,次於其位。 者、禮直官分引監祭御史、監禮博士,按視壇之上下,糾察不如儀者,退復位。禮直官引司 徒入就位,西向立。禮直官引博士,博士引亞獻,自東壝偏門入就位,西向立。又禮直官引 壇南重行西上、北向立定。奉禮郞贊「拜」,分獻官以下皆再拜,訖,奉禮贊曰「各就位」。贊 祭御史、監禮博士、諸執事及太祝、祝史、齋郎、助奠、執尊罍、舉幂等官,入自中壝東門,當 各就其位。歌、擊、彈者坐,吹者立。奉禮郞贊者先入就位,餘禮直官、贊者分引分獻官、監 縣前表後,武舞八佾各爲四佾立於宮縣左右,引舞執纛等在前,又引登歌樂工由卯陛而升, 豆簠簋尊罍,俟監祭、監禮案視訖,徹去巾蓋。 大樂令帥工人布於宮縣之內,文舞八佾立於 設壇上及第一等神位。太府監、少府監陳玉幣。太常卿、郊社令丞明燭燎。光祿卿丞實籩 奠玉幣:祀日丑前五刻,亞終獻司徒已下,應行事陪從羣官,各服其服就次。司天監復

辦」。俟尙輦進輿,乃跪奏稱「具官臣某,請皇帝降座升輿」。皇帝至大次,乃跪奏稱「具官臣 祀日未明一刻,通事舍人引侍中詣齋殿,跪奏「請中嚴」,**俛伏,興。**又少頃,乃跪奏「外

少退,又奏「請再拜」。詣皇地祇及配位,奠鎭圭玉幣,並如儀。「三配位唯奏請奠鎭圭及幣。 圭,俛伏,興。 侍中進玉幣,乃奏「請搢大圭、跪奠玉幣」。 訖,乃奏「請執大圭」, 俛伏, 興。 搢大圭、執鎭圭」。 皇帝執鎭圭, 詣昊天上帝神座前,奏「請跪, 奠鎭圭」。 皇帝奠,訖,執大 盥手」。訖,奏「請帨手」,皇帝帨手,訖,奏「請執大圭」。乃引至壇上,殿中監進鎭圭,乃奏「請 別一員,乃升煙瘞血,訖,乃奏「拜」,訖,俟侍中升壇,請詣盥洗位。□□至位,奏「請搢大圭、 向立,太常卿乃與博士分左右立定,乃奏「有司謹具,請行事」。降神,六成,樂止。太常卿 次,乃前導至中壝門,殿中監進大圭,太常卿奏「請執大圭」。 入自正門,皇帝入小次位,西 辨」。訖,太常卿乃當次前跪稱「具官臣某,請皇帝行事」,俛伏,興。凡跪奏,准此。 某,請皇帝降輿」。皇帝入次,卽位於大次外。質明,詣次前跪奏「請中嚴」,少頃,又奏「外 奠玉幣畢,皇帝還版位,乃奏「請還小次、釋大圭」。皇帝入小次,乃立於小次之南稍 皇帝出

東,以俟。

豆入,各由其陛升,諸太祝迎取於壇上,奠訖,退立於尊所。 本陛降,復位。初,分獻將降也,禮直官引諸祝史、齋郎、應助奠者再拜,祝史各奉毛血之 其陛升,唯不由午陛。詣神前,搢笏,跪,太祝以玉幣授之,奠訖,俛伏,興。再拜,訖,各由 皇帝將奠配位之幣也,贊者分引第一等分獻官詣盥洗位,搢笏、盥手、帨手、執笏,各由

脊各一,長脅二、短脅二、代脅二,凡十一體。

「三牛豕皆三十斤,羊十五斤,魚十五頭一十五 各陳於每位饌幔位。從配壇上第一等五方帝、大明、夜明、天皇大帝、神州地祇、北極,皆羊 太官令丞帥進饌者詣厨,以匕升牛羊豕魚,自鑊各實於鼎。牛羊豕皆肩、臂、臑、肫、胳、正 在下端,脊脅在中,魚卽橫置,頭在尊位,設去鼎幂。光祿卿丞同太官令丞實變豆簠簋,箋 豕之體並同。 光祿卿帥祝史、齋郎、太官令丞各以匕升牛羊豕魚於俎,肩臂臑在上端,肫胳 進熟:奠玉幣訖,降還小次。有司先陳牛鼎三、羊鼎三、豕鼎三、魚鼎三,各在鑊右。

昊天上帝位,司徒搢笏北向跪奉,粉餈籩在糗餌之前,糝食豆在醓醢之前,簠左簋右,皆在 以次出、訖、司徒與薦籩豆簠簋俎齋郎、奉昊天上帝、皇地祇之饌、升自午陛。太官令丞與 **豋前,牛俎在豆前,羊豕魚俎次之,以右爲上。司徒俛伏,興,奉饌者奉訖,皆出笏就位,一** 配 實以粉餈,豆實以糝食,簠實稻,簋實粱。 位之饌。司徒帥太官令以序入內壝正門,樂作,至壇下,俟。祝史進徹毛血豆,降自卯陛, 豆簠簋俎齋郎,奉配位及第一等神位之饌,升自卯陛。各位太祝迎於壇陛之道間。於 俟皇帝還小次,樂止。禮直官引司徒出詣饌幔所,與薦籩豆簠簋俎齋郎,各奉天、地、

拜。一 官令帥奉第一等神位之饌,各於其位,並如前儀。 司徒次詣皇地祗奉奠,並如上儀。 配位亦同。 **俱畢,樂止。** 司徒及奉天、地、配位饌者以次降。太 司徒、太官令以下皆就位,

訖,侍中升自卯陛,立於昊天上帝酌尊所,以俟。

俛伏,興。 又奏「請少退」,立俟。中書侍郎讀册文,訖,乃奏「請再拜」。 前,侍中進爵,乃奏「請搢大圭,跪執爵三祭酒」,訖,奏「請奠爵」。 訖,奏「請拭爵」。皇帝拭爵,訖,奏「請執大圭」,以爵授奉爵官。 訖,奏「請執大圭」。乃詣爵洗位。至位,奏「請搢大圭、受爵」,又奏「請洗爵」。皇帝洗爵, 並如上儀。 **爵**,良醞令舉幂,侍中跪酌太尊之汎齊,酌訖,皇帝以爵授侍中。 乃奏「請執大圭」。 太常卿乃當次前俛伏,跪奏「請皇帝詣盥洗位」,俛伏,興。皇帝出次,殿中監進大圭, 獻畢,皇帝還版位,乃奏「請還小次,釋大圭」。皇帝入小次,太常卿立於小次 至盥洗位,奏「請搢大圭、盥手」。皇帝盥手,訖,奏「請帨手」。 皇帝詣昊天上帝酌尊所,執 奠爵訖,奏「請執大圭」。 皇帝乃詣昊天上帝神座 皇帝帨手,

笏執爵。 爵,訖,以爵授執事者,執笏升自卯陛,詣昊天上帝酌尊所,西向立。執事者以爵授之,乃搢 禮 直官引博士,博士引亞獻,詣盥洗位,搢笏、盥手、帨手,訖,詣爵洗位,搢笏、洗爵、拭 執尊者舉幂,良醞令跪酌著尊之醴齊,酌訖,復以爵授執事者,執笏詣昊天上帝神

志

第

座前。 以爵授之,乃執爵三祭酒,奠爵,執笏,俛伏,興,少退,再拜。次詣皇地祇及配位,並如上 初,亞獻至盥洗位,文舞退,武舞進,樂作。 亞獻詣昊天上帝神座前, 搢笏跪, 執事者

儀。獻畢,降復位。

陛,唯不由午陛,詣神位酌尊所,自以執事者以爵授之,乃酌汎齊,訖,以爵授執事者,共詣神 初,終獻將升壇,禮直官分引第一等分獻官詣盥洗位,搢笏,盥手,帨手。執笏,各由其 禮直官引博士,博士引終獻,詣盥洗位,盥手,洗爵,升壇奠獻,並如上儀。

座前,搢笏跪,執事者以爵授之,乃執爵三祭酒,奠爵,執笏,俛伏,興,少退,再拜,訖,各引

還本位。

搢笏、盥手、帨手、酌酒、奠拜,並同上儀。 祝史、齋郞以次助奠,訖,各還本位。 諸太祝各進 徹籩、豆各一,少移故處,樂作。 卒徹,樂止。 初,第一等分獻官將升,贊引引第二等、第三等、內壝內外衆星位分獻口也各詣盥洗位,

又奏「請再拜」,訖,乃導還版位,西向立,俟送神樂止。乃奏「請詣望燎位」,至位,南向 「請受胙」。侍中再以爵酒進,乃奏「請受爵飮福」。皇帝飮福,訖,奏「請執大圭」。俛伏,興。 中監進大圭。[15]乃奏「請執爵,三祭酒」,又奏「請啐酒」。皇帝啐酒,訖,以爵授侍中,乃奏 初,終獻禮畢,降復位,太常卿乃當次前俛伏,跪奏「請皇帝詣飮福位」。皇帝出次,殿

立,俟火半柴,乃跪奏「具官臣某言禮畢」。 入大次。 皇帝還大次,出中壝門外,奏「請釋大圭」,皇帝

唱曰「再拜」,在位者皆再拜,送神,樂一成止。 太常卿奏「請皇帝搢大圭啐酒」。訖,司徒乃進胙俎,皇帝受胙,訖,奉禮郎贊曰「賜胙」,贊者 俎,皆取前脚第二節,又以黍稷飯共置一 初,終獻禮畢,司徒、侍中、太祝各升自卯陛,太祝持胙俎進,滅天、地、配位前胙肉加於 **籩**,奉詣司徒侍中後,北向立。俟皇帝至飮福位,

上馬」。 **訖**,擇日稱賀。 隊齊作。 車右升」,千牛將軍升訖,跪奏稱「具官臣某請車駕進發」。 前跪奏,稱「具官臣某請車駕進發」。至侍臣上馬所,乃跪奏「具官臣某請車駕少駐,勅侍臣 皇帝旣入大次,更通天冠、絳紗袍,升輿,至齋宮,乘金輅。 侍中稱「制可」,乃退,傳制稱「侍臣上馬」。 應行禮陪從祀官先詣應天門奉迎,再拜。 侍臣上馬畢,乃跪奏,稱「具官臣 大樂令先詣應天門外, 車駕動,前中後三部鼓吹凡十二 通事舍人引門下侍郎當輅 准備奏樂如儀 某請勅

承安元年,將郊,禮官言:「禮神之玉當用眞玉,燔玉當用次玉。 昔大定十一年,天、地

恐有 郊, 北 禮典瑞云『以圭 極二位,固宜用禮神之玉及燔玉也。」上命俱用眞玉 自第二等升天皇大帝、北極於第一等,前八位舊各有禮玉燔玉,而此二位尚無之。 一皆以次玉代之,臣等疑其未盡。 時或闕,反失禮制。 |壁祀日月星辰』,近代禮九宮貴神、大火星位,猶用周禮之說。 若從近代之典及本朝儀禮,眞玉禮神,次玉 禮貴有恒,不能繼者不敢以獻。 |燔瘞,於禮 若燔眞玉, 其天皇大帝、 爲當。 常祀 按周 近代 用之

犢 皆大祀,亦當用犢,當時止以羊代。 祀,籩豆尙多者以備陰陽之物, 地日月星辰之位皆用一 一,餘位以羊豕分獻,及朝享太廟則用犢十二。」上從之。 省臣又奏:「前時郊、天、地、配位各用一 俎,前時第一 鼎俎 第二等以下從祀神位則分封羊豕 等神位偏用二俎,似爲不倫。 尚少者以人之烹薦無可 犢、五方帝、日、月、神州、天皇大帝、北極 以 稱其德, 今第一等神位亦當各用 以獻 則貴 質 竊意 m 틴 故天 干位 地之

校勘記

- 一〕當闕之酉地 原脫「之」字。據本志文例補。
- [1] 此所以祖配上帝也 按禮記郊特性,「配」上無「祖」字。
- 監 祭御 史在西 「祭」原作「察」。 按本書卷五五百官志,御史臺、監察御史掌「監祭禮 故本志

皆稱「監祭御史」。今參考本書卷二九禮二方丘儀改正。

- 23 *___* 歌工次之餘工各位於縣後 她祇於方丘,禮文與此多同,云「歌工次之,餘工各位於懸後」。今據改。 「次之」原作「之次」、「位」原作「立」。按大金集禮卷一一皇帝祭皇
- 五 }考 又設郊社丞太祝奉禮郎以下諸執事官位於其後 卷一 七引此文有「位」字。 今從補 原脫「位」字。按清秦蕙田五禮通考以下簡稱秦
- 叉設監祭御史二員 「祭」原作「察」。按下文已作「監祭御史」,今改,參見本卷校記〔三〕。
- フセン 叉設奉 禮郎位於壇南稍東 原脫「位」字。 按秦考卷一七引此文有「位」字。今從補
- 例補 於壇上 第二等 原脫「上」字。按上文言「於壇上第一等」,下文亦言「於壇上第三等」,今依文
- 一九山 祀日丑前五刻重設 幣」亦云「祀日丑前五刻」。今據補一「丑」字。 原脫 「丑」字。按下文「祀日丑前五刻,禮部設祝册神座之右」。又「奠玉
- 外官一百六座 位、元史卷七二祭祀志亦皆謂此處「外官一百六座」,今據删 「六」下原衍「十」字。按上文已記有「外官一百六座」。政和五禮新儀卷一
- 第三等每位蜃尊二內壝內外每辰概尊二 第三等及內壝內,蜃尊實以汎齊。 內壝外及衆星,概尊實以三酒」。 此處文有脫誤。按下文 可以參考。 「良醞 今帥其屬入 實尊

- **醓醢鹿臡次之** 「醓醢」下原衍「次之」二字。秦考卷一七引此文無。今據删。
- [1]] 俟侍中升壇請詣盥洗位 原脫「請」字。據殿本補。
- [12] 並如儀 按殿本「儀」上有「上」字。
- (三) 凡十一體 按以上所列牲體與十一之數不合,儀禮少牢饋食禮,「肩、臂、臑、膊、胳,正脊一、

脠脊一、横脊一,短脅一、正脅一、代脅一皆二骨以並」,爲十一體。此處「正脊」下脫「脡脊、横

脊」四字。

- **詣神位酌尊所** 「詣」原作「諸」。按奏考卷一七引此文作「詣」。今從改。
- 贊引引第二等第三等內境內外衆星位分獻 按「贊引引」當作「贊者分引」、「分獻」下當有「官」

字。

〇〇 殿中監進大圭 按此下有脫文。

金史卷二十九

志第十

禮二

方丘儀 朝日夕月儀 高禖

方丘儀。

就位,初獻讀誓曰:「今年五月幾日夏至,祭皇地祗於方丘,所有攝官,各揚其職。 彝,次內壝內外分獻官、太祝官、奉禮郎、協律郎、諸執事官, 就位,立定。 次禮直官引初獻 次第一等分獻官、司天監,次第二等分獻官、光祿丞、郊社令、大樂令、良醞令、廪犧令、司尊 西,東向,監禮博士位於東,西向,俱北上。司徒亞、終獻位於南,北向。 齋戒:祭前三日質明,有司設三獻以下行事官位於尙書省。 初獻南面,監祭御史位於 次光祿卿、太常卿, 其或不

志第

+

禮

祠

寢,治事如故。 敬,國有常刑。」讀畢,禮直官贊「七品以下官先退」,餘官對拜,訖,退。 齋禁並如郊祀。 守壝門兵衞與大樂工人,俱淸齋一宿。 行禮官前期習儀於 散齋二日,宿於正

陳設: 祭前三日,所司設三獻官以下行事執事官次於外壝東門之外,道南,北向,西

隨地之宜。又設饌幕於內壝東門之外,道北南向。

於壇上,如郊祀。郊社令帥其屬,掃除壇之上下,爲瘞坎在內壝外之壬地 祭前二日,所司設兵衞,各服其服,守衞壝門,每門二人。大樂令帥其屬,設登歌之樂

藁秸。 崙、山林川澤二十一座於內壝之內,又設丘陵墳衍原隰三十座於內壝外,席皆以莞。 席 以藁秸。 祭前一日,司天監、郊社令各服其服,帥其屬,升設皇地祗神座於壇上北方,南向,席以 又設配位神座於東方,西向,席以蒲越。 叉設五 一神、五官、 嶽鎭海瀆二十九座於第二等階之間,[1]各依方位。 又設神州地祗神座於壇之第一等東南方, 叉設崑

北 川 北北 (設神位版,各於座首。 林、北川、北澤、於內壝內,北丘、北陵、北墳、北衍、北原、北隰於內壝外,皆各爲一 子陛之西,水神玄冥、北嶽、北鎭、北海、北瀆 於壇之第二等,

列,以東爲上。

卯陛之北,木神勾芒,東嶽、長白山、東鎭、東海、東瀆於壇之第二等,東山、東林、東川、

東澤於內壝內,東丘、東陵、東墳、東衍、東原、東隰於內壝外,皆各爲一列,以南爲上。

南山、南林、南川、南澤於內壝內,南丘、南陵、南墳、南衍、南原、南隰於內壝外,皆各爲一 午陛之東,神州地祗於壇之第一等,火神祝融,南嶽、南鎭、南海、南瀆於壇之第二等,

午陛之西、土神后土、中嶽、中鎭於壇之第二等、中山、中林、中川、中澤於內壝內、中

列,以西爲上。

丘、中陵、中墳、中衍、中原、中隰於內遺外,皆各爲一列,以南爲上。

澤於內壝內,西丘、西陵、西墳、西衍、西原、西隰於內壝外,皆各爲一列,以北爲上。 酉陛之南,金神蓐收、西嶽、西鎭、西海、西瀆於壇之第二等,崑崙、西山、西林、西川、西

其皇地祇、及配位、神州地祇之座,幷禮神之玉,設訖,俟告潔畢權徹,祭日早重設。其

第二等以下神座,設定不收。

向。太常卿、光祿卿位次之。[三]第一等分獻官、司天監位於其東,光祿丞、郊社令、太官令、 奉禮郎、禮直官又設三獻官位於卯陛之東稍北,西向。司徒位於卯陛之東,道南,西

廪犧令位又在其東,每等異位重行,俱西向北上。

又設太祝、奉禮郎及諸執事位於內壝東門外道南,每等異位重行,俱西向北上。設監

祭御史二位,一於壇下午陛之西南,一於子陛之西北,俱東向。設監禮博士二位,一於壇下 北,東向。大樂令位於樂簾之間,西向。司尊彝位於酌尊所,俱北向。設望瘞位坎之南, 午陛之東南,一於子陛之東北,俱西向。奉禮郎位於壇之東南,西向。協律郎位於樂簴西

西、太常卿、光祿卿、太官令位於牲北、南向、西上。監祭、監禮位在太常卿之西稍却、西上。 廪犧令位於牲西南,北向。 又設牲牓位於內壝東門之外,西向。太祝、祝史各位於牲後,俱西向。設省饌位於牲

令位在東,西向,監祭、監禮位在西,東向,俱北上。 設祝版於神位之右。 又陳禮饌於內壝東門之外,道北,南向。設省饌位於禮饌之南。太常卿、光祿卿、太官

北、東向北上、皆有坫、加幂、設而不酌。神州地祇位左八箋、右八豆、登一在箋豆間、簠一、 之位,皇地祇太尊二、著尊二、犧尊二、山罍二,在壇上東南隅。配位著尊二、犧尊二、象尊 有十一豆,俱爲三行。登三,在籩豆間。鉶三,在豋前。簠一、簋一,各在鉶前。又設尊罍 二、山罍二,在正位酒尊之東,俱北向西上,皆有坫,加勺、幂,爲酌尊所。又設皇地祇位象尊 二、壺尊二、山罍四,在壇下午陛之西,北向西上。 〔三〕配位犧尊二、壺尊二、山罍四,在酉陛之 司尊及奉禮郎帥其屬,設玉幣篚於酌尊所,次及籩豆之位。正、配位各左有十一籩、右

簋一在豋前,舒坫一,在神座前。

設正、配位箋一、豆一、簠一、簋一、俎三、及毛血豆一、幷神州地祇位俎一,各於饌幕內。 箋一、豆一、簠一、簋一、俎一、爵坫一。 陳列皆與上同。又設神州地祇太尊二、著尊二、皆 有站。第二等諸神每方山尊二,內壝內每方蜃尊二,內壝外每方概尊二,四皆加勺、幂。又 又設第二等諸神位每位箋二、豆二、簠一、簋一、俎一、爵坫一。內壝之內外諸神每位

盥洗位,各於其方道之左,罍在洗左,篚在洗右,俱內向。執罍篚者各於其後。「云 實以巾。爵洗之篚實以匏爵,加坫。又設第一等分獻官盥洗爵洗位,至第二等以下分獻官 又設二洗於壇下卯陛之東,北向,盥洗在東,爵洗在西,並有罍加勺。篚在洗西,南肆,

以黃色,神州地祇幣以玄色,五神、五官、嶽鎭海瀆之幣各從其方色,皆陳於篚。太祝取瘞 於第一等。又設玉幣,皇地祇玉以黃琮,神州地祇玉以兩圭有邸,皆置於匣。正、配位幣並 加於幣,於禮神之玉各置於神座前。 祭日丑前五刻,司天監、郊社令帥其屬,升設皇地祇及配位神座於壇上。設神州地祇座

以左 |為上,其實並如郊祀。 豋實以大羹,簠實以稷,簋實以黍。 第二等每位,左二籩,栗在 光祿卿帥其屬,入實正、配位籩豆。籩三行以右爲上,豆三行以左爲上,其實並如郊

志第

前,鹿脯次之。右二豆,菁菹在前,庭臡次之。簠實以稷,簋實以黍。俎,一羊、一豕。內壝 內外每位,左籩一,應脯。右豆一,應臡。簠稷,簋黍,俎以羊。

位,著尊爲上,實以汎齊。犧尊次之,實以體齊。象尊次之,實以盎齊。壺尊次之,實以醍 酒尊,太尊爲上,實以汎齊。著尊次之,實以醴齊。第二等,山尊實以醍齊。內壝內,蜃尊 次之,實以盎齊。象尊次之,實以醍齊。壺尊次之,實以沈齊。山罍爲下,實以三酒。 實以汎齊。內壝外,概尊實以三酒。以上尊皆左以明水,右以玄酒,皆尙醞代之。太常卿 山罍爲下,實以三酒。皆左實明水,右實玄酒,皆尙醞代。次實從祭第一等神州地祇 良醞令帥其屬,入實酒尊。皇地祇太尊爲上,實以汎齊。著尊次之,實以醴齊。犧尊

設燭於神座前。

官令等詣內壝東門外省牲位。其視滌濯、告潔、省牲饌,並同郊祀。俱畢,廪犧令、諸太祝、 之上下。司尊與奉禮郎,帥執事者以祭器入,設於位。郊社令陳玉幣於篚。未後三刻, 廪 祝 **犧令與諸太祝、祝史,以牲就省位。禮直官、贊者分引太常卿,光祿卿、丞,**[也] 監禮、祭,太 史以次牽牲詣厨,授太官令。次引光祿卿以下詣厨,省鼎鑊,視滌漑,乃還齋所。晡後一 省牲器:祭前一日午後八刻,去壇二百步禁止行者。未後二刻,郊社令帥其屬,掃除壇

刻,太官令帥宰人以鸞刀割牲, 祝史各取毛血, 實以豆, 置於饌幔。 **遂烹牲,**又祝史取瘗血

貯於盤。

就壇陛上下位。次引監祭、監禮按視壇之上下,訖,退復位。 東門、當壇南、重行、北向、西上、立定。奉禮郎贊「拜」、獻官以下皆再拜、訖,以次分引各 入。禮直官、贊者分引分獻官以下,監祭、監禮、諸大祝、祝史、齋郎與執事者,入自南壝 豆簠簋尊罍,俟監祭、監禮按視壇之上下,乃徹去蓋幂。大樂令帥工人,及奉禮郎、贊者先 奠玉幣:祭日丑前五刻,獻官以下行事官,各服其服。 有司設神位版,陳玉幣,實箋

樂作坤寧之曲,八成,偃麾,戞敔,樂止。俟太常卿瘞血,訖,奉禮郞贊「拜」,在位者皆再拜。 位太祝亦各取玉幣立於尊所。 之左,白曰「有司謹具,請行事」。退復位。協律郎高舉笏,執麾者舉麾,俛伏,興。工皷柷, 又贊「諸執事者各就位」,禮直官引諸執事各就其位俟。太祝跪取玉幣於篚,立於尊所。諸 禮直官分引三獻官以下行事官俱入就位。行禮官皆自南壝東門入。禮直官進立初獻

詣壇,樂作肅寧之曲。 禮直官引初獻詣盥洗位,樂作肅寧之曲。至位,北向立,樂止。搢笏,盥手,帨手,執笏, 凡初獻升降,皆作肅寧之曲。升自卯階,至壇,樂止。詣皇地祇神座

訖,執笏,俛伏,興,再拜,訖,樂止。次詣配位神座前,東向立,樂作億寧之曲,奠幣如上儀, 北向立,樂作靜寧之曲。 搢笏,跪。 太祝加玉於幣, 西向跪以授初獻。 初獻受玉幣奠

樂止。降自卯陛,樂作,復位,樂止。

神州地祗神座前,搢笏,跪。太祝以玉幣授分獻官,分獻官受玉幣,奠訖,執笏,俛伏,興,再 初獻將奠配位之幣,贊者引第一等分獻官詣盥洗位,搢笏,盥手,帨手,執笏,由卯陛詣

拜 説 退。

獻奠幣將畢,祝史奉毛血豆,各由午陛升,諸太祝迎於壇上,進奠於正、配位神座前,太祝與 唯不由午陛,詣於首位神座前,[亞] 奠幣如上儀。餘以次祝史、齋郎助奠訖,各引還位。初 初,第一分獻官將升,贊者引第二分獻官詣盥洗位,盥手,四、帨手,執笏,各由其陛升,

祝史俱退,立於尊所。

進饌者詣厨,以匕升牛、羊、豕,自鑊實於各鼎。 牛、羊、豕各肩、臂、臑、肫、胳、正脊一、横脊 於饌幔內。從祀之俎實以羊,更陳於饌幔內。 一、長脅一、短脅一、代脅一,皆二骨以並,[10]幂之。 祝史以扃各對舉鼎,有司執匕以從,陳 進熟:初獻旣升奠玉幣。有司先陳牛鼎二、羊鼎二、豕鼎二於神厨,各在鑊右。

神州 之扃 卯陛奉配位之饌,東向跪奠於神座前,並如 跪奠、訖,執笏,俛伏,興、設箋於糗餌之前,豆於醓醢之前,簠簋在登前,俎在箋前。[三]次於 饌,升自卯陛,諸太祝各迎於壇上。 司徒詣皇地祇 俟初獻還位, 幂,七加 地祇之饌、升自卯陛、太祝迎於壇陛之道間、奠於神座前、在籩前、三言訖、樂止。太官令 禄 ,卿實以籩豆簠簋。[11]籩實以粉餈,豆實以糝食,簠實以稷,簋實以黍。 於鼎。 樂止。禮直官引司徒出詣饌所, 太官令以匕升牛羊豕,載於俎,肩臂臑在上端,肫胳在下端,脊脅在中。 上儀。 同薦箋豆簠簋俎。 各降自卯陛,還位。 神座前,搢笏,奉籩豆簠簋,次奉俎,北 **齋郎各奉皇地祇配位之** 太官令又同 實訖,去鼎 齋郎奉 向

樂止。 洗位。 跪。執事者以爵授初獻,初獻執爵,三祭酒於茅苴,奠爵,三獻奠爵,皆執事者受以興。 令跪酌太尊之汎齊,C1四酌訖,初獻以爵授執事者,執笏,詣皇地祇神座前,北向立,搢笏, 興,少退,跪,樂止。 進饌者降自卯陛,還位 禮 **詣皇地祇酌尊所**,西向立。 直官引初獻官詣盥洗位,樂作。 至位,北向立,搢笏,洗爵,拭爵以授執事者。 舉祝官跪,對舉祝版。 執事者以爵授初獻。 至位,樂止。 讀祝,太祝東向跪,讀祝訖,俛伏,興。 執笏,詣壇,樂作。 北向立、搢笏、盥手、帨手、執笏、 初獻搢笏,執爵。 升自卯陛,至壇上, 司尊舉幂,良醞 執笏,俛伏, 舉祝奠 詣爵

版於案,再拜,興。

讀祝,訖,樂作,就拜,興,拜,興。日心降自卯陛,讀祝、舉祝官俱從,日心樂作,復位,樂止。 尊之汎 執事者以爵授初獻,初獻執爵,三奠酒於茅苴。 **\齊`樂作太簇宮保寧之曲。初獻以爵授執事者`執笏`詣配位神座前,東向立、搢笏,** 配位酌尊所,執事者以爵授初獻,初獻搢笏,三三執爵。司尊舉幂,良醞令跪酌著 奠爵,執笏,俛伏,興。少退,跪,樂止。

笏執 再拜。 北 拭 . 爵授執事者。執笏,升自卯陛,詣皇地祇酌尊所,西向立。執事者以爵授亞獻。 向 . 立,搢笏,跪。 執事以爵授亞獻,亞獻執爵,三祭酒於茅苴,奠爵,執笏,俛伏,興,少退, 筒,可算舉幂,良醞令酌著尊之醴齊,CICI酌訖,以飦授執事者,執笏,詣皇地祗神座前, 次引 次詣配位酌獻如上儀,唯酌犧尊爲異。樂止,降復位。 亞獻詣盥洗位,北向立,搢笏,盥手,帨手。執笏,詣爵洗位,北向立,搢笏,洗爵,

配位,酌象尊之醴齊,奠獻並如亞獻之儀。禮畢,降復位。 次引終獻詣盥洗位,盥手,帨手,洗爵,拭爵,以爵授執事者,升壇。正位,酌犧尊之盎

茅苴,奠爵,俛伏,興,少退,跪,再拜,訖,還位。 者。 初,終獻將升,贊者引第一等分獻官詣盥洗位,搢笏,盥手,帨手,洗爵,拭爵,以爵授執 [訖,以爵授執事者。 執笏、詣神州 地祇酌尊所,搢笏,執事者以爵授獻官。獻官執爵,執事者酌太尊之汎 進詣神座前,晉笏,跪,執事者以爵授獻官,獻官執爵,三祭酒於

以次 尊所 、執事 助奠、訖、各引還位。諸獻俱畢、諸太祝進徹籩豆、籩豆各一、少移故處。樂作豐寧之曲、 初, 第一等分獻官將升,贊者分引第二等分獻官詣盥洗位,搢笏,盥手,帨手,執笏詣酌 以爵授分獻官,酌以授執事者,自己進詣首位神座前,奠獻並如上儀。 祝史、齋郎

卒徹、樂止。 及工人以次出。 監 幷 位官將拜,諸太祝、祝史各奉篚進詣神座前,玉幣,如②從祭神州地祇以下,並以俎載牲體, 日 可可 一禮、太祝以下,俱復壇南,北向立定,奉禮郞贊曰「再拜」, 監祭以下皆再拜,訖,奉禮以下 取 黍稷飯爵酒,各由其陛降壇,北詣瘞坎,實於坎中,又以從祭之位禮幣皆從瘞,禮直官 初 ,送神樂止,引初獻官詣望瘞位,樂作太蔟宮肅寧之曲。 東西六行,置土半坎,禮直官贊「禮畢」,引初獻出,禮官贊者各引祭官及監祭、 奉禮官贊曰「賜胙」,衆官再拜,樂作,一成,止。 光祿卿以胙奉進、監祭、監禮展視。 其祝版燔於齋坊。 至位,南向立,樂止。初,在

朝日、夕月儀。

幣皆如 齋 玉 戒 一之色。 、陳設、省牲器、奠玉幣、進熟,其節並如大祀之儀。 性各用羊一、豕一。 有司攝三獻司徒行事。 朝日玉用青壁,夕月用白壁,

志

第

定朔 位于殿門外,皆向日。 望朝 其親 行 日 儀。 朝日,金初用本國禮,天會四年正月,始朝日于乾元殿,而後受賀。天眷二年, 皇帝服靴袍,百官常服。 宣徽使奏導皇帝至位,南向,再拜,上香,又再拜。 有司設爐案、御褥位于所御殿前陛上,設百官褥 閤 門皆相應贊,殿

門外

臣僚陪拜如常儀。

大定二年,以無典故罷

位立 已奉勅 升煙奠玉 一殿前 十五 以 月朔拜日,宜遵古制,殿前東向拜。 如圜丘之儀。 班露臺左右,皇帝於露臺香案拜如上儀。 年,言事者謂 今正旦幷萬春節,宜令有司定拜日之禮。 又按唐開元禮,南向設大明神位,天子北向,皆無南向拜 詔姑從南向。 其日,先引臣僚於殿門外立,陪 有司援據漢、唐春分朝日, 日 之 制。今

拜,上香,訖,又再拜。 十八年,上拜日於仁政殿,始行東向之禮。 臣僚並陪拜,依班次起居,如常儀。 皇帝出殿,東向設位,宣徽贊「拜」,皇帝再

高碟。

辰 地,與圜丘東西相望,壇如北郊之制。 明昌六年,章宗未有子,尚書省臣奏行高禖之祀,乃築壇於景風門外東南端,當闕之卯 歲以春分日祀青帝、伏犧氏、女媧氏,凡三位,壇上

南向、西上。一姜嫄、簡狄位於壇之第二層,東向、北上。

事。 皆如 禮 前一 畢,進胙, 大祀儀。 日 未三刻 倍於他祀之肉。 青帝幣玉皆用青,餘皆無玉。 ,布神位,省牲器,陳御弓矢弓韣於上下神位之右。 進胙官佩弓矢弓韣以進, 每位牲用羊一、豕一。 上命后妃嬪御皆執弓矢東向 其齋戒、奠玉 有司攝三獻司 徒行 進

校勘記

射,

廼命以次飲

福享胙。

於第二等階之間 Г<u>П</u> 原作「四」。 按大金集禮 以下簡稱集禮 卷 皇帝祭皇地祇於方丘爲本

志所本,其陳設條記此事作「第二等」。今據改。

- = 太常 卿 光祿 卵位 次之 原 脱「位」字。 據集禮卷 陳設條補。
- 三 在 壇 下 午陛 之西 北 向 西上 原 脱北 向 西上」四字。 據集禮 卷 陳設條補。
- 29 字。 內壝 內 按下 毎 方屋尊 文「良醞今帥 二內境外每 其屬, 方概算二 入實酒 [尊」,「1 原「內號內」下行「外」字、「內號外」之「壝」字下行 內 壝 內, 蜃尊實以汎 齊。 內壝外, 概算 實以三酒」, 内内

可證無此二字。殿本已删,今從之。

五. 叉設 第 等分獻 官盥 洗 爵 洗位 原脫「等」字。 按本書卷二八禮一, 郊禮作「又設第 等分獻官

志

第

+

校

勘記

盥洗爵洗位」。今據補。

フネコ 執罍篚者各於其後 「罍」原作「爵」。按集禮卷一一作「罍」。本卷上文有「罍在洗左, 篚在洗

右」,則作「罍」是。今據改。

「中つ 贊者分引太常卿光祿卿 丞 按本書卷二八禮一,郊禮與此節儀文相同,而記載較詳,此處「丞」

上當有「太常」二字。

第二分獻官詣盥洗位盥手 按「盥手」上疑脱「搢笏」二字。

詣於首位神座前 原脫「前」字。按集禮卷一一有「前」字。本書卷二八禮一,郊禮作「詣神前」。

今據補。

皆二骨以並 羊「實於各鼎」,注云「皆二骨以幷」。今據改。 「以」原作「一」。按本書卷三〇時享儀作「皆二骨以幷」。集禮卷一一進熟條,牛

CII】光祿卿實以籩豆簠簋 「以」字疑是衍文。

[11] 俎在籩前 「在」原作「右」。據殿本改。

[1] 在箋前 「在」原作「左」。據集禮卷一一改。

良醞令跪酌太尊之汎齊 按集禮卷一一此下有「樂作太簇宮溥寧之曲」一句。

[15] 初獻搢笏 原脫「初獻」二字。據集禮卷一一補。

- 樂作就拜興拜興 按集禮卷一一作「初讀祝文,樂作,拜訖,樂止」。
- [1七] 讀祝舉祝官俱從 原脫「官」字。據集禮卷一一補。
- \Box 良醞令酌著尊之醴齊 按集禮卷一一此下有「樂作威寧之曲」一句。
- [12] 酌以授執事者 殿本「酌」上有「分獻」二字。
- [10] 玉幣 按[玉]字上疑脫[取]字。

金史卷三十

志第十一

禮三

宗廟 禘祫 朝享 時享儀

享。, 自是諸京皆立廟,惟在京師者則曰太廟,天會六年,以宋二帝見太祖廟者,是也。 或因 廟制,史不載,傳志雜記或可概見,今附之。 主于新都,三年十一月丁卯,奉宏于太廟。正隆中,營建南京宮室,復立宗廟,南渡因之。其 年,初立太廟,八年,太廟成,則上京之廟也。貞元初,海陵遷燕,乃增廣舊廟,奉遷祖宗神 遼之故廟,安置御容,亦謂之廟,天眷三年,熙宗幸燕及受尊號,皆親享恭謝,是也。皇統三 金初無宗廟。[1]天輔七年九月,[三]太祖葬上京宮城之西南,建寧神殿于陵上,以時薦 藏之。 六楹,爲間二十有五,每間爲一室。 四,植以木錡。戟下以板爲掌形,畫二青龍,下垂五色帶長五尺,享前一日則縣戟上,祭畢 廟門翼兩廡,各二十有五楹,爲齋郎執事之次。 之外東北、册寶殿也、太常官一人季視其封緘、謂之點寶。 陛三,前井亭二。外作重垣四繚,南東西皆有門。內垣之隅有樓,南門五闔,餘皆三。中垣 禘祫則並出主,始祖東向,羣主依昭穆南北相向, 東西序列。 向者五、東向者一,其二其三俱二龕,餘皆一室一龕,總十八龕。祭日出主於北墉下,南向。 二、第三室兩間,餘止一間爲一室,總十有七間。」世祖室祔肅宗,穆宗室祔康宗,餘皆無祔。 間爲一室,爲始祖廟,祔德帝、安帝、獻祖、昭祖、景祖祧主五,餘皆兩間爲一室。 、牖一、門在左、牖在右、皆南向。石室之龕於各室之西壁,東向。 汴京之廟,在宮南馳道之東。殿規,一屋四注,限其北爲神室,其前爲通廊。 廟端各虛一間爲夾室,中二十三間爲十一室。 西南垣外, 則廟署也。 內垣之南曰大次,東南爲神庖。 室戶外之通廊,殿階二級,列 其始祖之龕六,「三南 神門列戟各二十有 或日:「惟第 東西二十 毎室 從西三 門

遷豫章、潁川二廟,莊宗之祔乃祧懿祖一室。今太廟之制,除祧廟外,爲七世十一室,如當 依此典,武靈皇帝無嗣亦合升祔。 室次。大定十二年,議建閱宗別廟,禮官援晉惠、懷、唐中宗、後唐莊宗升祔故事,若 然中宗之祔,始則爲虚室,終則增至九室。 廛、懷之祔乃

升祔 不遷遠 室。 十 坐,而孫 不 宜 諦 事 以容主 祫 甚重,又與睿宗皇帝而室昭穆亦恐更改。 得 取 心聖裁。 合食。 事 武靈,即須別桃一廟。 室,累 今太廟已滿此數,如用不拘常數之說, 爲限,無拘常數。」東晉與唐皆用此制,遂增至十一室。 七世者矣。 廟 可 而耐 從王父。」 遇給享,睿宗在穆位,與太宗昭位相對,若更改而室及昭穆序,非有司所敢輕議, 十九年四月,禘祔閔宗,遂增展太廟爲十二室 依孫從王父之典,當在太宗之下,而居昭位,又當稱宗。 成帝。 伏魏宗廟世次,自睿宗上至始祖,凡七世,別無可祧之廟。 若武靈升祔,太廟增作十二室。 |唐以||敬、||文、||武三宗同爲一代,於太廟東間增置兩室,定爲九代十一 荀子曰:「有天下者事七世」,若旁容兄弟,上毁祖考,則天子有 增至十二室,可也。 春秋之義不以親親害尊尊,漢志云:「父子不並 依春秋算尊之典,武靈當在十一室, 康帝承統,以兄弟爲一室,故 然廟制已定,復議增展, 然前升祔睿宗已在第 晉史云:「廟 其

祧 爲 獻祖 兄弟,不 二十九年,世宗將稍廟,有司言:「太廟十二室,自始祖至熙宗雖係八世,然世宗與熙宗 昭 祖 相爲後,用晉成帝故事,止係七世,若特升世宗、顯宗卽係九世。」「图於是五月遂 ,陞祔世宗、明德皇后、顯宗于廟

年, 禮官言:「廟 貞 二年, 社 宣宗 國之大事, 南遷, 廟社 今主上駐蹕陪京, 諸祀並委中都, 列聖神主已遷于此,宜重修太廟社稷,以奉 自抹燃盡忠棄城 南奔, 時謁 之禮 盡廢。 四

+

時方多故,禮宜從變,今擬權稍肅宗主世祖室,始祖以下諸神主于隨室奉安。」 歲 時之祭。 按中都廟制,自始祖至章宗凡十二室,而今廟室止十一,若增建恐難卒成。 況

主用栗,依 唐制,皇統九年所定也。

袻室,旁及上下皆石,門東向,以木爲闔,髹以朱。 室中有褥,奠主訖,帝主居左,覆以

黃羅帕,后主居右,覆以紅羅帕。

上,其半無文者垂於其後。 黼扆以紙,木爲筐,兩足如立屛狀。覆以紅羅三幅,繡金斧五十四,裏以紅絹,覆於屛 置北墉下,南向,前設几筵以 坐神主。

去桃 則 爲褥,有縕,以紅羅繡金色斧緣之。 紅綃,繡鐵色斧,裏以紅絹。 及雲氣狀,亦以紅絹裏之。 雲氣之狀,復 又添大虎皮褥二於繅席上, [三] 遷小 枝 五席,各長五尺五寸,闊二尺五寸。 加 虎皮褥。 以紅紅 絹裏之。 夏、秋享,則用 每位二。 每位二,在莞上。 每位二,在繅席上。 桃枝 又有小虎皮褥,制同三席。 **繅席,畫純。以五色絨織青蒲爲之,緣以紅** 次席。 虎皮褥二在大褥之上。 莞筵,粉純。 次席, 二冬,則去桃枝加 虎席二,大者長同,惟闊增一 黼純。 以藺爲席,緣以紅羅,以白繡蕙文及 以輕筠爲之, 時暄則用 小虎皮褥於繅席上。 亦曰 桃枝 次席 桃枝席、緣以 尺。 羅,畫藻文 時 以 臘冬, 寒則 虎皮

.几三足,直几二足,各長尺五寸,以丹漆之。 帝主前設曲几,後設直几。

曲

儀闕。

禘祫。

于太廟,季冬又臘享,歲凡五享。若依海陵時歲止兩享,非天子之禮,宜從典禮歲五享。」 常禮。 大定九年已行祫禮,若議禘祭,當於祫後十八月孟夏行禮。」詔以「三年冬祫、五年夏禘」爲 烝嘗象時,禘祫象閨。五歲再閨,天道大成,宗廟法之,再爲殷祭。 異常享,有時行之。祭不欲數,數則黷。不欲疎,疎則怠。是以王者法諸天道,以制祀 禘硆之禮皆爲殷祭,祫爲合食祖廟,禘謂禘序尊卑。 申先君逮下之慈,成羣嗣奉親之孝。自 大定十一年,尚書省奏禘祫之儀曰:「禮緯『三年一祫,五年一禘』。 唐開元中,太常議, 又言:「海陵時,每歲止以二月、十月遣使兩享,三年給享。 按唐禮四時各以孟月享 自周以後,並用 此禮 自

太子爲亞獻,親王爲終獻,或並用親王。 享日並出神主前廊,序列昭穆。 應圖功臣配享廟廷,各配所事之廟,以位次爲序。以 或以太尉爲亞獻,光祿卿爲終獻。 其月則停時享。

朝享儀。

大定十一年十一月,郊祀前一日,朝享太廟。 齋戒如親郊。

阼階 舍於南神門之西設饌幔十一, 至升輦之所,又自大次至東神門。 下,稍南,西向。 享前三日,「尽」太廟令帥其屬,掃除廟之內外。 又設皇帝拜褥位殿上,版位稍西。 南向,以西爲上。 又設七祀位一於殿下橫街之北,西街之西,東向,配享功 殿中監帥尙舍,陳設大次殿。 點檢司於廟之前約度,設兵衞旗幟。 又設黃道褥於廟門之內外,自玉輅 又設 以小次於 尙

鼓在右。 間之,俱北 之,東向。西方編磬起北,編鐘間之,西向。 臣位於殿下道東,横街之南,西向,北上。 內,道之左右。 上前楹間,金鐘一在東,玉磬一在西,俱北向。 前二日,大樂令設宮縣之樂於庭中,四方各設編鐘三、編磬三。 置柷敔於縣內、柷一在道東、敔一在道西。 向。 晉鼓一,在其後稍南。 設特磬、大鐘、鎛鐘共十二,於編縣之內,各依辰位。 植建鼓、鞞鼓、應鼓於四隅, 南方編磬起西,編鐘間之,北方編鐘起西,編磬 柷一在金鐘北稍西, 敔一在玉磬北稍東。 立舞表於酇綴之間。 建鼓在中,鞞鼓在左,應 東方編鐘起北,編磬間 樹路鼓、路鼗於北縣之 設登歌之樂於殿 搏

拊二,一在柷北,一在敔北,東西相向。 琴瑟在前。其匏竹者立於階間,重行北向。

各位於縣後。

繅席二、次席二、紫綾厚褥一、紫綾蒙褥一、曲几一、直几一。 前一日,太廟令開室,奉禮郎帥其屬,設神位於每室內北墉下。 各設黼扆一、莞蓆一、

南。 向。 宮闈令、祝史位於亞獻終獻奉酹酒官之南,薦箋豆簠簋官、薦俎齋郎又在太祝、奉禮郎之 臣獻官之後。又設監祭御史位二於西階下,俱東向,北上。奉禮郎、太廟令、太官令、太祝、 光祿卿、功臣獻官在西,舉册、光祿丞、太常博士又在其西,功臣助奠罍洗爵洗等官位於功 太尉、司徒、助祭宰相位在大禮使之南,侍中、執政官又在其南,禮部尚書、太常卿、太僕卿、 罌洗筒洗奉
問酒官等又在其南、並西向、北上。大禮使位於西階之西稍南、與亞終獻相對。 奉爵官之南,助奠讀祝奉罍洗爵洗等官位於其後。司尊彝官位在七祀獻官之南,亞終獻司 奉瓚官、奉瓚盤官、進爵酒官、奉爵官等又在其南,奉匜槃巾篚官位於其後。七祀獻官位在 横街之北稍東,西向。助祭親王宗室使相位在亞終獻之後,助祭宗室位在橫街之南,西向。 太廟丞、太官丞各位於令後。協律郎位二,一於殿上前楹間,一於宮縣之西北,俱東 大樂令於登歌樂縣之北,大司樂於宮縣之北,良醞令於酌尊所,俱北向。 又設皇帝版位於殿東間門內,西向。又設飮福位於東序,西向。 又設亞終獻位於殿下 又設助祭文

志

武羣官位於橫街之南,東向北上。 禮部尙書省牲位於牲前稍北,又設御史位於禮部尙書之西,俱南向 上。設廪犧令位於牲西南,北向。 又設光祿卿陳牲位於東神門外橫街之東,西向,以南爲 諸太祝位於牲東,各當牲後,祝史各陪其後,俱西向。設

禮部帥其屬,設祝册案於室戶外之右。

左、皆加幂、站於內、酌尊加勺、皆藉以席。 二、山罍四,各有坫、幂,在殿下階間,北向西上,設而不酌。 七祀功臣每位設壺尊二於座之 山罍二,各加勺、幂、坫爲酌尊。 又設瓚槃爵坫於篚,置于始祖尊彝所。又設壺尊二、太尊 司尊彝帥其屬,設尊彝之位於室戶之左,每位斝彝一、黄彝一、犧尊二、象尊二、著尊二、

肆,實以巾、爵幷站。執巾罍巾篚各位於其後。 四、設於每室饌幔內。又設御洗二於東階之東。又設亞終獻罍洗於東橫街下東南、北向, **箋,右十有二豆,皆濯而陳之,藉以席。 箋豆加以巾,蓋於內。 箋一、豆一、簠一、簋一、幷俎 罍在洗東,篚在洗西,南肆,實以巾。 又設亞終獻爵洗於罍洗之西,罍在洗東,篚在洗西,南** 奉禮郎設祭器,每位四簋在前,四簠次之,次以六豋,次以六鲵,籩豆爲後。 左十有二

之實,魚鱅、糗餌、粉養、乾棗、形鹽、鹿脯、榛實、乾藤、桃、菱、芡、栗,以序爲次。豆之實,芹 享日丑前五刻,太常卿帥執事者,設燭於神位前及戶外。光祿卿帥其屬,入實籩豆。籩

菹、笋菹、葵菹、蒡菹、韭菹、酏食、魚醢、兔醢、豚拍、鹿臡、醢醢、糁食,以序爲次。 叉鉶實以

羹,加芼滑,豋實以大羹,簠實以稻粱,簋實以黍稷,粱在稻前,稷在黍前。

酒 各加坫、勺、幂。殿下之尊罍,壺尊、太尊、山罍,內除山罍上尊實以玄酒外,皆實以酒, 良醞令入實尊彝。斝彝、黃彝實以鬱鬯,犧尊、象尊、著尊實以玄酒外,皆實以酒,用香藥

座前 了. 又 籩 豆 篮 簋 各 二 、 狙 一 。 太廟令帥其屬,設七祀功臣席褥於其次,每位各設莞席一、碧綃縟一,又各設版位於其 每位次各設壺尊二於神座之右,北向,玄酒在西。

加

幂、坫。

燎柴 鹿脯 前 以時物代之。 列,玉帛次之,餘爲後,皆於宮縣之北,東西相向,各藉以席。凡祀神之物,當時所無者則 次之。 ,及開瘞坎於西神門外之北。 良醞令以法酒實尊如常,加勺、幂,置爵於尊下,加坫。光祿卿實饌。 右二豆、菁菹在前,鹿臡次之。爼實以羊熟,簠簋實以黍稷。 太府監陳異寶、嘉瑞、伐國之寶,戶部陳諸州歲貢,金爲 太廟令又設七祀 左二箋,栗在前,

諸太祝與廩犧令 省牲器:前一日未後,廟所禁行人。 ,以牲就位。 禮直官、贊者引禮部尚書、光祿卿丞詣省牲位,立定。 司尊彝、奉禮郎及執事者,升自西階以俟。

官令。 鸞 引 饌 身 省牲位,禮直官稍前曰:「告潔畢,請省牲。」次引禮部尚書侍郎稍前,省牲訖,退復位。 光 具畢,禮直官贊「省饌訖」,俱還齋所。[t] 光祿卿、丞及太祝、廩犧令以次牽牲詣厨,授太 禮部尙書,贊引者引御史,入就西階升,逼視滌濯。 訖,執事者皆舉幂曰「潔」。 禄 刀割牲,祝史各取毛血,每座共實一豆,遂烹牲。祝史洗肝於鬱鬯,又取肝膋,每座共實 曰「腯」。 卿 俱還饌所。 禮直官引禮部尚書詣厨,省鼎鑊,視濯漑,訖,還齋所。 晡後一刻,太官令帥宰人,執 丞出班,巡牲一匝。光祿丞西向曰「充」,曰「備」。廩犧令帥諸太祝巡牲一匝,西向躬 禮直官稍前曰:「省牲畢,請就省饌位。」引禮部尙書以下各就位,立定。 御史省 俱降,就 次引

豆

進輿。 嚴」, 質明 正 帝升輅。 立 皇帝 一執轡。 ,侍臣直衞及導駕官,於致齋殿前,左右分班立俟。通事舍人引侍中俛伏,跪,奏「請中 鑾駕出宮:前一日,有司設大駕鹵簿於應天門外,尙輦進玉輅於應天門內,南向。 其日 侍中奏「請皇帝升輿」,皇帝乘輿,侍衞警蹕如常儀。 太僕卿立授綏,導駕官分左右步導,以裏爲上。 服通天冠、絳紗袍。 導駕官前導,皇帝至應天門內玉輅所,侍中進當輿前,奏「請皇帝降輿升輅」,皇 少頃、侍中奏「外辦」、皇帝出齋室、即御座、羣官起居訖、尙輦 門下侍郎進當輅前,奏「請車駕進 太僕卿先詣玉輅所,攝衣而升,

降輅,步入廟門」。皇帝降輅,導駕官前導,皇帝步入廟門,稍東。 子孫,於廟門外,立班奉迎。駕至廟門,廻輅南向,侍中於輅前奏稱「侍中臣某言,請皇帝 稱「警蹕」,不鳴鼓吹。將至太廟,禮直官、贊者各引享官,通事舍人分引從享羣官、宗室 侍郎奏「請車駕少駐,勅侍臣上馬」。侍中奉旨退,稱曰「制可」。門下侍郎退,傳制,稱「侍臣 發」,奏訖,俛伏,興,退復位。 侍衞儀物止於應天門內,車駕動,稱「警蹕」。 至應天門,門下 次,簾降,傘扇侍衞如常儀。太常卿、太常博士各分立於大次左右。 **尙輦奉輿,侍衞如常儀。皇帝乘輿至大次,侍中奏「請皇帝降輿,入就大次」。皇帝入 就** 上馬」。贊者承傳「勅侍臣上馬」。導駕官分左右前導,門下侍郎奏「請車駕進發」。車駕動, 侍中奏「請皇帝升輿」, 導駕官詣廟庭班位,

太廟令、太祝、宮闈令、祝史與執事官等,各自東偏門入,就位。 光祿卿、太官令、進饌者實變豆簠簋,並徹去蓋幂。奉禮郎、贊者先入,就位。贊者引御史、 晨祼:享日丑前五刻,諸享官及助祭官,各服其服。 太廟令、良醞令帥其屬,入實尊罍。

出帝后神主,設於座。以次,逐室神主各設於內黼扆前,置定。贊者引御史、太廟令、宮闈 未明二刻,禮直官引太常寺官屬幷太祝、宮闈令升殿,開始祖祏室。太祝、宮闈令捧

入大次。 者各引享官,通事舍人分引助祭文武羣官宗室入就位。 「再拜」, 、祝史與太常官屬,於當階間,重行北向立。 贊者承傳,御史以下皆再拜,訖,各就位。 大樂令帥工人二舞入,就位。 奉禮郎於殿上贊「奉神主」,訖,奉禮 符寶郎奉寶、陳於宮縣之北。 禮直官贊

再拜。 停於門外,近侍者從入。 左右侍立。 大禮使後從。 某言,請皇帝行事」,俛伏,興。簾捲,皇帝出次。 **麾,憂敔,樂止。** 「請皇帝詣罍洗位」,登歌樂作,至阼階,樂止。 少頃,侍中奏「請中嚴」,皇帝服袞冕。侍中奏「外辦」,太常卿俛伏,跪,奏稱「太常卿臣 奉禮 又贊「諸執事者各就位」,禮直官、贊者分引執事者各就殿上下之位。 太常卿前奏「請再拜」,皇帝再拜。 至東神門外,殿中監跪進鎭圭,太常卿奏「請執圭」,皇帝執鎭圭。 升自作階,登歌樂作,左右侍從量人數升至版位,西向立,樂止。 協律郞跪伏舉麾,興。工鼓柷,宮縣昌寧之樂作。 降自阼階,宮縣樂作,至洗位,樂止。 奉禮曰「衆官再拜」,贊者承傳,凡在位者皆 太常卿、太常博士前導,傘扇侍衛如常儀, 至阼階下,偃 傘易仗衛 前導官分 太常卿奏

沃水,又內侍跪奉槃承水,洗瓚訖。 魁 手,訖,內侍 內侍 跪 取匜、興、沃水。 跪 取巾於篚,興,以進。 又內侍跪取槃,興,承水。 內侍跪奉巾以進,皇帝拭瓚,訖,內侍奠槃匜,又奠巾於 帨手, 訖。 奉瓚槃官以瓚跪進, 太常卿奏「請搢鎭圭」,皇帝搢鎭圭、 皇帝受瓚,內侍奉匜

館。 奉瓚槃官以槃受瓚。 太常卿奏「請執鎭圭」,前導,皇帝升殿,宮縣樂作,至阼階下,

樂止。

出 鬯祼地」。皇帝執瓚以鬯祼地,訖,以瓚授奉瓚槃官。太常卿奏「請執鎭圭」,俛伏,興,前導 鎭圭」,跪。 執尊者舉幂,侍中跪酌鬱鬯,訖,太常卿前導,入詣始祖室神位前,北向立。太常卿奏「請搢 戶外。 皇帝升自阼階,登歌樂作,太常卿前導,詣始祖位酌尊所,樂止。奉瓚槃官以瓚涖鬯, 太常卿奏「請再拜」,皇帝再拜,太常卿前導詣次位,並如上儀。 奉瓚槃官西向跪,以瓚授奉瓚官,奉瓚西向以瓚跪進。〔<〕太常卿奏「請執瓚以

角,大簇爲徵,應鍾爲羽,作仁豐道洽之舞,九成止。黃鐘三奏,大呂、太簇、應鐘各再奏,送 殿 前導皇帝行,登歌樂作,降自阼階,登歌樂止,宮縣樂作。將至小次,太常卿奏「請釋鎭圭」, 神通用來寧之曲 、中監跪受鎭圭。皇帝入小次,簾降,樂止。 裸畢。 太常卿奏「請還版位」,登歌樂作,至版位西向立,樂止。太常卿奏「請還小次」, 少頃,宮縣奏來寧之曲,以黃鍾爲宮,大呂爲

肝膋,進奠於 於肝膋之後。 初,晨祼將畢,祝史各奉毛血及肝膋之豆,先於南神門外,齋郎奉爐炭蕭蒿黍稷,各立 神座 皇帝旣晨祼畢,至樂作六成,皆入自正門,升自太階。 前。 祝史立於尊所, 齋郎奉爐置於室戶外之左, 其蕭蒿黍稷各置於爐炭 諸太祝於階上各迎 毛血

志

下。齋郞降自西階,諸太祝各取肝燔於爐,還尊所。

門,宮縣豐寧之樂作。 徒出詣饌所,與薦俎齋郎奉俎,幷薦籩豆簠簋官奉籩豆簠簋,禮直官、太官令引以序入自正 進熟:皇帝升祼,太官令帥進饌者,奉陳於南神門外諸饌幔內,以西爲上。 徹豆通用。 至太階,樂止。祝史俱進徹毛血之豆,降自西階,以出。 禮直官引司

以下,降自西階,復位。諸太祝各取蕭蒿黍稷擩於脂,燎於爐炭,訖, 官升自西階、詣始祖位之右,進取祝册置在版位之西、置訖、於祝册案近南立。 饌升,諸太祝迎於階上,各設於神位前。 先薦牛,次薦羊,次薦豕及魚。 還尊所。 禮直官引司 贊者引舉册 徒

祭酒於茅苴,訖,以爵授進爵酒官,「亞進爵酒官以爵授奉爵官。 鎭圭」,前導,詣罍洗位,樂止。 圭」,跪。 所,登歌樂作,至尊彝所,登歌樂止,宮縣奏大元之樂,文舞進。 前導,升殿,宮縣樂作,至阼階下,樂止。 幂,侍中 太常卿跪奏「請詣罍洗位」。簾捲,出次,宮縣樂作。 ·跪酌犧尊之泛齊,訖,太常卿前導,入詣始祖室神位前,北向立。 奉爵官以爵授進爵酒官。 盥手,洗爵,並如晨裸之儀。 進爵酒官西向以爵跪進,太常卿奏「請執爵三祭酒」。三 升自作階,登歌樂作。 殿中監跪進鎭圭、太常卿奏「請執 盥洗訖,太常卿奏「請執鎭圭 奉爵官以爵涖尊,執尊者舉 太常卿前導,詣始祖位尊彝 太常卿奏「請執鎭圭」,興。 太常卿奏「請搢鎭

前導、出戶外。太常卿奏「請少立」,樂止。

拜」,再拜訖,太常卿前導,詣次位行禮,並如上儀。 宮縣奏肅寧之樂,作功成治定之舞,舞者立定,樂止。 將至小次,太常卿奏「請釋鎭圭」,殿中監跪受鎭圭。入小次,簾降,樂止,文舞退,武舞進, 至位西向立定、樂止。太常卿奏「請還小次」、登歌樂作。降自阼階,登歌樂止,宮縣樂作。 ·册官進舉祝册,中書侍郎搢笏跪讀祝,舉祝官舉册奠訖,先詣次位。 酌獻畢,太常卿前導還版位,登歌樂作, 太常卿奏「請再

彝所,西向立。 宮縣樂作。 執事者以爵授亞獻,亞獻搢圭,執爵,執尊者舉幂,太官令酌象尊 手,執圭。詣爵洗位,北向立,搢圭,洗爵,拭爵以授執事者,執圭。 奠爵,執圭,俛伏,興,少退,再拜,訖,博士前導,亞獻詣次位行禮,並如上儀。 之體齊、訖、詣始祖神位前、搢圭、跪。執事者以爵授亞獻、亞獻執爵祭酒。 皇帝酌獻訖,將詣小次,禮直官引博士,博士引亞獻,詣盥洗位,北向立,搢圭,盥手,悅 升自西階,詣始祖位尊 三祭酒於茅苴, 禮畢、樂止。

終獻除本服執笏外,餘如亞獻之儀。

跪進鎭圭,太常卿奏「請皇帝執鎭圭」,前導,至阼階下,樂止。升自阼階,登歌樂作,將至飮 祀 功臣獻官行禮畢。 太常卿跪奏「請詣飮福位」、[10]簾捲、出次、宮縣樂作。 殿中監

福位,樂止。

志

+

禮

受俎 向。 捧以立。 帝受爵飮福」。 太祝以黍稷飯簻授司徒,司徒跪奉進,皇帝受以授左右。太祝又以胙肉俎跪授司徒,司徒 請皇帝再拜」,再拜訖,樂止。太常卿前導,皇帝還版位,登歌樂作,俟至位,樂止 ·請執爵」,三祭酒於沙池。又奏「請啐酒」,皇帝啐酒,訖,以爵授侍中。太常卿奏「請受胙」。 **籩**,又酌 一訖跪進,皇帝受以授左右。 皇帝旣至飮福位,西向立。 初,皇帝旣獻訖,太祝分神位前三牲肉,各取前脚第二骨加於俎,又以箋取黍稷飯共置 太常卿奏「請皇帝再拜」。 上尊福酒合置一尊。 **飮福訖,侍中受虚爵以興,以授太祝。** 登歌福寧之樂作。 又禮直官引司徒升自西階,東行,立於阼階上前楹間,北 禮直官引司徒退立,侍中再以爵酒跪進。 **訖,奏「請搢圭」,跪,侍中以爵北向跪以進,** 、太祝酌福酒於爵,以奉侍中,侍中受爵 太常卿奏「請執圭」,俛伏,興。 太常卿奏「請皇 太常卿奏 叉奏

者承 樂止,宮縣樂作,出門,宮縣樂止,傘扇仗衞 圭,皇帝還大次。 導駕官東神門外 再拜」,皆再拜。 傳,在位官皆再拜,宮縣來寧之樂作,一成止。 太祝各進徹箋豆,登歌豐寧之樂作,卒徹,樂止。奉禮曰:「賜胙行事,助祭官再拜。」贊 大次前祗候,前導如來儀。 贊者引工人、舞人以次出。 通事舍人、禮直官、贊者各引享官、宗室子孫及從享羣官,以 如常儀。 贊者引御史已下俱復執事位, 立定。 大禮使帥諸禮官、太廟令、太祝、宮闈令,升納 太常卿奏「禮畢」,前導,降自阼階,登歌 太常卿奏「請釋鎭圭」, 殿中監跪 次 出。 奉禮 受鎭 及引

神主如常儀。 七 祀 功 臣 分 奠 ,如 給 享 之 儀 。 禮畢,禮直官引大禮使已下降自西階,至橫街,再拜而退。 其祝册藏於匱。

時亭。

執笏。七品以下官先退,餘官對拜訖乃退。 初獻官搢笏,讀誓文:「某月某日,孟春薦享太廟,各揚其職。不恭其事,國有常刑。」讀訖, 官、幷應行事執事官等,各就位,立定,贊「揖」,在位官皆對揖、訖,禮直官以誓文奉初獻官, 日,受誓戒於尚書省。其日質明,禮直官設位版於都堂之下,依已定誓戒圖,禮直官引三獻 有司行事。 前期、太常寺舉申禮部、關學士院司天臺、擇日。 以其日報太常寺。前七

致齋,三日於本司,唯享事得行,其餘悉禁,一日於享所。已齋而闕者,通攝行事。 散齋四日,治事如故,宿於正寢,唯不弔喪、問疾、作樂、判署刑殺文字決罰罪人及預穢

南神門外西,南向。又設七祀司命、戶二位於橫街之北,道西,東向。又設羣官齋宿次於廟 前三日,兵部量設兵衞,列於廟之四門。前一日,禁斷行人。儀鸞司設饌幔十一所於

志第十一 禮三

門之東西舍。

洗位。 儀。 尊二、犧尊二在殿上,象尊二、壺尊六在下。俱北向西上,加幂,皆設而不酌。幷設獻官罍 撰祝文訖,計會通進司請御署,降付禮部,置於祝案。 祠祭局濯溉祭器與尊彝訖,鋪設如 神位於北墉下,當戶南向。設几於筵上。又設三獻官拜褥位二。一在室內,一在室外。學士院定 內太尊二、山罍二在室。 犧尊五、象尊五、鷄彝一、鳥彝一在室戶外之左,爐炭稍前。著 前二日,大樂局設登歌之樂於殿上。太廟令帥其屬,掃除廟殿門之內外,於室內鋪設 禮部設祝案於室戶外之右。禮直官設位版拜省牲位,如式。

祝 視滌漑。 郊 就省牲位。廩犧令少前,曰「請省牲」,退復位。太常卿省牲,廩犧令及太祝巡牲告備,皆如 以俟。禮直官引太常卿、贊者引御史,自西階升,逼視滌濯。曰己執尊者舉幂告潔,說,引降 社儀。 史各取毛血,每室共實一豆,又取肝膋共實一豆,置饌所,遂烹牲。光祿卿帥其屬,入實 前一日,諸太祝與廩犧令以牲就東神門外。司尊舜與禮直官及執事皆入,升自西階, 良醞令入實尊藥。 **贊者引御史詣厨,省饌具,訖,與太常卿等各還齋所。太官令帥宰人以鸞刀割牲,** 旣畢,太祝與廩犧令以次牽牲詣厨,授太官令。贊者引光祿卿詣厨,請省鼎鑊,申

祝史、司尊彝與執罍箧官等,入自南門、當階間、北面西上、立定。奉禮曰「再拜」、贊者承 日質明,百官各服其品服。 禮直官、贊者先引御史、博士、太廟令、太官令、諸太祝、 志第十一 禮三

興,出戶外,北向,再拜,訖,樂止。每室行禮,並如上儀。禮直官引初獻降復位。 措笏,跪。執事者以瓚授初獻官。初獻官執瓚,以鬯祼地,訖,以瓚授執事者,執**笏**,俛伏, 執尊者舉幂,太官令酌鬱鬯,訖,初獻以瓚授執事者,執笏,詣始祖室神位前,樂作,北向立, 殿、樂作。至始祖室尊彝所、西向立、樂止。執事者以瓚奉初獻官、初獻官搢笏、江司執瓚。 贊者引三獻官詣廟殿東階下西向位,其餘行事執事官與百官,俱各就位。 訖,禮直官詣初 并百官、依品、重行立。 奉禮曰「拜」、贊者承傳,應北向在位官皆再拜。 其先拜者不拜。 拜訖, 傳,皆再拜。訖,贊者引太祝與宮闈令,升自西階,詣始祖室,開祏室,太祝捧出帝主,宮闈 止。搢笏,盥手,帨手,執笏。詣爵洗位,北向立,搢笏,洗瓚,拭瓚,以瓚授執事者,執笏,升 獻官前,自己稱「請行事」。協律郎跪,俛伏,興,樂作。禮直官引初獻詣盥洗位,北向立定,樂獻官前,自己稱「請行事」。協律郎跪,俛伏,興,樂作。禮直官引初獻詣盥洗位,北向立定,樂 引三獻官與百官,俱自南東偏門入,至廟庭橫街上,三獻官當中,北向西上,應行事執事官 令捧出后主,置於座。 帝主在西,后主在東。贊者引太祝與宮闈令,降自西階,俱復位。 奉禮曰 「再拜」,贊者承傳,在位官皆再拜,訖,俱各就執事位。大樂令帥工人入。禮直官、贊者分

郎所奉爐炭蕭蒿篚,皆置於室戶外之左,與祝史俱降自西階以出。諸太祝取肝膋,洗於鬱 獻晨祼訖,以次入自正門,升自太階。諸太祝皆迎毛血肝膋豆於階上,俱入奠於神座前。齋 初獻將升祼,祝史各奉毛血肝膋豆,及齋郎奉爐炭蕭蒿黍稷篚,各於饌幔內以俟。初

鬯,燔於爐炭,訖,還奪所。

皆二骨以並。次升豕如羊,實于一鼎。每室羊豕各一鼎,皆設扃幂。齋郎對舉,入鑊,放饌幔 位,樂止。諸太祝各取蕭蒿黍稷擩於脂,燔於爐炭,還尊所。 階,諸太祝迎引於階上,樂止。各設於神位前,訖,禮直官引司徒以下,降自西階,樂作,復 進,立於南神門之外以俟,羊俎在前,豕俎次之,籩豆簠簋又次之。入自正門,樂作,升自太 階以出。禮直官引司徒,帥薦籧豆簠簋官、奉俎齋郎,各奉籩豆簠簋羊豕俎,每室以序而 粉養,實豆以糝食,實簠以粱,實簋以稷。俟初獻祼畢,復位,祝史俱進徹毛血之豆,降自西 退,置于神厨,訖,復還饌幔所。禮直官引司徒出詣饌幔前,立以俟。光祿卿帥其屬,實箋以 肫胳在下端,脊脅在中。次升豕如羊,各載于一俎。每室羊豕各一俎。齋郎卽以扃舉鼎先 前。日巴齊郎抽局,委于鼎右,除幂。光祿卿帥太官令,以匕升羊,載于一俎,肩臂臑在上端, 厨,以匕升羊於鑊,實于一鼎,肩、臂、臑、肫、胳、正脊一、横脊一、長脅一、短脅一、代脅一, 享日,有司設羊鼎十一、豕鼎十一於神厨,各在鑊右。初獻旣升祼,光祿卿帥齋郎詣

位,北向立,搢笏,冼爵,拭爵,以爵授執事者,執笏,升殿,樂作,詣始祖室酌尊所,西向立, 禮直官引初獻詣罍洗位,樂作,至位,北向立,樂止。 搢笏,盥手,帨手,執笏。 詣爵洗 執事者以爵授初獻。初獻搢笏執爵,執事者舉幂,太官令酌犧尊之泛齊,訖,次詣

第二室酌尊所,如上儀。詣始祖神位前,樂作,北向立,搢笏跪,執事者以爵授初獻,初獻執 東向,搢笏,跪讀祝文。口思讀訖,執笏,興。次詣第二室。次詣每室行禮,並如上儀。 爵,三祭酒於茅苴,奠爵,執笏,俛伏,興,出室戶外,北向立,樂止。 贊者引太祝詣室戶外,

降階,樂作,復位,樂止。

伏,興,出戶外,北向再拜,訖,樂止。次詣每室行禮,並如上儀。降階,樂作,復位,樂止。 前,樂作,北向立,晉笏,跪,執事者以爵授亞獻。亞獻執爵,三祭酒于茅苴,奠爵,執笏,俛 笏,執爵,執尊者舉幂,太官令酌象尊之醴齊,訖,次詣第二室酌尊所,如上儀。詣始祖神位 沈爵,拭爵以授執事官。執笏,升殿,詣始祖酌尊所,西向立,執事者以爵授亞獻。 亞獻搢 禮直官次引亞獻詣盥洗位,北向立,搢笏,盥手,帨手,執笏。詣爵洗位,北向立,搢笏,

禮直官次引終獻詣盥洗、及升殿行禮,並如亞獻之儀,降復位。

官、贊者引行事、執事官各就位,奉禮曰「再拜」,贊者承傳,應在位官皆再拜。禮直官、贊 者引百官次出,大樂令帥工人次出,太官令帥其屬,徹禮饌,次引監祭御史詣殿監視卒徹, 入祏室, 執笏, 退復位。 次引宫闈令納后主於匱, [18]奉入祏室, 並如上儀, 退復位。禮 曰「賜胙,再拜」,在位者皆再拜。禮直官引太祝、宮闈令奉神主,太祝搢笏,納帝主於匱,奉 次引太祝徹籩豆,少移故處。樂作,卒徹,樂止。 俱復位。 禮直官曰「賜胙」,贊者承傳

訖,還齋所。 太廟令闔戶以降。 太常藏祝版於匱。[11]光祿以胙奉進,監祭御史就位展視,

光祿卿望闕再拜,乃退。

讀祝文。每歲四孟月幷臘五享,日乙幷如上儀。 其七祀,夏竈、中霤,秋門、厲,冬行,鋪設祭器,入實酒饌,俟終獻將升獻,獻官行禮,弁

校勘記

[1] 金初無宗廟 據本志文例,此句上當脫「宗廟」二字。

(三) 天輔七年九月 「九」原作「八」。按本書卷二太祖紀,金太祖以天輔七年八月死, 九月葬。

據改。

其始祖之龕六 而 世祖室僅稍肅宗,不得有六龕。下文「始祖東向」,知此確是始祖之室。今改正。 「始」原作「世」。按上文「爲始祖廟、祔德帝、安帝、獻祖、 昭祖、 景祖桃主五」

[四] 若特升世宗顯宗卽係九世 「升」原作「非」。 據殿本改。

Ħ. 於繅席上 原脫「席」字。按「繅席」二字是一詞,上文屢見。今據補。

〔八〕享前三日 據本志文例,此上當脫「陳設」二字。

[4] 俱還齋所 「還」原作「遂」。 據殿本改。

- <u>~</u> 奉瓚西向以瓚跪進 原脫「奉瓚」二字。 據殿本補
- ታኄ 以爵授進爵酒官 原脫「酒」字。 據殿本補。
- (0)請詣飲 福 位 原脱「請」字。 據殿本補。
- 遍視 滌 濯 「視」原作「親」。 按大金集禮以下簡稱集禮卷一八時享上, 爲本志所本,作「視」,殿本

同。 今據改。

- 禮直官詣初獻官前 原脱「直」字。 按上下文皆作「禮直官」、集禮卷一八同。 今 據補。
- 齋郎對 舉 入鑊 放饌 幔前 據集禮卷一八無「入鑊」二字。

初獻官搢

笏

原脫「初」字。

按上下文皆作「初獻官」,集禮卷一八同。

今據補。

- 二吾 跪讀祝 次引宮闡 文 令納后主於匱 原 重複 一「祝」字。 闡 據集禮卷一八删。 原 作「衞」。 據集禮卷一八改。
- 太常藏祝 版於 匱 置 集禮卷一八作「匵」。
- 毎歲四孟 一月幷臘 五亭 「幷」字原在「每歲」之上、文義不明。 今據集禮卷一八乙正。

金史卷三十

志第十二

禮四

奏告儀 皇帝恭謝儀 皇后恭謝儀 皇太子恭謝儀

薦新 功臣配享 陳設寶玉 雜儀

奏告儀。

皆告。或一室,或遍告及原廟,並一獻禮,用祝幣。 禘祫、升祔、奉安、奉遷等事皆告,郊祀則告配帝之室。 皇帝卽位、加元服、受尊號、納后、册命、巡狩、征伐、封祀、請諡、營修廟寢,凡國有大事 皇統以後,凡皇帝受尊號、册皇后太子、

十四 年三月十七日,詔更御名,命左丞相良弼告天地,平章守道告太廟,左丞石琚

告昭德皇后廟 ,禮部尚書張景仁告社稷,及遣官祭告五 嶽

前一日,行事官赴祀所淸齋。

之左, 以席。 享儀。 **褥位,於殿下東階之南,西向,餘官在其後稍南。** 告日 前 北向, 每位 禮 期 前三刻,四禮直官引太廟令帥其屬,入殿開室戶,掃除鋪筵,設几於北 直官帥祀祭官陳幣篚於室戶之左,陳祝版於室戶之右案上。 二日,太廟令掃除廟內外,設告官以下次所。 各左 實以酒,每位 一籩實以 鹿脯,右一 瓶。 設燭於神位前。 豆實以鹿臡。 又設望燎位於西神門外之北 又設盟爵洗位横街之南稍東。三設告官 **犧尊一,置於站,加勺、幂,在殿上室戶** 及設香案祭器,皆藉 墉下,如

伏,興,退就戶外位,再拜。 訖,升自西階,太祝、宮闈令各入室,出神主設於座,如常儀。 執臂,執尊者舉幂酌酒,告官以授執事者。 祝、舉祝官後從。 詣 前,贊「有司謹具,請行事」, 神位 告日 前,搢笏,跪,三上香。執事者以幣授奉禮郎 :未明,禮直官引太廟令、太祝、宮闈令入,當階間 至位, 北 向立, 詣次位行禮如 又贊「再拜」,在位者拜,訖, 搢笏,洗拭爵,訖,授執事者。 上儀,訖, 詣神位前,北向,搢笏,跪,執爵三祭酒,執笏,俛 ,西向授告官。 降復位。 禮直 北 少頃, 官引告官就 面西上立定。 次引告官入、就位。 執笏升, 告官受幣,奠訖 引告官再詣爵 詣酒尊所,西 盥洗位,盥手,訖, 奉禮 禮直官稍 ,執笏,俛 洗 位 向

位。 伏,興,退就戶外位,北向立俟,讀祝文,訖,再拜。 燎,禮直官曰「可燎」。 禮直官贊曰「再拜」,在位者皆再拜。 半柴,禮直官贊「禮畢」,告官以下退。 次引告官以下詣望燎位,執事者取 詣次位行禮如上儀。 署令闔廟門,瘗祝于坎。 訖, 與讀祝官皆復 幣帛祝版置於

中 - , 皇地祇居西少却, 行一獻禮。 貞元四年正月,上尊號。 前三日,遣使奏告天地,於常武殿拜天臺設褥位,昊天上帝居

大定七年正月十三日,上尊號。

文,書寫訖,進請御署,訖,以付禮部,移文宣徽院,幷差控鶴官用案舁,覆以黃羅帕,隨所差 帝位,當中南向,皇地 前三日,命皇子判大興尹許王告天地,判宗正英王文告太廟。 祇位 一次西少却,並用 坐褥位牌及香酒脯臡等。 於自來拜天處設昊天上 **祝版三,學士院** 撰告 祝

前一日,告官等就局所致齋一日。

告官詣祀所

其服,以 告日質明, 次就位。 宣徽院、 禮直官、舍人稍前,贊「有司謹具,請行事」。 太常寺鋪設供具如儀。 閤門舍人一 員、太常博士一 贊者曰「拜」,在位者皆再拜 員引告官各服

詣昊天上帝、皇地祗神位前再拜,每位三上香,跪奠酒,訖,以爵授奉爵官,執笏,俛伏,興。 洗爵,拭爵。 禮直官先引執事官各就位。舍人博士次引告官詣盥洗、爵洗位,北向立,搢笏,盥手,帨手, 舉祝官跪舉,讀訖,俛伏,興。告官再拜。 執笏,詣酒尊所,搢笏,執爵,司尊者舉幂酌酒,告官以爵授奉爵酒官,回執笏 告畢。 引告官以下降復位,再拜,訖,詣望燎位,

皇帝恭謝儀。

燔祝版,再拜。半燎,告官已下皆退。

大定七年正月,世宗受尊號,禮畢恭謝。

室。 殿西階之西,東向,每等異位。 階東南,又設親王位於其南稍東, 却,又設隨室奠拜褥位於神座 之東,又設太尉洗位於西階下橫階之南。 殿中監帥尙舍視大次殿,又設皇帝版位於始祖神位前北向,又設飮福位於版位 前三日,太廟令帥其屬,洒掃廟庭之內外及陳設。 前。 又設文武羣官位於橫階之南,東、西向。 宗室王使相位於其後。 大樂令設登歌於殿上,宮縣於殿下。 又設齋郎位於東班羣官之後。 尚舍於廟南門之西,設饌幔一十一 又設太尉、司徒以下行事官位 又設皇太子位於 又設御洗位於阼階 又設盥洗等官、弁 .西南少 於 阼

奉禮、贊者、大司樂、協律郎、大樂令等位,各如祫享之儀。 又設尊彝祭器等於殿之上下,如

時享之儀。

前一日,禮官御史帥其屬,省牲,視濯滌,如常儀。

人於應天門外。尚輦進金輅於應天門內。午後三刻,宣徽院奏請皇帝赴齋宿殿,文武羣官 其日質明,禮官御史帥太廟官、太祝官、宮闈令出神主,如時享儀。有司列黃麾仗二千

並齋宿於所司。

郎奏「請車駕進發」。車駕動,稱「警蹕」,不鳴鼓吹。典贊儀引皇太子常服乘馬至廟中幕 儀。至應天門外,門下侍郎奏「請車駕少駐,勅侍臣上馬」。 侍中前承旨,退稱曰「制可」。門 門下侍郎俛伏,跪奏「請車駕進發」,俛伏,興。凡門下侍郎奏請,准此。車駕動,警蹕如常 帝升輦以出,侍衞警蹕如常儀。導駕官前導,至應天門,侍中奏「請降輦升輅」,皇帝升輅, 冠、絳紗袍。少頃,侍中奏「外辦」,皇帝出齋殿,即御座,羣官起居訖,侍中奏「請升輦」,皇 次,更服遠遊冠、朱明衣,執圭。通事舍人文武羣官並朝服。於廟門外班迎。車駕至廟門,侍 下侍郎退,傳制稱「侍臣上馬」,通事舍人承傳「勅侍臣上馬」。導駕官分左右前導,門下侍 人引侍中詣齋殿,俛伏,跪稱「臣某言,請中嚴」,俛伏,興。凡侍中奏請,催此。皇帝服通天 謝日質明,俟諸衞各勒所部屯門列仗。導駕官分左右侍立於殿階下,並朝服。通事舍

中 於輅前 至大次,侍中奏「請降輦,入就大次」。皇帝入大次。 ·奏「請降輅」,導駕官步入廟門稍東,侍中奏「請升輦」,皇帝升輦,傘扇侍衞如常

饌所 興、出 向 引 徒 至大階,樂止。諸太祝迎於階上,各設於神座前。先薦牛,次薦羊,次薦豕,訖,禮直官引司 以 事 已下降階復位。 !立,搢笏,洗瓚,拭瓚,以瓚授執事者,執笏,由西階升殿,詣始祖尊彝所,西向立。 執事者 一瓚奉太尉,太尉搢笏,執瓚酌鬯,詣神位前,以鬯祼地,訖,以虛瓚授執事者,執笏,俛伏, 官詣橫街北向,再拜,訖,禮直官引太尉詣盥洗位,搢笏,盥手,帨手,執笏,詣爵洗位,北 中 了引薦 書 通 .戶外北向,再拜,訖。次詣隨室並如上儀。禮畢,降自西階,復位。 禮直官引司徒出詣 侍 事舍人分引文武羣官由南神東西偏門入廟庭,東西相向立。禮直官引太尉以下行 郎、舉册官等升自西階、詣始祖室前,東西立。 組齋郎奉俎、幷薦籩豆簠簋官奉籩豆簠簋,及太官令,以序入自正門,宮縣樂作, 典贊儀引皇太子、通事舍人引親王,由南神東偏門入,詣褥位。 禮直官

進鎭 俛 廟 庭 本位 主,禮儀使奏「請執圭」,皇帝執圭,宮縣樂作。 通 跪 事 稱「臣某贊導皇帝行禮」,俛伏,興。前導至東神門,撤傘扇,近侍者從入。殿中監 .立,皇帝將出大次,禮儀使與太常卿贊導。 舍 人引侍中詣大次前,奏「請中嚴」, 皇帝服袞冕。少頃,侍中奏「外辦」。 奏「請詣罍洗位」,至位,樂止。 凡禮儀使與太常卿贊導,並博 士前引, 侍中詣 内侍跪 跪

志第十二 禮四

拜」。 於篚。 訖,禮儀使導皇帝至版位,再拜,訖,禮儀使奏「請詣始祖神位前褥位」,登歌樂作**。** 水,又內侍跪捧槃承水,皇帝洗爵,訖,內侍跪奉巾以進,皇帝拭爵,訖,內侍奠槃匜,又奠巾 主,**盥手。內侍跪取巾於篚,興,進,皇帝帨手,訖,奉爵官以爵跪進,皇帝受爵,內侍捧**匜沃 取匜,興,沃水。又內侍跪取槃,承水。時寒,預備溫水。 以虛爵授奉爵酒官。禮儀使奏「請執圭」,興,樂止。奉爵酒官以爵授奉爵官。 奏「請搢圭」,跪,奉爵官以爵授奉爵酒官以進。禮儀使奏「請執爵」,皇帝執爵,三奠酒,訖, 始祖尊彝所,樂作,至尊所,樂止。奉爵官以爵涖尊,執尊者舉幂,侍中跪酌犧尊之泛齊, 皇帝至阼階下,樂止。皇帝升自阼階,登歌樂作。 奉禮郎贊「皇太子已下在位羣官皆再拜」。贊者承傳,皆再拜。 奉餌官受餌。 禮儀使奏「請執鎭圭」,前導皇帝升殿,左右侍從量人數升,宮縣樂作。 禮儀使前導,皇帝至版位,樂止,奏「請再 禮儀使奏「請搢鎭圭」,皇帝搢鎭 禮儀使前導,皇帝詣 禮儀使奏 禮儀使

止。 福位」,登歌樂作。 於其側,酌獻畢,侍中亦立於其側。 中書侍郎跪讀册,訖,舉册官奠,訖,禮儀使奏「請皇帝再拜」,拜訖,禮儀使奏「請詣飲 禮直官先引司徒升自西階,立於飮福位之側,酌獻將畢,奉胙,酌福酒。 至位,太祝酌福酒於爵,時寒預備溫酒,以奉侍中,侍中受爵奉以立。 。禮儀使奏「請皇帝詣版位」,北向立,登歌樂作,至位樂 太祝從司徒立 禮

「請詣隨室」,並如上儀。

司徒又跪以胙肉進,皇帝受以授左右。禮儀使奏「請執圭」,興,「邑再拜訖,樂止。禮儀使 福」,飲福訖,以虛爵授侍中。禮儀使奏「請受胙」,司徒跪以黍稷飯籩進,皇帝受以授左右。 儀使奏「請搢圭」, 跪, 侍中以爵北向跪以進, 禮儀使奏 「請執爵」, 三祭酒。 禮儀使奏 「請飲

前導,皇帝還版位,登歌樂作,至位樂止。

至大次,轉仗衞於還途,如來儀。禮官御史帥其屬,納神主、藏册如儀。 縣作,前導皇帝出東神門,樂止。傘扇侍衞如常儀。禮儀使奏「請釋圭」,殿中監跪受鎭圭。 下在位官皆再拜」。拜訖,禮儀使奏「禮畢」,前導皇帝降阼階,登歌樂作,至階下樂止。宮 再拜」。贊者承傳,皆再拜,宮縣作,一成止。禮儀使奏「請皇帝再拜」,奉禮郞贊「皇太子已 太祝各進徹籩豆,登歌樂作。卒徹,樂止。奉禮曰「賜胙」,贊「皇太子已下在位羣官皆

少駐,勅侍臣上馬」,侍中前承旨,CKJ退稱曰「制可」,門下侍郞退,傳制稱「侍臣上馬」。通 降輦步出廟門」。皇帝步出廟門,至輅,侍中奏「請升輅」,皇帝升輅。門下侍郎奏「請車駕 之曲。入應天門內,侍中奏「請降輅乘輦」。皇帝降輅乘輦以入,傘扇侍衞警蹕如常儀。皇 事舍人承傳「勅侍臣上馬」。車駕還內,鼓吹振作,至應天門外,百官班迎起居,宮縣奏采茨 尚輦進輦,侍中奏「請降座升輦」。皇帝升輦,傘扇侍衞如常儀。至南神門稍東,侍中奏「請 少頃,通事舍人引侍中奏「請中嚴」,皇帝服通天冠、絳紗袍。少頃,侍中奏「外辦」。俟

皇后恭謝儀。

庭,起居訖,宣徽使版奏「中嚴」,少頃,又奏「外辦」。 前,起居訖,並赴殿庭陪列位。 升輿,就東神門外幄次,下簾。 車,由左掖門出,從至太廟門外,儀仗止於門外,回車南向。 侍奏「請降輿升車」,旣升車,奏「請進發」。 有司陳設儀仗於后車之左右,以次排列。 皇后旣受册,前一日, 齋戒於別殿。 內命婦妃嬪已下降車, 入就陪列位。 外命婦先自太廟後門入,內命婦妃嬪 內命婦應從入廟者俱齋戒一日。 車出元德東偏門,內命婦妃嬪已下自殿門外上 首飾緯衣,御肩輿,取便路至車所。 內侍奏「請降車升輿」,后降車 內侍引外命婦詣幄次 其日未明二刻 已下俱詣殿 內

奏「禮畢」,導歸幄次。宣徽使奏「請解嚴」。內外命婦還幕次。 徽使贊「再拜」,內外命婦皆再拜。 使奏「請三上香」,又奏「再拜」,拜訖。 少頃,宣徽使詣幄次,贊「行朝謁之禮」,簾卷,宣徽使前導,詣殿庭階下西向褥位立。宣 宣徽使前導,升東階,詣始祖皇帝神位香案前縟位,宣徽 宣徽使前導,次詣獻祖已下十室,並如上儀。 宣徽使

志第十二 禮四

奏「請進發」。內命婦上車。至元德東偏門,內侍奏「請降車升輿」,后御輿,取便路還內,內 命婦從入。册禮畢,百官上表稱賀,幷以牋賀中宮。 少頃、轉仗還內如來儀、外命婦退。內侍奏「請御輿」、出至車所、奏「請升車」、旣升車、

皇太子恭謝儀。

降輅,升輿以入。將士各還本所。後一日於東宮受羣官賀,如元正受賀之儀。 **訖,歸幄次,改服遠游冠、朱明衣。** 禮,並如 階之東,西向立,典儀贊「再拜」,訖,升自西階,詣始祖神位前北向,再拜,訖,以次詣逐室行 幄次,改服袞冕。 乘馬以從。東行,由太廟西階轉至廟,日不鳴鐃吹。至廟西偏門外降輅步進,由 明衣,升輿以出,至金輅所,降輿升輅。 其日質明,東宮應從官各服朝服,所司陳鹵簿金輅於左掖門外。皇太子服遠游冠、朱 上儀。訖,降自西階,復西向位俟,典儀稱「禮畢」。出東神北偏門,謁別廟如 出次,執圭自南神東偏門入,宮官幷太常寺官皆從。皇太子入詣殿庭東 出次,步至廟門外升輅,過廟門鳴鐃而行。 左庶子已下夾侍。 三師、三少乘馬導從,餘官亦皆 至左掖門外 東偏門入 上儀。

薦新。

定三年,有司言「每歲太廟五享,若復薦新,似涉繁數。擬遇時享之月,以所薦物附於籩豆 薦之,以合古者『祭不欲數』之義」。制可。牛魚狀似鮪,鮪之類也。 稷,羞以棗、以梨。十月,嘗麻與稻,羞以兔。十一月,羞以屬。十二月,羞以魚。從之。大 月,彘肉,小麥仁。七月,嘗雛雞以黍,羞以瓜。八月,羞以芡、以菱、以栗。九月,嘗粟與 魚、無則鯉代。二月、雁。三月、韭、以卵、以葑。四月、薦冰。五月、荀、蒲、羞以含桃。六 天德二年,命有司議薦新禮,依典禮合用時物,令太常卿行禮。 正月,鮪,明昌間用牛

功臣配享。

同三司盆納、儀同三司拔達、配享世祖廟庭。 明昌五年閏十月丙寅,以儀同三司代國公歡都、銀青光祿大夫冶詞、特進劾者、開府儀

魁忠東向,配太祖位。 天德二年二月,太廟祫享,有司擬上配享功臣,詔以撒改、辭不失、斜也杲、斡魯、阿思 以粘哥宗翰、斡里不宗望、闍母、婁室、銀术可西向,配太宗位。

室、銀术哥配享太宗。 三年十月,給享,又以斜也、斡魯、撒改、習不失、〔己〕阿思魁配享太祖, 其後,次序屢有更易。 宗望、闍母、宗翰

聞。 燕京留守金源郡王完顏銀术哥、開府金源郡王完顏忠、金源郡王完顏撒离喝、特進宗人斡 皇叔祖遼王杲、開府金源郡王習不失、[10]開府金源郡王完顏希尹、太傅楚王宗雄、 太師梁王宗弼、開府金源郡王婁室、皇叔祖元帥左都監魯王闍母、開府隋國公阿离合懑、儀 魯古、右丞相金源郡王紇石烈志寧。 同三司兗國公劉彥宗、右丞相齊國簡懿公韓企先、特進宗人習失,「己右廡:太師秦王宗翰、 乃定左廡:開府金源郡王撒改、皇伯太師右副元帥宋王宗望、開府金源郡王斡魯、皇伯 八年,上命圖畫功臣於太祖廟,有司第祖宗佐命之臣,勳績之大小、官資之崇卑以次上 開府前

二十二年,增皇伯太師遼王、斜也。、撒改、宗幹、宗翰、宗望,其下以次列 十六年,左廡遷梁王宗弼於斡魯上。十八年,黜習失,曰己而次蒲家奴於阿离合懣

留守金源郡襄武王完顏銀术可、日門開府儀同三司金源郡明毅王完顏忠阿思魁、金源郡莊 開府儀同三司金源郡貞憲王完顏谷神希尹、太傅楚威敏王謀良虎宗雄、開府儀同三司燕京 本、自己皇伯太師右副元帥宋桓肅王訛魯補宗望、開府儀同三司金源郡毅武王習不失、自己 至明昌四年,次序始定,東廊:皇叔祖遼智烈王斜也果、皇伯太師遼忠烈王宗幹斡

莘國公石琚、右丞相申國公唐括安禮、開府儀同三司平章政事徒單合喜、參知政事宗敍。 志寧、開府儀同三司左丞相沂國公僕散忠義、儀同三司左丞相崇國公紀石烈良弼、右丞相 簡懿公韓企先、太保尚書令廣平郡襄簡王李石、開府儀同三司右丞相金源郡武定王紇石烈 金源郡莊義王完顏婁室、皇叔祖元帥左都監魯莊明王闍母、開府儀同三司隋國剛憲公阿离 粘罕宗翰、皇伯太師梁忠烈王斡出宗弼、開府儀同三司金源郡剛烈王斡魯、開府儀同三司 寧、太師尚書令南陽郡文康王張浩,西廊:開府儀同三司金源郡忠毅王撒改、太師秦桓忠王 襄王杲撒离喝、特進宗人斡里古莊翼、特進完顏習失威敬、口意太師尚書令淄忠烈王徒單克 毎 一朝爲一列,著爲令。 、開府儀同三司豫國襄毅公蒲家奴昱、開府儀同三司兗國英敏公劉彦宗、右丞相齊國

寶玉。

凡天子 大祀、則陳八寶及勝國寶於庭、所以示守也。 金克遼宋所得寶玉,及本朝所製,

今幷載焉。

獲於遼者,玉寶四、金寶二。 玉寶:「通天萬歲之璽」一,「受天明命惟德乃昌」之寶一,

志

皆方三寸, [18] 「嗣聖」寶一, 御封不辨印文寶一。金寶: 「御前之寶」一, 「書詔之寶」一, 二寶.

金初用之。 樂未央」一、古文二、「封」四、共三十五面、仁八〕並玉。「封」字一、「御畫」一、二面並馬瑙。「政和御筆」一、係水晶。玄丰 「政和」一、「宣和」三、「宣和御覽」一、「宣和中祕」一、「宣和殿制」一、「宣和大寶」一、「宣和書寶」一、「宣和書寶」一、「常 有宋內府圖書印三十八,「內府圖書之印」一、「御書」三、「御筆」一、「御書三寶」一、「天子萬年」一、「天 崇國祀之寶」一,「天下合同之寶」一,「御前之寶」一,「御前錫賜之寶」一,「書詔之寶」一。外 殿寶」一;「皇后之寶」一;「皇太子寶」一,龜紐;「皇太子妃」印一,龜紐。 金塗銀寶:「皇帝欽 之寶」一,螭紐。金寶幷印:「天下同文之寶」一,龍紐;「御前之寶」二;「御書之寶」一;「宣和 「天子之寶」一,「天子信寶」一,「天子行寶」一,「皇帝之寶」一,「皇帝信寶」一,「皇帝行寶」 分,文曰「受命于天,旣壽永昌」,相傳爲秦璽,白玉蓋,螭紐,傳國寶一,螭紐,鎭國寶一,二 子萬壽」一、「龜龍上珍」一、「河洛元瑞」二、「雲漢之章」一、「奎璧之文」一、「華國之瑞」一、「大觀中秘」一、「大觀質篆」一、 面並碧色、「リン文日「承天休、延萬億、永無極」、又受命寶一、文曰「受命于天、旣壽永昌」、 一,「皇帝恭膺天命之寶」二,皆四寸八分,螭紐,「御書之寶」二,一龍紐,一螭紐,「宣和御筆 獲於宋者,玉寶十五,金寶七、印一,金塗銀寶五。玉寶.受命寶一,咸陽所得,三寸六

一,白玉圭一十九。

文曰「監國」,上命以「守」易「監」,比親王印廣長各加一分。 皇太妃寶,又有皇太子及守國寶,皆用金。大定二十四年,皇太子寶,金鑄龜紐,有司定其 再議。今所鑄金寶宜以進呈爲始,一品及王公妃用玉寶,一品以下用金『宣命之寶』」。又有 之,『書詔之寶』,賜高麗、夏國詔幷頒詔則用之。大定十八年造『大金受命萬世之寶』,奉勅 分。刺有司議所當用,奏「今所收八寶及皇統五年造『御前之寶』,賜宋國書及常例奏目則用 六分。CI-53二十三年,又鑄「宣命之寶」,其徑四寸二厘,厚一寸四分,紐高一寸九分,字深二 「禮信之寶」,用銅,歲賜三國禮物緘封用之,明昌間更以銀。又有太皇太后、皇太后、皇后、 八年,得美玉,韶作「大金受命萬世之寶」,其制徑四寸八分、厚寸四分,盤龍紐高厚各四寸 本朝所製。國初就用遼寶,皇統五年始鑄金「御前之寶」一、「書詔之寶」一。大定十

雜儀。

臣羊各一,酒共二百一十瓶。正隆減定,通用犢一,兩室共用羊一豕一,酒百瓶,此於禮有 五禮新儀每室復加魚十有五尾。 天德、貞元例,與唐、宋同,有司行事則不用太牢,七祀功 大定三年八月,有司議:「給享犧牲品物,按唐開元禮、宋開寶禮每室犢一、羊一、猪一,

闕。 乃命每祭共用一犢,羊豕如舊。又以九月五日祫享,當用鹿肉五十斤、獐肉三十五斤、兔 十四頭爲臡醢,以貞元、正隆時方禁獵,皆以羊代,此禮殊爲未備,詔從古制 今七祀功臣牲酒請依|天德制,宗廟每室則用宋制,加魚。 然每室一犢復恐太豐。」世宗

寶二年詔, 昊天上帝、皇地祇用犢,餘大祀皆以羊豕代之。 合二羊五豕足代一犢。今三年 減牛數,太廟每享用一犢。快政和五禮新儀時享太廟,親祀用牛,有司行事則不用。快開 「自周以來,下逮唐、保,給享無不用牛者。」唐開元禮時享每室各用太牢一,至天寶六年始 用一犢,有司行事則不用。 一給乃爲親祠,其禮至重,每室一犢恐難省減。」遂命時享與祭社稷如舊,若親祠宗廟則共 十年正月, 韶宰臣曰:「古禮殺牛以祭,後世有更者否?其檢討典故以聞。」有司謂:

行事則以鹿代。昭德皇后廟大定十九年禘祭,不用犢。 十二年十月,祫享,以攝官行事,詔共用三犢。二十二年十月,詔祫禘共用三犢,有司

祥,三月禪祭,踰月則吉,則四月一日爲初吉,適當孟夏禘祭之時,可爲親祠。」詔從之。及 『謂禘祫從先君數,朝聘從今君數,三年喪畢,遇禘則禘,遇祫則祫。』故事,宜於辛亥歲爲大 故四 . 月不行禘禮。按公羊傳,閔公二年『吉禘于莊公,言吉者未可以吉,謂未三年也』。 大定二十九年,章宗即位,禮官言:「自大定二十七年十月給享,至今年正月世宗升遐,

期,以孝懿皇后崩而止。

依 孝懿皇后 故 J. 事 要,要中之吉春秋 五 ,三年喪畢,給則給, 月 升祔以來,未 禮官言:「 世宗 曾躬謁, 豈可令有司 譏其速, 升祔已三年,[10]尚未合食於祖宗,若來冬遂行 諦則 恐冬給未 禘,於明昌四年 可行。 先攝 四 然 事 月一 哉。 (周禮 日釋 王有 況 前 心喪,行 代令攝 哀慘則 事者 春官 諦 禮 : 給禮, 止 攝 。」上從之。 一施于常祀, 事 , 伏為 竊 以 世 皇帝見 宗 及

定三年於享,明德皇后室未嘗用犢」,勅欽懷 世 明 宗 昌三年十二月,尚書省奏:「明年親 聖 壽高、故 殺 其數,亦不立於位,今當從禮 禘 皇后 室當 亦用 用 而 犢 己。 之。 0 急上 欽懷 因 皇后 問 拜數,右丞 | 附于明德之廟, 一瑋具對,上 按大

還板 凡 止 將 位,再 始 大定六年,定晨課行 祖 祝 兩拜。 册 於板位 還小 西南安置,讀册訖 次,酌獻 :禮,自· 大 時,罍洗位盥訖,至板位,先 次至板位先見神之禮,兩 又 兩 拜。 還小次,又至飲 兩 拜。再至板位, 拜。 福位,先兩 酌獻畢還板位,再 叉 拜,飲 兩 拜。 畢 裸鬯畢 兩 兩 拜。

時享 廟 五 室, 儀 貞 祐 初 則 四年,命 爲 至 板 百 位 九拜也。 參 兩 :拜,是 知 政事李革爲修奉太 裸及酌獻 明昌間嘗減每位酌獻奠爵後 則每位三拜,飲 廟 使,气三七月吉日 福 五 拜 拜,則爲九十二 總總 親行 七十 **祔享**,有 九 拜。 一拜而 今 司 升 以 已。 故 詂 事 則 然大定 用 編 皇帝 及 祧

志

第

六年 事方 殷,宜權散齋二日,致齋一日。 ,世宗嘗令禮官通減爲十六拜。 上曰:「拜數從大定例,餘准奏。」 又皇帝當散齋四日于別殿,致齋三日于大慶殿,今國

乃止 位並 謹按唐、宋親祠典禮,皆有通拜及隨位拜禮。 醴,用四十四拜之儀,無宮縣樂,犧牲從儉,十七室用犢三、羊豕九而已。 丑 旭 祝 稱而 **祝辭,本告神明,今諸祝册各書帝后尊諡,及高** 反不 各五 前 室 畢 蓋初 讀 題 已。 及之,此臣之所疑二也。 無 拜,合七十二拜。 不 兩 禮 拜禮 部尚書張行信言:[[]]]「近奉韶從世宗十六拜之禮,臣與太常參定儀注,竊有 能容,止於室 拜,飲福 寫畢,以 册,餘皆虛設,恐於禮未安,此臣之所疑三也。 任享禮以備,故後從權,更定通拜。 今近年禮官酌古今,別定四十四拜之禮。 ,此臣之所疑一也。 次奉陞。 四拜,似爲得中。」上從之,乃定祔享如時享十二室之儀。 戶 外 逮六年禘,始勅有司滅爲十六拜,仍存七十二拜之儀, 十月己未,親王百官自明俊殿奉迎祖宗神主于太廟幄 東 西 况六年所定儀注,惟於皇帝板位前讀始祖 列, 大定間十有二室,姑從十六拜,猶可。 以西爲上。 今陛下初廟 世宗大定三年親行奉安之禮,亦通七拜,每室 曾祖考世次不一,皇帝所自稱亦自 神主 初見神二拜,晨碟通 闕 者以升耐 先王之禮順時施宜, 見奉安,而遽從此制,是於 前三日 今十有七室 廟 四拜, 以皇太子爲亞獻, 室祝 叉以 內 不可 敬 其意 次。 祧 册。 隨室 造 廟 多寡,惟 不 一,而 隨室 辛 一酌獻 亦 夫祭有 以享日 五 同 主始 拜數 可 見 讀 而 神

校勘記

- 告日前三刻 按下文云「告日未明」,知此是未明前三刻,「日」下蓋脫「未明」二字。
- [I] 又設盥爵洗位横街之南稍東 「位」下疑脫「於」字。
- 大定七年正月十三日上尊號 子,上服袞冕,御大安殿,受尊號册寶禮」。 壬子爲十三日。今據改。 「三」原作「一」。按本書卷六世宗紀,大定七年正月庚子朔,「壬
- 告官以爵授奉爵酒官 「授」上原衍「奉」字。據殿本删。
- [五]禮儀使奏請執圭興 原脫「奏」字。今據上下文例補。
- トドリ 侍中前承旨 「中」原訛作「臣」。係涉上句「侍臣」致誤。今據上下文改。
- [七] 由太廟西階轉至廟 「階」疑是「街」字之誤。
- 習不失 原作「習失」。按上文天德二年太廟給享,韶以撒改、辭不失等配太祖位,本書卷七〇

習不失傳,「習不失本作辭不失,後定爲習不失」。「大定三年進封金源郡王,配饗太祖 廟庭」。

今據改。

志第十二 校勘記

- 八九 此是石土門之子「習失特進」、卷五九宗室表,亦作「習室」。卷七○習室傳、「熙宗時,贈特進。」 特進宗人習失 「習失」原作「辭不失」。按辭不失卽習不失,本書卷七〇有傳,官爵與此不合,
- 大定間,以太祖、太宗時勳臣圖像于衍慶宮。與此相合。今據改。
- 開府金源郡王習不失 「習不失」原作「習失」。今改正。參見本卷校記〔<〕、〔<?〕。
- 十八年黜習失 「習失」原作「辭不失」。今改正。參見本卷校記云〕。
- 據改。 皇伯太師遼忠烈王宗幹斡本 「本」原作「魯」。按本書卷七六宗幹傳,「宗幹本名斡本」。
- 開府儀同三司金源郡毅武王習不失 參考本卷校記[<]、[<]。 「習不失」原作「習失」。按據其官爵當是習不失,今改正。
- 襄」。與此稍異 開府儀同三司燕京留守金源郡襄武王完顏銀术可 按本書卷七二銀术可傳了大定十五年諡武
- 特進完顏習失威敬 「習失」原作「辭不失」。按其官爵、次第當是習失。 **今改正。參考本卷校**
- 皆方三寸 「皆」原作「自」。按大金集禮以下簡稱集禮卷三〇興服下,寶條記獲于遼「通天萬歲之 璽」一、「受天明命惟德乃昌」寶一、「皆方三寸」。 今據改。

- [12] 鎭國寶一二面並碧色 「二面並碧色」原作「二玉幷碧色」,幷在「鎭國寶一」四字上。按集禮卷
- 三〇,此五字與下文「文曰承天休」等十一字皆爲「鎭國寶一」之小注。今據改。
- □<□ 共三十五面 「三」原作「二」。 據集禮卷三○改。
- 盤龍紐高厚各四寸六分 按本書卷七五左光慶傳記此事作「蟠龍紐高厚各四寸六分有半」。
- 五月禮官言世宗升祔已三年 「五月」上脫紀年。按金世宗升祔在大定二十九年,見本書卷三
- 〇禮志。又本卷下文記「明昌三年」事,則知此「五月」當屬明昌二年。
- [J]] 勅欽懷皇后亦用之 「亦用之」按文義當作「亦不用之」。
- 貞祐四年命參知政事李革爲修奉太廟使 「四」原作「二」、無「奉」字。按本書卷一四宣宗紀」貞
- 拜之禮;上嘉納焉。語在禮志」。今據改。 書,四年「八月,上將稍享太廟,詔依世宗十六拜之禮。行信與禮官參定儀注,上言宜從四十四書,四年「八月,上將稍享太廟,詔依世宗十六拜之禮。行信與禮官參定儀注,上言宜從四十四 禮部尙書張行信言 「信」原作「簡」。按本書卷一〇七張行信傳,貞祐三年十二月,轉禮部尚

金史卷三十二

志第十三

禮五

上算諡

天會三年六月,諳班勃極烈杲等表請追册先大聖皇帝。十二月二十五日,奉玉册、玉

寶,恭上尊諡日大聖武元皇帝,廟號太祖。

號太宗。九月,追諡皇考曰景宣皇帝,廟號徽宗。 天會十三年三月七日,遺攝太尉皇叔祖大司空退奉玉册、玉寶,上尊諡曰文烈皇帝,廟

四 ·年八月庚戌,文武百僚、太師宗磐等上議曰:「國家肇造區夏,四征弗庭,太祖武元 原其積德累功, 所由 [來者

籌,未嘗衿甲,臨敵愈奮,應變若神。〔1〕皇曾叔祖太師,機獨運心,公無私物,四方聳動,諸 部歸懷,德威兩隆,風俗大定。皇伯祖太師,友于盡愛,國爾惟忠,謀必罔愆,舉無不濟。累 望,兼精騎射,往無不摧,始置官師,歸者蓋衆。皇曾祖太師,威稜震遠,機警絕人,雅善運 備 成 祖、皇七代祖,承家襲慶,裕後垂芳,不求赫赫之名,終大振振之族。皇六代祖,徙居得吉, 量,挺御世之姿,虞舜生馮,遷於負夏,太王避狄,邑此岐山,聖姥來歸,天原肇發。皇八代 遠矣。且禮多爲貴,固前籍之美談,德厚流光,實本朝之先務。伏惟皇九代祖,廓君人之 皇帝受命撥亂,光啓大業。太宗文烈皇帝繼志卒伐,奮張皇威。 遵行 日『德』,道德純一日『思』,請上皇八代祖尊諡曰德皇帝,妣曰思皇后。好和不爭曰『安』, 祖 百里日辟之功,戎車旣飾;著五敎在寬之訓,人紀肇修。皇高祖太師,質自天成,德爲民 種是勤,去暴露獲棟宇之安,釋負載興車輿之利。皇五代祖孛堇,雄姿邁世,美略濟時, 妣 ,婦道警戒,王業艱難,俱殫內助之勞,實著始基之漸。是宜采羣臣之僉議,酌故事 ,款帝于郊,稱天以誄。 謹按諡法,布義行剛曰『景』,主義行德曰『元』,保民耆艾曰 柔聖善日『懿』,請上皇九代祖尊諡日景元皇帝,廟號始祖,妣曰明懿皇后。中和純

好廉自克日『節』,請上皇七代祖尊諡日安皇帝,妣日節皇后。安民治古日『定』,明德有勞

『惠』,請上皇曾叔祖太師尊諡日孝平皇帝,廟號穆宗,妣曰貞惠皇后。愛民長悌曰『恭』, 『憲』,柔德好衆曰『靜』,曰聖善周聞曰『宣』,請上皇會叔祖太師尊諡曰穆憲皇帝,廟號肅 『桓』,明德有勞曰『昭』,執心決斷曰『肅』,請上皇高祖太師尊諡曰惠桓皇帝,廟號景祖,妣 帝、太宗文烈皇帝爲永永不祧之廟。須廟室告成,涓日備物,奉上寶册,藏于天府,施之 德不懈曰『簡』,夙夜共事曰『敬』,小心畏忌曰『僖』,請上皇伯祖太師尊諡曰恭簡皇帝,廟號 宗,妣曰靜宣皇后。慈愛忘勞曰『孝』,執事有制曰『平』,清白守節曰『貞』,愛民好與曰 皇曾祖太師尊諡曰聖肅皇帝,廟號世祖,妣曰翼簡皇后。申情見貌曰『穆』,博聞多能曰 康宗,妣曰敬僖皇后。仍請以始祖景元皇帝、景祖惠桓皇帝、世祖聖肅皇帝、太祖武元皇 曰昭肅皇后。大而化之曰『聖』,剛德克就曰『肅』,思慮深遠曰『翼』,一德不懈曰『簡』,請上 皇五代祖孛堇尊諡曰成襄皇帝,廟號昭祖,妣曰威順皇后。愛民好與曰『惠』,辟土兼國 曰『昭』,尊賢讓善曰『恭』,柔德好衆曰『靖』,請上皇六代祖尊諡曰定昭皇帝,廟號獻祖,妣 [恭靖皇后。愛民立政曰『成』,辟土有德曰『襄』,强毅執正曰『威』,慈仁和民曰『順』,請上

丙辰,奉上九代祖妣尊諡廟號,是日百僚上表稱賀。

罔極。」

仗官, 供奉官引從册寶綵服。若奉安後發册, 即御服通天冠、絳紗袍。 慶元宮奉上諡號。若候奉安太廟神主禮畢,方奉上諡號册寶,即百官並合法服,兼於皇帝 主,即先題舊諡,及至就本室上册寶,又須改題新諡。有兩節不同。五月九日擬奏告於太 **幞頭紅袍。幷慶元宮上册寶,即將來題太廟本室神主,便可用新諡。** 太廟未奉安,只於慶元宮上册寶,卽行事及立班官並用常服,及依例量用大小旗、甲騎、門 所御殿合立黃麾仗及殿中省細仗,太廟殿前亦合立黃麾仗,其册寶在路亦合量設儀仗。若 元奉勅旨,候到上京行禮,不見元奏目內,有無指定候修建太廟奉安神主以後行禮,或只於 天上帝、皇地祇, 次奉安社稷神主及奏告, 其次恭造太廟神主, 題號奉安入室, 以此爲序。 廟 廟,上册寶,竊慮法物樂舞難辦,只於慶元宮上册寶。」從之。 神主造畢,卽合題尊諡,擇日奉安,恐在郊社之前於禮未倫。候築郊兆畢,擇日奏告昊 五. |年,增上太祖尊諡,禮官議:「自古辨祀,以南北郊、太社、太稷、太廟爲序。 若於太廟先奉安神 若只就慶元宮,即 若太

十月三日,奉上尊諡册寶儀:[3]

騎、大小旗鼓、門仗官、香輿,自製造册寶所迎奉册寶,奉安于幄殿,行事官、製造官皆騎馬 儀鸞司設小次于辰居殿下東廂,又設册寶幄殿于景輝門外東仗舍。 前期,有司供張辰居殿神御牀案。少府監、鈎盾署設燎薪于殿庭西南,掘坎於其側。 殿前司、宣徽院量差甲

引 從 門下 中書侍 郎在前, 侍中中書令在後, 大禮 使又在其後, 舉昇奉册寶官、 製造官分左

右夾侍,以北爲上,皆給人從錦帽衫帶。

拜 褥 四, 是 日 未 在 明 阼 階 翰 上 林 使、 面 西 大官令丞鋪設香案酒果、供具牲體膳羞於神御前。 在香案南 面 北 在 殿 Ŀ 東 欄子 內, 面 西, 儀 鸞司 在 設 燎薪之 皇帝

位 令 拜。 常卿 ፑ<mark>፟</mark> 辦 蓋 階 馬 東 於 升 可面 立 管勾官常服, ,步入小次。 褥位 定。 大禮 中 乃引 分 質 西 置于西 引 明 書侍 儀鸞 使歸 介有司 南 皇帝 前 設黃 再 導,皇帝由 階下 郞 押班位 拜 司 由 少頃, 道 分 備常行儀仗、駕 於 退 徹 殿 册 左 自 慶元宮門外立班 香案 上 床。 就 右 正 , 小次至 御史臺催班, 殿 黃道升作階 前 閤 前 門 階 導。 舉 門使奏「班齊」, . 入 拜 册 Ŀ 殿,於香 一
作
階 褥 官對舉册, 西 奉 一設册 頭 南 册 褥 扇筤 Ŀ 柱 中 大 位 寶褥 案前 迎 書 外 面 禮 常常 駕 令 西 使、行 面 讀册官中書 太常卿奏「請皇帝 、讀册 位 褥 褥 朝官常 再 東 於 位 位 拜。 立 香案南、舉册、昇册 立 事 再 中書令 拜 官 皇帝 服騎馬執 , 讀 贊 了 上 自 册 令一 幄 自 請 並 官 香,又再 殿 宮 一後從 再 拜起, 中 鞭前 奉 中 行奉 拜 服 書 册 **令稍** 候 寶 拜,退稍 導,以北爲上,造 靴 跪, 上册寶之禮」。 閤 官 入正 於 袍、 門使臚 搢 前 褥 取 御 第一讀 一門,置 位。 册 ,再 東 馬, 匣于 於欄 拜 傳, 置 册 至 于 定, 牀 辰居殿 景 文日 昇 在 子 宣徽 對 册寶官、 輝門 奉 位官 册 內 册 官 捧 面 使、 皆 西 外 取 中 西 由 排 太 階 匣 書 四 褥 再 下

志

第

+

 \equiv

禮

五

册、异册官奉册匣由西階下,引從如 嗣 元皇帝。」讀册畢,就拜,興,又再拜,退立于奉册中書令之次。 皇帝 臣 .某,蓮拜手稽首奉玉册玉寶,恭上尊諡 上儀,復置于册牀。 曰應乾興運昭德定功睿神莊孝仁明 置定, 舉寶官以寶盝進,至侍中讀 奉册官進, 與中書侍郎 大聖 率 舉 武

畢,由西階下,復置于牀,皆如册匣之儀。

宣徽 簾降。 徽使取酒盞臺于翰林使,以進授皇帝。 牲羞,自西階下,置于燎薪之上。 受酒盞,復以授宣徽使,訖,由西階下,歸押班位。 酒,樂作,三酹酒,樂止。 「賜胙,再拜」,應在位官皆再拜。 香案南宣徽使處授福酒臺盞,行至皇帝阼階褥位前,宣徽使贊「皇帝再拜飮福」,閤門臚 使贊「皇帝再拜」,閤門喝「百官皆再拜」。 納于慶元宮收掌去處。 太常卿俛伏, '徹册寶褥位,復設香案南拜褥。 興,跪奏「太常卿臣某言,禮畢」。 太祝讀祝文,訖,皇帝 皇帝進膳于別殿,侍食官取旨, 大禮使跪,以酒盞進授皇帝,樂作,飲訖,又再拜。 文武班皆回班向燎所立,禮官贊「請皇帝就望燎位」。 皇帝酹酒于燎薪之上,執事者舉燎, 宣徽使、太常卿導皇帝進就褥位,再拜,上香、茶、 再拜,復歸阼階褥位,立定。 太常卿、宣徽使前導, 太祝奉祝版 百官皆卷班 ,翰林使酌酒,太官令丞 有司轉仗由來路, 西出。 皇帝歸 大禮使 大禮使升殿,於 小 半燎, 瘞于坎。 次, 以下 皇帝便服 卽御 大 ·奉 册 量 禮 座 宣 取 傳 使

還內,敎坊作樂前導。

次日,大禮使率百官稱賀。

帝, 序,已上廟號如故。十二月一日,奏告如**儀**。 帝、景祖惠桓皇帝日英烈惠桓皇帝,世祖聖肅皇帝日神武聖肅皇帝,肅宗穆憲皇帝日 穆憲皇帝,穆宗孝平皇帝曰章順孝平皇帝,康宗恭簡皇帝曰獻敏恭簡皇帝,太宗文烈皇帝 體元應運世德昭功哲惠仁聖文烈皇帝,徽宗景宣皇帝日允恭克讓孝德玄功佑聖景宣皇 安皇帝曰和靖慶安皇帝,獻祖定昭皇帝曰純烈定昭皇帝,昭祖成襄皇帝曰武惠成襄皇 是歲閏十一月,增上祖宗尊諡,始祖景元皇帝曰懿憲景元皇帝,德皇帝曰淵穆玄德皇 明睿

寶,太尉行事」。 字,或十四字,或十二字,即今睿宗皇帝更合增上尊諡,於升祔前奉册寶」。 宗,皇妣蒲察氏欽慈皇后,皇妣李氏貞懿皇后。二年八月一日,有司奏 未經升耐, 左平章元宜等奏請增上尊諡日睿宗立德顯仁啓聖廣運文武簡肅皇帝。 大定三年,增上睿宗尊諡。先是,元年十一月十六日,追册皇考曰簡肅皇帝,廟號睿 合無於衍慶宮聖武殿設神御牀案」。奉旨崇聖閣借設正位。 制可。 有司奏「睿宗皇帝 又奏「皇帝親授册 「祖宗諡號或十六 制可。

九月二十二日,奏告太廟。二十八日,大安殿置大樂,閱習。前一日,自衍慶宮奉迎册

寶,於大安殿安置。

服。 徽使奏「請皇帝搢圭」,跪捧册匣授太尉,「尽」太尉搢笏,跪受訖,「ヤコ 執笏,少東立。宣徽使奏 卿跪奏稱「太常卿臣某言、請皇帝行奉上册寶之禮」。 宮縣樂作,至皇帝褥位前,俛伏,跪,奉置訖,執笏,俛伏,興,退稍西立,東向。 前,俛伏,跪,奉置訖,執笏,俛伏,興,退稍西立,東向。太常博士引太尉至褥位,北向立。宣 引册,侍中、門下侍郎奉引寶,行,登歌樂作。宣徽使贊導皇帝隨册寶降自西階,登歌樂止, 儀贊「在位官再拜」。 皇帝步詣册寶幄次。 尉及羣臣就位。侍中跪奏「中嚴」,少頃,又跪奏「外辦」。皇帝服通天冠、絳紗袍出。 宮縣樂作,至大安殿下當中褥位。中書令、侍中奉册寶於皇帝褥位之西,樂止。宣徽使奏 「請皇帝再拜」,典儀贊「在位官皆再拜」,拜訖,中書令搢笏,奉册匣,宮縣樂作,至皇帝褥位 ·在位官再拜」,訖,各分班東西序立。 請執圭」,俛伏,興。 皇帝自宮中常服乘輿,侍衞如儀,赴大安殿後更衣幄次。 授册日未明三刻,有司各勒所部,整肅儀衞,羣臣集于殿門,行事官各法服,陪位官公 异册官捧册匣,中書侍郎奉册匣置於册牀,樂止。侍中搢笏,奉寶盝, 拜訖,奏「請皇帝搢圭」,三上香,訖,執圭。 將至幄次,登歌樂作,至幄次前北向,宣徽使贊「請皇帝再拜」,「邑典 奏「請皇帝詣稍東褥位」,樂止。中書令、中書侍郎奉 奏訖,俛伏,興。宣徽使分左右前導, 御史臺催班,通事舍人引太 奏「請皇帝再拜」。典儀贊 太常博士引 太常

常卿 出 殿 尉奉册寶訖,步出通天門外,革車用本品鹵簿,導從如儀,鼓吹不振作。俟册寶出大安門,太 其後,至大安門外,太尉以次跪奉册寶於玉輅中,中書侍郎於輅旁夾侍,所司迎衞如式。 使奏「皇帝再拜」,典儀贊「在位官再拜」。 少 後幄 東立。 尉 ,主節者持節前導, 册牀在前, 寶牀次之,樂止。 中書門下侍郎各導於册寶之前, 太尉居 跪 至褥位,北向立。宣徽使奏「皇帝搢圭」,跪捧寶盝授太尉,太尉搢笏,跪,受訖,執笏, 《奏稱「太常卿臣某言,禮畢」。 一次,樂止。侍中跪奏「解嚴」。 宣徽使奏「請執圭」,俛伏,興。异寶官捧寶盘,門下侍郎奉置於寶牀,樂止。 奏訖,俛伏,興,前導皇帝升自東階,登歌樂作,還大安 乘輿還內,侍衞如來儀。 皇帝南向立,宮縣樂作。 太常博士引太尉奉册寶 宣徽 太

前 十月一日,攝太尉特進平章政事兼太子太師定國公臣完顏宗憲率百官赴衍慶宮行禮。 一日,設册寶幄次於聖武殿門外,西向。

寶至 花 下導從,赴聖武殿門外幄次,奉安如式。 等,並 衍 其 日 慶宮門外,中書門下侍郎各奉册寶降輅,各置於牀。 如太祖皇帝忌辰供備之數。 :質明,太常寺官率所屬,於聖武殿設神御牀案,宣徽院排備茶酒菓、時饌、茶食、香 大樂署設登歌之樂於殿上前楹 其儀仗兵士並退。 太尉至門外降車,率 間稍南、北向。 中 ·
書
令
以 迎衛册

次引文武 百官 各服其服,以次就位。 大樂令率工人就位,禮直官亦先就位。 應執事者

志

第十

Ξ

禮五

引太尉詣罍洗盥手,升殿,詣神座前,搢笏,跪,三上香,樂作,奠茶、奠酒,訖,執笏,俛伏, 並先入殿庭北向立,禮直官贊「再拜」,說,升殿。次引太尉就東階下褥位西向立,禮直官贊 「拜」,在位官俱再拜。禮直官曰:「有司謹具,請行事。」禮直官贊「拜」,在位官俱再拜,訖,

興,樂止。太尉再拜,訖,還位少立。

册,寶」。奏訖,俛伏,興,稍西立。次引中書令立於册匣南,舉册官舉册,中書令俛伏,跪 樂作,册寶牀至殿庭,列於西階之下,承以席褥,樂止。太尉以下各就面北褥位立定,禮直 讀册,說,俛伏,興。中書令奉册匣降自西階,置于牀,登歌樂作,置訖,樂止。 食案之前,仍設褥位,樂止。次引太尉詣神位前,俛伏,跪,稱「攝太尉臣某言,謹上加尊諡 官贊「拜」,在位官俱再拜,訖,太尉率中書令侍郎奉册匣升殿,登歌樂作,至殿上,册匣置於 次引太尉出,率中書門下侍郎等,奉册寶牀入自殿門, [公]中書令侍中等並導從,登歌

訖,以次出。寺官、署官率拱衞直,昇册寶牀置于册寶殿,各退。 盏,侍中俛伏,跪讀寶,訖,俛伏,興。

侍中奉寶盞降自西階,置于牀,登歌樂作,置訖,樂止。 太尉詣殿門外褥位,再拜,訖,太尉而下俱降階,以次就位。禮直官贊「拜」,在位官皆再拜, 次引侍中門下侍郎奉寶盝升殿,樂作,置于食案之前,仍設褥位,樂止。舉寶官舉寶

次日,百官稱賀如常儀。

志第十三 禮五

戮及良工,虐不及民,事猶可諫,過之至此,古或有焉。右丞相岐國王亮不務殉諧,反行篡 中之有大。將撥亂而反正,務在革非。期事亡以如存,聿思盡禮。宜上諡號曰閔宗武靈 弑,妄加黜廢,抑損徽稱。

遠近傷嗟,神人憤怒,天方悔禍,

朕乃繼興,

受天下之樂推,居域 戈,世格泰和,俗躋仁壽,混車書於南北,一尉候於東西。晚雖淫刑,幾於恣意,寃施弟后, 太宗之遺命,嗣膺神器,十有五年。垂拱仰成,委任勳戚,廢齊國以省徭賦,柔宋人而息兵 大定十九年,奉上孝成皇帝諡號。元年十一月十六日,詔曰:「前君乃太祖之長孫,受

宗尊諡 奉上册寶,升祔太廟。 尉。所有冠冕儀仗擬依已行禮例。」上命儀仗人數約量減之,餘略同前儀。明年四月十日, 寶降自西階,搢圭,跪,捧册寶授太尉。今擬大安殿行禮,及依唐、周典故,降階捧册寶授太 皇帝禮儀,大安殿前立黃麾仗一千人,應天門外行仗二千人,皇帝服通天冠、絳紗袍,隨册 十八年,有司言:「本朝祖宗尊諡或十八字,或十四字,或十二字,或四字。今擬增上閱 日弘基纘武莊靖孝成皇帝,仍加諡悼皇后曰悼平皇后。」又言:「大定三年追尊睿宗

一十六年,刺再議閔宗廟號,禮官擬上「襄、威、敬、定、桓、烈、熙」七字,奉旨用「熙」字,

乃以明年四月一日,遣官奏告太廟及閔宗本室,易新廟號。

五月丙午,以祔廟禮成,大赦。 大定二十九年四月乙丑,[5] 諡大行皇帝曰光天興運文德武功聖明仁孝皇帝, 廟 號世

宗。

大定二十九年五月甲午,上皇考尊諡曰體道弘仁英文睿德光孝皇帝,廟號顯宗。

大安元年二月丁卯,5103諡大行皇帝曰憲天光運仁文義武神聖英孝皇帝,廟號章宗。

正大元年正月戊戌,諡大行皇帝曰繼天興統述道勤仁英武聖孝皇帝,廟號宣宗。

校勘記

<u>年奉上祖宗諡號條,「應變若神」句下有「皇曾叔祖太師道宣知言,智窮博識,始搆經營之力,</u> 應變若神 按大金集禮以下簡稱集禮卷三、卷四,追加諡號,爲本志上算諡之所本。其天會十四

卒成奄宅之勳」二十六字。

- 柔德好衆曰靜 按「好」集禮卷三作「合」。此蓋音近致誤
- 奉上尊諡册寶儀 原脫「諡」字。 據集禮卷三皇統五年增上太祖尊諡 條補。
- 在殿 上東欄子內面西 「面西」原作「西面」。據集禮卷三乙正。
- 五 請皇帝再拜 「請」原作「拜」。據集禮卷四大定三年增上睿宗尊諡條改。
- ヘネコ 寶並不去盝,則授册亦不去匣。今補一「匣」字。 跪捧册匣授太尉 原脫「匣」字。按上下文皆稱「册匣」。又下文皇帝「跪捧寶鑫授太尉」,知授
- 〔4〕太尉搢笏跪受訖 原脫「太尉」二字。據集禮卷四補。
- [八]奉册寶牀入自殿門 原脫「册」字。據集禮卷四補。
- へたし 大定二十九年四月乙丑 按「四月乙丑」本書卷八世宗紀作「三月辛卯朔」。
- 大安元年二月丁卯 按「二月」本書卷一二章宗紀作「正月」。

金史卷三十二

志第十四

禮六

原廟 朝謁儀 朝拜儀 别廟

祖皇帝原廟。 慶元宮址建正殿九間,仍其舊號,以時薦享」。 名曰世德」。是歲,東京御容殿成。世宗大定二年十二月,詔以「會寧府國家興王之地,宜就 太宗天會二年,日立大聖皇帝廟于西京。 皇統七年,有司奏「慶元宮門舊日景暉,殿日辰居,似非廟中之名,今宜改殿 熙宗天眷二年九月,又以上京慶元宮爲太

置廟於長安渭北,薦以時果,其後又置於豐、沛,不聞享薦之禮。 海陵天德四年,有司言:「燕京興建太廟,復立原廟。 三代以前無原廟制, 今兩都告享宜止於|燕京所 至漢惠帝始

志第

+

四

禮六

七八七

建原廟行事。」於是,名其宮曰衍慶,殿曰聖武,門曰崇聖。

大定二年,以睿宗御容奉遷行慶宮。

而 衣紅者二,舊在中都御容殿安置,今皆在此。詔以便服容一,遣官奉安,擇日啓行。 、立容一、戎衣一、佩弓矢一、坐容二、巾服一,舊在會寧府安置,半身容二、春衣容一、巾 五年,會寧府太祖廟成,有司言宜以御容安置。 先是,衍慶宮藏太祖御容十有二"法服

前一日,夙興,告廟,用酒饌,差奏告官一員,以所差使充,進請御署祝 板。

再拜。 後從,旗幟甲馬錦衣人等分左右導,香輿扇等前行。 送使副率太祝捧御容匣出,宰執以下分左右前導,出行慶宮門外,俟御容匣升車,百官上馬 馬,車前立班 其 、日質明,有司設龍車於衍慶宮門外少西,東向。 宰執率百官公服詣本宮殿下,班立, 班首升殿,跪上香、奠酒,教坊樂作,少退,再拜。 一,再拜。 奉送使副側侍不拜。 班首詣香輿,跪上香,俛伏,興,還班,再拜辭訖, 至都門郊外,俟御容車少駐,導從官下 班首降階復位,陪位官皆再拜。

上,駕以牛。 毎程 到 館或廨舍內安駐。其道路儀衞,紅羅傘一,龍車一,其制以靑布爲亭子狀,安車 又用駝五,旗鼓共五十,昇香輿一十人,導從六十人,執扇八人,兵士百人,護

退。

使副

遂行

酒,又再拜。送至郊外,再拜乃退。 衞二十人以宗室猛安謀克子孫充。 所過州縣,官屬公服出郭香果奉迎,再拜,班首上香奠

官與本府官及建廟官等並公服, 詣幄次前排立, 先再拜, 跪上香, 樂作, 奠酒, 訖, 又再拜。 奠酒,樂作,少退再拜,訖,班首降階復位,同執事官再拜,訖,退。 太祝捧御容,衆官前導引,至殿下排立。 四員,捧御容入廟,於中門外東壁幄次內奉置定,再拜,訖,退,擇日奉安。至日質明,差去 至會寧府,官屬備香輿奉迎如上儀,乘馬從至廟門外下馬,分左右導引。 御容升殿奉安,訖,再拜,班首升殿,跪上香,讀祝, 使副率太祝

袍色。 ·五年二月,有司言東京開覺寺藏睿宗皇帝阜衣展裹眞容,勅遷本京祖廟奉祀,仍易

官二人,六品以下官三十員公服乘馬前導。奉安訖,百官再拜,禮畢,退立宮門之外,迎駕 香輿八人、綵輿十六人、從者二十四人、執事官二人、弩手控鶴各五十人、贊者二人、禮直 至日質明,親王宰執率百官公服迎引至衍慶宮,凡用甲騎百人、傘二人、扇十二人、 明年四月,詔依奉安睿宗禮,奉安世祖御容於衍慶宮。前期,有司備香案、酒果、敎坊

朝謁。

原廟,每遇太祖皇帝忌辰,百官朝拜。今世祖皇帝擇地修建殿位,庶可副嚴奉之意。」從之。 十六年正月,有司奏:「奉勅議世祖皇帝御容當於何處安置。 臣等參詳衍慶宮即漢之

乃勅於聖武殿東西興建世祖、太宗、睿宗殿位。

宗殿日丕承、閤曰光昭,睿宗殿曰天興、閤曰景福。 韶從前議,止於衍慶宮各建殿七間、閤五間、三門五間。乃定世祖殿曰廣德、閤曰燕昌,太 旣 而復欲擇地建太宗殿于歸仁館,有司言:「山陵太祖、太宗、睿宗共一兆域,太廟世

十九年五月六日,奏告。 七日,奉安。執事禮官二人,每位香案一、祭器席一、拜褥二、

盥洗一、大勺篚巾全。

齋,親王於本府,百官於其第。行禮官執事人等習儀,就祠所淸齋。 各設腰輿一、舁士一十六人、傘子各二人、執扇各十二人、導從弩手各三十人。前一日,清 香案香爐匙合香酒花果器皿物等,依前來例。 於殿庭。 前一日,太廟令率其屬掃除宮內外,又各設神座於殿上,又設親王宰執以下百官拜位 又設盥洗位于東階下,執罍篚者位于其後。 又於聖武殿上設香案爐匙合香等,又於殿下 又於神位前各設北向拜褥位,并各設

世祖 殿門之外,贊者曰「拜」,在位官皆再拜。 官、署官前導,置於聖武殿神座。 皆再拜。 官就腰輿 上香,訖,少退,再拜。 上香,奠酒,教坊樂作,少退再拜,訖,樂止。 再拜」,在位官皆再拜。 御容升腰輿,三一儀衞依次序導從,至廣德殿,百官後從,至庭下班位立。禮官率太廟署 其日質明,禮官率太廟署官等詣崇聖閤奉世祖御容,每匣用內侍二人、太祝一員,禮 訖,禮官率太廟署官詣崇聖閣 ·丙捧御容,於殿上正面奉安訖,百官於階下、六品已下官於殿門外,立班。 贊者曰 禮直官引班首降殿復位,贊者曰「拜」,在位官皆再拜,訖,禮直官導 禮直官引班首詣盥洗、盥手訖、升殿、執事官等從升、詣御容前、跪 禮直官引親王宰執百官公服於殿庭班立,七品以下班于 禮直官引班首詣罍洗,盥手訖,升殿,詣神座前跪 禮直官引班首降殿復位,贊者曰「拜」,在位官

行 禮 並 太祝 如 內 Ŀ 儀 侍捧太宗御容,禮官導太宗御容置於聖武殿,〔三行禮畢,以次奉安於丕承殿,

次睿宗御容奉安於天興殿,回禮亦如之。 俟奉安禮畢,百官退。

奉安崇聖閤 年閏三月,奉旨昭祖、景祖奉安燕昌閣上,肅宗、穆宗、康宗奉安閣下,明肅皇帝 下。 毎 位 設黃羅幕一 、黃羅明金柱衣二、紫羅地褥一、龍牀一、踏牀二、衣全。前

志

第

+

四

禮

六

期奏告。四月一日奉安,五日親祀。

是年五月,遷聖安寺睿宗皇帝御容于衍慶宮,皇太子親王宰執奉迎安置。

朝謁儀。

拜位於殿庭,又設皇太子拜褥於親王百官位前。 齋於本宮,親王齋於本府,百官齋於其第。 幄,靈星門東設皇太子幄次。 |大定十六年四月十九日,奉安||世祖御容,行朝謁之禮。皇帝前一日齋於內殿,皇太子 太廟令率其屬,於行慶宮內外掃除,設親 宣徽院率其屬,於聖武門外之東設西向御 王百官

出幄 宮門西下馬,步入幄次。 香爐香案幷香酒器物等。 次,於親王百官班前奉迎。 其日,有司列仗衞于應天門,俟奉安御容訖,有司於殿上幷神御前設北向拜褥位,安置 親王百官於衍慶宮門外西向立班。 皇太子比至車駕進發已前,公服乘馬,本宮官屬導從,至至行慶 導駕官,五品六品七品職官內差四十員於應天門外道南立 俟車駕將至,典贊儀引皇太子

皇帝服靴袍乘輦,從官傘扇侍衞如常儀。 勅旨用大安輦、儀仗一千人。 出應天門、閣

班

以俟。

帝再拜,皇太子已下羣官皆再拜。宣徽使奏「禮畢」。已上擬八拜,宣徽院奏過,依舊例十 拜。請皇帝詣神御前褥位,北向立,叉請皇帝再拜,皇太子已下羣官皆再拜。請皇帝跪,三 外、八品以下宮門外陪拜。奏請,並宣徽使。皇帝再拜,「尽〕敎坊樂作。皇太子已下羣官皆再 引親王宰執四品已上職事官回班,並北向立。令中間歇空,不 礙 奏 樂。五品以下聖武門 上香,三奠酒,俛伏,興。又請皇帝再拜,皇太子已下羣官皆再拜,訖,皇帝復位。又請皇 之禮」。簾捲,皇帝出幄。宣徽使前導,至殿上褥位,北向立。典贊儀引皇太子就褥位,閤門 西,東向。進香進酒等執事官並升階,於殿上分東西向以次立。宣徽使跪奏「請皇帝行朝謁 品已上執事官,由東西偏門入,至殿庭分東西班相向立。典贊儀引皇太子入,立於褥位之 至衍慶宮門外稍西降輦。 門通喝「導駕官再拜」,訖,閤門傳勅「導駕官上馬」,分左右前導,至廟門外西偏下馬。 左右宣徽使前導,皇帝步入御幄,簾降。 閤門先引親王、宰執、四 車駕

以 引五品已下官出。宣徽使前導,皇帝還御幄,簾降。典贊儀引皇太子,閤門分引殿庭百官, 次出。宣徽使跪奏,「請皇帝還宮」。簾捲,步出廟門外,升輦還宮,如來儀。 典贊儀引皇太子復立於褥位之西,東向。 閤門引親王宰執以下羣官,東西相向立。 先

十九年奉安禮同。

志

朝拜儀。

初,太祖忌辰,皇帝至褥位立,再拜。 稍東,西向,詣香案前,又再拜。上香訖,復位,又

再拜。進食、奠茶、辭神皆再拜而退。

位立」,俟有司置香案酒卓訖,「請詣褥位」,又再拜,三上香、奠酒,復位,再拜。已上,皇太 門入,至于殿庭,左右分班立定。二宣徽使導皇帝由天興門正門入,四自東階升殿,詣褥 門外稍西。皇帝降輦,入幄次,簾降。典贊儀引皇太子、閤門引親王宰執四品已上官由偏 位立定。皇太子已下官合班,五品以下班于殿門外。宣徽使奏「請皇帝先再拜」,「請詣侍神 行慶宮門外下馬,

「

二

三

微前導,步入宮門稍東。

皇帝乘輦,傘扇侍衞如常儀,至天興殿 興殿門外稍西。至日質明,皇太子親王百官具公服于衍慶宮門外立班,奉迎。皇帝乘馬至 子已下皆陪拜。再奏「請詣稍東侍神位立」。典贊儀引皇太子升殿赴褥位,先兩拜,奠酒再 太子已下官皆再拜。禮畢,百官依前分班立。皇帝出殿門外,入幄次,簾降,更衣。次引皇 兩拜,降復褥位。次閤門引終獻官趙王上殿行禮。宣徽使奏「請皇帝詣褥位」,再兩拜。皇 大定二十一年日五月十二日,睿宗忌辰,有司更定儀禮。前一日,宣徽院設御幄于天

太子已下官出宮門外立班。[10]皇帝乘輦,至宮門稍東降輦,步出宮門外,上馬還宮,導從侍

衞如來儀。皇太子已下官,俟車駕行然後退。

大定五年,奉旨「太祖忌辰,衍慶宮薦亭止用素食、諸京凡御容所在皆同。 又朔望皆行

朝拜禮」。

六年,有司奏:「太祖皇帝忌辰,車駕親奠,百官陪拜。 今車駕巡幸, 合以宰臣爲班首,

率百官詣衍慶宮行禮。」從之。

十六年,奉旨「世祖、太宗忌辰,一體奉奠」。

十八年八月,太祖忌辰,世祖、太宗同在一處致祭,有司言「歷代無一 聖忌辰列聖預祭

之典」。擬議間,勅遣太子,一位行禮,幷就祭功臣。

奠,雖無典故參酌,恐合依舊,以盡崇奉之意」。從之。 代典故外,衍慶宮自來車駕行幸,遇祖宗忌辰百官行禮,幷諸京祖廟節辰、忌辰、朔、望拜 二十六年,以內外祖廟不同,定擬「太廟每歲五享,山陵朔、望、忌辰及節辰祭奠並依前

別廟。

志第十四 禮六

奏:「唐立別廟,不必專在太廟垣內。今武靈皇帝旣不稱宗,又不與給享,其廟擬於太廟東 墉外隙地建立。」從之。十四年,廟成,以武靈後諡孝成,又謂之孝成廟。 大定二年,有司擬奏閔宗無嗣,合別立廟,有司以時祭享,不稱宗,以武靈爲廟號。又

充終獻。 自是,歲常五享。 獻官。兵部尚書讓攝司徒,差大理卿天錫攝太常卿,充亞獻。 廟,餘如昭德過廟之儀。四月十七日,夏享太廟,同時行禮,命判宗正英王爽攝太尉,充初 十五年三月戊申,奉安武靈皇帝及悼皇后。前期一日,奏告太廟十一室及昭德皇后 大興少尹高居中攝光祿卿,

行禮,合無依已奏定共用三犢,或增添牛數」。奏奉勅旨,「太廟、別廟共用三犢,武靈皇帝廟 縣樂舞,幷樂器亦是闕少,看詳恐合依唐讓皇帝給享典故,樂用登歌,所有牲牢樽俎同太廟 樂用登歌,差官奏告,並准奏」。 禘給月一祭,只用登歌,其禮制損益不同。 今武靈皇帝廟庭與太廟地步不同,難以容設宮 室行禮。及契勘得自來給享,遇親祠每室一犢,攝官行禮共用三犢。今添武靈皇帝別廟 十七年十月、於享太廟、「檢討唐禮、孝敬皇帝廟時享用廟舞、宮縣、登歌、讓皇帝廟至

大定十九年四月,升祔太廟,其舊廟遂毁。

從西一間西壁上安置祏室。廟置一便門,與太廟相通。仍以舊殿爲册寶殿,祏室奏毀。 制小,又於太廟之東別建一位。十二年八月,廟成,正殿三間,東西各空半間,以兩間爲室, 禮,別廟薦享皆準太廟一室之儀,伏恐今廟享畢已過質明,請別差官攝祭。」制可。後以殿 謁畢祔於祖姑<u>欽仁皇后之左,享祀畢,奉主還本廟。十二月二十一日,臘享,禮官言:「唐</u> 之。三年十月七日,太廟給享,升祔睿宗皇帝幷昭德皇后,神主同時制造題寫,奉詣殿庭, 昭德皇后廟。大定二年,有司援唐典,昭德皇后合立別廟,擬於太廟內垣東北起建,從

排列職掌六人,燭籠十對,輦官並錦襖盤裹。仍令皇太子率百官行禮。 人爲十三重,供奉官充。次腰輿,輿士一十六人,傘子二人,次團扇十四爲七重,方扇四,次 言當用鹵簿,以廟相去不遠,參酌擬用淸道二人,次團扇二人,次職掌八人,次衙官二十六 十三年六月二十一日,奏告太廟,祭告別廟。二十三日,奉安,用前給享過廟儀。有司

爵洗位于横街之南稍東。罍在洗東,加勺。篚在洗西,南肆,實以巾。執罍篚者位于其後。 西階下東向立。及親王百官位於廟庭,北向,西上。又設祝案於神位之右,設算鄰之位於 之內外。禮直官設皇太子西向位,執事官位皇太子後,近南,西向,各依品從立。監祭,殿 左,各加勺、幂、坩。又設祭器,皆藉以席,左一籩實以鹿脯,右一豆實以鹿臡。又設盥洗、 前一日,行事執事官就祠所清齋一宿,仍習儀。執事者眡醴饌,太廟令帥其屬掃除廟

志

柴于位之北,預掘瘞坎于燎所。 綾厚 令又設神位於室內北墉下,當戶南向。 一、紫綾蒙褥一幷幄帳等,諸物並如 所司陳儀衞於舊廟門之外。 舊廟之儀。 設直几一、黼扆一 又設望燎位于西神門外之北,設燎 、莞席一 、繅席一、次席二、紫

服由 皆再拜。 質明,皇太子公服乘馬,本宮官屬導從,至廟門外下馬,步入廟門, 廟門入,於殿庭北向西上、重行立定。次引皇太子於百官前絕席位立,贊者曰「再拜」, 奉安日未明二刻,所司進方扇燭籠於舊廟殿門外,設腰輿一、傘一於殿階之下,南向 宮闡令升殿,捧昭德皇后神主置于座,贊者曰「再拜」,皆再拜。 至幕。 次引親王百官常

執笏。 定。 絕席 內常侍已下分左右前引,皇太子步自舊廟先從行,親王次之,百官分左右後從,儀衞導從, 接神主升殿,置于座。 至別 捧几內侍先捧几匱跪置於輿,又宮闈令接神主,內侍前引,跪置于輿上几後,覆以紅羅 禮直官少前贊曰「有司謹具,請行事」。 廟 次引 立,禮直官贊曰「再拜」,皆再拜。又贊曰「行事官各就位」。 殿下 **詣**爵洗位,北向立,搢笏,洗爵,拭爵以授執事者。 內常侍北向俛伏,跪奏「請昭德皇后神主奉安于新廟,降殿升輿」,奏訖,俛伏,興。 北向。 內常侍於腰輿前俛伏,興,跪奏「請降輿升殿」。內侍捧几匱前,宮闈令捧 禮直官引皇太子以下親王百官入殿庭,北向西上、重行立,皇太子在 即引皇太子就盥洗位,北向,搢笏,盥手,帨手, 執笏,升,詣酒尊所,西向立,執事 禮直官引皇太子西向位立

者以爵授皇太子,搢笏,執爵。 執事者以爵授皇太子,執爵三祭酒,反爵于坫,執笏,俛伏,興,少立。 執事者舉幂酌酒,皇太子以爵授執事者, 詣神位前北向, 搢

伏,興。舉祝官皆却立北向。贊者曰「再拜」,皇太子就兩拜,降階復位。 拜,禮畢,退。署令闔廟門,瘞祝于坎,儀物各還所司。 從,復本位。禮直官曰「再拜」,在位者皆再拜。宮闈令納神主于室,贊者曰「再拜」,皆再 次引太祝、舉祝官詣讀祝位東北向,舉祝官跪舉祝版,太祝跪讀祝,訖,置祝于案, 俛 舉祝、讀祝官後

十一年,自己郊祀前一日朝享,與太廟同日,用登歌樂,行三獻禮,有司攝事。

留舊有便門,遇禘船祔享由之。 每歲五享幷影廟行禮於正南門出入。又於廟外起齋廊房 隙地,廣三十四步,袤五十四步,可以興建。」制可。 仍於正南別創正門,門以坤儀爲名。 周以甓,外垣置靈星門一,神厨及西房各三間。 二十三間。 二十六年,刺別建昭德皇后影廟于太廟內。 然禮無廟中別建影廟之例,今皇后廟西有 有司言:「宜建殿三間,南面一屋三門,垣 仍

物庫東建殿三間,南垣及外垣皆一屋三門,東西垣各一屋一門,門設九戟。齋房、神厨, 宣孝太子廟。大定二十五年七月,有司奏:「依唐典,故太子置廟,設官屬奉祀。擬於法

志

度地之宜。」又奉旨,太子廟既安神主,宜別建影殿。 四 限以塼墉, 一,回立左右翼廊二十間,神厨、齋室各二屋三間。四边是歲十月,廟成,十一日奉安神主,十 日奉遷畫像 內建影殿三間。 南面一屋三門,垣周 以甓,無闕角及東西門。 有司定擬制度,於見建廟稍西中間, 外垣正南建三門

式。 模,訖,授奉神主官,承以箱,覆以梅紅羅帕,藉以素羅帕,詣座置於匱,乃下簾帷,侍衞 先以香湯奉沐,拭以羅巾。 丑前 製造,於行禮前 俟典儀俛伏,跪請,備腰輿傘扇詣神位。 五刻,題神主官與典儀幷禮官詣幄次前,題神主官詣罍洗位,盥手、悅手訖,奉神 神主用栗,依唐制諸侯用一尺,刻諡于背。 省部遣官於本廟西南隅面北設幄次,監視 一日製造訖。其日晚,奉神主官奉承以箱,覆以帕,捧詣題神主幄中。 題神主官就褥位,題諡號於背云「宣孝太子神主」,墨書,用光漆 導引侍衞皆減昭德 廟儀。 主官 次日 如

八,簠簋各二,豋鉶各一,其餘祭食亦量減之。」 用登歌,今量減用二十五人,其接神用無射宮,升降徹豆則歌夾鍾。 祭儀,有司言:「當隨祖廟四時祭享。 初獻於皇孫皇族、亞獻於皇族或五品以下 性羊、豕各一, 籩豆各 樂

一十六年十一月一日,奏「神主廟,牲牢樂縣官給。 影廟,皇孫奉祀」。

- 太宗天會二年 按依本志文例、此句上當脫「原廟」二字。
- 禮直官導世祖御容升腰輿 原脫「直」字。 按大金集禮 以下簡稱集體卷二〇。 原廟上爲本志原
- 廟之所本,記此事作「禮直官」。今據補。
- [1]]禮官導太宗御容置於聖武殿 原脫「置」字。據集禮補。
- 24 宗忌辰,「宣徽院設御幄于天興殿門外稍西」,「至天興殿門外稍西, 次睿宗御容奉安於天興殿 「興」原作「慶」。按上文「睿宗殿曰天興,閤曰景福」, 皇帝降輦」, 皆作 下文朝拜儀睿 「天興」。

今據改。

- 五 U 本宮官屬導從 作「本宮官屬導從」。 原脱「宮」字。 今據補。 按集禮卷二一原廟下爲本志朝謁儀、 朝拜儀之所本,其記此事
- へない 奏請並宣徽使皇帝再拜 按集禮卷二一「並宣徽使」 「並宣徽使」四字原作大字正文,殿本此句作「二宣徽使奏請皇帝再 四字爲小字注文,說明上文「前導」與下文之「奏請」皆爲宣徽
- 使。集禮是,今從改。
- [4] 大定二十一年 原脱「大定」二字。今補。
- 皇帝 乘馬 至 衍 慶宮門外下馬 「皇帝乘」集禮作「皇太子」。

志第十四 校勘記

- [九] 二宣徽使導皇帝由天興門正門入 「天興門」集禮作「天興殿」。
- COC次引皇太子已下官出宫門外立班 原脫「次」字。據集禮補。
- 十一年 按上文爲「十三年」,下文爲「二十六年」,疑此數字有誤,亦或敍次顚倒。
- [1] 外垣正南建三門一 按「一」字疑是衍文。
- [IN] 神厨齋室各二屋三間 疑當作「各一屋三間」或「二屋各三間」。

金史卷三十四

志第十五

禮七

社稷 風雨雷師 嶽鎭海瀆

陛。 門,門三間,各列二十四戟。 上,形如鐘,埋其半。 以五色土各飾其方,中央覆以黄土,其廣五丈,高五尺。其主用白石,下廣二尺,剡其 貞元元年閏十二月, 日 有司奏建社稷壇于上京。日 大定七年七月, 又奏建壇于中都。 社爲制,其外四周爲垣,南向開一神門,門三間。內又四周爲垣,東西南北各開一神 壇南,栽栗以表之。 四隅連飾罘罳,無屋,於中稍南爲壇位,令三方廣闊,一級四

近西爲稷壇,如祉壇之制而無石主。 志 第 + Ħ. 醴 七 四壝門各五間,兩塾三門,門列十二戟。 八〇三 壝有角

圍牆 及司 樓,樓之面皆隨方色飾之。 内, 徒致齋 東 西 幕 向。 次 也。 有望祭堂三楹,在其北, 堂下南北相向有齋舍二十楹。 饌幔四楹,在北壝門西,北向。 雨 則於是堂望拜。 外門止一間,不施鴟尾。 神厨在西境門外,南向。 堂之南北各爲屋二楹,三獻 解在 南

酒官 揖, 令 卿 率其屬 十,已上部差。 訖,退。 訖, ,終獻 ,太官令二,監祭御史二,太常博士二,廪犧令一,奉禮郎一,協律郎二,司尊罍二,奉爵 前三日質明,行事官受誓戒於尚書省、御史臺, 祭用春 ,太祝七,祝史四,盥洗官二,爵洗官二,執巾篚官四, ,各以其方器服守衞社宮門。 太尉誓曰:「某月某日上戊,祭于太社, 光祿 :秋二仲月上戊日,樂用登歌,遣官行 凡與祭官散齋二日,致齋一 守衞十二人,各衣其方色,其服官給。 卿 一,省差。太常卿一,光祿 大樂工人俱清 日,已齋而 卿 一,郊社令一 各揚 事。 闕 齋 太常寺引衆官就位, 爾 太尉 者 舉 職。 宿 通 瘞四,衣皂,軍人內差,其衣 一,司徒一,已上奏差。 ,學士院官一,請御署祝版。大樂 攝 不恭其事,國 · 齋郎四十八,贊者一,禮直官 行 事,仍習禮於社宮。 有常刑。」 禮直官贊「揖」,對 亞獻 讀訖,對 諸衛 自 太常 備。 令

前 日 陳設局設祭官公卿已下次於齋房之內。 及設饌幔四於社宮西神門之外,門

南,西向

前二日, 郊社令率其屬, 掃除壇之上下。 大樂令設樂於壇上。 郊社令為塵坎二於手

地,方深取足容物,南出陛。 又設望瘞位於坎之北,南向。

於前 罍篚 著罇二、犧罇二、山罍二在壇上北隅,南向。 位於西神門外。 向 等異位,俱重行,東向,南上。設御史位二於壇下,一在太社東北,西向,一在太稷西北,東 實。 向。 位於牲東北,南向。 笋菹、葵菹、菁菹、韭菹、魚醢、兔醢、豚拍、鹿臡、醓醢以序爲次。 釽三、槃一、俎三、坫四、 東北隅,俱西向。 上下,如太社、后土之儀。 ,博士 「幂者,各位於其後。 近南,北向。 籩之實,魚鱅、乾棗、形鹽、鹿脯、榛實、乾**藤、桃、菱、芡、栗,以序爲**次。 后土氏象罇二、著罇二、山罍二在太社酒罇之西,俱東南上。 設太稷、后稷酒罇於壇之 前 各在其北。 日,奉禮郎帥禮直官,設祭官公卿已下褥位於西神門之內道南,執事官於道北,每 設性榜於當門,黝性二居前,又黝牲二少退,三性皆用黝clill北上。 設大樂令位於兩壇之間,南向。設獻官褥位於逐壇上神座前。 又設御史位於太常卿之東,北向。 設奉禮郎位於稷壇上西北,贊者一在北,東向。設協律郎位二於壇 設諸太祝位於牲西,各當牲後,祝史陪其後,俱東向。設太常卿省牲位 內鄉一、豆一、簠一、簋一、俎三各設於饌幔內。 設玉 設洗位二於社壇西北,南向。 一帛之篚於壇上罇坫之所。 象罇二、壺罇二、山罍二在壇下北陛之西,南 太常卿帥其屬,設酒罇之位。太罇二、 設四座,各篷十、豆十、簠二、簋二、 罍在 一洗東,篚在洗西,北肆。 鉶實以羹, 光祿卿率其屬,入 加笔滑。 豆之實,芹菹、 設廪犧令 設省 牲 上

志

以 稻、粱,簋 實以黍、稷,粱在稻前,稷在黍前。 太官令入實罇罍以酒,各一罇實以玄酒。

社 神 座之左,后稷氏神座於太稷神座之左,俱東向。 祭日 未 明五 刻,郊社令升設太社 太稷神座,各於壇上近南,北向。 席皆以莞,加裍褥如幣之色。 設后土氏神座於太 神位 版

郎 前 日,諸衞之屬禁斷行人。

各

於

、座首。

位, 神 立 於 贊者承 進饌者實諸籩 有司 定 罇 座 及執 太祝、祝史、司罇罍篚幂者入自西門,當太社壇北, 光祿卿瘞血,訖,復位。祝史以盤還饌幔,以俟奉毛血豆。奉禮曰「衆官再拜」,在位者皆 一前,遂烹牲。 所 祭 謹 奉 立, 傳 日未 事者升自太社壇西陛以俟。 具 禮 ,御史以下皆再拜,訖,司罇罍篚幂者皆就位。 ,請行事」,退復位。 祝史以 曰「衆官再拜」,贊者曰「在位者皆再拜」, 明十刻,太官令率宰人以鸞刀割牲,祝史以豆取毛血,各置於饌所,以盤取血置 豆簠簋。未明一刻,奉禮郎、贊者先入就位。 未明三刻, 俟瘞血, 大祝以俟 諸祭官各服其服。 禮直官引光祿卿 郊社令與其屬,以罇坫罍洗箧幂入設於位,司罇罍奉禮 其省牲器、視滌漑,並如郊 取玉幣。 大樂令帥工人入。 就 郊社令、太官令入實玉幣罇罍。 **壓血** 其先拜者不拜。 重行 所,又引祝史奉盤血降自西陛,至 奉盤 .南向東上立定,奉禮曰「再拜」, 禮直官引光祿卿、御史、博士、 血祝 廟 儀。 禮直官各引祭官入,就位 史與太祝由 禮直官進太尉之左 西唑 太官令帥 升壇,各 瘞 日

諸

諸太祝取玉幣於篚,各立於尊所。禮直官引太尉詣盥洗位。協律郎跪,俛伏,舉麾,

樂作太簇宮正寧之曲。後盥洗同。至洗位南向立,樂止。

退,西向再拜,訖,樂止。 再拜。太祝以幣授太尉,太尉受幣,西向跪奠於后土神座前,俛伏,興。禮直官引太尉少 之曲,太稷同。禮直官引太尉進,南向跪奠於太社座前,俛伏,興。引太尉少退,詣褥位南向 玉。玉用兩圭有邸,盛以匣。瘞玉以玉石爲之。帛用黑繒,長一丈八尺。樂作太簇宮嘉寧 向立。太祝以玉帛西向授太尉,太尉受玉帛。禮神之玉奠於神前,瘞玉加於幣,配位不用 **搢笏、盥手、帨手訖,詣太社壇,樂作應鍾宮嘉寧之曲。後升壇同。升自北陛,樂止,南**

太社之俎。諸太祝旣奠毛血,禮直官太官令引太社太稷之饌入自正門,配座之饌入自左闥。 太尉旣升奠玉幣,太官令出帥進饌者,奉饌陳於西門外。禮直官引司徒出詣饌所,司徒奉 各由其陛升,毛血豆係別置一豆。諸太祝迎取於壇上,俱進奠於神座前,祝史退立於罇所。 禮直官引太尉降自北陸,詣太稷壇,盥洗、升奠玉幣如太社后土之儀。 祝史奉毛血入,

官引司徒已下降自西陛,樂作,復位,樂止。諸太祝還罇所。禮直官引太尉詣罍洗位,樂 太稷之饌升自北陸,配座之饌升自西陛,諸太祝迎引於壇上,各於神座前設訖,禮直 饌初入門,樂作太簇宮正寧之曲,饌至陛,樂止。 祝史俱進徹毛血豆,降自西陛以出。

志 第

作,至位、樂止。

讀祝如上儀。太尉再拜,訖,禮直官引太尉降自北陛,樂作,至罍洗位,樂止。 土神座前,執事者以爵授太尉,西向跪奠爵,訖,以爵授執事者,俛伏,興。太尉少退,樂止。 尉執爵,太官令酌酒,訖,樂作太簇宮昭寧之曲。太尉以爵授執事者。禮直官引太尉進后 讀祝官就一拜,各還罇所。太尉拜訖,詣配位酒罇所。執事者舉幂,執事者以爵授太尉,太 爵授執事者,俛伏,興。太尉少退,樂止。讀祝官與捧祝官進於神座前右,西向跪讀祝,讀訖, 太尉以爵授執事者。禮直官引太尉詣太社神座前,執事者以爵授太尉,南向跪奠爵,訖,以 舉幂,執事者以爵授太尉,太尉執爵,四太官令酌酒,訖,樂作太簇宮阜寧之曲。太稷同 盥手、洗爵訖,禮直官引太尉詣太社壇,升自北陛,樂作,至太社酒罇所,樂止。 執罇者

盥手、洗爵訖,禮直官引太尉詣太稷壇,升自北陛,並如太社后土之儀,樂曲同。 訖,禮

直官引太尉還本位。

亞、終獻、盥洗升獻並如太尉之儀。

太尉之右、請就望瘞位,御史博士從、南向立。於衆官將拜之前,太祝執篚進於神座前取玉 者籩豆各一,少移於故處。奉禮曰「賜胙」,贊者曰「衆官再拜」,在位者皆再拜。禮直官進 禮直官引終獻降復位,樂止。太祝各進徹豆,樂作應鍾宮娛寧之曲,還罇所,樂止。徹

再拜,訖,出。 祭官以下以次出。 訖,奉禮 齋郎以俎載牲體、稷黍飯、爵酒, 曰「可瘞」,坎東西各二人置土半坎,訖,禮直官進太尉之左曰「禮畢」,遂引太尉出, 工人以次出。 禮直官引御史博士以下俱復執事位,立定。 祝版燔於齋坊。 體謂姓之左髀。至一各由其陛降壇, 光祿卿以胙奉進,御史就位展視,光祿卿望闕 奉禮曰「再拜」,御史以下皆 以玉幣饌物置於坎,

其州郡祭享,一遵唐、宋舊儀。

再拜,乃退。

風、雨、雷師。

攝之。且又州縣之所通祀者也,合先舉行。」制可。 定儀注以聞。」尚書省奏:「天地日月,或親祀或令有司攝事。 祖 廟 禘哈五享外,惟社稷、嶽鎭海瀆定爲常祀,而天地 明昌五年,禮官言:「國之大事,莫重於祭。 王者奉神靈、祈福祐、皆爲民也。 日月風 岩風 酮 雷 雨雷師乃中祀,合令有司 師 其禮尙闕,宜 詔 我國家自 有司講

儀。 **叉為壇於端** 乃爲壇於景豐門外東南,闕之巽地,歲以立春後丑日,以祀 禮門外西南,闕之坤地,以立夏後申日以祀雨師,其儀如中祀,羊豕各一。 風 師。 性、幣、進熟, 如 中祀

尨

是日,祭雷師於位下,CKJ禮同小祀,一獻,羊一,無豕。其祝稱「天子謹遣臣某」云。

嶽、鎭、海、瀆。

吳山 本廟 祭西海、西瀆于河中府。立冬,祭北嶽恒山于定州、北鎭醫巫閭山于廣寧府,望祭北海、北 淮于唐州。 源王,河爲顯聖靈源王,濟爲淸源王。 日,祭中嶽于河南府、中鎭霍山于平陽府。立秋,祭西嶽華山于華州、西鎭吳山于隴州,望 爲成德王,霍山爲應靈王,會稽山爲永興王,醫巫閭山爲廣寧王,淮爲長源王,江爲會 致祭,其在他界者遙祀。 立春,祭東嶽于泰安州、東鎭于益都府、東海于萊州、東瀆大 大定四年,禮官言:「嶽鎭海瀆,當以五郊迎氣日祭之。」 詔依典禮以四立、土王日就 立夏、望祭南嶽衡山、南鎭會稽山于河南府、南海、南瀆大江于萊州。季夏土王

捧祝官二、盥洗官二、爵洗官二、奉爵官一、司尊彝一、禮直官四,以州府司吏充。 每歲 遣使奉御署祝版奩薌,乘馹詣所在,率郡邑長貳官行事。禮用三獻。讀祝官一、

前三日,應行事執事官散齋二日,治事如故,宿於正寢,如常儀。 前二日,有司設行事

執 一,視性充腯 事官次於廟門外。 掌廟者掃除廟之內外。 前一日,有司牽牲詣祠所,享官以下常服閱饌

位於廟門外,初獻在西,東向,亞、終及祝在東,南向,北上。「刊開瘞坎於廟內廷之壬地 藉 乾桃、菱、芡、栗。 右十豆爲三行,以左爲上,實以芹菹、筍菹、韭菹、葵菹、菁菹、魚醢 下,直東霤北向,罍在洗東,加勺。 終獻酌。 二、象罇二,在堂上東南隅,北向西上。 豚拍、鹿臡、醓醢。 以席,掌饌者實之。 享日丑前五刻,執事者設祝版於神位之右,置於坫,及以血豆設於饌所。 又設太罇一、山鐏 左簠二,實以粱、稻。 左十籩爲三行,以右爲上,實以乾藤、乾棗、形鹽、魚鱅、鹿脯、榛實、 一,在神位前,設而不酌。 **篚在洗西,南肆,實以巾。 犧罇在前,實以法酒。犧罇,初獻官酌。** 右簋二,實以稷、黍。俎二,實以牲體。 有司設燭於神位前。 執罍篚者位於其後。 洗二,在東堦之 次設祭器,皆 **象罇**, 亚、 次設犧罇 叉設揖 一、鬼醢

爵, 官行 **搢笏,冼爵,以爵授執事者,執笏,升堂,詣酌罇所西向立。執事者以爵授初獻。初獻搢笏執** 次引配升堂就位立。 執罇者舉幂,執事者酌酒。 止皆贊者引,點視陳設訖,退就次。引初獻以下詣廟南門外揖位,立定,贊禮者贊「揖」。 享日 丑前 五刻,執事官各就次。掌饌者帥其屬,實饌具畢。 次引初獻詣盥洗位北向立,搢笏、盥手、帨手,執笏,詣爵洗位北向立, 初獻以爵授執事者,執笏,詣神位前北向立,搢笏,跪,執事 凡祭官各服其服,與執事

志

第

+

者以爵授初獻。

卷三

初獻執爵三祭酒、奠爵訖、執笏、俛伏、興心少立。次引祝詣神位前東向立。

搢笏,跪,讀祝,訖,執笏,興,退復位。 初獻再拜,贊禮者引初獻復位。

次引亞獻酌獻,並如初獻之儀。次引終獻,並如亞獻之儀。

執緯罍篚幂者俱復位立定,贊者曰「再拜」,再拜訖,遂出。 祝版燔於齋所。 置於坎,東西廂各二人,贊者曰「可瘞」,置土半坎,又曰「禮畢」,遂引初獻官已下出。 祝與 曰:「再拜。」已飲福、受胙者不拜。〔八〕亞獻官以下皆再拜,拜訖,次引初獻已下就望瘞位,以饌物 初獻取爵,遂飲,卒爵,執事者進受爵,復於坫。初獻興,再拜,贊者引初獻復位。贊者 **贊者引初獻官詣神位前北向立,執事者以爵酌淸酒,進初獻之右,初獻跪,祭酒,啐酒,** 執事者以俎進,滅神座前胙肉前脚第二節,共置一俎上,以授初獻,初獻以授執事

校勘記

[1] 貞元元年閏十二月 按依本志文例,此句前當脫「社稷」二字。

建社稷壇于上京 按此處有誤字,「上京」當作「中都」。本書卷五海陵紀,貞元元年「三月辛亥、 壇當在中都。上京舊建築會毀滅之不暇,絕無創建社稷壇之理。本卷下文「大定七年七月,又奏 上至燕京」、「乙卯、以遷都韶中外、改燕京爲中都」。又閏十二月「癸巳,定社稷制度」,則建社稷

建壇于中都」,或是改建增修,不可考矣。

』〕 三牲皆用黝 「三」殿本作「二」。按上文「黝牲二居前,又黝牲二少退」,凡四牲。疑「三」或爲

「四」之誤。

太尉執爵 原脫「太尉」二字。據五禮通考卷四四社稷引本文補。

フガン 體謂性之左髀 按此六字原誤作正文、殿本改成小注、今從之。

へ 六 い 祭雷師於位下 「師」原作「神」。按上文三處皆作「師」。今據殿本改。

しよし 初獻在西東向亞終及配在東南向北上 按「南向」則不得「北上」。此處係與「初獻在西東向」

相對,當作「在東西向」爲是。

贊者曰再拜已飲福受胙者不拜 原脫「再拜」二字。按大金集禮卷三四岳鎭海瀆爲本志嶽鎭海

據集禮改作小字注文。

金史卷三十五

志第十六

禮八

宣聖廟 武成王廟 前代帝王 諸神雜祠 祈祭 拜天

本國拜儀

宣聖廟。

皇統元年二月戊子,日即宗詣文宣王廟奠祭,北面再拜,顧儒臣曰:「爲善不可不勉。

孔子雖無位,以其道可尊,使萬世高仰如此。」

造茶食等物,以大小楪排設,用留守司樂,以樂工爲禮生,率倉場等官陪位,於古禮未合也。 大定十四年,國子監言:「歲春秋仲月上丁日,釋奠於文宣王,用本監官房錢六十貫,止

志

第

十六

醴

八

伏覩國家承平日久,典章文物當粲然備具,以光萬世。況京師爲首善之地,四方之所觀仰, 擬釋奠器物、自行禮次序,合行下詳定。兼克國公親承聖教者也,鄒國公力扶聖教者也, 右,與顏子相對,改塑冠冕,粧飾法服,一遵舊制。」 當於宣聖像左右列之。今孟子以燕服在後堂,宣聖像側還虛一位,禮宜遷孟子像於宣聖

尊一、簠簋各二、俎二、祝板各一,皆設案。 七十二賢、二十一先儒,每位各籩一、豆一、爵 幅,尊席用葦,俎、豆席用莞。牲用羊、豕各三,酒二十瓶。 四。其尊皆有坫。罍二,洗二,篚勺各二,幂六。正位幷從祀藉尊、罍、俎、豆席,約用三十四。其尊皆有坫。罍二,洗二,篚勺各二,幂六。正位幷從祀藉尊、罍、俎、豆席,約用三十 一,兩廡各設象尊二。總用籩、豆各一百二十三,簠簋各六,俎六,犧尊三,象尊七,爵九十 禮官參酌唐開元禮,定擬釋奠儀數:文宣王、兗國公、鄒國公每位籩豆各十、犧尊一、象

,

舒洗官一,

巾箧官二,

禮直官十一,

學生以儒服陪位。 禮行三獻,以祭酒、司業、博士充。分奠官二,讀祝官一,太官令一,捧祝官二,罍洗官

涓辰維良,爰修祀事。 沃盥于庭,嚴禋禮備。」 升階,南呂宮<u>肅寧之</u>曲,辭曰:「巍乎聖師,道 視。」 [三初獻盥洗,姑洗宮靜寧之曲,辭曰:「偉矣素王,風猷至粹。垂二千年,斯文不墜。 「上都隆化,廟堂作新。神之來格,威儀具陳。穆穆凝旒,巍然聖眞。斯文伊始,羣方所 樂用登歌,大樂令一員,本署官充,樂工三十九人。迎神,三奏姑洗宮來寧之曲,辭曰: 肇祀,太平極致。」 黨。」鄒國公酌獻,姑洗宮泰寧之曲,辭曰:「有周之衰,王綱旣墜。是生眞儒,宏才命世。言 來寧之曲,辭曰:「吉蠲爲饎,孔惠孔時。 正辭嘉言,神之格思。 是饗是宜,神保聿歸。 惟時 天立極。有承其流,皇仁帝德。豈伊立言,訓經王國。煥我文明,典祀千億。」送神,姑洗宮 <u>和寧之曲,</u>辭曰:「天生聖人,賢於堯、舜。仰之彌高,磨而不磷。新廟告成,宮牆數仞。遣 而爲經,醇乎仁義。力扶聖功,同垂萬祀。」亞、終獻,姑洗宮咸寧之曲,辭曰:「於昭聖能,與 使陳祠,斯文復振。」降階,姑洗宮安寧之曲,辭曰:「禀靈尼丘,垂芳闕里。 生民以來,孰如 「聖師之門,顏惟居上。其殆庶幾,是宜配饗。桓圭衮衣,有嚴儀象。載之神祠,增光吾 新祠歸然,四方所視。酹觴告成,祗循典禮。」兗國公酌獻,姑洗宮輯寧之曲,辭曰: 修明五常,垂教無窮。 增崇儒宮,遹追遺風。嚴祀申虔,登降有容。」奠幣,姑洗宮

文,舊封公者升爲國公,侯者爲國侯,咸伯以下皆封侯。 承安二年,春丁,章宗親祀,以親王攝亞、終獻,皇族陪祀,文武羣臣助奠。上親爲贊

宣宗遷汴,建廟會朝門內,歲祀如儀,宣聖、顏、孟各羊一、豕一,餘同小祀,共用羊八,

無豕

其諸州釋奠並遵唐儀。

志第

十六

八一

武成王廟。

泰和六年,詔建昭烈武成王廟于闕庭之右,麗澤門內。其制一遵唐舊,禮三獻,官以四

品官已下,儀同中祀,用二月上戊。

降管仲以下。又躋楚王宗雄、宗望、宗弼等侍武成王坐,韓信而下降立於廡。又黜王猛、慕 容恪等二十餘人,而增金臣遼王斜也等。四其祭,武成王、宗翰、子房各羊一、豕一,餘共用 七年,完顏匡等言:「我朝創業功臣,禮宜配祀。」於是,以秦王宗翰同子房配武成王,而

羊八,無豕。

宣宗遷汴,於會朝門內闕庭之右營廟如制,春秋上戊之祭仍舊。

諸前代帝王。

開州、高辛於歸德府、陶唐於平陽府、虞舜、夏禹、成湯於河中府、周文王、武王於京兆府。 三年一祭,於仲春之月祭伏犧於陳州,神農於亳州,軒轅於坊州,少昊於兗州,顓頊於

署。』平章政事鎰、左丞匡、太常博士溫迪罕天興言:『方嶽之神各有所主,有國所賴,請御署 固宜。至于前古帝王,寥落杳茫,列于中祀亦已厚矣,不須御署。』參知政事即康及」欽 制。」勅命依期降祝板,而不請署。 三皇、五帝、禹、湯、文、武皆垂世立敎之君,唐、宋致祭皆御署,而今降祝板不署,恐於禮未 開寶禮犧、軒、顓頊、帝嚳、陶唐、女媧、成湯、文、武請御署,自漢高祖以下二十七帝不 不若止從外路祭社稷及釋奠文宣王例,不降祝板,而令學士院定撰祝文,頒各處爲常 泰和三年,尚書省奏:「太常寺言:『開元禮祭帝嚳、堯、舜、禹、湯、文、武、漢祖祝板請御 以爲

長白山。至

太常、學士院奏奉勅旨封興國靈應王、即其山北地建廟宇。 大定十二年,有司言:「長白山在興王之地、禮合尊崇、議封爵、建廟宇。」十二月、禮部、

冕幄次,牙杖旗鼓從物等視一品儀。禮用三獻,如祭嶽鎮。 員、詣會寧府。行禮官散齋二日,致齋一日。所司於廟中陳設如儀。 十五年三月,奏定封册儀物,冠九旒、服九章、玉圭、玉册、函、香、幣、册、祝。 廟門外設玉册、衮 遣使副各

川靡不咸秩。 享,亙萬億年。維金之禎,與山無極,豈不偉歟。」自是,每歲降香,命有司春秋二仲擇日 昌,迄于太祖,神武徵應,無敵于天下,爰作神主。 德,仰止其高,實惟我舊邦之鎭。 混同流光,源所從出。 秩秩幽幽,有相 **今遣某官某,持節備物,册命茲山之神爲興國靈應王,仍勅有司歲時奉祀。** 對越神休,必以祀事。故肇基王迹,有若岐陽。 其册文云:「皇帝若曰:自兩儀剖判,山嶽神秀各鍾于其分野。 矧王業所因,瞻彼旱麓,可儉其禮。服章爵號非位於公侯之上,不足以稱焉。 望秩山川,於稽虞典。 肆予冲人,紹休聖緒,四海之內,名山大 國將興者,天實作之。 之道。 厥惟長白,載我金 於戲!廟食之 列聖蕃衍熾

明昌四年十月,「ミン 備衮冕、玉册、儀物,上御大安殿,用黃麾立仗八百人,行仗五百人,

大房山。

復册爲開天弘聖帝。

勝。 節行禮,並如册長白山之儀。其册文云:「皇帝若曰:古之建邦設都,必有名山大川 我國旣定鼎於嚥,西顧郊圻,巍然大房,秀拔混厚,雲雨之所出,萬民之所瞻,祖宗陵寢 大定二十一年,勅封山陵地大房山神爲保陵公,冕八旒、服七章、圭、册、香、幣,使副持 以爲形

禁無得樵採弋獵。 於是焉依。仰惟嶽鎭古有秩序,皆載祀典,矧茲大房,禮可闕歟?其爵號服章俾列于侯伯 之上,庶足以稱。 今遣某官某,備物册命神爲保陵公。申勅有司,歲時奉祀。 著爲令。」是後,遣使山陵行禮畢,山陵官以一獻禮致奠。 其封域之內,

混同江。

大定二十五年,有司言:「昔太祖征遼,策馬徑渡,江神助順,靈應昭著,宜修祠宇,加賜

封爵。」廼封神爲興國應聖公,致祭如長白山儀,册禮如保陵公故事

貌,正封爵,禮亦至矣。 蓋古者五嶽視三公,四瀆視諸侯,至有唐以來,遂享帝王之尊稱,非直後世彌文,而崇德報 功理亦有當然者。矧茲江源出於長白,經營帝鄉,實相興運,非錫以上公之號,則無以昭答 孟夏、朕時邁舊邦、臨江永歎,仰藝祖之開基,佳江神之效靈、至止上都、議所以尊崇之典。 流,不舟而濟,雖隱滿渡江而黿梁,光武濟河而水氷,自今觀之無足言矣。執徐之歲,四月 其册文云:「昔我太祖武元皇帝,受天明命,掃遼季荒茀,成師以出,至于大江,浩浩洪 今遣某官某,持節備物册命神爲興國應聖公。申命有司,歲時奉祀。 惟神其衍靈長之德,用輔我國家彌億年,神亦享廟食於無窮,豈不 於戲 嚴廟

志第十六 禮八

嘉蔭侯。

詣廟,以三獻禮祭告。 其祝文曰:「蔚彼長林,實壯天邑,廣袤百里,惟神主之。 侯封是享,歆時蠲潔,相厥滋榮。」是後,遇月七日,上京幕官一員行香,著爲令。 大定二十五年,勍封上京護國林神爲護國嘉蔭侯,毳冕七旒,服五章,圭同信圭,遣使 廟貌有嚴

瀘溝河神。

載,難之。已而,特封安平侯,建廟。二十七年,奉旨,每歲委本縣長官春秋致祭,如令。 大定十九年,有司言:「瀘溝河水勢泛決嚙民田,乞官爲封册神號。」 禮官以 祀典所不

昭應順濟聖后。

歲委本縣長官春秋致祭,如令。 年春正月,尚書省言:「鄭州河陰縣聖后廟,前代河水爲患屢禱有應,嘗加封號廟額。今因 祈, 大定十七年,都水監言:「陽武上埽黃河神聖后廟,宜依唐仲春祭五龍祠故事。」二十七 河遂安流,乞加褒贈。」上從其請,特加號曰昭應順濟聖后,廟曰靈德善利之廟。

鎭安公。

舊 名 旺 國崖,太祖伐遼嘗駐蹕於此。大定八年五月,更名靜寧山,後建廟。明昌六年八

[4] 以冕服玉册,册山 神爲鎭安公

宮斯 猶監 物,册命 式 英靈 民。 封 秩 神 符乎乾造。 甄 爵 毎 其受職,豈 之加 有相 爱卽 奠。 神 及於五 册文曰:「皇帝若曰:古之名山,咸在祀典。 股修 祐 神 之符。 歲 昔有遼嘗恃以富國,迄大定更爲之錫名。 爲鎭安公, 載。 肆象 時,駕言臨幸,兵革不試,遠人輯寧。 和 故太白 一方之表,萬物所瞻,南直都畿,北維障徼,連延廣厚,寶藏攸 不偉歟。」 有夏,咸秩無文,眷茲靜寧,秀峙朔野,縕澤布氣,幽贊乎坤元, 比卽輿情,載修故事。 蓋惟有益于國,是以必報其功。 德以 界號,仍班 有神應之稱,而終南有廣惠之號。 仍勅歲時奉祀。 台 而 闡儀。 於戲! 顧先皇帝駐蹕之地,揖累世承平之風。 字像 容典焜燿, 軒皇之世,神靈所奉者七千。 逮乎後王,申以徽册,至于嶽鎭之外,亦或 雨暘常調,品彙蕃廡,此 新、采章具舉。 洪惟世宗,功昭 禮由義起,事與時偕,載籍所傳,于今 精明感通, 列聖,亦越 今遣使某、 惟永億年, 興, 上帝無疆 導 盤 副 虞氏之時, 顯考,德利 固高 嵐 迓續遺休, 翊 某,持節備 出雲, 之贶 我昌運 明, が亦 協

謻

望

生

瑞聖公。

|山, 建廟。 卽 麻達葛山也,章宗生於此。 明昌四年八月,公以冕服玉册,封山神爲瑞聖公。 世宗愛此山勢衍氣清,故命章宗名之。後更名胡土白 建廟,命撫州有司,春秋一

勒忱 使某 **猶**祀 和。 嘉乃名山,奠茲勝地,下綿乾分,上直樞輝。 職。 学休惟永,亦莫不寧。」 仲,擇日致祭爲常。 循 祖 秩 一辭於貞琰,涓良日於元龜,彰服采以辨威,潔庪縣而致祭。 武,順講時巡,處美號以興懷,佩聖謨而介福。言念誕彌之初度,抑由翊衞之效靈。然 仰惟光烈昭垂,徽音如在,即高明而清暑,克静壽以安仁。周廬安寧,厚澤浹洽。 粹精薦瑞,明聖繼生。 其册文曰:「皇帝若曰:國家之興,命曆攸屬。天地元化,惟時合符。山川百神,無不受 、副某,持節備物,册命神爲瑞聖公,仍勅有司歲時奉祀。 無章、神居不屋、非所以盡報功崇德之義、副追始樂原之心。 著丕應於殊禎,啓昌期於幽贊。 裒對信猶之典,咸修望秩之文。 盤析木之津,達中原之氣。廓除氛祲,函毓泰 於戲!尚其聰明,歆此誠意, 闡揚茂實,敷繹多儀。 **爱飾名稱,載新** 洞宇。 股祗 今遣

貞獻郡 王廟。公

意」。遂詔令依蒼頡立廟于盩厔 致祭,所用諸物從宜給之。 如於廟後或左右置祠, 配享太廟矣,亦難特立廟也。有旨,令再議之。 令女直 、漢人諸生隨拜孔子之後拜之」。有司謂葉魯難以致祭,若金源郡貞獻王谷神則旣已 五年正月,陳言者謂「葉魯、谷神二賢創製女直文字,乞各封贈名爵,建立祠廟。 **令諸儒就拜**, 例,官爲立廟于上京納里渾莊,委本路官一員與本千戶春秋 亦無害也。」尚書省謂「若如此,恐不副國家厚功臣之 禮官言:「前代無創製文字入孔子廟故事,

耐祭。

耐宗 **扇**,造土龍以耐。 去柢以爲尊。 於都門北郊,望祀嶽鎭海瀆,有司 (廟,不雨,仍從嶽鎭海瀆 大定四年五月,不雨。 祝板惟五岳、宗廟、社 雨足則 報祀、送龍水中。 命禮部尚書王競 如初耐。 行事,禮用酒脯醢。 稷 其設 御署, 神座,實樽罍,如常儀。 **祈雨北嶽,以定州長貳官充亞、終獻。** 餘則否。 後十日不雨,乃徙市,禁屠殺, 後七日不雨, 耐太社 其樽罍用 、太稷。 、瓤齊、 擇 叉 叉 斷 甘 七 ト日

日

瓠

十七年夏六月,京畿久雨,遵祈雨儀,命諸寺觀啓道塲祈禱。

拜天。

中,聚宗族拜之。若至尊則於常武殿築臺爲拜天所。 城外。其制,刳木爲盤,如舟狀,赤爲質,畫雲鶴文。 金因遼舊俗,以重五、中元、重九日行拜天之禮。 爲架高五六尺,置盤其上,薦食物其 重五於鞠場,中元於內殿,重九於都

門入,至拜天臺,降輦至褥位。皇太子以下百官皆詣褥位。宣徽贊「拜」,皇帝再拜。上香, 又再拜。排食抛盞畢,又再拜。飲福酒,跪飲畢,又再拜。百官陪拜,引皇太子以下先出, 重五日質明,陳設畢,百官班俟於毬塲樂亭南。皇帝靴袍乘輦,宣徽使前導,自毬塲南

皆如前導引。

者,爲上。斷而不能接去者,次之。或斷其靑處,及中而不能斷,與不能中者,爲負。 削 其皮而白之。先以一人馳馬前導,後馳馬以無羽橫鏃箭射之,旣斷柳,又以手接而馳去 凡重五日拜天禮畢,插柳毬塲爲兩行,當射者以尊卑序,各以帕識其枝,去地約數寸, 皇帝回辇至幄次,更衣,行射柳、擊毬之戲,亦遼俗也,金因尙之。 毎射,

必伐鼓以助其氣。

所以習蹺捷也。 毬。 曰:「兩端對立二門,互相排擊,各以出門爲勝。」毬狀小如拳,以輕韌木枵其中而朱之。 先於毬場南立雙桓,置板,下開一孔爲門,而加網爲囊,能奪得鞠擊入網囊者 已而擊毬,各乘所常習馬,持鞠杖。 杖長數尺,其端如偃月。 分其衆爲 兩隊,共爭擊一 爲 勝。 皆 或

旣畢賜宴,歲以爲常。

本國拜儀。

上則至左右肩者,凡四。 金之拜制,先袖 手微俯身、稍復却、跪左膝、左右搖肘、若舞蹈狀。 如此者四跪,復以手按右膝,單跪左膝而成禮。 凡跪、搖袖、下拂膝, 國言搖手而拜謂

之「撒速」。

「周官九拜,一曰稽首,拜中至重,臣拜君之禮也。乞自今,凡公服則用漢拜,若便服則各用 本俗之拜。」主事陳松曰:「本朝拜禮,其來久矣,乃便服之拜也。 可令公服則朝拜,便服則 承安五年五月,上諭旨有司曰:「女直、漢人拜數可以相從者,酌中議之。」禮官奏曰:

禮

八

志第十六

從本朝之制,宜從本朝拜禮,松言是也。」上乃命公裳則朝拜,諸色人便服則皆用本朝拜。 從本朝拜。」 平章政事張萬公謂拜禮各便所習,不須改也。司空完顏襄曰:「今諸人衽髮皆

校勘記

- 皇統元年二月戊子 「子」原作「午」。按皇統元年二月庚午朔,無戊午。 大金集禮以下簡稱集禮
- 卷三六宣聖廟爲本志宣聖廟之所本,首記此事作「二月戊子日」。 今據改。
- 擬釋奠器物 作「擬釋奠合用器物」皆作「擬」。 「擬」原作「據」。 按下文「禮官參酌唐開元禮」定擬釋奠儀數」,又集禮記此事亦 今據改。
- = **羣方所**視 按「視」字與上文「新」「陳」「眞」不叶、疑是「親」字之誤。
- 24 而 增金臣遼王斜也等 「斜」原作「賽」。按本書卷七六杲傅」「果本名斜也」」「正隆例封遼王」
- 卷五九宗室表同。今據改。
- [五]長白山 按本志文例此句上當脫「諸神雜祠」四字。
- -6 明昌六年八 明昌四年十月 月 按本書卷 按本書卷一〇章宗紀作明昌 一〇章宗紀作明昌六年九月。 四年十二月。
- 明昌四年八月 按本書卷一〇章宗紀, 明昌六年九月「甲申、册忽土白山神爲瑞聖公」,年月與

此不同,疑此處誤。

(な) 貞獻郡王廟 按本書卷七三希尹傳了完顏希尹本名谷神」。「金人初無文字……太祖命希尹撰

本國字,備制度」。「正隆二年例降金源郡王。大定十五年諡貞憲」。大金故左丞相金源郡貞憲

王完顏公神道碑拓本亦作「貞憲」。與此異。

金史卷三十六

志第十七

禮九

國初即位儀 受尊號儀 上壽儀 朝參常朝儀

肆赦儀

臣下拜詔儀

國初卽位儀。

翰乃陳耕具九,祝以闢土養民之意。復以良馬九隊,隊九疋,別爲色,幷介胄弓矢矛劍奉 收國元年春正月壬申朔、諸路官民耆老畢會、議創新儀、奉上卽皇帝位。阿离合懣、宗

上。國號大金,建元收國。

天會元年九月六日,皇弟諳板孛極烈卽皇帝位。 己未、告祀天地。 丙寅、大赦、改元。

志第十七 禮九

受尊號儀。

京留守奭告天地社稷,析津尹宗强告太廟。 改服通天冠,宴二品以上官及高麗、夏國使。十二日,恭謝祖廟,還御宣和門,大赦,改元。 册文云云,「臣等謹奉玉册、玉寶、上尊號曰崇天體道欽明文武聖德皇帝」。是日,皇帝 元年正月二日,太師宗幹率百僚上表,請上皇帝傳號,凡三請,詔允。 十日,帝服袞冕御元和殿,宗幹率百僚恭奉册 七日,遣上

設皇太子幕次於殿東廊,又設羣官次於大安門外。大樂令與協律郎前一日設宮縣於殿庭, 候上册寶訖,復昇寶還所司 又設登歌樂架於殿上,立舞表於殿下。符寶郞其日俟文武羣官入,奉八寶置於御座左右, 司,於前一日設受册寶壇於大安殿中間,又設御榻於壇上,又設册寶幄次於大安殿門外,及 文字。百官習儀於大安殿庭。兵部帥其屬,設黃麾仗於大安殿門之內外。 大定七年,恭上皇帝尊號。前三日,遣使奏告天地宗廟社稷。 前二日,諸司停奏刑罰 宣徽院帥儀鸞

异册寶床弩手人等分立於左右。文武羣官並朝服入次。攝太常卿與大樂 **令** 帥 工 人 入 就 俟册寶興,乘馬奉迎。册寶至應天門,下馬由正門步導入,至大安殿門外,置册寶於幄次。 其日質明,奉册太尉、奉寶司徒、讀册中書令、讀寶侍中以次應行事官,並集於尙書省,

西,東向立,俟閤門報。 階册寶位後。 位,協律郎各就舉麾位。 异册寶案官由西偏門先入,置案於殿東西間褥位,置訖,各退于西 捧册官、捧寶官、舁册匣官、舁寶盏官由西偏門先入,至殿西階下册寶褥位之

之曲。出自東房,即座,儀鸞使副添香,爐煙升,扇開,簾捲。協律郞偃麾,戞敔,樂止。 分左右立於寶後。通事舍人引攝侍中版奏「外辦」,扇合,服袞冕以出,曲直華蓋、侍衞警蹕 如常儀。 入,於殿階下塼道之東西,相向立。符寶郞奉八寶由西偏門分入,升置殿上東西間相向訖, 通事舍人引攝侍中版奏「中嚴」,訖,〔1〕典儀、贊者各就位。 閤門官引文武百僚分左右 殿上鳴鞭,訖,殿下亦鳴鞭。初索扇,協律郎跪,俛伏,興,舉麾。工鼓柷,奏乾寧

常卿於册牀前導,至第一墀香案南,藉册寶褥位上少置。太常卿與舉册寶官退於册寶稍 徒、中書令、侍中皆於册後,面北以次立。吏部侍郎、禮部侍郎次立於其後。立定,樂止。 西,東向立。應博士、舍人立於其後,昇册寶牀弩手、傘子官等又於其後,皆東向。太尉、司 而行,奉寶司徒、讀寶侍中、舉寶官於寶後以次從之。由正門入,宮縣奏歸美揚功之曲。 讀册中書令、舉册官於册後以次從之。次太常博士、通事舍人二員分引寶,禮部侍郎押寶 太常博士、通事舍人自册寳幄次分引册,太常卿前導,吏部侍郎押册而行,奉册太尉、 閤門舍人分引東西兩班羣官合班,轉北向立,中間少留班路。俟立定,太常博士、通事

志第十七 禮九

舍人四員 初引 、分引太尉、司徒、中書令、侍中、吏部禮部侍郎以次各復本班,訖,博士、舍人退以 時 ,樂奏歸美揚功之曲,至位立定,樂止。 典儀日「拜」, 贊者承傳,太尉以下應在

位官皆舞蹈,五拜。班首出班起居訖,又贊「再拜」,如朝會常儀。

讀寶侍中、舉寶官於寶後以次從之,詣西階下,至册寶褥位少置,册北,寶南。樂止。 弩手、傘子官等退於後稍西,東向立。 行,樂奏肅寧之曲。次通事舍人、太常博士又二員分引寶,禮部侍郎押寶 南,立定。 太常卿前導,東部侍郎押册而行,奉册太尉、讀册中書令、舉册官於册後以次從之。 太常博士、通事舍人四員再引太尉、司徒、中書令、诗中、 吏禮部侍郎復進至册寶所稍 异册寶牀弩手、傘子官並進前,舉册寶牀興。 太常博士、通事舍人二員分引册, 而行,奉寶司徒、 昇册實牀 册初

升、奉册太尉、讀册中書令、舉册官、捧册官於册後以次從升。 稍西立以俟。太常博士立於後。太常卿 至殿上,博士舍人分左右於前楹 入,舉册官次入,讀册中書令又次入。捧册官四員皆搢笏雙跪捧。 册官立於其後。 捧册官與异册官並進前, 奉册太尉從升,至褥位,搢笏,少前跪置訖,執笏,俛伏,興,樂止,退於前 取册匣升。 立以俟,讀册中書令於欄子外前楹稍西立以俟,舉册官、捧 少退東向 太常博士、通事舍人分引册,太常卿側身導册先 立。 异册官立於其後,皆東向。 册初行, 舉册官二員亦搢笏,兩 樂奏肅寧之曲。 捧册官先 進 楹

册匣興,置於殿東間褥位案上,西向。捧舉册官等降自東階,還本班。昇册官亦退。太常 邊單跪對舉。中書令執笏進,跪稱「中書令臣某讀册」。讀訖,俛伏,興。中書令俟册興,先 通事舍人引,降自東階,復本班。訖,太常卿降復寶牀前、舁册官並進,與捧册官等取

博士引奉册太尉降自西階,東向立以俟。

於殿之西間褥位案上,東向。捧寶舉寶官等與太常卿俱降自西階,及吏部侍郞皆復本班。 寶興先退,通事舍人引,降自西階,復本班,訖,舁寶官進前,與捧寶舉寶官等取寶盛興,置 官二員亦搢笏兩邊單跪對舉。侍中執笏進,跪稱「侍中臣某讀寶」,讀訖,俛伏,興。侍中俟 後,皆東向。捧寶官先入,舉寶官次入,讀寶侍中又次入。捧寶官四員皆搢笏雙跪捧。舉寶 訖,執笏,俛伏,興,樂止。司徒退於前楹西,立以俟。太常卿少退,東向立。 舁寶官立於其 前楹間稍西立以俟。舉寶官、捧寶官立於其後。奉寶司徒從升,至褥位,搢笏,少前跪置, 行,樂奏肅寧之曲,進至殿上,博士舍人俱退不升,並於前楹稍西立俟。讀寶侍中於欄子外 寶,太常卿側身導寶,先升。奉寶司徒、讀寶侍中、舉寶官、捧寶官於寶後以次從升。寶初 异寶官亦退。 次捧寶官與异寶官俟讀册中書令讀訖出,並進前,取寶盝升。太常博士通事舍人分引 太常博士引奉寶司徒次奉册太尉,東向立定。

博 ·士舍人贊引太尉司徒進,詣第一墀香案南褥位立定,博士舍人稍退。 典儀曰「拜」**,**

贊者承傳,在位官皆再拜,訖,博士舍人二員引太尉詣東階升,宮縣奏純誠享上之曲,至 侍中升自東階,進詣前楹間,躬承旨,退臨階西向,稱「有制」。典儀曰「拜」,贊者承傳,太 躬身,太尉稱「文武百僚具官臣等言」,致賀詞云云,俛伏,輿,退至階上。博士舍人分引太 等以次出,歸幕次,賜食,以俟上壽。 **侍衞警蹕如儀。扇開,樂止。捧册官帥异册床人,捧寶官帥异寶床人,皆升殿取匣、盝,蓋** 就百僚位。初引,宮縣作肅寧之曲,至位立定,樂止。 閤門舍人分引應北面位羣官,各分班 者承傳,階上下應在位羣官俱再拜舞蹈,三稱萬歲,又再拜。訖,博士舍人分引太尉、司徒 尉降至東階,初降,宮縣作肅寧之曲,復香案南褥位立定,樂止。博士舍人少退。典儀曰 訖,置於床前。引進司官前導,通事舍人贊引,詣東上閤門上進。通事舍人分引文武百僚 **扇合,簾降。協律郎俛伏,興,舉麾,工鼓柷,奏乾寧之曲。降座,入自東房,還後閤,進膳,** 東西相向立定。通事舍人引攝侍中升自東階,當前楹間,跪奏「禮畢」,俛伏,興,引降還位。 尉、司徒及在位羣官俱再拜,躬身宣詞云云,宣訖,通事舍人引侍中還位。典儀曰「拜」,贊 「拜」,贊者承傳,太尉、司徒及在位羣官俱再拜舞蹈,三稱萬歲,又再拜。 訖,通事舍人引攝

上册寶禮畢,有司供辦御床及與宴羣官位,並如曲宴儀。

煙升。 儀 尙書再拜」,訖,贊「祗候」,復本班。內侍局進御床入。次良醞令於殿下橫階南酹酒,訖,典 通天冠、絳紗袍,即座,簾捲。 事舍人引攝侍中詣東階升,至殿上少立。 閤門舍人引禮部尚書出班前,北向俛伏,跪奏,稱 「中嚴」,少頃,又奏「外辨」。扇合,鳴鞭。協律郎跪,俛伏,興,工鼓柷,宮縣奏乾寧之曲。服 禮部尙書臣某言,請允羣臣上壽」,俛伏,興,躬身。通事舍人引攝侍中少退。舍人贊「禮部 曰「拜」,贊者承傳,在位官皆再拜,隨拜三稱「萬歲」,訖,平立。 百僚親王宗室等分左右入,至殿階下稍南,東西相向立。通事舍人先引攝侍中版奏 攝 太常卿與大樂令帥工人入,幷協律郞各就舉麾位,俟舍人報。通事舍人引三師以下 通事舍人引班首已下合班,樂奏肅寧之曲,至北向位,重行立定,中間少留班路。 內侍贊「扇開」,殿上下鳴鞭,憂敔,樂止。儀使副等添香,爐 通

身。 爵訖,上公執槃授宣徽使,訖,二閤使揖上公入欄子內,贊「拜」,跪。 殿下,閤門揖百僚皆躬 閣 上公及在位羣官皆再拜,隨拜三稱「萬歲」,訖,躬身宣曰:「得公等壽酒,與公等內外同 使揖 閤門舍人贊宣諭訖,上公與百僚皆舞蹈五拜,訖,閤門舍人引百僚分班東西序北向立。 通事舍人揖攝侍中進,詣前楹間,躬承旨,退臨階西向稱「有制」,典儀曰「拜」,贊者承 太常博士、通事舍人分引攝上公由東階升。初升,宮縣奏肅寧之曲。殿上,舍人少退, 上公進,至進酒褥位,樂止。宣徽使以爵授上公,上公搢笏,受爵,詣榻前跪進。受

志

不與宴羣官分左右捲班出,宮縣奏肅寧之曲。百僚至殿上坐後立,樂止。 拜,訖,搢笏,舞蹈,又再拜。訖,太常博士、通事舍人引王公以下合赴宴羣官,分左右升殿, 承傳,在位官皆再拜,訖,躬身宣曰「延王公等升殿」,典儀曰「拜」,贊者承傳,在位官皆再 詣前楹間,躬承旨,退臨階西向,閤門官先揖,百僚躬身,侍中稱「有制」,典儀曰「拜」,贊者 儀曰「拜」,贊者承傳,在位官皆再拜,三稱「萬歲」, 訖,平立。 殿上,通事舍人揖攝侍中進, 降自東階,宮縣作肅寧之曲。 閤門舍人分引東西兩班,隨上公俱復北向位,立定,樂止。 典 訖,復褥位,以爵授宣徽使,訖,二閤使揖上公退,內侍局昇御床出。博士舍人並進前分引, 授上公槃,上公詣欄子內褥位,跪舉酒,宮縣奏景命萬年之曲,飮訖,樂止。上公進受虛爵 博士舍人再引上公自東階升,宮縣奏肅寧之曲,至進酒褥位,樂止。上公搢笏,宣徽使

宮縣奏萬國來同之舞,三成,止,出。又進第三爵酒,登歌奏慶雲之曲,飲訖,樂止。執事者 宮縣奏保大定功之舞,三成,止,出。又進第二爵酒,登歌奏天贊堯齡之曲,飲訖,樂止。執 事者行羣官酒,宮縣作肅寧之曲,文舞入,觴行一周,樂止。尚食局進食,執事者設羣官食, 行羣官酒,宮縣作肅寧之曲,觴行一周,樂止。尚食局進食,執事者設羣官食,宮縣奏肅寧 事者行羣官酒,宮縣作肅寧之曲,武舞入,觴行一周,樂止。尚食局進食,執事者設羣官食, 內侍局進御床入。依尋常宴會,再進第一爵酒,登歌奏聖德昭明之曲,飲訖,樂止。

通事舍人引攝侍中版奏「解嚴」,所司承旨放仗,在位羣官皆再拜以炎出。 工鼓柷,奏乾寧之曲。降座,入自東房,還後閤,侍衞如來儀。 宮縣作肅寧之曲,至北向位立定,樂止。典儀曰「拜」,贊者承傳,在位官皆再拜,訖,搢笏, 興,跪奏「侍中臣某言,禮畢」。俛伏,興。閤門舍人分引羣官俱降東西階,內侍局昇御床出, 之曲,食畢,樂止。 閤門官分揖侍宴羣官起, 立於席後。 通事舍人引攝侍中詣榻前,俛伏, 內侍贊「扇開」,憂敔,樂止。 協律郎俛伏,跪,舉麾,與,

元日、聖誕上壽儀。

皆再拜。宣徽使稱「有制」,在位皆再拜,宣答曰:「履新上壽,與卿等內外同慶。」聖節則曰: 揖入欄子內,拜跪致詞云:「元正啓祚,品物咸新,恭惟皇帝陛下與天同休。」 若聖節則云: 位,搢笏,捧盞盤,進酒,皇帝受置於案。皇太子退復褥位,轉盤與執事者,出笏,二閤使齊 班入,至丹墀,舞蹈五拜,平立。閣使奏諸道表目,皇太子以下皆再拜。引皇太子升殿褥 「萬春令節,謹上壽卮,伏願皇帝陛下萬歲萬歲萬萬歲。」祝畢,拜,興,復褥位,同殿下臣僚 「得卿壽酒,與卿等內外同慶。」詞畢,舞蹈五拜,齊立。 皇太子搢笏,執盤,臣僚分班,敎坊 皇帝陞御座,鳴鞭、報時畢,殿前班小起居,各復侍立位。 舍人引皇太子幷臣僚使客合

志第

出笏,左下殿,樂止,合班,在位臣僚皆再拜。 皇帝舉酒,殿上下侍立臣僚皆再拜。 皇太子受虛盞,退立褥位,轉盤盞與執事者,

免以上視六品。」上命以此制爲班次。 者有定員,爲常制。十七年,詔以皇族祖免以上親,雖無官爵封邑,若與宴當有班次。 聞曲時,揖臣使起,再拜,下殿。果床出。至丹墀,合班謝宴,舞蹈五拜,各祗侯,分引出。 坐宴侍立官皆再拜,坐,次從人再拜,坐。食入。七盞,曲將終,揖從人立,再拜畢,引出。 酒,傳宣,立飮,訖,再拜,坐。次從人再拜,坐。三盞,致語,揖臣使幷從人立。誦口號畢, 御果床入,進酒。 賜酒食」,又再拜,各祗候,平立,引左廊立。次引高麗、夏人從,如上儀畢,分引左右廊立。 一按唐典,皇家周親視三品,大功親、小功尊屬視四品,小功親、總麻尊屬視五品,總麻袒 大定六年正月,上御大安殿,受皇太子以下百官及外國使賀,賜宴,文武五品以上侍坐 分引與宴官上殿。次引宋國人從至丹墀,再拜,不出班奏「聖躬萬福」,再拜,喝「有勅 皇帝飲,則坐宴侍立臣皆再拜。進酒官接盞還位,坐宴官再拜,復坐。 禮官 行

朝參、常朝儀。

|天眷二年五月,詳定常朝及朔、望儀,准前代制,以朔日、六日、十一日、十五日、二十

日、二十六日爲六參日。 後又定制,以朔、望日爲朝參,餘日爲常朝。

山呼聲喏,起居畢,卽相向對立。擎御傘直立左班內侍上。都點檢以次陞殿,副點檢在少 奏「聖躬萬福」,兩拜。弩手、傘子先於殿門外東西向排立,俟奏「聖躬萬福」時,即就 排立。司辰入殿報時畢,皇帝御殿坐,鳴鞭。 班首少離位,奏「聖躬萬福」,歸位再拜畢,先退。 南,東西相向立。 面南立。 凡朔、望朝參日,百官卯時至幕次,皇帝辰刻視朝,供御弩手、傘子直於殿門外,分兩面 宿衞官自都點檢至左右親衞,祗應官自宣徽閤門祗候,CII先兩拜,班首少離位, 左右衞在殿下,東西相向立。閤門乃引親王班,贊班首名以下再拜,訖, 閤門報班齊。 執擎儀物內侍分降殿 階 位 兩傍, 北 面

躬畢,閤門通唱,復引至丹墀。 陞殿奏事。 下,〔三餘退,右出。 次引文武百僚班首以下應合朝參官,幷府運六品以上官,皆左入,至丹墀之東,西向鞠 殿中侍御史對立於左右衞將軍之北少前,修起居東西對立於殿欄 閤門贊班首名以下起居,舞蹈五拜,又再拜,**畢**,領省 子內副階 宰 執

當手 侍東西分下,侍殿隅。 分令史用印,訖,主寶吏封授主寶,俟奏事畢進封,訖,內侍徹案。 初,帝就坐,置實匣於殿堦上東南角。 直日主寶捧寶當殿叩欄奏「封全」,符寶郎及當監印郎中各一員,監 後定制,師傅起居畢,御案始東入,置定,捧案內

志

第十

若常朝 則 親王班退,引七品以上職事官,分左右班入丹墀,再拜。 班首稍前起居畢,

復位,再拜。宰執升殿,餘官分班退。

赴。 待,官員朝退,赴局簽押文字,不得於宮內署押。 品已下止於本司局治事。 參,除殿前班外,若遇朔望,自七品已上職事官皆赴。其餘朝日,五品已上職事官得赴,六 親王宗室已命官者年十六以上,皆隨班赴起居。 左右司都事有須合取奏事,乃聽入宮。七品已上職事官,如遇使客朝辭見日,依朔望日,皆 若元日、聖節、拜韶、車駕出獵送迎、詣祖廟燒飯,但有職事幷七品已上散官,皆赴。 若拜詔,則但有職事幷七品已上散官,皆赴。 大定二年五月,命臺臣定朝參禮。五品已上官職趨朝朝服,入局治事則展皂。 如左右司員外郞、侍御史、記注院等官職,雖不係五品,亦赴朝 七品已下流外職,遇朝日亦不合入宮。 朝參,吏員、令譯史、通事、檢法各於本局 自來朝 凡 如

意」。 大定五年,右諫議大夫移刺子敬言,「猛安謀克不得與州鎭官隨班入見,非軍民一體之 上是其言,實宣徽院令隨班入見。

凡班首遇朝參,有故不赴,以次押班。

遺赴石,或假一月以上若除官出使之類,皆通班入見謝、辭,餘官於殿門外見。四謝班皆舞 凡 五 品以 上及侍御史、尚書諸司郎中、太常丞、翰林修撰起居注、殿中侍御史、補闕、拾

肆赦儀。

大定七年正月十一日,上尊册禮畢。 十四日,應天門頒赦。 十一年制同。

門下 引以 設宮縣於樓下,又設鼓一於宮縣之左稍北,東向。 鐵鐶 所司 向。 興府 殿門外稍 大盤,盤中置金鷄,鷄口銜絳幡,幡上金書「大赦天下」四字,卷而銜之。 備皇帝常服,如常日視朝之服。 轆 ·設宣制書位於百官班之北稍東,

(云)西向。 稍東,西向。 叉設 以囚徒集於左仗外。 前期,宣徽院使率其屬,陳設應天門之內外,設御座于應天門上,又設更衣御幄於大安 盤底 轤,置於御前欄 皇太子致賀縟位於百官班前。 東,南向。 四面近邊懸四大朱索,以備四伎人攀緣。 宣徽院設承受制書案於畫臺之前。 閤門使設捧制書箱案於御座之左。 干上。又設承鶴畫臺於樓下正中, 至臺以弩手四人對舉。 御史臺、閤門司設文武百官位於樓下,東西相向。 尙輦設輦於更衣御幄之前。 又設協律郎位於樓上前楹稍東, 司天臺設鷄唱生於東闕樓之上。「引尚衣局 兵部立黃麾仗於門外。 又設捧制書木鶴仙人一 又設皇太子侍立褥位於門下稍東,西 少府監設鷄竿於樓下之左,竿上置 盤四 西向。 刑部、御史臺、大 ,以紅繩貫之, 面近邊安四大 又設典儀位於 尚書省委 大樂署

?

事舍 障日 輦」, 作。 位官皆再拜,訖, 事 舍 帝 、引文武羣官合班北向立,宮縣樂作。凡分 降輅 傘扇 人 所司 人 樂止。 躬 引 於門下稍前東向,宣曰:「奉勅樹 謝 索扇,五十柄。扇合,皇帝臨軒即御座,樓下鳴鞭,簾捲扇開, 侍 羣官就門下分班相向立,侍中奏「外辨」。皇帝服常朝服,尙輦進輦,侍中奏「請 入 禮 衞 幄 畢 東上閤門使捧制書置於箱,閤門舍人二員從,以俟引繩降木鶴仙 如常儀,由左翔龍門踏道升應天門,至御座東,侍中奏「請降輦升座」,宮縣 `)簾降。少頃`,侍中奏「中嚴」。又少頃`,俟典贊儀引皇太子就門下侍立位`,通 皇帝乘金輅入應天門,至幄次前,侍中俛伏,跪奏「請降輅入幄」,俛伏,興。 分班相向立。 侍中詣 御座前承旨,退,稍前南向,宣曰:「奉勅樹 金雞。」退復位 班、合班則樂作,立定卽止。 執御 典儀曰「再 傘者張 人。 金雞。」 於軒 ·拜」,在 通 事 前 通 升 樂 舍 以

官 制 訖,三呼「萬歲」。 捧,右司官宣讀,至「咸赦除之」,所司帥獄吏引罪人詣班南,北向,躬稱「脫枷」,訖,三呼「萬 臺, 了,典儀曰「拜」,在位官皆再拜,**訖,**以 右司 閣使奉承置於案。 金雞. 官搢笏, 初 立,大樂署擊鼓,樹訖鼓止。 跪受,訖,長官出笏,俛伏,興,退復位。 通事舍人引文武羣官合班 **閤門舍人四員舉案**, 制書授尚書省 **竿木伎人四人,緣繩爭上竿,取雞所銜絳幡,展示** 叉二 北向 立。 員對 捧制 1長官, 樓上 書, 右司官捧制書詣宣 乘鶴仙 稍前搢笏,跪受,訖, 閤 使引至班 人捧 制書,循繩 前, 一制位,沿 西 以 而 向 付右 都事 下至 一稱「有 對 딝

歲」, 以罪人過。 右司官宣制訖,西向,以制書授刑部官。 跪受訖,以制書加於笏上, 退以

付其屬,歸本班。 典儀曰「拜」,在位官皆再拜,舞蹈,又再拜。

典贊 太子 畢」,俛伏,興,退復位。 侍中宣答,宣訖歸侍位,典儀曰「再拜」,皇太子已下羣官皆再拜,搢笏,舞蹈,又再拜,訖, 又再拜。侍中於御座前承旨,退臨軒宣曰「有制」。典儀曰「再拜」,皇太子已下羣官皆再拜。 乘輦還內,傘扇侍衞如常儀。 〈儀引皇太子至門下褥位,通事舍人引羣官分班相向立。 ,稍前,云绝伏,跪致詞,俛伏,興,典儀曰「再拜」,皇太子已下羣官皆再拜,搢笏,舞蹈, 典贊儀引皇太子至班前褥位立定,典儀曰「拜」,皇太子以下羣官皆再拜。 所司索扇,宮縣樂作,扇合,簾降,皇帝降座,樂止。 侍中奏「解嚴」。 通事舍人承勅,羣臣各還次,將士各還本所。 侍中詣御座前,俛伏,跪奏「禮 樓下鳴鞭、皇帝 典贊儀引皇

臣下拜赦詔儀。

班定。 僚再拜,皇太子少前上香訖,復位,皆再拜。閤門官取赦書授尚書省都事,都事跪受,及尚 **書省令史二人齊捧,同升於卓子讀,在位官皆跪聽,讀訖,赦書置於案,** 宣 赦 閤門官於箱內捧赦書出門置於案。 (日,於應)天門外設香案,及設香輿於案前,又於東側設卓子,自皇太子宰臣以下序 閤門官案東立,南向稱「有勅」,贊皇太子宰臣 都事復位。 皇太子

志

第

降諸書,禮亦准此,惟不稱「萬歲」。 宰臣百僚以下再拜,搢笏,舞蹈,執笏,俛伏,興,再拜。 拱衞直以下三稱「萬歲」,訖,退。 其

位在案之側,又設卓子於案之東南。所差官取赦書置於案,綵輿退。所差官稱「有勅」,長 至郭外。 官以下皆再拜。長官少前上香,訖,退復位,又再拜。所差官取赦書授都目,都目跪受,及孔 正門入,所差官下馬。執事者先設案幷望闕褥位於庭中,香輿置於案之前,又設所差官褥 詣香輿前上香,訖,所差官上馬,在香輿後,長官以下皆上馬後從,鳴鉦鼓作樂導至公廳,從 輿香輿、詣五里外迎。見送赦書官,卽於道側下馬,所差官亦下馬,取赦書置綵輿中,長官 以下再拜,舞蹈,俛伏,興,再拜。公吏以下三稱「萬歲」。禮畢。 目官二員,三人齊捧赦書,[弘]同高几上宣讀,[10]在位官皆跪聽。 其外郡,尚書省差官送赦書到京府節鎭,先遣人報,長官卽率僚屬吏從,備旗幟音樂綵 明日,長官率僚屬,音樂送 讀訖,都目等復位。長官

校勘記

[1] 通事舍人引攝侍中版奏中嚴訖 下大定七年册禮編寫。自此句以下,至本段末,係誤抄集禮卷一帝號上天德貞元册禮,遂與上 按受尊號儀至此句以上,係據大金集禮 以下簡稱集禮 卷二帝號

文不合。本書卷四○樂志殿庭樂歌首爲「大定七年正月上册寶」樂歌,皆與集禮大定七年册禮

合,而與此文不同,可證此文之誤。 其抄天德貞元册禮亦多脫誤。 僅脫計有四處,分別脫漏二

十字、七字、一百零五字、二十六字。 此段今不復校正

祗應官自宣徽閤門祗侯 按集禮卷四〇朝會下朔望常朝儀為本志朝參常朝儀之所本,其文

「宣徽」下有「使」字。 又,據文義此處亦當有「至」字。 即爲「宣徽使至閤門祗候」。

= 修起居東西對立於殿欄子內副階下 按集禮卷四〇、「修起居注遇視朝, 起居畢, 分班陞殿陛,

於殿 欄 子外副階下東西對立」。 此處「居」下脫一「注」字、「內」係「外」字之誤。

29 皆通班入見謝辭餘官於殿門外見 御史」等,又言「若除官出使之類皆通班入見謝辭」,知是「餘官」於殿門外見。 蹈,七拜,辭班四拜 `門見謝、辭並再拜」,知「辭謝」是誤倒。今乙正。又上文言「凡五品以上及侍 「謝辭」原作「辭謝」、「餘」原作「除」。按下文言「謝班皆舞 集禮同。 今改正。

Ħ. 又設承鶴畫臺於樓下正中 承」 原 作「捧」。 按集禮卷二四赦詔御樓宣赦爲本志肆赦儀之所

本,其文「捧」作「承」。 **今據改。**

尚書省委所司設宣制書位於百官班之北稍東 原脫「宣」字。 按下文有「右司官捧制書詣宣制

「中) 位。 司天臺設鷄唱生於東闕樓之上 今據集禮補 原脫「設」字、據集禮補。

志

第

+

七

校 勘 記

- [ペ] 典贊儀引皇太子稍前 原脫「贊」字、據集禮補。
- 及孔目官二員三人齊捧赦書 二四級韶外路迎拜赦韶爲此儀文所本,其「及孔目官二員」下,注云,「如闕則司吏內上三人」。 按旣云「孔目官二員」,又云「三人齊捧赦書」,殊不銜接。集禮卷

此處脫「如闕則司吏內上」七字,幷將「三人」二字誤入正文。

疑此

同高几上宣讀 按集禮此句作「同陞卓子上讀」,與上文「又設卓子於案之東南」相合。

金史卷三十七

志第十八

禮十

册皇后儀 册皇太后儀 册皇太子儀

皇太子正旦生日受賀儀 皇太子與百官相見儀

册皇后儀。

於殿門外之東,又設册使副受命位於百官班前。 庭,並如常朝之儀。又設典儀位於班位之東北,贊者二人在南少却,俱西向。 次於朝堂。 天德二年十月九日,册妃徒單氏爲皇后。 大樂令展宮縣於殿庭、設協律郎舉麾位於樂縣西北、東向。 前一日,儀鸞司設座勤政殿,南向。 又設册寶幄次二於殿後東廂,俱南向。 **閤門設百官班位於** 設册使副位 設羣臣

志第

十八八

禮十

寶官,奉寶床立於册床之南,俱西面 官等依時刻集朝堂,俱就次,各服朝服。 部侍郎奉寶匣,皆置於床,訖,出就門外班。大樂令、協律郎、樂工、典儀、贊者各入就位。羣 東西相向 横街北。[1] 中書令、中書侍郎帥舉捧册官,奉册床立於節南。侍中、門下侍郎帥舉捧 其 日,諸衞勒所部,略列黃麾細仗於庭。 立,以北爲上。 又引册使副立於東偏門, 西向。門下侍郎引主節、奉節立於殿 侍中約刻板奏「請中嚴」,通事舍人引羣官入,就庭 符寶郞奉八寶置於左右。 吏部侍郎奉册,禮 下

引主節詣册使所,主節以節授門下侍郎,門下侍郎執節西向授太尉,太尉受付主節,主節立 問起居,又再拜。 閤門官引攝侍中出班承制,降詣使副東北,西向稱「有制」。 使副稍前,鞠 西向,以次授與太尉,太尉皆捧受,册床置於北,寶床置於南。侍中、中書令、禮儀使、舉捧 於使副之左右。門下侍郎退還班位。中書侍郎引册床,門下侍郎引寶床,立於册使東北, 躬再拜,攝侍中宣制曰:「命公等持節授后册寶。」宣制訖,又俱再拜,侍中還班。 行北面,如常朝之儀,立定。典儀曰「再拜」,贊者承傳,班首已下羣官在位者皆再拜。班首 作。使副就受命位,侍中、中書令、門下侍郎、中書侍郎、舉捧官依舊西面立,羣臣合班,橫 曲直華蓋、警蹕侍衞如常儀。卽座,南向坐,簾捲,樂止。通事舍人引册使副入,宮縣 侍中版奏「外辨」。殿上索扇。協律郞舉麾,宮縣作。皇帝服通天冠、絳紗袍,出自東 門下侍郎

行,讀 殿 册寶官及异床者,退於東西塼道之左右, 節者前 上 拜 索 二,贊 册 扇, 導。 官 〈者承傳,羣官在位者皆再拜,訖, 次之,寶床 簾 太尉 降, 初行 宮縣作。 宮縣 次行,讀實官次之。 樂作,出殿門,樂止。 降座,入自東房,樂止。 舉 相向立。 分班 异官各分左 攝侍中出班 東 海相 門下侍郎、中書侍郎退還班位。 通 事舍人引羣官在位者以次出。 右, 向立。 通事舍人引册使隨之以行,持 「升殿,奏「侍中臣言禮畢」。<!! 舉捧昇 、册實床者進、册床 典儀 俟太 光 日

幕 作。 次。 先是, 禮 內侍閤門引入泰和殿,俟至殿 儀 使、 有司 舉捧官、執節者幷擡昇人, 預 設太尉、司 徒本品革 下 ·車鹵簿於門外至殿門左右排列。 位,鼓 以 一册寶 吹 少駐 止 於泰和門,太尉、司 徒及讀册 俟使 (副出) 鼓吹振 寶官暫 歸

尉

司

徒復

命,禮

畢,還內。

受册 ·麾位 位 有 於 於 司 殿 殿 預 供 上。 庭西階之南,東向。 張 泰 叉設册 和殿設皇 寶次於 后座 門外。 又設 於展前 內 叉設行 命婦次於殿之左右。 殿 Ŀ 事官次於門左 一垂簾。 叉設 東西房於座之左右稍 右。 大樂令設宮縣於庭,協 叉設外 命婦次 於 菛 北。 之內。 律郎設 叉設

廂 南南 紅 其 向。 傘 日 司 諸 費設 在 衞 西 於殿 內外命婦以下陪列位於殿庭塼道之左右, 階欄 門外略設黃 干外。[三叉設 〈嚏細 學册 仗。 寶案位於使 有司 設二步 副 障 之 於殿之 一前, 每等重 西 北 階。 向。 行 異位 簾 叉設宣徽 前 北 設 向, 扇 使位 內 左 命婦在 右 於 各 北

八五

後。 又設司贊位於東階東南,贊者二人在南少退,俱西向

門,鼓吹振作 儀。 臣某,奉制授册寶、禮畢。」俛伏,興、退。 右。 侍鸞「再拜」,捧謝表官以表授左立內侍,內侍以授后,受訖,以付右立內侍,內侍持表立於 置於殿之前楹間,册床在北,寶床在南,中留讀册寶官立位,並去帕及蓋,擡昇人執之,退立 少退。中書令、侍中及舉捧官率擡昇人奉册寶以次進於前,宮縣作。 傘扇從,至階下,望勤政殿御閤所在立,樂止。 立於床後。 於西朶殿。 閤門使贊「再拜」,訖,册使退,宮縣作。 宣徽使奏「中嚴」。册使副入門,宮縣作,俟册使庭中立,樂止。册在北,寶在南,使副 宣徽使奏「外辨」。 質明,執事官大樂令等各就位。 册使宣曰:「制遣太尉臣某、司徒臣某、恭授后册寶。」閤門使內侍贊「再拜」。 舉擡官分左右相向立,讀册寶官各立於床之東,西向,立旣定,樂止。 禮儀使帥持節者立於前,舉捧册寶官立於册寶床左右,讀册寶官各立於其 如來儀,入西偏門,鼓吹止。 內侍閤門官引后出後閣,宮縣作。 皇后常服,乘龍飾肩輿,至泰和殿後閤,近仗導衞 持表閤門官進表,近侍接入,進讀,訖,退。 册使副至御閤所在,俛伏,跪奏:「太尉臣某、司徒 持表內侍以表付閤門官,隨册使行。 册使進,立於右,宣曰「有制」,閤門使內侍贊 簾捲,皇后降自西階, 册寶床自東階升,並 閤門使 册使副 左右步障 册使 如常

初,册使退,及門樂止。

閤門內侍引后自西階升殿,宮縣作。傘扇止於簾外,退於左右

階,退 訖, 坐 朶 揖 殿前。 定,樂 臣 稱 舉 某, 侍 出 捧官以次降階,立於中書令、侍中之後,立定,合班北向,閤門贊「再拜」,拜訖,降東 謹讀 中臣 殿 止 步障 門。 「某,讀寶」。 舉捧官以次招擡异人持帕蓋覆匣床,奉置殿之左右,册床在東,寶床在西。 册 止於階下,卷之。后於座前南向立,樂止。中書令詣册床南立,北向,稱「中書 心。 其擡舁人置册寶床於東西訖,各由朶殿下階,於侍中等班後直出殿門,以俟 讀畢 ,降自東階,立於欄外第一墀上,西向。 讀畢降階,立於中書令之北,西向。 內侍閤門引升座,四宮縣作, 次侍中詣寶床南立,北向,

復

入, 擡昇入宮

拜」,命! 拜,至 內侍 次。 行 止 婦等皆 一進當 宮縣 承 宣 受册表 教旨 婦皆 一徽 閣 再 座前 作,至位 門使宣 拜。 使 奏稱 謝訖,內侍跪奏「禮畢」。 宣外 再拜,訖,內侍引 北北 閤 一曰:「祗 門使前 向 .樂止。 閤門曰「再拜」,命婦皆再拜。 禮 命婦入會,並 .躬致 畢」。 奉 承 稱賀,訖,降自 降座,宮縣作,入東房,樂止 一聖恩, 令,降自 內 如常儀。 命婦還宮。 授以册寶, 榮幸之至, 競厲 西 階, 西階,樂作,至位樂止。 閤門引內外命婦陪列者以次進, 就北向位。 會畢,閤門引外命婦降階,橫班北 班首初行,樂作, 詣命婦前 西北, 。歸閣,宮縣 **閤門引班首自西階升,樂作,至階樂** 東 出門, 增深。 閤門曰「再拜」,舍人**承傳**,命 向, 作,至閤,樂 樂止。 稱「有敎旨」。 所賀 知。」含 内侍 向, 止 舍 引 人日 外 命婦等皆 人曰:「再 更常服 班首初 命婦出 再

志

第

拜」,訖,以次出。 還宮, 如來儀。 中書門下侍郎復以引進司帥擡昇人進册寶入內, 付與都

點檢司退。

別日,會羣官,會妃主宗室等,賜酒,設食,簪花,敎坊作樂,如內宴之儀。

宣徽使引升座,南向。宣徽使引后進,升自西階,北面再拜,進跪致謝詞。 衣御車,內侍前導,降自西階以出,侍衞如常儀。至太后之裏門外,降車,障扇侍衞如常儀, 興,宣徽使版奏「中嚴」。質明,諸侍衞宮人俱詣寢殿奉迎,宣徽使版奏「外辦」。后首飾禕 如家人之儀。禮畢,宣徽使贊「再拜」,訖。宣徽使引降自西階以出。 入立於西廂,東向。將至,宣徽使版奏「請中嚴」,旣降車,宣徽使版奏「外辨」。太后常服, 十一日,朝永壽、永寧兩宮。皇后旣受册,越二日,內侍設座於所御殿,南向。 出門,宣徽使奏「禮 存撫賜酒食,並 其日夙

奉册皇太后儀。

畢」,降座入宮。

天德二年正月,詔有司:「擇日奉册唐殷國妃、岐國太妃,仍別建宮名。 合行典禮,禮官

檢詳條具以聞。」

其日質明,有司各具傘扇,侍衞如儀,及兵部約量差軍兵,幷文武百官詣兩宮迎請,引

俱以 事舍人引文武百僚班左入,依品,重行西向,立定。通事舍人喝「起居」,班依常朝例起居, 幄簾卷,敎坊樂作,扇合,兩宮皇太后出自後幄,並卽御座,南向,扇開,樂止。分左右少退。通 皇帝常服乘輿,至別殿後幄次。通事舍人引宣徽使版奏「中嚴」,復位,少頃,又奏「外辦」。 導皇太后入內,並赴受册殿,入御幄,侍衞如式。次奉册太尉等俱以册置於案,奉寶司徒等 寶置於案,皆盛以匣,覆以帕,詣別殿門外幄次。 教坊提點率教坊入。侍衞官各說列。

七拜、訖、引文武百僚班分東西相向立。

笏、讀訖、執笏,俛伏、興、搢笏、捧册興、於位東迴册函北向、並進、跪置於御座前褥位。中 樂止。兩宮册實云之齊上,齊讀。舉册官夾侍。奉册太尉各搢笏,北向跪,俛伏,興,退立。讀册 官等以次從之。次押寶官押寶而行,奉寶司徒、讀寶侍中、舉寶官等以次從之。俱自正門 書令舉册官 博士贊引,太常卿前導,押册官押册升,樂作,奉册太尉等從之,進至兩宮皇太后座前縟位, 中書令俱 入,教坊樂作,至殿庭西階下少東,北向,於褥位少置,樂止。 册北,寶南。 通事舍人、太常 通 !事舍人、太常博士贊引,太常卿前導,押册官押册而行,奉册太尉、讀册中書令、舉册 進,向册前 俱降,還位。 :跪奏稱「攝中書令具官臣某,謹讀册」。 舉册官單跪對舉,中書令各搢 奉册太尉並降階,東向以俟。

押 寶官 押 寶升,樂作,奉寶司徒等從之,進至兩宮皇太后座前褥位,樂止。

志第

侍。 迴寶函北向,[刊]並進,跪置於御座前褥位册之南。通事舍人、太常博士贊引太尉、司徒以 臣某,謹 奉寶司徒各搢笏,北向跪,俛伏,興,退立。 讀寶」。 舉寶官單跪對舉,侍中各搢笏,讀訖,執笏,俛伏,興,搢笏,捧寶興,於位東 讀寶侍中俱進,當寶前跪奏稱 「攝侍中具官

次應行事官俱降自西階,復本班序立。

前引,皇帝歸幄,常服乘輿還內,侍衞如來儀 拜,訖,又奏「請皇帝少立」,內侍承旨退,西向稱「兩宮皇太后旨云云」,皇帝再拜。 宣徽使 **俛伏,興。 贊引皇帝再拜,又奏「請北向跪」,皇帝賀曰「嗣皇帝臣某言云云」,俛伏,興,又再** 宣徽 使一員詣皇帝御幄前,俛伏,跪奏「臣某謹請皇帝詣兩宮皇太后前,行稱賀之禮」,

官各分班東西立。宣徽使升自東階,奏稱「具官臣等言,禮畢」,降還位。扇合,皇太后並興, 事舍人贊「謝宣諭,拜」。 位官皆再拜」,畢,宣曰:「公等忠敬盡心,推崇協力。膺茲令典,處愧良深。」宣訖,還位。 壽,與天同休。」俛伏,興,降自西階,復位立定。通事舍人贊「在位官皆再拜」,舞蹈,三稱 升,俛伏,跪奏稱:「文武百僚具官臣某等稽首言,皇太后殿下顯對册儀,永安帝養。 「萬歲」,又再拜。 應階下文武百僚重行立定,通事舍人喝「拜」,在位皆再拜。通事舍人引太師詣西階 宣徽使升自東階,取旨退,臨階西向稱「兩宮皇太后旨」,通事舍人贊「在 在位官皆再拜,舞蹈,三稱「萬歲」,又再拜。通事舍人分引應北向 仰祈 通

捧册 通 **教坊樂作,降座,還殿後幄次,扇開,樂止。 通事舍人引宣徽使奏「解嚴」。** 來儀。 事舍人引詣東上閤門,投進所司。文武百僚以次出。 床官升殿,跪捧册並置於床,次門下侍郎等各帥捧寶床官升殿,跪捧寶並置於床,訖, 文武百僚詣東上閤門拜表賀皇帝、退。 皇太后常服乘輿,各還本宮,引導 中書侍郎等各帥

如

拜」,在位者皆再拜,退。 東向立,司贊曰「再拜」,在位者皆再拜,尙宮乃宣答曰「膺茲典禮,感愧良深」。 欣抃。」興,降階復位。司贊曰「再拜」,內外命婦皆再拜。尚宮承旨,降自西階,於命婦之北 詣西階升,跪賀稱:「妾某氏等言,伏惟皇太后殿下,天資聖善,昭受鴻名,凡在照臨,不勝 殿庭北向依序立。尙儀奏請,皇太后常服卽座。司贊曰「再拜」,命婦皆再拜。 禮畢,各赴本宮,受內外命婦稱賀。所司預於殿內設皇太后御座,司賓引內外命婦於 司賓引班首 司贊曰「再

赴別殿賀皇帝,亦如賀皇太后之儀,惟不致詞,不宣答。

册皇太子儀。

皇太子前三日,遣使同日奏告天地宗廟。 大定八年正月,册皇太子,禮官擬奏,皇太子乘輿至翔龍門,東宮官導從,不乘馬。 册

俱南向。又設受册位於殿庭橫階之南。工部官與監造册寶官公服,自製造所導引册寶床, 由宣華門入,約宣徽院同進呈畢,赴幄次安置。 又設文武百僚應行事官、東宮官等次於門外之東、西廊。 册前一日,宣徽院帥儀鸞司,設御座於大安殿當中,南向。 大樂令帥其屬,展樂縣於庭。 又設册寶幄次於殿後東廂, 設皇太子次於門外之東,西

服入次。東宮官各朝服,自東宮乘馬導從,至左翔龍門外下馬,入就次。通事舍人分引百官 奉八寶由東西偏門分入,升置御座之左右。侍中奏「外辦」。內侍承旨索扇,扇合,皇帝服 立。少頃,奉册寶出幄次,由大安殿東降,至庭中褥位,權置訖,奉引册寶官立於其後。皇 入立班,東西相向。次引侍中、中書令、門下侍郎、中書侍郎及捧昇册寶官,詣殿後幄次前 官俱橫班北向。典儀贊「拜」,在位官皆再拜,搢笏,舞蹈,又再拜,起居,又再拜,畢,百官各 近東,西向立。師、少已下幷奉引册寶官等,各赴百官東班,樂作,至位樂止。通事舍人引百 升,扇開簾捲,樂止。典贊儀引皇太子入門,宮縣樂作,至位樂止。師、少已下從入,立於皇 通天冠、絳紗袍以出,曲直華蓋侍衞如常儀,鳴鞭,宮縣樂作。 皇帝出自東序,卽御座,爐煙 太子服遠游冠、朱明衣出次,執圭,三師三少已下導從,立於門外。侍中奏「中嚴」。 太子位東南,西向。典儀贊「皇太子再拜」, 搢圭,舞蹈,又再拜,奏「聖躬萬福」,又再拜,引 其日,兵部帥其屬,設黃麾仗於大安殿門之內外。其日質明,文武百僚應行事官並朝 符實郎

册,以授右庶子,右庶子跪受,皇太子俛伏,興,右庶子以册,興,置於床,中書令已下退復 侍 捧,皇太子跪,讀畢,俛伏,興。 還 叉再拜。 東 :中承旨,稱「有制」,皇太子已下應在位官皆再拜,躬身,侍中宣制曰「册某王爲皇太子」。 西班。 通事舍人、太常博士引中書令詣讀册位,中書侍郎引册匣置於前,捧册官西向 師、少已下幷行事官各還立位。典贊儀引皇太子復受册位,樂作,至位樂止。 。皇太子再拜。 中書令詣捧册位,奉册授皇太子,搢圭,跪受 跪

次,改服公服,還東宮,導從如來儀。 序還後閣,侍衞如來儀,扇開,樂止。侍中奏「解嚴」。所司承旨,放仗衞以次出。 出,出門,樂止。侍中奏「禮畢」,內侍承旨索扇,扇合,簾降,鳴鞭,樂作,皇帝降座,入自西 子,搢圭,跪受,以授左庶子,左庶子跪受,皇太子俛伏,興,左庶子以寶興,置於床,侍中已 下退復本班。典儀贊「再拜」,畢,引皇太子退,初行,樂作,左右庶子帥其屬,舁册寶床匣以 次通事舍人、太常博士引侍中詣奉寶位,門下侍郎引寶盞立於其右,侍中奉寶授皇太 皇太子入

引皇太子執圭出次,[<] 立於門外。侍中奏「中嚴」,少頃,又奏「外辦」。皇帝出自東序,即 太子公服至次,改服遠游冠、朱明衣。通事舍人引百官入至階下立班,東西相向。 册後二日,兵部設黃麾仗於仁政殿門之內外,陳設並如大安殿之儀。百官服朝服。 典贊儀 皇

志

第

次出。 中奏 起居, 典儀贊「再拜」,興,躬身,侍中宣訖,典儀贊「再拜」,搢圭,舞蹈,又再拜。 表,皇太子俛伏,興,典儀贊「再拜」,搢圭,舞蹈,又再拜。俟讀表畢,侍中承旨退稱「有制」 座,簾捲。 「禮畢」。 後二日,百官奉表稱賀,如常儀。 叉再拜,訖,分班。 通事舍人引百官俱横班北向,典儀贊「拜」,在位官皆再拜,搢笏,舞蹈,又再拜, 扇合,鳴鞭,入西序,還後閣,侍衞如來儀。 皇太子捧表入,至拜表位立,俟閤門使將至,單跪捧表,閤門使接 侍中奏「解嚴」。 引皇太子退。侍 放仗,百官以

正旦、生日皇太子受賀儀。

再拜。 主命婦見太子之禮。 皇太子先進酒畢,百官望皇太子再拜,日五班首跪進酒,又再拜。 今若在東宮候皇太子,便服,則當從私禮接見。

若三師以下,遇皇太子誕日,在御 王宗室賀皇太子,依册畢受賀禮。 大定二年,世宗命有司議親王百官及妃主命婦見皇太子禮。 以爲定制,命班行之。 稽諸令文,應致恭之官相見,或貴賤殊隔,或長幼親戚,任從私禮。 然唐禮元正復有降階見伯叔、答羣官再拜之文,又無妃 若賜酒,即當殿跪飲畢,又 有司按唐、宋舊儀,擬親 前, 則候 自

十二月晦,皇太子奏狀曰:「按禮文,親王幷一品宗室皆北面拜伏,臣但答揖而已。 雖

此禮,伏望聖慈許臣答拜,庶敦親親友愛之義。」上從其請,命尙書省頒下所司 日尊宗子,而在長幼惇敍之間誠所未安。當時遽蒙頒降,未獲謙讓。明日元正,有司將舉

搢笏,受賜物畢,出笏,興,復位,再拜,退更衣,入殿稍東,西向立。 皇妃等進勸生日酒,皇 宣徽使以酒進,皇帝親賜酒,接盞稍退跪飲,畢,宣徽使接盞,復位再拜,復揖入欄子內,跪 就拜,興,復位,再拜,又再拜,接臺進酒,退跪,候飲畢,接盞,復位,轉臺與執事者,再拜。 太子跪,皇妃等亦跪,飲畢,各再拜。 若皇太子生日,則公服,左上露臺欄子外,先再拜,二閤使齊揖入欄子內,拜跪,祝畢,

皆再拜,坐受,分東西序立。次引東宮三師於殿上,三少於殿柱外,北向東上立。皇太子詣 祚」,生日則云「慶誕令辰」,「伏惟皇太子殿下福壽千秋」。賀畢復位,典儀曰「再拜」,宮臣 儀。皇太子答拜畢,就坐。復引隨朝三師三公宰執於殿上,三品以上職事官於露階上,四 皇太子就坐。次引親王入欄子內,一品宗室於欄子外,餘宗室序班庭下,拜致賀、進酒如上 進,樂作,飲訖,樂止。 回勸師、少畢,各復位。 典儀贊師、少再拜,皇太子答拜。 師、少出, 南向褥位,典儀曰「再拜」,師、少皆再拜,班首同前稱賀,復位。執事者酌酒一卮,班首奉 文武宮臣入就庭下重行北向立,典儀曰「再拜」,在位官皆再拜,班首少前跪奏「元正首 羣官致賀,則其日質明,皆公服集於門外,少詹事奏「請內嚴」,又奏「外備」。 典儀引升

乃答拜,引羣官以次出。少詹事跪奏「禮畢」。 拜,畢,班首少前致賀,復位,執事者酌酒一卮,班首奉進,樂作,飮畢,樂止。 品 以下於庭下,北向,每等重行以東爲上,立。皇太子詣褥位。 回 勸三師三公,餘殿上羣官則令執事者以盤行酒,飮畢,典儀曰「再拜」,上下皆再拜, 自是歲賀爲定制。 典儀曰「再拜」,上下皆再 如有進獻 如常

皇太子與百官相見儀。

重行 太師、太傅、太保與隨朝三師同。 事官露階稍南躬揖,皇太子坐揖。 品 職事官扣欄子北向躬揖,答揖同前。 以東爲 三師三公欄子內北向躬揖,班首稍前問候,皇太子離位稍前,正南立,答揖。宰執及一 上,再拜,班首稍前問候,[10]又再拜,皇太子坐受。 東宮三少與隨朝二品同。 四品以下職事官庭下躬揖,跪問候,皇太子坐受。 二品職事官欄子外稍南躬揖,皇太子起揖。 詹事已下,並在庭下面北,每品 大定二年所定也。 三品職

御史大夫、判宗正、東宮三師相見。 七年,定制,皇太子赴朝,許與親王宰執相見,餘官宗室並迴避。 後亦許與樞密使副、

服,三公宰執以下鞠躬,班首致辭云「青宮萬福」,再拜,皇太子答拜,退。 九年,定制,凡皇太子出,於都門三里外設褥位,三公宰執以下公服重行立, 迎、送皆同 皇太子便

(一) 東廊横街北 按大金集禮以下簡稱集禮卷五皇太后皇后, 天德二年册徒單氏為本志册皇后儀之

所本、其文「横街」作「横階」。

(二)奏侍中臣言禮畢「臣」下疑脫「某」字。

[1]] 在西階欄干外 「干」集禮作「子」。

图〕內侍閤門引升座 「引」下疑脫「后」字。

五〕命婦等皆拜 「拜」上集禮有「再」字。

ベ 兩宮册寶「寶」原作「實」。按集禮卷五皇太后皇后,天德二年尊奉永壽永寧宮爲本志奉册皇

太后儀之所本,其文作「册寶」,今據改。

₽〕於位東迴寶函北向 「函」原作「西」。據集禮改。

典贊儀引皇太子執圭出次 原脫「贊」字,據集禮補。

八九 百官望皇太子再拜 誕日皇太子受百官慶賀禮作「百官望皇帝再拜」。 按集禮卷八皇太子雜錄爲此儀文所本,其大定二年十一月七日擬到元正

班首稍前問候 原脫「班首」二字。按上文有「班首稍前問候」。又集禮此句亦有「班首」二字,

志第十八 校勘記

· デート The same

金史卷三十八

志第十九

禮十一

外國使入見儀 曲宴儀 朝辭儀 新定夏使儀

外國使入見儀。

畢,拜起,復位立。待宣問宋皇帝時並鞠躬,受勅旨,再揖鞠躬,自是使少前拜跪,奏畢,起復 內,奏「封全」,轉讀畢,引使、副左上露階,齊揖入欄內,揖使副鞠躬,曰 使少前拜跪,附奏 左入,至丹墀北向立。閣使左下接書,捧書者單跪授書,拜,起立。閣使左上露階,右入欄 居畢,[1]宰執上殿,其餘臣僚分班出。閣門使奏使者入見膀子。先引宋使、副,出笏,捧書 皇帝卽御座,鳴鞭、報時畢,殿前班小起居畢,至侍立位。引臣僚左右入,至丹墀,小起

志第

十九九

禮十

蹈,五 位,四齊退却 至丹墀,舞蹈,五拜,不出班奏「聖躬萬福」,再拜。揖使副鞠躬,使出班謝面天顏,復位,舞 ·引右出,賜衣。 次引宋人從入,通名已下再拜不出班,又再拜,各祗侯,亦引右出。 奔。 再揖副使鞠躬,使出班謝遠差接伴、兼賜湯藥諸物等,復位,舞蹈,五拜。 `,引使、副左下,至丹墀北嚮立。 禮物右入左出,盡,揖使、 副傍折通班, 再引 各祗

折 前 拜跪 通 附奏畢,拜起,復位立。閣使宣問高麗王時並鞠躬,受勅旨畢,再揖橫使鞠躬,正使少 班,畢,引至丹墀,通一十七拜,各祗候,平立,引左階立。 次引高麗使左入,至丹墀北嚮略立,引使左上露階,立定。 ,奏畢,拜起,復位,齊退却,引左下,至丹墀,面殿立定。 禮物右入左出,盡,揖使傍 揖横使鞠躬, 正使少前拜

次引夏使見如上儀,引右階立。

墀。 三使並鞠躬,有勅賜酒食,舞蹈,五拜,各祗候,引右出。 次再引宋使副左入,至丹墀,謝恩,舞蹈,五拜,各祗侯,平立。 次引宰執下殿、禮畢。 次引高麗、夏使並至丹

曲宴儀。

至丹墀舞蹈,五拜,不出班奏「聖躬萬福」,又再拜。 皇帝卽 御座、鳴鞭、報時畢、殿前班小起居、到侍立位。 出班謝宴,舞蹈,五拜,各上殿祗候。分 引臣僚幷使客左入,傍折通班,

拜,坐。九盞,將曲終,揖從人至位再拜,引出。 揖臣使起,果床出。皇帝起入閤,臣使下殿歸幕次。賜花,人從隨出戴花畢,先引人從入, 引預宴官上殿,其餘臣僚右出。次引宋使從人入,至丹墀再拜,不出班奏「聖躬萬福」,又再 左右廊立,次引臣使入,左右上殿位立。 立,口號絕,坐宴幷侍立官並再拜,坐,次從人再拜,坐。食入,五盞,歇宴。 傳宣,立飮畢,再拜,坐。次從人再拜,坐。至四盞,餠茶入,致語。聞鼓笛時,揖臣使幷人從 至丹墀謝宴,舞蹈,五拜。分引出。 皇帝舉酒時,上下侍立官並再拜,接盞,畢,候進酒官到位,當坐者再拜,坐,卽行臣使酒 有勅賜酒食,又再拜,引左廊立。次引高麗、夏從人入,分引左右廊立。果床入,進酒。 皇帝出閤坐,果床入,坐立並再拜,坐,次從人再 聞曲時,揖臣使起,再拜,下殿。果床出。 教坊謝恩畢,

朝辭儀。

好去」,引右出。次引高麗使,如上儀,亦引右出。次引宋使副左入,傍折通班畢,至丹墀,依 再拜,不出班奏「聖躬萬福」,又再拜。 居,引宰執上殿,其餘臣僚分班出。閣使奏辭榜子。先引夏使左入,傍折通班畢,至丹墀 皇帝卽御座,鳴鞭、報時畢,殿前班小起居,至侍立位。引臣僚合班入,至丹墀小起 揖使副鞠躬,使出班,戀闕致詞,復位,又再拜,喝「各

志

揖入欄內,揖鞠躬,大使少前拜跪受書,起復位。揖使副齊鞠躬,受傳達畢,齊退,引左下至 丹墀,鞠躬,喝「各好去」,引右出。次引宰執下殿,禮畢。 別錄物過盡,出笏,拜起,謝恩,舞蹈,五拜。有刺賜酒食,舞蹈,五拜。 上通六拜,各祗侯,平立。 閣使賜衣馬,鞠躬,聞勅,再拜。 賜衣馬畢, 平身, 搢笏,單跪,受 引使副左上露階,齊

賜,則遣使就賜於會同館。惟宋使之賜則庭授。 入,禮畢而高麗使入。其朝辭則夏使先,禮畢而高麗使入,禮畢而宋使入。夏、高麗朝辭之 小起居畢, 宰執升殿, 餘臣分班畢, 乃令行入見及朝辭之禮。 凡入見則宋使先, 禮畢夏使 一年六月,定臣使辭見,臣僚服色拜數止從常朝起居,三國使班品如舊。俟殿前班及臣僚 熙宗時,夏使入見,改爲大起居。定制以宋使列於三品班,高麗、夏列於五品班。

舊高麗使至闕皆有私進禮,大定五年,上以宋、夏使皆無此禮,而小國獨有之,不可,遂

命罷之。

六年、韶外國使初見、朝辭則於左掖門出入、朝賀、賜宴則由應天門東偏門出入。 |大定二十九年三月,|章宗以在諒闇,免||宋使朝辭,太常寺言:「若不面授書及傳達語言,

聖誕七月七日,以景宣忌辰避之,至更爲翌日,復用正月十七日受外國賀。今聖誕節若依 恐後別有違失。」遂令宋使先辭靈幄,然後詣仁政殿朝辭,授書。 時右丞相寢言:「伏見熙宗

期,令外方人使過界,恐為雨潦所滯,設能到闕,或值陰雨亦難行禮,乞以正月十一日或三 司移報,使明知聖誕之實,特改其日以示優待行人之意。 晏、[K] 刑部尚書兼右諫議大夫完顏守貞 [P] 等亦皆言不可,上初從之,旣而竟用寢議,令有 作程頓亦不至留滯,縱使雨水愆期而入見,猶勝更用他日也。」御史大夫唐括貢、中丞李 里渡越江、河,尚不避霖潦,如期而至。今久與宋好,不可以小阻示以不實。彼若過界,多 以雨潦路阻輒改之,或恐失信。且宋帝生日亦五月也,是時都在會寧,上國遣使賜生日,萬 月十五日爲聖節,定床人過界之期。」平章政事張汝霖、參知政事劉璋等言:「帝王當示信,

命止如舊。 舊,不必相同。古者宴禮設食以示慈惠,今遽更之,恐遠人有疑,失朝廷寵待臣子之意。」乃 罷而食始進。至於花宴日,宋使至客省幕次有酒禮,而我使至其幕則有食而無酒,各因其 宴矣。」有司奏曰:「曲宴之禮舊矣。彼方,酒一行、食一上必相須成禮。而國朝之例,酒旣 今花宴上賜食甚爲拘束,若依彼例可乎。且向者人使見辭,殿上亦嘗有酒禮,今已移在館 承安三年正月,上諭旨有司曰:「比聞宋國花宴,殿上不設餚饌,至其歇時乃備於廊下。

擬 便者見辭儀注云。蓋夏人自天會議和,臣屬於金八十餘年,無兵革事。及貞祐之初,小 正大元年十月,夏國遣使修好。二年九月,夏國和議定,以兄事金,各用本國年號,定

态第

八七〇

爲弔祭使。厦人以兵事方殷,各停使聘。四年,遣王立之來聘,未復命而厦亡。 大理卿裴滿欽甫、侍御史烏古孫弘毅爲報成使。三年十月,夏人告哀,遣中大夫完顏履信 有侵掠,以至搆難十年,兩國俱敝,至是,始以兄弟之國成和。十月,遣禮部尚書奧敦良弼、

館伴、接伴人,使、副,各公服齊出幕次,對行上廳欄子外,館伴在北,對立。先接伴揖,次來 館伴使名銜付之,而使者亦以其銜呈,然後使、副、都管、上中節人從以次見館伴使。接伴 執笏,近前齊起,欄子外館伴在南,對立。先館伴揖,次展接伴辭狀,相別揖,各傳示,再揖, 使副與館伴互展狀,揖,各傳示,再揖。各就位,請收笏坐,先湯,次酒三盞,置果殽。茶罷, 使初相見之儀亦然。次以館伴所書表見人使,館伴所牽攏官與下節人互相參見,畢,乃請 伴使、副使二員,書表四人,牽攏官三十人以俟。來使三節人從至會同館,謂之聚廳,先以 十六品,逆於近境尉氏縣賜之。至恩華館舊名燕賓館,承安三年更名。更衣,由宜照門入,預差館 翌日賜宴,至河南行省亦然,謂之來宴。將至京,遣內侍一人以油絹複韜三銀盒,貯湯藥二 報至行省,差接伴使與書表人迓於境。入界,則先具驛程腰宿之次。始至京兆行省, 新定夏使儀注。 夏國使、副及參議各一,謂之使。都管三。上節、中節各五,下節二十四,謂之三節人

各請分位。是後,每旦暮傳示,幷牽攏官聲喏如儀。 退,復對立。來使令人傳示館伴,依例書送天使土物,畢,展天使辭狀,相別揖,次館伴揖, **褥位,進表謝撫問,再拜,副使平立,使跪奉表,天使近前搢笏受之,出笏復位,來使就拜,** 揖。謹收笏坐,湯酒殽茶並如前,畢,執笏,近前,齊請起,至拜褥,依前對立。請來使副升 各展狀,相見揖,次館伴揖。來使令人傳示,請館伴、天使與來使對行上廳,各赴椅子立,通 「有勅」,乃再拜鞠躬。天使口宣辭畢,復位。來使再拜,舞蹈,三拜,復位立。來使與天使 齊行至位,對立。請來使副升拜褥望闕立,次請天使升拜褥稍前立。 是日,皇帝遣使撫問。天使至館,轉銜如館伴初見之儀。館伴與天使、來使副各公服, 來使副鞠躬,天使言

儀。 後,當面勸習儀承受人酒一盞,先揖,飲酒,再拜退。三盞果茶罷,執笏近前齊起,欄子外南 問使禮,押酒果軍亦有土物之贈。乃命閤門副使至館習儀,初轉銜前後皆如館伴相見之 爲上,對立。 果過其側,拜、舞蹈如儀。上廳湯酒茶畢,詣拜褥位,跪進謝賜酒果表,贈天使土物皆如撫 湯茶罷,館伴閤副傳示使副,來日入見,例當習儀。來使副回傳示,習儀畢。第二盞 到館之明日,遣使賜酒果,天使初至轉銜後,望拜傳宣皆如撫問之儀。 使副單跪,以酒 以來日入見,故但揖而不展辭狀,分位。乃以入見榜子付閤門持去,以付禮進

志第十

九

禮

+

來使副以書送土物於引進使,及交進物軍員人等,閤門副及習儀承受人各贈土物。

省幕,內爲上,對立揖畢,請分位立。先館伴揖,次展客省起居狀,揖,各传示,再揖,通揖。 館伴與來使各令人回傳示。至客省幕前,館伴所書表在上立,齊揖,乃入幕。先館伴所書 第三盞酒畢,茶罷,執笏,近前齊起,幕次前立,通揖畢,各歸本幕次。 都管、上中節勸酒。回傳示畢,引都管、上中節於幕次前階下排立,先揖,飲酒,再揖,引退。 請赴位立,再揖,請收笏坐。先湯,次酒三盞,各有果殽。第二盞酒畢,客省乃傳示來使,請 表傳示,次來使書表傳示,依前欄子外立,先揖,當面勸酒一盞,再揖,退。引館伴來使入客 凡後入稱賀、曲宴皆同是儀。來使人從持物者不得入門,牽攏官權收之。客省令二人傳示, 外,以外爲上,對立。先來使牽攏官兩聲喏,次館伴牽攏官亦然,齊揖,各傳示,再揖,請行。 館伴牽攏官喝「排馬」,來使牽攏官喝「牽馬」,各上馬張蓋。都管馬上奉書在使前,至中門 至左掖門外五百步,館伴與使副乃左右易位而行。揖畢,去門百步去傘下馬,出笏,對行。 第三日,入見。其日質明,都管、三節人從皆裹帶,館伴與來使副各公服,齊請赴馬臺,

揖閤副揖。使奉書,副出笏後隨,左上露臺殿簷柱外,奉書單跪,舊儀於丹墀內奉書。閤使接 閤門招引,乃請客省與來使副對立於幕前,外爲上。 使者奉書,揖畢對行,至三門外,與引 俟殿上小起居畢,宰執升殿,餘臣分班退,閤使奏來使見榜子。乃先請館伴入班。俟 志第十九 禮十一

謝 舞蹈 立。 閤 出 使副 書,使副就 皇帝乃宣 恩 副 班 、謝遠差接伴 鞠 ,五拜,不出班 揖別,與客省同行 齊退,左下 舞蹈, 躬 再拜 問夏皇帝,使副鞠躬受旨,畢,引使少前跪奏:「弟大夏皇帝聖 拜,立。 五 引少前 拜。 階,至丹墀北向立。 兼 閣使右入欄子內,奏「封全」,轉讀畢,故事皆不讀。 「代奏「聖躬萬福」,畢, 賜湯藥諸物,復位,舞蹈,五拜。 再揖使副出 至幕次前對揖,各歸幕次。 跪奏:「弟大夏皇帝致問兄大金皇帝,聖躬萬 班 訓謝 以禮 面天顏, 物右入左出,盡,揖使副 再拜。 復位, 引使副前,雙跪, 喝「各祗候」, 舞蹈,五拜。 皇帝遣人勞問,公 傍折通 引右出,至三門階下,與 福。」 再揖閣副鞠躬,印引使 引 使副入殿欄子內,揖 |躬萬福。」拜,復位, 再 班。 拜, 再引至 興, 復 復位, 一丹墀, 位

都管、 墀 再拜。 出 各祗 躬萬福」, 小謝 如 引都 三節 萷 候」,平立,引右出。 賜 下 衣 儀, 再拜。 管、上中節左入,丹墀立,下節於門外階下立,齊鞠躬通名,先再拜,不出班奏「聖 節鞠躬 物,再 人從望闕立,天使稍 歸幕 、聲喏、 下節鞠躬聲喏, 拜,舞蹈,三拜, 乃請出 如 入見儀。 乃賜 ,館伴與使副幕前對立揖,各傳示,再揖,請行**。** 前 使者衣 鞠躬。 初一拜呼「 立,都管 乃再引 7,拜舞皆 贊「有勅賜酒食」, 人從鞠躬 大, 萬歲」, 賜 如 賜酒果之儀,畢,使者與天 以酒食, 次 ,天使傳勅,拜謝如 一拜呼「萬歲」,臨 **閤門招**、 舞蹈, 五. 客省皆 拜。 使儀, 喝「各祗 起呼「萬萬歲」, 如 至元下馬所, 使對立。 入 就 見 拜 候」, 儀。 華, 引 謝 次請 至 喝 復 丹 恩

次館伴牽攏官,各聲喏,再拜揖,畢,請分位。乃以押伴使賜宴於館。 右易位而 ·行,揖畢,各收笏,上馬至館。 又左右易位入門,內爲上,對立。 先來使牽攏官,

立。 畢,四盞下,酒畢。押伴傳示來使,面勸都管、上中節酒一盞,來使答上聞,以都管、上中節 拜,下節人聲喏,如入見儀。呼「萬歲」,畢,喝「押伴及使副皆就坐」。 伴 排立,待茶罷,揖押伴等起,離位立,都管人從鞠躬,喝「謝恩」,拜,下節聲喏 押伴、館伴就褥位 於副階下排立,先揖,飲,傳台旨勸,再揖,退。 左右上廳,南入,北爲上,下節在西廊下立。 請端笏坐,湯入,乃於拜席上排立都管人從。 闕 上聞,押伴回傳示,再揖。請押伴先入,於卓前椅位立。館伴與使副對揖,各就位立,通揖, 亦謝坐,儀同上。乃與館伴對行上廳。押伴在副階上,與使副展參狀。 上褥位,望闕拜,謝坐,再拜,舞蹈,三拜,起。 請押伴等齊下廳,赴拜褥對立。 押伴至館,轉名銜回畢,與館伴、來使公服,齊詣褥位對立,押伴稍前立。 一謝如上儀,復位。 先請使副就褥位,謝恩,再拜,舞蹈,三拜,復位。 湯盞出,揖起,押伴等離位立。 候押件等初盞畢,樂聲盡,坐。 至五盞下,酒畢,茶入。 先請押件上副階上立,乃引使副上褥位,望 引三都管、上中節分 都管人從於拜席上 來使副先令人報 都管人從鞠躬 至三盞下,食 如上儀,就位 先請押件、館

第四日,命押宴官、賜宴官就館宴。 先賜宴天使轉銜如前儀,各公服,請館伴、天使與

興,再 伴,依 傳宣 排 請 位 揖 來 廳 使 立, Ϋ́, 就 收 欄 位、詣 就 笏 次 子 拜 例 使 褥位 湯盞出,押宴離 外 請 復 請館伴齊就褥位,望闕 坐 副 椅位 位,對立。 賜 , 内 拜謝, 對立。 先湯 宴天 爲上,對立。 立。 使茶酒,館伴暫歸幕。 ,次酒三盞,果殽。 皆如前 先請使副就褥位,望闕立。 通揖 請押宴上廳。 位 立 ·)請端笏坐,以御宴不敢用踏床。 儀。 先館伴揖,次互 |揖,都管人從鞠躬,下節人從聲喏,呼「萬歲」, 如入見儀,喝「各 使副 再拜,平身, 與天 次請來 茶罷 使互展狀,起居,揖。 來 ,執笏,近前 展押宴起居狀, 使副詣褥位,謝 **搢笏,鞠躬三舞蹈,跪** 使副 次請賜宴天使就褥位稍前, 與天使主賓對行上廳,於西 請起,賜宴天使暗退。 相見,揖。 坐,再拜,舞蹈,三拜,請 湯入, 次館 都管、三節 伴揖。 左 膝三叩 各傳示,再揖。 使副 使副 頭, 請 間 人從於拜席上 內 令人 文字 押宴使 出笏就拜, 各詣 傳示 分階升 通揖, 至褥 椅 位 館

飲 立階管、三簡 依 押宴等 酒 例 請 引 再揖、退。 都 初 都管、 管、 盞 畢 人從。 Ŀ 上 ·, 樂 一中節 中 至 節 聲 九 當 盡 茶盞出,揖起,押宴官等離位立,揖,都管人從鞠躬,喝「謝 分 盏 坐。 左右 面 下 靭 酒墨, 酒。 上廳,北 至 五 使者答上聞,復引都管、 **盞後食,六盞、七盞** 敎 入,南爲上,立。 坊退。 乃請 賜宴天 雜 下節於西廊下南 劇。 使於幕 上中節 八盞下 次前 於欄 酒 子 候茶 畢。 入,北為 外階下 入, 押宴 恩」,拜,下節 排 立, 乃 傳示: 於 立。 拜 先揖, 使 席 排 候

就

坐。

請押宴等

坐

志

第

+

九

禮

十

褥位謝恩。來使乃進謝御宴表,先再拜,平身立。使跪捧表,天使近前搢笏受表,出笏復 對行至拜褥前立。請使副就位望闕謝恩,再拜,舞蹈,三拜,畢,依位立。請押宴、館伴齊詣 聲喏,呼「萬歲」,如入見儀,且鞠躬,[10]喝「各祗候」。 請押宴等官齊出,分階下廳,與天使 使就拜,退復位,立。

揖、通揖、請分位。是日、來使於宴下監酒等官及敎坊人等皆有所贈。 使副上聞,依例書送天使土物,領畢,天使卽以物報之,然後展天使辭狀,再揖,次館伴

拜,上殿,夏使副在御座右第二行北端立。 使稱「有制」,又再拜,宣答畢,先再拜,舞蹈,平立,分班。俟皇帝舉酒時,再拜,合班又再 搢笏,鞠躬,三舞蹈,跪左膝三叩頭,出笏就拜,興,再拜,平立。 俟進酒致辭畢,再拜,宣徽 階下,與引揖閣副揖。引使副左入,與臣僚合班,至丹墀北嚮立定。同臣僚先再拜,平身, 揖,分位,各歸幕次。候閤門招引時,請客省與使副幕次前,外爲上,對立揖。對行至門外 立,先揖,飲酒,再揖,引退。至三盞酒畢,茶罷,出笏近前,齊請出幕次,前外爲上,對立,通 傳示來使,辭曰:「請都管、上中節當面勸酒。」回傳示畢,引都管、上中節於幕次前階下排 第五日,稱賀。比至客省幕次對立,皆如入見儀。至收笏坐,先湯,次酒三盞,畢,客省

次引都管、上中節左入,至丹墀立,下節門外階下排立,齊鞠躬,通名畢,先再拜,鞠躬,

酒時、 墀,合班,謝宴,再拜,舞蹈,三拜,喝「各祗**候」。引出,至三門階下,與**閤門副使相揖別,與 從 復 拜,復坐。次人從鞠躬聲喏再拜呼「萬歲」之儀如前。皆坐。至第三盞,傳宣立飲,畢,再拜, 次,外爲上,對立,先揖,各傳示,再揖,引行,至元下馬處,請左右易位,對立揖,收笏上馬, 客省同行,至幕次前對立,先揖,各傳示,再揖,請分位,就幕次。少頃,請館伴與使副出幕 立、再鞠躬、喝「賜酒食」、聲喏再拜呼「萬歲」,如前儀。 不 至館、聲喏相揖分位、與初入見還禮同。 坐。 出班奏「聖躬萬福」。喝「拜」,又再拜,下節聲喏呼「萬歲」,如前儀。喝「各祗候」,畢,平 如前儀,復坐。次至五盞,將曲終,人從立,再如前儀,畢,先引出。臣使起再拜,退至丹 上下侍立皆再拜。 次人從如前,畢,坐。俟致語,聞鼓笛時,揖臣使皆立,俟口號絕,臣使再拜,坐,次人 俟進酒官至位,合坐官再拜,皆坐。 **' 引左廊立。待床入,進酒。皇帝飮** 即行臣使酒,普傳宣,立飲,再

軍 應 班祗 土 物,并在館隨 第六日,賜分食,幷賜酒果禮。天使至館,與第二日賜酒果禮同。是日,支押分食酒果 候 、衆廚子、館子、巡護軍、館伴所牽攏官,皆溥及之。 局分官員承應人例物。 凡裏外門將軍、監廚直長、館都監、監酒食官、承

第七日,曲宴禮,如前儀。

第八 日 奉辭 之儀。 至小起居畢,閣使先奏來使辭榜子。引使者左入,傍折通班,至丹

志

第

墀再 .拜,不出班奏「聖躬萬福」,又再拜。 揖副鞠躬,使出班戀闕致詞,復位,再拜,喝「各好

第九日,聚廳,送至恩華館,更衣而行。

去」,引右出,次引宰執下殿,禮畢

凡行省來宴、回宴之押宴官,皆從行省定差,就借以文武高爵長官之職,以爲轉銜之光。 回之賜宴天使,皆以閤門祗候往,詔書、口宣皆禀命於都省,以翰林院定撰焉 凡使將至界,報至則差接伴使,至則差館伴使,去則差送伴使,皆有副,皆差書表以從。

幣帛 代以綾羅三十九疋、帛六十二疋、布四疋。金帶三,金鍍銀束帶三,金塗銀閙裝鞍轡三,金 疋,押馬官一員。又差說儀承受禮直官一員。凡在館鋪陳繳絡器皿什物,戶部差官與東上 衣皂,過食司吏八十,街市廚子四十,方脈雜科醫各一,醫獸一,鞍馬二十四疋,後止備八 外門官二,館外巡防軍三十,把館甲軍六十二,雜役軍六十,過位不通漢語軍十,凡雜役皆 書表四,總領提控官、酒食官、監廚、稱肉官各一,牽攏官三十,尙食局直長、知書、都管、接 直閣同點檢。 手、湯藥直長、長行各一,廚子五,奉飮直長一、長行二,奉珍二,儀鸞直長一、長行十,把內 言四十段,舊又賜貂裘二,無則使者代以銀三錠,副代以帛六十疋,後削之。 夏使至,或許貿易於市二日。使至,所差者館伴使、副各一,監察、奉職、省令史各一, 所經橋道皆先期命工部修治之。 凡賜衣,使副各三對,人從衣各二對,使副 惟生餼則

塗銀渾裹書匣、間金塗銀裝釘黑油詔匣及包書、詔匣複各一。 朝辭,賜人從銀二百三十五

兩,絹二百三十五疋。

賜保、高麗使之物,其數則無所考。

校勘記

引臣僚左右入至丹墀小起居畢 原脫「至」字。按下文曲宴儀、朝拜儀皆有「至丹墀」之文。又大

金集禮以下簡稱集禮卷三九朝會上, 人使辭見儀爲本志外國使入見儀之所本,其文亦作一至丹

墀」。 今據補。

揖使副鞠躬 按宋之使臣、副使同時入見,齊入欄內,而出班奏事限正使一人,副使不能若無

其事,故每次必請「副使鞠躬,使少前拜跪」。抄者不察,致「副使」與上下文之「使、副」相混,惟

最後「再揖副使鞠躬,使出班謝遠差接伴」不誤,而殿本亦誤改爲「使副」。觀下文高麗使入見,

副使」改稱「横使」,兩言「揖橫使鞠躬,正使少前拜跪」,其事非常清楚,遂無與「使副」混淆之問 題。 則此處「使副」當作「副使」。下同,不復出校。

[]] 再揖鞠躬 「鞠躬」上脫「副使」二字。

[B] 奏畢起復位 集禮「起」上有「拜」字。

志第十九 校勘記

- フェリ 以景宣忌辰避之「宣」原作「宗」。按本書卷四熙宗紀,熙宗、「景宣皇帝子」、「上本七月七日 生,以同皇考忌日,改用正月十七日」。與此處敍述正合,今據改。
- 中丞李晏「晏」原作「宴」。按本書卷八三張汝霖傳記此事作「中丞李晏」,又卷九六李晏傳, 「李晏字致美」。今據改。
- 「やし 張汝霖傳記此事作「刑部尚書兼右諫議大夫完顏守道」,而卷八八完顏守道傳載守道大定二十 刑部尚書兼右諫議大夫完顏守貞 「守」原作「居」。按「完顏居貞」 之名它處不見。本書卷八三 六年已致仕,惟卷七三完顏守貞傳云,「章宗卽位,召爲刑部尚書兼右諫議大夫」,與此官名相
- (ペ) 皇帝遣入勞問 「人」疑是「入」。據道光四年殿本改。

合。今據改。

- へたし 再揖閤副鞠躬 按本卷外國使入見儀作「再揖副使鞠躬,使出班謝遠差接伴」。疑此「閣副」或
- 100 且鞠躬 「且」殿本作「齊」。

當是「副使」之誤。

金史卷三十九

志第二十

樂上

雅樂 散樂 鼓吹樂 本朝樂曲 郊祀樂歌

俗、合人神、和上下,舍禮樂何以焉。 ·[傳曰:「王者功成作樂,治定制禮。」豈二帝三王之彌文哉,蓋有天下者,將一軌度、正民

備。 子行幸鹵簿導引之樂也。 其隸太常者,卽郊廟、祀享、大宴、大朝會宮縣二舞是也。 <u></u> 金初得宋,始有金石之樂,然而未盡其美也。及乎大定、明昌之際,日修月葺, 粲然大 有散樂。 有渤海樂。 有本國舊音,世宗嘗寫其意度爲雅曲,史錄 隸教坊者,則有鐃歌鼓吹,天

其一,其俚者弗載云。

志第

=+

樂上

雅樂。凡大祀、中祀、天子受册寶、御樓肆赦、受外國使賀則用之。

撰名,乃取大樂與天地同和之義,名之曰「太和」。 爲名,今郊廟社稷所用宋樂器犯廟諱,宜皆刮去,更爲製名」。於是,命禮部、學士院、太常寺 有司以鐘磬刻「晟」字者犯太宗諱、皆以黃紙封之。大定十四年,太常始議「歷代之樂各自 初,太宗取汴,得宋之儀章鐘磬樂簴,挈之以歸。皇統元年,熙宗加尊號,始就用宋樂,

制始備。 文舞日保大定功之舞,武舞日萬國來同之舞。大定十一年又有四海會同之舞,於是一代之 文、武二舞。皇統年間,定文舞日仁豐道洽之舞,武舞日功成治定之舞。貞元儀又改

比唐樂高五律。

宋初亦用王朴所制樂,時和峴以周顯德律音近哀思,乃依西京銅望梟、石 殷盈孫以周法鑄鎛鐘、編鐘、處土蕭承訓等校石磬,合而奏之。至周顯德以黍定律,議者謂 爲不可,止用蘇綽鐵尺,至隋亦用之。唐興,因隋樂不改,及黃巢之亂,樂縣散失,太常博士 魏、晉而後更造律度,訖無定論。至後周保定中,得古玉斗于地中,以造尺律,其後牛弘以 明昌五年,詔用唐、宋故事,置所,講議禮樂。有司謂:「雅樂自周、漢以來止存大法,

敢輕議。 其尺雖爲詭說,其制乃與古同,而淸濁高下皆適中,非出於法數之外私意妄爲者 周、隋、唐所用之尺同矣。 弘等以謂近古合宜者也。 制律,人習舊聽疑於太重。其後范鎭等論樂,復用李照所用太府尺,即周、隋所用鐵尺,牛 新律,下李照樂一律,而未用。至崇寧間,魏漢津以范鎭知舊樂之高,無法以下之,乃以時 朴樂。元豐間,楊傑參用李照鐘磬加四淸聲,下王朴樂二律,以爲新樂。 別鑄以補之,乃協。又琢辰磬各十有二,以其半少劣,擇其諧者而用之。 禮部符下南京,取朱舊工,更鑄辰鐘十有二。又以舊鐘姑洗、夷則皆高五律,無射高二律, 四簴。」上曰:「嘗觀宋人論樂,以爲律主於人聲,不當泥於其器,要之在聲和而已。」於是,命 下之失,可以久用。唯辰鐘、辰罄自昔數缺,宜補鑄辰鐘十五,辰磬二十一,通舊各爲二十 也。蓋今之鐘磬雖崇寧之所製,亦周、隋、唐之樂也。閱今所用樂律,聲調和平,無太高太 君指節爲尺,其所造鐘磬卽今所用樂是也。然以王朴所制聲高,屢命改作,李照以太府尺 尺,遂下太常樂三律。 尺重造十二管,取聲下王朴一律。 皇祐中、阮逸、胡瑗改造止下一律,「」」或謂其聲弇鬱不和,依舊用王 今取見有樂,以唐初開元錢校其分寸亦同,則漢津所用指尺殆與 漢津用李照、范鎭之說,而恥同之,故用時君指節爲尺,使衆人不 景祐初,李照取黍累尺成律,以其聲猶高,更用太府布帛 元祐間,范鎭又造

初,正隆間,海陵營太廟于汴,貞祐南遷,宣宗修之,以祔諸帝神主。

其地,故宋景靈宮

之址也,掘其下,得編鐘十三,編磬八,皆刻「大晟」字,時朝廷多故,禮器散亡,竟亦不能

享,皇帝升降行止奏,昌寧之曲,迎俎奏豐寧之曲,酌獻、舞出入奏肅寧之曲,飮福奏福寧之 降,可得而禮也。樂曲之名,唐以『和』,宋以『安』,本朝定樂曲以『寧』爲名,今止有太廟給 皆以『寧』字製名。」遂命學士院撰焉。皇帝入中壝奏昌寧之曲,降神、送神奏乾寧之曲,昊 **独,宋開寶禮亦可就用。餘有郊祀曲名,皇帝入中壝、奠玉幣、迎俎、酌獻、舞出入樂曲,宜曲,宋開寶禮亦可就用。餘有郊祀曲名,皇帝入中壝、奠玉幣、迎俎、酌獻、舞出入樂曲,宜** 享樂曲,而郊祀樂曲未備。皇統九年拜天用乾寧之曲,今圜丘降神固可就用。今太廟祫 神聽之也。凡樂起於陽,至少陰而止,圜鐘自卯至申其數有六,故六變而樂止,則天神皆 也,用爲宮者以上應房、心,有天帝明堂之象也。宮聲三奏,角徵羽各一奏,合陽之奇數,欲 之,「鬥若樂六變,則天神皆降,可得而禮矣」。六變,謂六成也。唐、宋因之。蓋圜鐘,夾鐘 徵,姑洗爲羽。 雷鼓、雷鼗、孤竹之管、雲和之琴瑟、[I] 雲門之舞,冬日至於地上之圜丘奏 縣二十架,登歌編鐘、編磬各一簴。又按周禮大司樂,『凡樂,圜鐘爲宮,黃鐘爲角,太蔟爲 太侈。今擬太常因革禮,天子宮縣之樂三十六簴,宗廟與殿庭同,郊丘則二十簴。宜用宮 及唐開元、宋開寶禮,其數皆同。宋會要用三十六架,五禮新儀用四十八架,其數多,似乎 大定十一年,太常議:「按唐會要舊制,南北郊宮縣用二十架,周、漢、魏、晉、宋、齊六朝

唐、宋郊廟之禮,並先文後武,本朝自行禘祫之禮亦然。惟唐韋萬石建議謂先儒相傳,以揖 爲定。方丘如圜丘之儀,社稷則用登歌。」 讓得天下則先奏文,以征伐得天下則先奏武。當時雖從,尋復改之。其以開元禮先文後武 入大小次,並與入中壝同,餘載儀注及樂章。又命太常議文武二舞所當先後,太常議:「按 天上帝奏洪寧之曲,皇地祇奏坤寧之曲,配位奏永寧之曲,飮福奏福寧之曲,升降、望燎、出

寧之曲,九成。天德三年,晨祼畢,還小次,方奏迎神曲。大定十一年,朝享,奏依開元、開寶 酌獻,宮縣奏無射大元之曲。 [B] 禮,至版位,卽奏黃鐘宮三、大呂角二、太蔟徵二、應鐘羽二,曲詞皆同。 進俎,奏豐寧之曲 宗廟。皇帝入門,宮縣以無射宮,升殿,登歌以夾鐘,皆奏昌寧之曲。迎神、送神奏來

宗曰大和,昭德皇后廟曰儀坤,世宗曰大鈞,顯宗曰大寧,章宗曰大隆,宜宗曰大慶。氏司 日大武,肅宗日大明,穆宗日大章,康宗日大康,太祖日大定,太宗日大惠,熙宗日大同,濬 諸室之曲,德帝曰大熙,安帝曰大安,獻祖曰大昭,至昭祖曰大成,景祖曰大昌,世祖

豐寧之曲,皆用無射宮。大定十二年制,於禘時享有司攝事,初獻盥洗,奏無射宮肅寧之 皇帝還板位及亞終獻,皆奏無射宮肅寧之曲。飲福,登歌奏夾鐘宮福寧之曲。徹豆,奏

志第二十

樂上

升階、登歌奏夾鐘宮嘉寧之曲。餘並與親享同。其別廟昭德皇后、宣孝太子所用、並

載儀注、樂章。

代九十六人之數」。尚書省議「古樂工無定數」,遂奏太廟、別廟通以百人爲定。明昌六年, 別廟,堂上樂各四十八人,今之樂工少十八人,擬令皇考廟舊樂工皆充兩廟堂上樂,以應前 創設宮縣,樂工一百五十六人。 舊制,太廟、皇考廟樂工各三十九人。大定二十九年,升祔顯宗,有司以爲「宋之太廟、

前期遣漢人教坊及大興府樂人習之,亦可備用。」遂詔罷創設者。 間,以渤海敎坊兼習,而又創設九十二人。且宮縣之樂須行大禮乃始用之,若其數復闕,但 奏:「宮縣樂工總用二百五十六人,而舊所設止百人,時或用之卽以貼部敎坊閱習。自明昌 待用」。|泰和元年,命宮縣樂工月給錢粟二貫石,遇正樂工闕,驗色收補。四年,尚書省 承安三年,勍「祭廟用敎坊奏古樂,非禮也。其自今召百姓材美者,給以食直,敎閱以

奈何。」上十五日:「市有優樂,可假用之。」權左右司員外郎王鶚奏曰:「世俗之樂,豈可施于 迎,宮縣奏采茨。」以樂簴未備,遂止用敎坊樂。哀宗遷蔡,天興二年七月丁巳,太祖、太宗 及后妃御容至自汴京,奉安於乾元寺。 左宣徽使溫敦七十五奏當用樂。 上曰:「樂須太常, 宣宗南遷,祔諸帝主於汴京太廟。禮官言:「祔享禮畢,車駕還宮,至承天門外,百官奉

琴、七弦琴、九弦琴各二,瑟四。別廟登歌並同。親祠則用金鐘、玉磬,攝祭則用編鐘 二,簫二,七星匏一,九耀匏一,閏餘匏一,搏扮二,柷一,敔一,麾一,一弦琴、三弦琴、五弦 樂舞名數。太廟登歌,鐘一簾,磬一簴,歌工四,籥二,塤二,箎二,笛二,巢笙二,和笙

朱干、玉戚各六十四,引舞所執旌二,纛二,牙杖二,單鼗二,單鐸二,雙鐸二,金鐃二,金錞 紋、五絃、七絃、九絃琴各六、瑟十二、柷一、敔一、麾一。文舞所執籥、翟各六十四、武舞所執 各四,路鼓二,路鼗二,晉鼓一,巢笙、竽笙各十,簫十,籥十,箎十,笛十,塤八,一絃琴三,三 二,金鉦二,相鼓二,雅鼓二。 宮縣樂三十六簴:編鐘十二簴,編磬十二簴,大鐘、轉鐘、特磬各四簴。建鼓、應鼓、轉鼓

麾一。登歌及二舞引舞所執與親祠同。 巢笙、竽笙、簫、塤、箎、笛各八,一絃琴三,三絃、五絃、七絃、九絃琴各六,瑟八,柷、敔各一, 有司攝祭,宮縣二十廣:編鐘四,編磬四,辰鐘十二。建鼓四,路鼓四,路鼗二,晉鼓一,

位,樂止。侍中奏「禮畢」,宮縣樂作,皇帝還幕次,樂止。 止。奉寶入門,樂作,置褥位上,樂止。初引時宮縣樂作,至位立定,樂止。寶初行,樂作, 於樂縣西北。 至御前置訖,樂止。 皇帝受册寶。 又設登歌樂架於殿上。 前期,大樂令與協律郎設樂縣於殿廷。 皇帝受寶訖,樂作,侍中奏「稱賀」,樂止。 至日,侍中奏「外辦」,宮縣樂作,皇帝乃出,卽坐,樂 又設舉麾位二,一於殿西階, 皇太子升殿,登歌樂作,復

世。 此 署擊鼓;立訖,鼓止。侍中奏「外辦」,大樂令撞黃鐘之鐘,右五鐘皆應,昌寧之樂作,皇帝乃 凡皇帝出入升降及分班合班,皆樂作,坐、立定乃止。 宣讀訖,百官舞蹈,禮畢,大樂令撞蕤賓之鐘,左五鐘皆應,昌寧之樂作, 其册命中宫、皇太子、太孫,受外國使賀,宴外國使,皆用宮縣。 御樓宣赦。前期,大樂署設宮縣於樓下,又設鼓一於宮縣之左。 至日,金鷄初立,大樂 皇帝降座,樂

散樂。 元日、聖誕稱賀,曲宴外國使,則敎坊奏之。

其樂器名曲不傳。 皇統二年宰臣奏:「自古並無伶人赴朝參之例, 所有教坊人員只宜

聽候宣喚,不合同百寮赴起居。」從之。 爲戲及稱萬歲者,以不應爲事重法科。 章宗明昌二年十一月甲寅,禁伶人不得以歷代帝王 泰和初,有司又奏太常工人數少,卽以渤海、漢人敎

坊及大興府樂人兼習以備用。

鼓吹樂,馬上樂也。

天子鼓吹、横吹各有前、後部,部又各分二節。 金初用遼故物,其後雜用宋儀。 海陵遷

燕及大定十一年鹵簿,皆分鼓吹爲四節,其他行幸惟用兩部而已。

前部第一:

鼓吹令二人

掆鼓十二 金鉦十二

大鼓百二十 長鳴百二十

鐃鼓一十二 歌二十四

笳二十四 大横吹一百二十

志第二十 樂上

前部第二:

節鼓二

笛二十四

簫二十四 篳篥二十四

笳二十四 桃皮篳篥二十四

小鼓百二十 中鳴百二十 掆鼓十二 金鉦十二

羽葆鼓十二 歌二十四

拱辰管二十四 簫二十四

後部第一:

鼓吹丞二人

掆鼓三 金鉦三

羽葆鼓十二 歌二十四

拱辰管二十四

簫二十四

笳二十四 鐃鼓十二 歌十六 節鼓二

八九〇

簫二十四 笳二十四

小横吹百二十

後部第二:

笛二十四 簫二十四

篳篥二十四 笳二十四

桃皮篳篥二十四

本朝樂曲。

世宗大定九年十一月庚申,皇太子生日,上宴于東宮,命奏新聲,謂大臣曰:「朕製此

曲,名君臣樂,今天下無事,與卿等共之,不亦樂乎。」辭律不傳。

未嘗暫忘,故時聽此詞,亦欲令汝輩知女直醇質之風。至於文字、語言或不通曉,是忘 十三年四月乙亥,上御睿思殿,命歌者歌女直詞,顧謂皇太子曰:「朕思先朝所行之事,

本也。」

二十五年四月,幸上京,宴宗室于皇武殿,飲酒樂,上諭之曰:「今日甚欲成醉,此樂不

志第二十 樂上

我

留 一更、極歡而罷。 其辭曰 宗

旣自歌,至慨想祖宗音容如覩之語,悲感不復能成聲,歌畢,泣下數行。

右丞相元忠暨羣臣

、戚捧觴上壽,皆稱萬歲。於是諸老人更歌本曲,如私家相會,暢然歡洽。上復續調歌曲,

業,淪胥且墜。 歷其 屬茲來游,惻然予思。風物減耗,殆非昔時。于鄉于里,皆非初始。 十四年,兢業萬幾。億兆庶姓,懷保安綏。國家閑暇,廓然無事。乃眷上都,興帝之第。 福 萬世。 雖非 猗歟我祖,聖矣武元。誕膺明命,功光于天。 無何海陵,淫昏多罪。反易天道,荼毒海內。自昔肇基,至于繼體。積累之 · 昔時,股無異視。 壯歲經行, 恍然如故。 望戴所歸,不謀同意。宗廟至重,人心難拒。 **瞻戀**慨想,祖宗舊宇。 屬屬音容,宛然如睹。 舊年從游,依俙如昨,歡誠契闊,旦暮之若。于嗟闊 拯溺救焚,深根固蔕。 勉副樂推,肆予嗣緒。二 雖非初始,朕自樂 童嬉孺慕,歷 克開我後,傳

別兮,云胡不樂。

郊祀樂歌。

皇帝入中境,宮縣黃鐘宮昌寧之曲:凡步武同。〔日〕

瞻言圜壇,皇皇后帝。

禋祀肇稱,馨香維德。

爱暨百神,於昭受職

愛服穆穆,臨于中境。

降神,宮縣乾寧之曲、仁豐道治之舞。圜鐘爲宮,黃鐘爲角,太蔟爲徵,姑洗爲羽。 匮

鐘三奏,黃鐘、太蔟、姑洗皆一奏,詞並同

我金之興、皇天錫羨。惟神之休、爰茲郊見。 有玉其禮,有牲其薦。 將受厥明,來寧來燕。

皇帝盥洗,宮縣黃鐘宮昌寧之曲

因天事天,惇宗將禮。爰飭攸司,奉時罍洗。 挹彼注茲,廼陞壇陛。 先事而虔,神勞豈弟。

皇帝升壇,登歌大呂宮昌寧之曲:

相在國南,崇崇其趾。烝哉皇王,維時涖止。 昊天上帝,奠玉幣,登歌大呂宮洪寧之曲 至誠通神、克禋克祀。 於萬斯年,昊天其子。

穆穆君王,有嚴有翼。 珮環鏘然,園壇是陟。嘉德升聞,馨非黍稷。 高明降監、百神受職。

皇地祇,坤寧之曲

志 第 二 十 樂 Ŀ

肅敬明祗 ,躬行奠贄。 其贄維何?黄琮制幣。 從祀羣靈,咸秩厥位。 惟皇能饗,允集熙事。

配位太祖皇帝,永寧之曲:

肇舉明禋,皇天后土。皇祖武元,爰作神主。 功昭耆定, 歌以大呂。 綏我思成,有秩斯祜。

司徒迎俎,宮縣黃鐘宮豐寧之曲:

穆穆皇皇,天子躬祀。羣臣相之,罔不敬止。 俎豆畢陳,物其嘉矣。 馨香始升,明神燕喜。

昊天上帝,酌獻,登歌大呂宮嘉寧之曲:

郊 一裡展敬,昭事上靈。 太尊在席,有醑斯馨。 酌言獻之,靈其醉止。 福祿來宜,以答明祀。

皇地祇,泰寧之曲:

衮服穆穆,臨彼泰折。 於昭神宮、埋幣瘞血。 爱稱匏爵,斟言薦潔。 方輿常安,扶我帝業。

配位太祖皇帝,燕寧之曲:

烝哉高后,肇迪丕基。 功與天合,配天以推。 文舞退,武舞進,宮縣黃鐘宮咸寧之曲 薦時淸旨,孔肅其儀。 來寧來燕,福祿綏之。

奉祀郊丘,雲門變舞。 進秉朱干,停揮翟羽。 於昭睿文,復肖聖武。 無疆維烈,天子受祜

地南郊,天神以埃。 亞 一終獻,宮縣黃鐘宮咸寧之曲、功成治定之舞 於皇君王,克禋克祀。 交於神明,玄酒陶器。

誠心靖純,非貴食味。

掃

皇帝飮福,登歌大呂宮福寧之曲:

所以承天,無過乎質。 天其祐之,惟精 惟 ٥ 泰尊爱挹,馨香薦德。 惠我無疆,子孫千億。

徹豆,登歌大呂宮豐寧之曲:

大禮爰陳,爲豆孔碩。 肅肅其容,於顯百辟。 皇靈降監,馨聞在德。 明禋斯成、孚休罔極。

送神,宮縣圜鐘宮乾寧之曲:

赫 赫上帝,臨監禋祀。 居然來飲,昭答祖配。 圜壇四成,神安其位。 升歌贊送,天人悅喜。

方丘樂歌。

迎 神,鎭寧之曲。 林鐘宮再奏,太蔟角再奏,姑洗徵再奏,南呂羽再奏,詞同

至哉坤儀,萬彙資生。 稱物平施,流謙變盈。 禮修泰折、祭極 一精誠。 皇皇靈睠,永奠寰瀛

初獻盥洗,太蔟宮肅寧之曲:

禮 有 五經,無先祭禮。 卽時伸虔,惟時盥洗。 品物吉蠲,威儀濟濟。 錫之純嘏,來歆愷悌。

初獻升壇,應鐘宮肅寧之曲:

無 疆 之德,至哉坤元。 沉潛 剛克,資生實蕃。 方丘之儀,惟敬無文。 神其來思,時歆薦殷。

志

初獻奠玉幣,太蔟宮億寧之曲:

禮行方澤,文物備舉。 惟皇地祇、昭假來下。 奠瘞玉帛,純誠內著。 神保是享,陟降斯祜。

司徒捧俎,太蔟宮豐寧之曲:

四階秩儀,壇於方澤。 昭事 ,皇祇,即陰以嫉。 潔肆於訪,孔嘉且碩。 神其福之,如幾如式。

正位酌獻,太蔟宮溥寧之曲:

蕩蕩坤德,物無 不載。 柔順利貞,含洪光大。 **籩豆旣陳,金石斯在。**

四海永寧、福祿攸介。

配位酌獻,配太宗也。太蔟宮保寧之曲:

詞闕。

亞終獻升壇,太蔟宮咸寧之曲:

卓彼嘉壇,奠玉方澤。 百辟祗肅,八音純釋。 祀事孔明,柔祇威格

徹豆,應鐘宮豐寧之曲:

修理方丘,吉蠲是宜。 籩豆靜嘉,登於有司。 芬芬馨香,來享來儀。 郊儀將終,聲歌徹之。

送神,林鐘宮鎭寧之曲:

詣望燎位,太蔟宮肅寧之曲。 因 地方丘、濟濟多儀。 樂成 八變、靈祗格思。 詞同 升壇。 薦餘徹豆,神貺昭垂。 億萬斯年,永祐丕

- 皇祐· 中阮逸胡瑗改造止下一律 「止」原作「上」。據前後文義幷參考朱史樂志改。
- (三) 雲和之琴瑟 原脫「琴」字。據周禮卷六大司樂補。
- 冬日至於地上之圜丘奏之 「冬日至於」原作「冬至日至」。據周禮大司樂改。
- 29 酌獻宮縣奏無射大元之曲 按本書卷四〇樂下宗廟樂歌, 禘祫親饗, 有「始祖酌獻, 宮縣無射

宮大元之曲」,此「酌獻」上疑脫「始祖」二字。

五 獻祖曰大昭 獻祖大昭之曲」。 「祖」原作「帝」。 **今據改。** 按本書卷一世紀,安帝子爲獻祖。 又卷四〇樂下宗廟樂歌,有

, 、 山 宣宗日大慶 按自上文「世宗曰大鈞」以下四曲,自非大定宗廟樂章,蓋修史者輯入而未作

說明。

[4] 凡步武同 原作大字正文,今據殿本改作小字注文。

金史卷四十

志第二十一

宗廟樂歌 殿庭樂歌 鼓吹導引曲 采茨曲

禘祫親饗,[1]皇帝入門,宮縣無射宮昌寧之曲:出、入步武同。

惟時升平,禮儀肇興。鳴鑾至止,穆穆造庭。百辟卿士,恪謹迎承。

恭款祖考,神宇攸寧。

皇帝升殿,登歌夾鐘宮昌寧之曲:升階及將還板位,皆同登歌。

笙鏞旣陳,罍樽在戶。 升降有容,惟規惟矩。 皇帝盥洗,宮縣無射宮昌寧之曲: 恭敬明神,上儀交舉。 永言保之,承天之祜。

惟水之功,潔淨精微。 志 第二十 樂下 洗爵奠斝,于德有輝。皇皇穆穆,宗廟之威。 宜其感格、福祉交歸。

八九九

九〇〇

皇帝降階,宮縣無射宮昌寧之曲

於皇神宮,象天淸明。 有來肅肅,相維公卿。 禮儀卒度,君子攸寧。 孔時孔惠, 綏我思成。

迎神,宮縣來寧之曲。黃鐘宮三奏,大呂角二奏,大蔟徵二奏,應鐘羽二奏,詞同

八晉克諧,百禮具舉。明德維清,至誠永慕。 神之格思,雲輧風馭。 來止來臨,千祀燕處。

司徒引俎,宮縣無射宮豐寧之曲:

維牲維犧,齊明致祠。 我將我享,吉蠲奉之。 博碩肥腯,神嗜爲宜。 千秋歆此,永綏黔黎。

始祖酌獻,宮縣無射宮大元之曲:

惟酒旣淸,惟殽旣馨。 苾芬孝祀,在廟之庭。 羞於皇祖,來燕來寧。 象功昭德,先祖

德皇帝,大熙之曲:

萬方欣戴,鴻業創基。瑤源垂裕,綿瓞重熙。 式崇毖祀、爱考成規。 **籩**豆有楚, 益臻

安皇帝,大安之曲,

爱圖造邦,載德其昌。 皇儀允穆,誕集嘉祥。 明誠昭格,積厚流光。 秪嚴淸廟,鐘石琅琅。

獻祖,大昭之曲:

惟 聖 昭祖,大成之曲 興邦,經始之初。 鳩民化俗,還定攸居。 迪德純儉,志規遠圖。 時哉顯祀,精誠有孚。

天啓璇源,貽慶定基。 率義爲勇,施德爲威。 耀 武拓境,功烈巍巍。 永昌皇祚,均 福

景祖,大昌之曲:

丕顯 **鴂烈,基緒隆昌。** 聖 |期誕集,邦宇斯張。 尊嚴廟祏,昭格休祥。 煌煌縟典,億載 爾光

世祖、大武之曲:

桓桓伐功,天監其明。 惟威震疊,惟德綏寧。 神策無遺,鴻圖以興。 曾孫孝祀, 適昭厥成

肅宗,大明之曲:

於皇神人,武烈文謨。 左右世祖,懷柔掃除。 威震遐邇,化漸蟲魚。 垂光綿永,成帝之学。

穆宗、大章之曲:

烝哉文祖, 欽聖弘淵。 慈愛忠信,典策昭然。 歆此明祀,繁祉綿綿。 時純熙矣,流慶萬年。

康宗、大康之曲:

惟 明惟聽,曄曄 神功。 儀刑世業,昭格上穹。 持盈孝孫,薦芳斯豐。 錫我祉福,皇化益隆

太祖,大定之曲:

功超殷、周,德配唐、虞。天人協應,平統寰區。開祥垂裕,肇基永圖。 明明天子,敬承

太宗,大惠之曲:

巍巍 德鴻、無爲端扆。 祚承神功,究馴俗燩。[三清宮緝熙,孝毖時祀。 欽奠羞誠、犧樽嘉旨。

大同 之 (曲

昭顯令德,神基丕承。 對越在天,享用躋升。 於穆淸廟,來燕來寧。 神其醉 止,惟欽克誠。

睿宗,大和之曲

皇祖開基,周武、殷湯。 猗歟聖考,嗣德彌光。 啓佑洪緒,長發其祥。 嚴恭廟享,萬世烝嘗。

世宗,大鈞之曲

神之來思,甫登于堂。 祼圭有瓚,秬鬯芬芳。 巍巍先功,啓祐無疆。 萬年肆祀、孝 心不忘。

顯宗,大寧之曲:

於皇神宮,有嚴惟淸。 吉鐲孝祀,惟神之寧。 對越在天,綏我思誠。 敷祐億年,邦家之慶。

章宗、大隆之曲:

兩紀踐阼,萬方寧康。 文經天地,武服遐荒。 禮備制定,德隆業昌。

宣宗,大慶之曲:

猗歟聖皇,三代之英。 功光先后,德被羣生。 性粢惟馨,鼓鐘其鏗。

神兮來思,歆于克誠。

居飲典祀,億載無疆

文舞退,武舞進,宮縣無射宮肅寧之曲

明 明先皇,神武 亞終獻,無射宮肅寧之曲 維揚。 開基垂統,萬世無疆。 干戚象功,威儀有光。 神保是饗,昭哉降康。

九〇二

涓辰之休,昭祀惟恭。 威儀陟降,惟禮是從。 **籩豆靜嘉,於論鼓鐘。** 惟皇受祉,監斯德容。

皇帝飮福,登歌夾鐘宮福寧之曲:

犧牲充潔,粢盛馨香。 來格來享,精神用彰。 飲此純禧, 簡簡穰穰。 文明天子,萬壽無疆

徹豆,登歌夾鐘宮豐寧之曲:

孝祀肅睦,明德以薦。樂奏九成,禮終三獻。 百辟卿士,進徹以時。 小大稽首、神保聿歸。

送神,宮縣黃鐘宮來寧之曲:

潔茲牛羊,清茲酒醴。三獻攸終,神旣燕喜。 神之去兮,載錫繁祉。 萬壽無疆,永保禋祀。

郊祀前,朝享太廟樂歌。

皇帝入門,宮縣無射宮昌寧之曲:

郊將升禮,廟當告虔。錫鑾戾止,孝實奉先。 祀事斯舉,有序無愆。 祗見祖考,神意懽然。

皇帝升殿,登歌夾鐘宮昌寧之曲:

皇皇天子,升自阵階。奠見祖禰,肅然有懷。 百禮已洽,八音克諧。 旣昌且寧,萬福沓來。

迎神,宮縣來寧之曲。黃鐘宮三奏,至之呂角二奏,太蔟徵二奏,應鐘羽二奏,詞同

以實應天,報本反始。潔粢豐盛,禮先肆祀。風馬雲車,神之弔矣。來止來宜,而燕翼子。

第二十一

樂下

皇帝盥洗,宮縣無射宮昌寧之曲:

有水于罍,有巾于篚。 帨手拭餌,圭衮有煒。 玄酒大羹,德馨維菲。 萬年昌寧,皇皇負扆。

皇帝陞階,宮縣無射宮昌寧之曲:降階,同。

巍巍京師,有嚴神宮。 聖主戾止,多士雲從。 來享來獻,肅肅其容。 將昭大報,庸示推崇。

司徒奉俎,宮縣無射宮豐寧之曲:

陳 其犧牲,惟純 與精。 苾芬孝祀,於昭克誠。 不疾瘯蠡,或剝或亨。 洋洋在上,以交神明。

始祖酌獻,宮縣大元之曲:

猗歟初基, 兆我王迹。 其命維新,貽謀丕赫。 縣縣瓜瓞、國步日闢。 堂構之成,焜煌今昔。

獻祖,大昭之曲:

以 聖繼興,成王之孚。 民從其化,咸奠攸居。 清廟觀德,猗歟偉歟。 金石備樂,以奉神娛。

昭祖,大成之曲:

夷不庭,皇祖 震怒。 神武削平,貽厥聖緒。 **猶室有基,垣墉乃樹。** 億萬斯年,天保孔固。

景祖,大昌之曲:

於 皇藝祖,其智 世祖,大武之曲 如 神。 修法施令,百度惟新。 疆宇日廣,海隅咸賓。 功高德厚、耀耀震震。

於 、皇先 王,昭假于天。 長駕遠馭,麾斥無前。 王業猶生,孫謀有傳。 圓 壇 展禮,敢先告虔。

肅宗,大明之曲:

猗 敟 前人,簡惠 昭融。 相 我世祖,成茲伐功。 敷佑來葉,帝圖其隆。 將修熙事,先款神宮。

穆宗,大章之曲:

仁慈忠信,惟祖 之休。 功光 岐下,迹掩商丘。 言瞻淸廟,懷想前修。 神其來格,歆茲庶羞。

康宗,大康之曲:

猗 歟 前王,惠我 無疆。 儀刑: 典法,日靖四方。 永言孝思,於乎不忘。 昭告大祀、祗率舊章。

太祖,大定之曲

天 生聰明,俾乂蒸人。 惟此二國,爲我歐民。 撻彼威武,萬邦咸賓。 明昭大報,推而

記配神。

淸 緝熙 太宗,大惠之曲 ,於昭 明德。 我其收之,駿奔萬國。 南郊肇修,大典增飾。 清廟吉蠲,純禧申錫。

睿宗,大和之曲:

維

維 時 祖 功 肇 開 神 基。 昭哉聖考,其德增輝。 上動天監,明命攸歸。 謀貽翼子,無疆之辭。

文舞退,武舞進,宮縣肅寧之曲:

開 基 比 迹 殷湯。 功加天下,武德彌光。 容舞象成,干戈戚揚。 於昭報本,懷哉不忘。

第二十一 樂下

志

九〇六

亞終獻,宮縣肅寧之曲:

於皇宗前,朝獻維時。 **芬芬酒醴,棣棣威儀。** 誠則有餘,神之格思。 神孫千億,神其相之。

皇帝飮福,登歌夾鐘宮福寧之曲:四

皇皇穆穆,丕承丕基。躬親于禋,載肅載祗。 對越在天,神歆其誠。 于以飲酒,如川之增。

徹豆,登歌夾鐘宮豐寧之曲:

物維其時,既豐且旨。苾苾德馨,或將或肆。 神之居歆, 治于百禮。 於萬斯年,穰穰介祉。

送神,宮縣黃鐘宮來寧之曲:

濟濟多儀,皇皇雅奏。獻終反爵,薦餘徹豆。神監昭回,有秩斯祐。 無疆之福,申錫厥後。

昭德皇后別廟,郊祀前薦享,登歌樂曲。

初獻盥洗,夷則宮肅寧之曲:

神 無常享,時歆精誠。惟誠惟潔,感通 神明。 先事盥滌,注茲清冷。 巾篚旣奠,尊彝薦馨。

初獻升、降殿,中呂宮嘉寧之曲:

有 來肅肅,登降以敬。 司徒奉俎,奏夷則宮豐寧之曲 粲粲袨服,鏘鏘佩聲。 金石節奏,旣協且平。 其儀不忒,乃終有慶。

馨我黍稷,潔我牲牷。 降升有節,薦是吉蠲。 工祝致告,威儀肅然。 神之弔矣,元吉其旋。

酌獻,奏夷則宮儀坤之曲:

俔天之妹,坤德利貞。 圓丘有事,先薦以誠。 我酒旣旨,我殺旣盈。 神其居饗、福祿來成。

徹豆,奏中呂宮豐寧之曲:

明昭祀事,舊典無違。 樂旣云闋,神其聿歸。 禮之克成,神保斯饗。 於萬斯年,迓續丕貺。

船禘有司攝事。

初獻盥洗,宮縣無射宮肅寧之曲:

祀事之大,齊栗爲先。 潔精以獻,沃盥于前。 旣灌以升,乃薦豆籩。 神其感格,歆于吉蠲。

升自西階,登歌奏夾鐘宮嘉寧之曲:餘並同親祀。

國有太宮,合食以禮。 躋階肅肅,降陛濟濟。 鏘然純音,節乃容止。 神之格思,永綏福履。

時享,攝事登歌樂章。

初獻盥洗,無射宮肅寧之曲:

酌彼行潦,維挹其清。 潔齊以祀、祀事昭明。 顯允辟公,沃盥乃升。 神之至止, 歆于克誠。

第二十一 樂下

志

初 ·獻升殿,夾鐘宮嘉寧之曲: 餘同親祀,惟不用宮縣。

濟在庭、祗薦有序。 雍容令儀,旋規折矩。 爱徂于基,鳴珮接武。 敬恭神明、來寧來處。

昭德皇后時享,登歌樂章。

初獻盥洗,無射宮肅寧之曲

時 祀有章、禮備樂舉。 爱潔其盥,亦豐其俎。 俯仰升降,中規中矩。 神其來格,百福是與。

初獻升殿,夾鐘宮嘉寧之曲:三獻及司徒降,同。

假 哉神宮,神宮有仙。 惟時吉蠲,登降翼翼。 歌鐘鏘煌,笙磬翕繹。 於昭肅恭,靈釐來格。

司 `徒奉俎`無射宮豐寧之曲

宮庭 枚枚、鐘磬喤喤。 旣儀 主鬯,旣奠膋薌。 齊莊奉饋,籩豆大房。 靈之右饗,流慶無疆。

酌 獻,無射宮儀坤之曲

於 皇坤德,作合乾儀。 塗山懿範,京室芳徽。 容聲如在,典祀惟時。 神其克享,薦祉來宜。

亞 終獻,無射宮儀坤之曲

嘉羞實 俎 高 張在庭。 申 獻合禮、終獻改申爲三。坤德儀刑。神其是聽,用鬯淸明。 清明旣鬯,

來享來寧。

徹豆,夾鐘宮豐寧之曲:

禮 成於終,神心視視。 膋蕭發馨,樂闋獻已。 徒馭孔多、靈輿載轙。 青玄悠悠,歸且億矣。

宣孝太子別廟,登歌樂章。

初獻升殿,夾鐘宮承安之曲:

有

. 腯斯牲,有馨斯齊。 美哉洋洋,升降以禮。 禮容旣莊,樂亦諧止。 神之格思,式歆明祀。

酌獻,無射宮和寧之曲:

於惟光靈,孝德昭宣。 高麗有奕,來寧來燕。 於薦惟於一旣時旣蠲。 從我烈祖、載享億年。

亞終獻,和寧之曲:

金石和奏,豆箋惟豐。 祠宫奉事,齊敬精衷。 笙吟伊浦,鶴駐緱峰。 是保是饗,靈德無窮。

徹豆,夾鐘宮和安之曲:

寢成奕奕,今茲其時。 明稱肇祀、將禮之儀。 侯安以懌、羞嘉且時。 樂闋獻已,神其饗思。

大定三年十月,追上睿宗册寶,應鐘宮顯寧之曲:

天開休運,積仁而昌。 命茲昭考,敢忘顯揚。 上儀肇舉,涓日之良。 來格來享,惠我無疆

志第二十一 樂下

大定十九年,升祔熙宗册寶樂曲:

恢大帝業,牧寧多方。懿德茂烈,金書發揚。 肇舉上儀,涓擇吉日。 鴻名赫赫,與天無極。

上册寶、宮縣靜寧之曲

日卜其吉,承祀孔肅。廣號追崇,孝心克篤。 於乎悠哉,來思晬穆。

寶册旣陳,委於宗祝。

皇帝降殿,宮縣鴻寧之曲:

繼

!世隆昌,臨朝靜默。 追諡鴻名,發輝潛德。 玉質金章,煌煌簡册。 涓辰展儀,永傳無極。

殿庭樂歌。

大定七年正月,上册寶,皇帝將升御座,宮縣奏太蔟宮泰寧之曲:[三降座,同

德隆帝位,承天而興。侯邦來庭,民居安寧。歸美以報,傳之無極。鴻名徽稱,壽時萬億。

册寶入門,奏天保報上之曲

四方旣平,功歸聖明。 奉册寶官將復班位,奏歸美揚功之曲 定功巍巍,丕享鴻名。 股肱良哉,揄揚元首。 儲精優游,南山等壽。

聖德高明,萬邦咸休。錙銖唐、虞,糠粃商、周。維時羣臣,對敭稽首。 天子明明,令聞不朽

册寶初行,奏和寧之曲: 册寶將升殿,皇太子自侍立位至降階,曲並同。

四方攸同,昭哉成功。 時和年豐,諸福來崇。 英聲昭騰,和氣充塞。 於乎皇王,維壽時億。

皇太子升殿賀,奏同心戴聖之曲:

穆淸皇風,遐方來同。 於昭于天,物和歲豐。 丕受鴻名,對揚偉蹟。 純釐穰穰,敷錫罔極

上壽,皇帝將升御座,宮縣和寧之曲。同前。

舉酒,萬壽無疆之曲:

四海太平,吾皇之功。羣臣對揚,誕受鴻名。霞觴瓊腴,君王樂豈。 皇天垂休,萬壽無極。

皇太子升階、降階,及與宴官升殿,並奏和寧之曲。同前

進第一虧,登歌奏王道昌明之曲:「尽」

對天鴻休,于以鋪張。 巍巍煌煌,超冠百王。 皇圖皇綱,時維明昌。 祉福. 無疆,于民敷揚。

行羣官酒,宮縣和寧之曲。文舞入,「智設羣官食,奏功成治定之舞,三成止

聖德高明,如天强名。多方治平,功大有成。 流于聲音,形于蹈舞。 頒觴羣臣,以昭禮遇。

進第二爵,登歌奏天子萬年之曲

惟明后,馭寰瀛。 躋升平,飛英聲。 功三王,德五帝。 游巖廊,億萬歲。

志 第

+

樂

下

九一二

行羣官酒,宮縣和寧之曲。武舞入,設羣官食,奏四海會同之舞,三成止:

地 平天成,時和歲豐。迓衡弗迷,率惟敉功。受天之祜,四方來荷。 於萬斯年,不遐有佐。

進第三爵,登歌嘉禾之曲:

景命: 並奏和寧之曲,皇帝將降御座,奏泰寧之曲,並用太蔟宮。 庾如坻京歲且穰。 赫斯歸吾皇,仁風洋洋被遠荒。 猗歟鴻休超前王,播爲聲詩·傳無**疆**。 琛贄旅庭趨明光,氣和薰蒸爲嘉祥。 行羣官酒、設羣官食、羣官降階,宮縣 殊本合穂眞異

大定十一年十一月,行册禮,皇帝升御座,宮縣泰寧之曲

皇皇穆穆,衮服玉趾。 如日之升,如山仰止。 九賓在列,媚茲天子。 願言無疆,介以繁祉。

册寶入門,奏天保報上之曲:

穆穆元聖,天迪子保。 奉册寶官將復班位,奏歸美揚功之曲 相維臣工,以奏丕號。揚于路朝,玉牒神寶。 於萬斯年,吾君壽考。

玉册玉寶、尊聖天子。 丕揚鴻名,昭受帝祉。 閎休對天,其隆孰比。 臣下同心、翼戴歸美。

皇太子升殿賀,奏同心戴聖之曲

大矣我后,徽册膺受。 歡趨形庭,拜手稽首。 休明御辰、無疆萬壽。 靈貺沓來,天地長久。

舉酒,奏萬壽無疆之曲:

|德懋昭,民歸天祐。 煌煌金書,典册光受。 備樂在庭,八音諧奏。 羣公奉觴,天子萬壽。

進第一爵,登歌王道昌明之曲:

明 **|明我皇,道光化溥。百度惟新,禮修樂舉。** 藻飾太平, 爛然可覩。 超躋三王,暉映千古。

設羣官食,奏和寧之曲、功成治定之舞:

穆穆我君,威折羣醜。 輝光日新,仁洽九有。 容典葳蕤,超前絕後。 端拱深嚴,寶册膺受。

第二臂,登歌奏天子萬年之曲:

典禮修,惟明后。揚鴻名,燦瓊玖。羅華紳,爲萬壽。 歌南山、堅且久。

行羣官酒,奏和寧之曲、四海會同之舞:

道隆政平,天開有德。萬國和寧,來王來極。昭受鴻名,俯徇列辟。 錫飲行觴,歡心各得。

第三爵,登歌奏嘉禾之曲:

衆瑞畢至昭升平,爱生嘉禾廼合穗。膴膴大田無南東,稼茂如雲成豐歲。旣刈旣穫百室盈, 擊壤歌沸野老聲。〔台〕陶唐之民茲其比,帝力何有若自遂。

大定十八年十二月,上「受命寶」,皇帝將升御座,宮縣奏泰寧之曲。

上帝 有赫、懷此明德。 畀之神寶、庸鎭萬國。 臨軒是膺、登降維則。 羣臣拜首,年卜萬億

寶入門,奏天保報上之曲:

受命大寶,昭答眷佑。珍符明貺,人爲天授。 文物具舉、韶、濩迭奏。 羣臣上之,天子萬壽

羣臣合班,奏歸美揚功之曲:

德冒生民,明明元后。 端冕臨軒,神寶是受。 羣工來賀,咸拜稽首。 無疆無期,享祚長久。

皇太子升殿、幷自侍立位降階,宮縣稱觴介壽之曲:

上儀昭舉,膺時瑞玉。 羣辟在列,蹌蹌肅肅。 衮衣桓圭,歸美稽首。 升降惟時,天子萬壽。

舉酒,登歌奏萬壽無疆之曲:

上帝眷命,純休茲至。 誕膺洪寶,光臨大器。 稱觴對揚,嵩嶽萬歲。 其寧惟永,無疆卜世。

天德二年十月,册立中宮,皇帝將升御座,宮縣奏乾寧之曲:降座,同

人道大倫,王化所基。明聖稽古,陰敎欲施。 臨軒發册,備舉彝儀。 麟趾、關雎、宜播聲詩。

册寶入門,奏昌寧之曲:出門,同。

羽衞充庭、淑旂徽章。 將受册寶、以册寶入門,宮縣奏肅寧之曲:命婦升、降,同 禮儀具舉,涓辰以良。 相我內訓,來儀椒房。 億萬斯年,邦家之光。

塗山 興夏,關雎美周。坤儀之尊,母臨九州。 瑶册褘衣,光配凝旒。 地久天長、福祿是遒。

后出閣,奏順寧之曲:升、降座,同。

天立厥配,任、姒比隆。 母儀四海,化行六宮。 日月並明,乾坤合德。 於萬斯年,作儷宸極。

受册,奏坤寧之曲:

風 化之始,由于壼闈。 禮文斯備,爱正坤儀。 維順以慈,儷聖同德。 則百斯男,垂統無極。

天德四年二月,册皇太子,皇帝將升御座,宮縣奏乾寧之曲:皆用夾鐘宮云。

大君 有爲,先圖本固。 涓辰之吉,禮成餘副。 文物備陳,聲樂皆具。 人心載寧,克昌福

册使入門,昌寧之曲:

在 天成象,煥乎前星。 惟聖時憲,典禮以行。 人有慶,萬邦以貞。 社稷之福, 寖昌寖明。

皇太子入門,奏元寧之曲:出門,同。

皇矣 上帝,純佐明聖。 篤生元良,日躋德性。 册命主器,萬邦以正。 龍樓問寢,億年之慶。

大定八年正月、册皇太子、皇帝將升御座、宮縣洪寧之曲:並用太藤宮。

會朝 清明,臨 軒 備 禮。 天威皇皇,臣工濟濟。 於昭元良,膺茲典册。 對揚閎休, h 年萬億。

志

皇太子入門,奏肅寧之曲:

光昭前星,惟天垂象。 稽古而行,主器以長。 曲禮告成,邇遐屬望。 國本旣隆,繁釐永享。

羣臣合班,奏嘉寧之曲.

於皇臨軒,禮崇上嗣。 維眷之祺,傃方正位。 言觀其儀,翔翔濟濟。 美歸吾君,太平萬歲

皇太子復受册位,奏和寧之曲:

祖 ·功艱難,經營締構。 基牢根深,枝繁葉茂。 於昭貽謀,駢休集佑。 元良斯貞,吾皇萬壽

大定二十七年三月、册皇太孫、皇帝將升御座、宮縣泰寧之曲:並始悉宮。

上天叢休,申錫祚胤。 孫謀有詒,臨軒體 핉 煌煌上儀,欣欣衆聽。 隆我邦本,無疆惟慶。

皇太孫入門,奏慶寧之曲:出門,同。

寶源流光,流光惟遠。 孫謀有貽,慶序昭行。 於樂衆望,於皇備典。 動容周旋,承茲嘉羨

羣臣合班,奏順寧之曲:

冕旒當宁,徽章備舉。 綵仗充庭,金石列簴。 濟濟多士,翼翼就序。 海潤山暉,傾聽樂府。

皇太孫復受册位,奏保寧之曲

禮之攸聞,丕建世嫡。 衆論協從,天心不易。 名崇震宫,辭著瑞册。 社稷宗廟,無疆夷懌。

鼓吹導引曲。

天眷三年九月,駕幸燕京,導引曲:無射宮。

五年一狩,仙仗到人間,問稼穡艱難。蒼生洗眼秋光裏,今日見天顏。 金戈玉斧臨香火,馳

道六龍閑。歌謠到處皆相似,天子壽南山。

天德二年三月,給享廻鑾,導引曲:

禮成廟享,御衞拱飛龍,諸道起祥風。太平天子多受福,孝德與天通。 鳳簫龍管韶音奏,聲

在五雲中。粲然文物昭治世,萬億禩無窮。

貞元元年三月,駕幸中都,導引曲:並始洗宮。

抃溢歡聲。 鑾輿順動,嘉氣滿神京,輦路宿塵淸。 鈞陳萬旅隨天仗,縹緲轉霓旌。 都人望幸傾 堯日, 鼇 臨觀八極辰居正,寰宇慶昇平。

采茨曲:

志第二十一 樂下

新都春色滿,華蓋定全燕。 山海,皇居億萬年。 時運千齡協, 星辰五緯連。 六龍承曉日, 丹鳳倚中天。 王氣盤

貞元三年十一月, 哈享廻鑾, 采茨曲: 並用。[10]

慶成廻大駕,仙仗紫雲深。 龍衮輝千騎,嵩呼間八音。 太平興縟禮,萬國得懽心。 孝格迎

遐福,穰穰永降臨。

正隆六年六月、駕幸南京、導引曲:並林鐘宮。

神宮壯麗,宮殿壓蓬萊,向曉九門開。 聖明天子初巡幸,遙駕六龍來。 五雲影裏排仙仗,清

蹕絕纖埃。都人齊唱昇平曲,

更進萬年盃。

采淡 曲:

雙闕層雲表,澄景開淸曉。 **六龍天上來,馳道平如掃。** 虞巡五載合,夏諺一 遊同。 都人欣

豫意,寫入頌聲中。

大定三年十月、於享廻鑾、采茨、導引曲:自己皆應鐘宮。 自後親祀、二曲並用。

太宮崇烈考,大禮慶初成。 綵仗廻雲步,天階嚴蹕聲。 舜宮合至孝,周頌詠維清。 介福應

穰簡,歡交萬國情。

導引曲:

禮行淸廟,華黍薦年豐,聖孝與天通。六龍廻馭千官衞,玉振珮環風。 黄麾金輅嚴天仗,非

霧鬱葱葱。工歌疊奏升平曲,福祿自來崇。

大定二十七年三月、皇太孫受册、謝廟、導引曲、

樂粲成章。 **璿源濬發,衍慶自靈長,聖運日隆昌。** 精誠潛格神明助,福祿永無疆。 震闡顯册遵彝典,基緒煥重光。 練時廟見嚴昭報,禮

校勘記

- (1) 碲 說饗 據本志文例,此句上當有「宗廟樂歌」四字。
- 〔三〕究馴俗媺 「究」疑是「宄」字之誤。
- 黄鐘宮三奏 原脫「宮」字。按本書卷三〇朝享儀,朝享太廟,「宮縣奏來寧之曲,以黃鐘爲宮」, 今據補。

志 本卷上文「稀祫親饗」、「迎神、宮縣來寧之曲。 第 + 校 勘 £ 黄鐘宮三奏」。

登歌夾鐘宮福寧之曲 原脫「宮」字。按上文「稀哈親饗」、「皇帝飮福、登歌夾鐘宮福寧之曲」

今據補。

宮縣奏太蔟宮泰寧之曲 「奏」原作「樂」。按大金集禮以下簡稱集禮卷二帝號下,大定七年册禮

作「宮縣奏泰寧之曲」。今據改。又,下文「降座同」三字原作大字正文,今據殿本改作小字注文。

進第一爵登歌奏王道昌明之曲 「昌明」原作「明昌」。按下文「大定十一年十一月行册禮」」「進

第一爵、登歌王道昌明之曲」,集禮大定七年册禮亦作「昌明」。今據乙正。

[4] 文舞入 「舞」原誤作「武」。 據集禮改。

擊壤歌沸野老聲 按本曲八句四韻了聲」與「穗」「歲」「遂」不叶,疑或「輩」字之誤。

皆用夾鐘宮 原作大字正文,今依本志文例改作小字注文。

[10] 給享迴鑾采茨曲並用 按「並用」下脱宮調名。

哈享迴鑾采茨導引曲 按「導引曲」見下,此「導引」二字疑是衍文。

金史卷四十

志第二十二

儀衞上

常朝儀衛 內外立仗 常行儀衛 行仗法駕 黄麾仗

傘子,曰長行。 立仗則有殿庭內仗、殿庭外仗,凡大禮、大朝會則用之,其朔望常朝,弩手百 出,則有常行儀衞、宮中導從焉。 人分立兩階而已。行仗則有法駕、大駕、黃麾仗,凡行幸及郊廟祀享則用之。其非大禮遠 |金制,天子之儀衞,一曰立仗,二曰行仗。 其衞士,曰護衞,曰親軍,曰弩手,曰控鶴,曰 大抵模倣床制,錯綜增損而用之。 其宿衞則見兵志云。

紫,塗金束帶。 手、傘子百人,並金花交脚幞頭,塗金銅鈒襯花束帶,骨朶。左右班執儀物內侍二十人,展 金束帶,各執玉、水晶及金飾骨朶。左右親衞,盤裹紫襖,塗金束帶,骨朶,佩兵械。 弩手百人,分立兩階。 初,國制,凡朔望常朝日,殿下列衞士,簾下置甲兵。 其儀,都副點檢,公服偏帶。常朝則展紫。 正隆元年,海陵去甲兵,惟存錦衣 左右衞將軍,宿直將軍,展紫, 供御弩

訖,卽於殿門外東西相向排立。 都點檢以次三員陞殿,都點檢在東近南,左副又少南,右副 在西,東向對立。左右衞將軍在殿下東西對立。省臣隨班起居畢,左右司侍郎從宰執奏 班齊。執擎儀物內侍分降殿階,南向立。點檢司起居,弩手、傘子於殿門外北面山呼聲喏, 立於殿欄外副階下,以俟。奏事畢,皇帝還閣,侍衞者乃退。 殿中侍御史隨班起居畢,東西對立於左右衞將軍之北,少前。修起居注分殿陛東西對 朝參日,弩手、傘子直於殿門外,分兩面排立。司辰報時畢,皇帝御殿坐,鳴鞭,閤門報

自是以後,至海陵時,俱用三千人。一世宗大定七年,上册寶,頗損其數,且以天德、貞元 凡遇大禮、大朝會,則有內外立仗。 熙宗皇統元年正月,上册寶,立仗一千一百八十

不設車輅,遂幷去之。是後,或减至二千,或一千、或八百、或六百人。

天德二年,海陵立后,發册動政殿,設黃麾細仗,用前六部,攝官七十一,擎執六百七十

黄麾細仗一千四百二人。二十七年,册皇太孫,亦如之。 八人。受册泰和殿,用後六部,攝官三十六,擎執三百二十二人。 大定八年正月,册皇太子於大安殿,用黃麾半仗二千二百六十五人,奉表于仁政殿用

龍旗二十。第五行,同上,又君王萬歲旗一,五人居中。日旗一,五人在左。月旗一,五人 行,監門校尉十二,分左右。第三行,長壽幢一,押旗大將軍一,居中。次東五方龍旗十五, 在右。第六行,自內而東,天下太平旗、苣紋旗、日月合璧旗、苣紋旗、靑龍旗、赤龍旗、河瀆 次西五方鳳旗十五。第四行,自內而東,靑龍旗五,紅龍旗二十。自內而西,靑龍旗五,紅 扇六。碧襴官一,睥睨四。碧襴官一,紅大傘一。碧襴官一,紫方傘二。碧襴官一,華蓋 三人。碧襴官一,大雉扇二。碧襴官一,中雉扇六。碧襴官一,小雉扇六。碧襴官一,朱團 一。右行,東向列者,並同。面北,第一行,牙門旗八,共二十四人,分左右,留中道。第二 殿庭內仗。以中心東西相向一重,幷面北旗幟爲中道。左行,自北西向排列。黃麾幡一首,執者 大定八年,黃麾半仗,攝官一百七十五人,擎執二千八十一人,編排職掌九人。

旗、白 旗、濟瀆 旗、江瀆 狼旗、金鸚鵡旗、馴犀旗、角端旗、鴳鸏旗、騶牙旗、野馬旗、瑞麥旗、甘露旗各一,旗五 王旗各 天 旗各 王旗各一。 旗各一,旗五人,通直官一,大將一。 第七行,自內 一,旗五人,排仗通直官一,排仗大將一。未、午、已、辰、卯、寅旗各一,青天王 自內 而 而 東,孔雀旗一,五 西,祥雲旗、五星連珠旗、祥雲旗、黃龍旗、白龍旗、黑龍旗、淮瀆 人。蒼烏旗、兕旗、犛牛旗、驍蹋旗、赤熊旗、白 申、酉、戌、亥、子、丑旗各一,緋天王旗、皂天

房宿 旗二間之。 行,與第二行同。 自內 部 頭竿四、朱刀盾五、龍頭竿四、綠刀盾五、龍頭竿四、小戟五。 主 幷黃排襴旗各一。 三人,均用二。 前三。 同,惟何 m 外仗。在門外。 旗一,三人,均用二。 西者同 無絳 第二行,絳引幡五首十五 角宿旗 引幡。 斗宿旗一,三人,均用二。 牛宿旗一,三人,均用二。 左邊,西向,自北排列。 第二部、第三部、第四部、第五部以次而南、各為前後四行,其名數與第 虚宿旗一、三人、紅、黃排襴旗二。危宿旗一、三人、紅、紫排襴旗二。 一,三人,均用二。亢宿旗一,三人,均用二。 右五 部,東向 心宿旗一,三人,均用二。 排列,色數皆同。 人,龍頭竿四、弓矢五、揭鼓二、龍頭竿四、儀鍠斧五 第一部,第一行,侍御史、大將軍、折衝都尉各一, 左第五行、從北、每大旗 尾宿旗一,三人,均用二。 第三行, 氐宿旗 女宿 **)與第一行同。** 旗 一,均 一,三人,龍旗 三人,均用二。 箕宿 用小 旗一, 紅龍 第四 龍 室

旗二。金星旗一,三人,紅、紫排襴旗二。水星旗一,三人, 吏兵幷紫排襴旗各一。 北岳旗 排襴旗二。左攝提旗一,三人,黃、紫排襴旗二。青龍旗一,三人,紅、黃排襴旗二。木星旗 宿旗一,三人,黄、紫排襴旗二。壁宿旗一,三人,紅、黃排襴旗二。重輪旗一,三人,紅、紫 人。鬼旗一,三人。皆均用二旗如前。柳宿旗一,三人,紅龍幷黃排襴旗各一。星宿旗一, 胃旗一,三人。昴旗一,三人。畢旗一,三人。觜旗一,三人。參旗一,三人。井旗一,三 **幷赤豹旗各一。西岳旗一,三人,赤豹幷力士旗各一。南岳旗一,三人,力士幷虎君旗各** 虎君旗各一。雨 二。南方 二。軫宿旗一,三人,紅、黃排襴旗二。重輪旗一,三人,紅、紫排襴旗二。右攝提旗一,三 三人,紅、黃排襴旗二。張宿旗一,三人,紅、紫排襴旗二。翼宿旗一,三人,紫、黃排襴旗 三人,紅、紫排 人,紫、黃排襴旗二。 白虎旗一,三人,紅、黃排襴旗二。 東方神旗一,三人,紅、紫排襴旗 一,三人,吏兵幷龍君旗各一。東岳旗一,三人,龍君幷黃熊旗各一。中岳旗一,三人,黃熊 一,三人,紅、紫排襴旗二。 火星旗一,三人,黄、紫排襴旗二。 土星旗一,三人, 紅、 黃排襴 一。朱雀旗一,三人,虎君幷天馬旗各一。右第五行,從北。奎旗一,三人。婁旗一,三人。 神旗 襴 一,三人,黄、紫排襴旗二。中央神旗一,三人,紅龍排襴旗二。西方神旗一, 師 旗二。北方神旗一,三人,力士幷紫排襴旗各一。 旗一 ,三人,虎君幷黃熊旗二。

雷公旗一,三人,黃熊幷赤豹旗二。

電母 風伯旗一,三人,力士弁

志

天馬旗二。三人執一旗者重立,二人各執小旗者亦重立。 旗一,三人,赤豹幷吏兵旗二。北斗旗一,三人,吏兵幷龍君旗二。玄武旗一,三人,龍君幷

其次,第 列爲第一重。鶡鷄旗、貔旗、玉馬旗、三角獸旗、黃鹿旗各二,共十人,次外分列爲第二重。 第四重。 殿門外仗,亦從北,留中道。飛麟旗、駃騠旗、鸞旗、麟旗、馴象旗各二,共十人,從中分 一部都尉三員,第二部至第五部俱二員,爲第三重。又其次五部,各刀盾二十,爲 又其次五部,各弓矢二十,爲第五重。左右同。

黃麾細仗,攝官八十八人,擎執一千三百五人,編排職掌九人。

東向 雉扇六、朱團扇六、睥睨四、紅大傘一、紫方傘二、華蓋一,凡傘扇之上皆有碧襴官一。 右行 通直一人,大將一人。未、午、巳、辰、卯、寅旗各一,青天王旗、白天王旗各一。自內而西, 第三行,五方龍旗十五在左,五方鳳旗十五在右。第四行,紅龍旗三十四,第五行,紅龍旗 君王萬歲旗五人,居中。日旗五人,監門校尉五人,在左。月旗五人,監門校尉五人,在右。 三十四,皆分左右。 . ` ; 排 內仗,中道左一行,自北西向排列。黃麾幡一首,執者三人。大雉扇六、中雉扇六、小 次同 面北,第一行,長壽幢一,居中。牙門旗八,共二十四人,分左右。第二行, 第六行,自內而東,太平、苣紋、合璧、苣紋、赤龍、靑龍旗各一,旗五人,

端、鵕鶲、綱子旗各一,旗五人。自內而西,淮瀆、濟瀆、兕、赤熊、馴犀、角端、鵕鶲、綱子旗 子、丑旗各一,緋天王旗、皂天王旗各一。第七行,自內而東,河瀆、江瀆、兕、赤熊、馴犀、角 祥雲、連珠、祥雲、黃龍、白龍、黑龍旗各一,旗五人,通直一人,大將一人。 申、酉、戌、亥、

各一,旗五人。

四、紅排襴四、東兵旗二、天馬旗一。 中、西、北方神旗各一,風伯、雨師、雷公、電母、北斗旗各一,旗三人。次紫排襴四、黃排襴 **龍頭竿四、小戟五。第二部至五部無絳引幡,餘色並同,以次相接而南。右五部東向,亦如** 畢、觜、參、井、鬼、柳、星、張、翼、軫旗各一,旗三人。次重輪、右攝提、白虎旗各一,東、南、 次紫排襴四、黃排襴四、紅排襴四、東兵旗二、天馬旗一。右第三行,從北,奎、婁、胃、昴、 之。左第三行,從北,角、亢、氐、房、心、尾、箕、斗、牛、女、虚、危、室、壁旗各一,旗三人。次 矢五、朱刀盾五、綠刀盾五,龍頭竿四、儀鍠斧五、朱刀盾五、綠刀盾五,龍頭竿四、小戟五, 第二行,第一部,絳引幡五首,十五人。龍頭竿四、弓矢五、揭鼓二、儀鍠斧五,龍頭竿四、弓 重輪、左攝提、靑龍旗各一,木、火、土、金、水星旗各一,北、東、中、南、西岳旗各一,旗三人。 外仗,左邊西向,自北排列,第一行,五部,侍御史、大將軍、折衝都尉各一,主帥各二。

結子、儀鍠斧五十八,在控鶴後。其常朝、御殿、郊廟、臨幸,凡步輦出入則有近侍導從,執 導引至殿,皇帝升座則降階以俟,入閤然後放仗。 執列系骨朶七十八、瓜八十八、鐙三十四,在控鶴前,金吾仗八十、金花大劍六十俱垂紅絨 鍍銀蒜瓣骨朶。長行四百人,拳脚幞頭、紅錦四楑襖、塗金束帶,二人紫衫前導,無執物,餘 領四人,俱服紅地藏根牡丹錦襖、金鳳花交脚幞頭、塗金銀束帶,控鶴或皂帽碧襖,各執金 金鍍銀骨朶者二人,左右扇十人,拂子四人,香盒二人,香毬二人,節二人,瞳二人,盂一人, 唾壺一人,淨巾一人,鐁鑼一人,水罐一人,交椅一人,斧一人,皇帝出閤則分立閤門之外, 行仗。天子非祀享巡幸遠出,則用常行儀衞。弩手二百人、軍使五人,控鶴二百人、首

燕,用黃麾仗萬三百四十八人。 天德二年祀廟,用黃麾四千人。 世宗卽位,凡行幸祀享並 用三千人,間亦不滿其數。大定十一年前,祀南郊、朝享太廟及至郊壇,用大駕七千人,此 天眷三年,熙宗幸燕,始備法駕,凡用士卒萬四千五十六人,攝官在外。海陵遷都于

其大較也。

職官二人,令史四人,書令史四人,押仗二人,殿中侍御史二十四人。 官八人,導駕官四十八人,抱駕頭官一人,執扇筤一人,尙輦奉御二人,殿中少監二人,供奉 大夫一人,僚佐一十人,進輅職掌二人,夾輅將軍二人,陪輅將軍二人,敎馬官二人,四省局 人,典事五人,太史令一人,太史正一人,司丞一人,府牧一人,刻漏生四人,縣令一人,御史 馬四人,押仗通直二人,押仗大將二人,碧襴一十六人,長史二人,鼓吹令二人,鼓吹丞二 旅帥二人,部轄指揮使二人,押纛二人,押衙四人,四色官四人,押旗二人,引駕官四人,進 人,校尉五十六人,郎將三十四人,帥兵官二百四十六人,統軍六人,都頭六人,千牛一人, |天眷法駕人數。攝官六百九十九人:將軍、大將軍四十三人,折衝、果毅一百二十六

駕六十二人,人員二,長行六十。駕頭天武官一十二人,執從物茶酒班一十一人,御龍直仗劍六 隊從領人員一十七人,簇輦茶酒班三十一人,人員一,長行三十。 鈞容直三十一人,人員一,長行三 劍三百一十人,人員一十,長行三百。東第四班三十一人,人員一,長行三十。扇筤天武二十人,捧日 十四人,部押二人,殿前班行門三十五人,捧日馬隊七百人,奉宸步隊七百人,天武骨朶大 人,天武把行門八人,殿前班擊鞭一十人,御龍直四十人,人員二,長行三十八。 骨朶直一百三 招箭班三十三人,人員三,長行三十。天武約襴三百一十人。人員一十,長行三百。 諸班直隊二千九百四十五人:鈞容直三百六人,人員六,長行三百。執旗一百三十六人,引

共五十人,指南、記里車各三十人,輅車、鸞旗、皮軒車各十八人,黃鉞、豹尾車各十五人,屬 下六十四人,控馬踏路四,駕士六十。象輅下駕士四十人,革輅、木輅、耕根車駕士同上,革車二, 車輅下駕士六百三十八人:玉輅下一百四十人,控馬踏路四、二二駕士一百二十八,挾輅八。 金輅

車八,共八十人。

御馬三十二,共百三十四人。 控馬,天武官六十四。挾馬,騎御馬直長行六十四人。騎御馬直人員三,天武節 六。大輦下三百七十一人,掌輦人員四,什將十二,長行三百五十五,分五番。 芳亭輦一,長行六十人, 級三人。押馬六人,象二十三人。[1] 平輦下四十二人,什將節級九,人員七,長行二十六。 腰輿 共一十九人,人員一,什將虞侯二,長行一十 輦輿下六百八十五人:小輿一,長行二十四人,逍遙一,共三十五人,什將節級九,長行二十

擎執人、异士共八千七百七十一人。

鼓吹樂工九百九十四人。

馬六千七十八疋。

天德五年,海陵遷都于燕,用黃麾仗一萬八百二十三人,攝官在內。騎三千九百六十九,

頭、靑錦絡縫緋褡衫、金鍍銀雙鹿束帶。 第一節。 中道,象二十三人。[四]節級二人,銅鑼,七寶、硊石、銀鈎各一,鐵鈎二,小旗十五,並服花脚幞

武弁、緋繡雉大袖衫、白袴。馬,纓轡涼屜、銅面、包尾。縣令一員,朝服,坐軺車。 僚佐四員,並朝服。 控馬八 口袴。小戟十六。服同上。 幡一一,執者六人,維抹額、寶相花衫、革帶、袴。傳教幡一,信幡一,各三人,並黃抹額、寶相花衫、革帶、大 相花衫、革帶、袴。青衣二一,青平巾、青衫、袴、革帶,執青竹杖。 車輻棒二一,赤平巾、緋白澤衫、革帶、赤袴。 赤袴。誕馬一,控四人,赤平巾幘、緋繡寶相花衫、銀革帶,纓轡涼屜二副。軺車一,赤馬二,駕士十八人, 人,錦帽、絡縫紫衫、大珮、銀帶。 紫方傘一,黄抹額、寶相花衫、銀帶、大口袴。 朱團扇一,曲蓋一,緋抹額、寶 第一引,七十二人:清道一,武弁、緋雲鶴袍、袴、革帶,執黑漆杖。 憾弩一,赤平巾幘、緋辟邪衫、革帶、 告止

飾如前。府牧一員,朝服坐車。僚佐四員,控馬八人,服並如前。鐃鼓一,簫二,笳二,笛一,篳篥 刀十,並平巾幘、緋繡寶相花衫、銀革帶、大口袴。 革車一,赤馬四,駕士二十五人,武弁、獬豸大袖、勒帛,馬 巾帻、緋鸞衫、抹帶、袴、錦螣蛇。大鼓六,黄雷花衫、袴、抹額、抹帶。節一,幢一,麾一,夾矟二,角四,儀 第二引,二百六十四人:清道二,憾弩一,誕馬四,控八人,服並如前。 **掆鼓一,金鉦一,**平

第二十二

倦 衞 上

帽、紫寶相花袍、革帶、袴。 盾三十六、銀褐抹額、寶相花衫、〔吾〕銀革帶、袴。弓矢三十六、錦帽、青寶相花衫、銀革帶、袴。稍三十六。錦 朱團扇四,曲蓋一,告止幡二,六人,傳敎幡二,六人,信幡二,六人,小戟四十,服並如前。刀 ,並平憤、緋寶相花衫、銀褐抹帶。大橫吹一,緋苣紋恕、袴、抹額、抹帶。青衣四,車輻棒四,紫方傘一,

弩六,弓矢六,稍十二。並平巾、緋寶相花衫、橫刀、革帶、袴。 11,平巾幘、緋繡寶相花衫、革帶、袴。 朱、雀旗一,五人,緋抹額、寶相花衫、革帶、大口袴、横刀,引夾人加弓矢。 朱雀旗隊三十四人:折衝都尉三人,「尽」平巾幘、紫辟邪衫、革帶、大口袴、錦螣蛇、横刀弓矢。

護旗四人。加黃抹額、弓矢。 伯旗一、雨師旗一、雷公旗一、電母旗一、北斗旗一、五星旗五、左右攝提旗二,執、夾共六十 人,皆五色寶相花衫、抹額、革帶、袴、橫刀,引夾人加弓矢,後凡執旗者並同。 副竿一一,錦帽、黃寶相花衫、革帶、袴。 龍旗隊七十一人:大將軍一人,朝服。引旗四人,黃抹額、寶相花衫、革帶、大口袴。旗十二,風

三十人,獬豸大袖。鸞旗車,駕士十八人,瑞鷹大袖。駕車赤馬十二,執黑杖者三人。 太僕三車八十一人:指南車,駕士三十人,武弁、緋絁繡孔雀大袖、銀褐帶、袴。記里鼓車,駕士

横刀,引夾加弓矢。金吾牙門旗第一門,牙門旗四,執夾十二人,青寶相花衫、抹額、〔五〕革帶、大口袴、横刀, 外仗。〔刊〕牙門旗隊二十八人:分左右。白澤旗二,執夾各五人,綠具裝冠、〔八〕人馬甲、錦臂鞲、

引夾人加弓矢。監門校尉六人。長脚幞頭、緋抹額、獅子裲襠、銀帶、橫刀、弓矢、烏皮靴,後隊同。

帽、青寶相花衫、革帶、袴。稍二十八。緋色衫,餘同上。 宿、斗宿、牛宿旗四,旗各五人,並五色寶相花衫、抹額、革帶、横刀,引夾加弓矢。 弩六,弓矢十四,並錦 前部馬隊,第一隊七十人:折衝、果毅都尉二人,錦帽、緋辟邪袍、袴、革帶、横刀、弓矢。 角宿、亢

六,弓矢十四,稍二十八。 服、執如前。 第二隊七十人、折衝、果毅都尉二人、白澤衫。氐宿、女宿、房宿、虚宿旗四,旗五人,弩

十四,稍二十八。服、執如前。 第三隊七十人:折衝、果毅都尉二人,心宿、危宿、尾宿、室宿旗四,旗五人,弩六,弓矢

弩六, 弓矢六, 稍六。 並平巾幘、緋寶相花裲襠、革帶、袴。 第二節。中道了[10]金吾引駕騎二十人:折衝都尉二人,平巾帻、緋辟邪衫、革帶、袴、横刀、弓矢。

脚幞頭,綠寬衫、角帶、黃絹半臂、烏靴。 部轄指揮使一人,平巾幘、紫寶相花衫、革帶、錦螣蛇。 長鳴各百二十,黃雷花衫、抹額、抹帶。鐃鼓十二,緋苣紋衫、抹額、抹帶。歌二十四,拱辰管二十四, 人,分五項,平巾帻、緋鷺衫、革帶、袴、執儀刀。 掆鼓、金鉦各十二,平巾帻、緋鸞衫、銀褐抹帶、錦螣蛇。 大鼓、 前部鼓吹五百四十七人:鼓吹令二人、長脚幞頭、綠公服、角帶、絲鞭、〔二〕鳥皮靴。 主帥四十八 府史四人,長

簫二十四,笳二十四,服如鉦鼓,無螣蛇。大横吹百二十。服如鐃鼓。

外仗。[11]馬部第四隊六十人:分左右。折衝都尉二人,辨麟衫。箕宿、壁宿旗各一,旗五

人,弩六,弓矢十四,稍二十八。服、執並如前隊。

第五隊六十人、折衝都尉二人、奎宿、井宿旗各一、旗五人、弩六、弓矢十四、稍二十八。

服、執並如前隊。

第六隊六十人:折衝都尉二人,辨瑞鷹袍。婁宿、鬼宿旗各一,旗五人,弩六,弓矢十四,

稍二十八。服、執並如前隊。

第七隊六十人:折衝都尉二人,胃宿、柳宿旗各一,旗五人,弩六,弓矢十四,稍二十八。

服、執並如前隊。

第八隊六十人"折衝都尉二人、昴宿、星宿旗各一、旗五人、弩六、弓矢十四、稍二十八。

服、執並如前隊。

第九隊六十人:折衝都尉二人,赤豹袍。畢宿、張宿旗各一,旗五人,弩六,弓矢十四,稍

二十八。服、執同前。

第十隊七十人:折衝都尉二人,瑞馬袍。觜宿、鷄宿、參宿、軫宿旗各一,旗五人,弩六,弓

矢十四,稍二十八。服、執如前。

刀、弓矢。犦矟四,平巾帻、緋寶相花袍、大口袴。折衝都尉四人,服如將軍。鴟鷄旗二,貔旗二,旗各五 人,朱牟甲弓矢四十,朱牟甲刀盾四十。兜牟、甲身、披膊、錦臂鞲、行縢、鞋韈、勒甲、革帶。 步甲隊,第一、第二兩隊百一十人:領軍衞將軍二人,平巾幘、[1三]紫白澤袍、袴、帶、錦螣蛇、橫

鼓百二十,中鳴百二十,黃雷花袍、袴、抹額、抹帶。 羽葆鼓十二,青苣紋袍、抹額、抹帶。 歌二十四,拱 四項,革帶、執儀刀,服如上,無勒帛。 掆鼓、金鉦各十二,黑平巾幘、緋繡對鸞衫、銀褐勒帛、大口袴、錦螣蛇。 小四項,革帶、執儀刀,服如上,無勒帛。 掆鼓、金鉦各十二,黑平巾幘、緋繡對鸞衫、銀褐勒帛、大口袴、錦螣蛇。 小 篳篥二十四,笳二十四,桃皮篳篥二十四,黑平巾帻、緋對鸞衫、銀褐勒帛、大口袴。 主帥二十六人,分 花衫、銀褐勒帛、大口袴,執者馬、綵者步。 辰管二十四,簫二十四,笳二十四,服如前色。 侍御史二員,朝服。 黃麾幡一, 三人。 武弁、緋寶相 第三節。中道,前部鼓吹第二,五百二十三人:侍御在外。節鼓二,笛二十四,簫二十四,

牟甲弓矢四十。服、執並同前隊。 外仗。[18]步甲,第三隊五十二人:折衝、果毅都尉二人,紫瑞馬袍。 玉馬旗二,旗五人,青

第六隊五十二人:折衝、果毅都尉二人,服同。飛麟旗二,旗五人,黑牟甲刀盾四十。 第五隊五十二人:折衝、果毅都尉二人,自澤袍。黃鹿旗二,旗五人,黑牟甲弓矢四十。 第四隊五十二人:折衝、果毅都尉二人,瑞鷹袍。三角獸旗二,旗五人,青牟甲刀盾四十。

第八隊五十二人:折衝、果毅都尉二人,江三服同。鸞旗二,旗五人,銀褐牟甲刀盾四十。 第七隊五十二人:折衝、果毅都尉二人、赤豹袍。 駃騠旗二、旗五人、銀褐牟甲弓矢四十。 第九隊五十二人:折衝、果毅都尉二人、瑞鷹袍。麟旗二、旗五人、黄牟甲弓矢四十。

第十隊五十二人:折衝、果毅都尉二人、「己己馴象旗二,旗五人,黃牟甲刀盾四十。服、執

如前。

花衫、銀褐勒帛、大口袴。 共八十人。 將軍二人,平巾幘、紫飛麟袍、大口袴、錦螣蛇、革帶、横刀、弓矢。絳引幡二十,執者六十人,武弁、緋繡寶相 金吾牙門旗第二門,牙門旗四,執夾十二人,監門校尉六人。服、執同第一門。左右屯衞

十,交脚幞頭、五色寶相花衫、抹額、革帶、汗袴。 柯舒二十四,鐙杖十八。 並貼金帽、五色寶相花衫、革帶。 旗四、龍君旗四、虎君旗四、掩尾天馬旗六,旗一人,錦帽、五色寶相花衫、革帶、錦臂鞲。 艪、器仗、珂馬。 都頭六人,長脚幞頭、紫寶相花大袖、革帶、橫刀。 神武軍旗二、羽林軍旗二、龍武軍旗 二,旗各五人,執人錦帽,引夾人貼金帽。[1十]排瀾旗四十八、吏兵旗四、力士旗四、赤豹旗四、黃熊 第四節。中道,六軍儀仗二百五十二人:統軍六人,花脚幞頭、紫繡抹領、孔雀袍、革帶、橫刀、糊 白簳槍九

引駕龍墀旗隊六十五人:[15] 排仗通直二人,排仗大將二人,並長脚幞頭、紫公服、紅鞓帶、絲

方龍旗五,旗五人,執人錦帽,引夾人貼金帽,服並如上,横刀、弓矢。君王萬歲旗一、日月旗各一,旗五 鞭、烏皮靴。天王旗四、十二辰旗各一,旗一人,並錦帽、五色寶相花衫、革帶、臂鞲。天下太平旗一、五 執人錦帽,引夾人貼金帽,服、執已見前例。

錦襖、塗金銅束帶。 廣武節級一人,錦帽,執黑杖,服同控馬。 管押騎御馬直人員一人。 阜帽、紅錦襖、鐘 御馬六十六人:馬十六匹,匹四人,控馬三十二人,貼金帽、紫寶相花衫、革帶。 夾馬三十二人,阜帽、青

雲旗一,旗各五人。服、執見前例。長壽幢一。平巾幘、緋寶相花衫、革帶、大口袴。 中道隊三十二人:大將軍一人,朝服、絲鞭。日月合璧旗一、苣紋旗二、五星連珠旗一、祥

帶、橫刀,引夾如前 花衫、青黄銀褐阜抹額、抹帶、橫刀,引夾如前。 押:旗二一人,長脚幞頭、紫公服、紅鞓角帶、鳥皮靴。 三、五方鳳旗各三,旗一人,並五色衫、抹額、革帶、橫刀。 四瀆旗四,旗五人。 並阜寶相花衫、抹額、革 金吾細仗一百人:靑龍旗一、白虎旗一、五嶽神旗五、五方神旗五,旗各四人,並四色寶相 五方龍旗各

袴、儀刀。 折衝都尉二人,平巾幘、紫飛麟袍、革帶、大口袴、錦螣蛇、横刀、弓矢。 主帥二十人,平巾幘、緋寶相花衫、革帶、 外仗。[15]黃麾前第一部二百七十二人:殿中侍御史二人,朝服。左右屯衞大將軍二人, 龍頭竿一百,揭鼓六,儀鍠斧二十,小戟二十,弓矢四十,朱縢絡刀盾二十,矟二十,

志

= + =

儀

衛上

綠縢絡刀盾二十。並青寶相花衫、抹額、抹帶、行縢、鞋韈。

白澤袍。主帥二十人,龍頭竿一百,揭鼓六,儀鍠斧二十,小戟二十,弓矢四十,朱縢絡刀盾二 十,稍二十,綠縢絡刀盾二十。服並緋。 第二部二百七十二人:殿中侍御史二人,左右領軍衞大將軍二人,折衝都尉二人,紫續

稍二十,綠縢絡刀盾二十。服並黃,餘同上部。 主帥二十人,龍頭竿一百,揭鼓六,儀鍠斧二十,小戟二十,弓矢四十,朱縢絡刀盾二十, 第三部二百七十二人:殿中侍御史二人,左右屯衞大將軍二人,折衝都尉二人,紫瑞鷹

服同燭籠、行馬。案後金吾仗六,方傘二,大雉扇四,服並同碧襴官。 長脚幞頭、綠公服、大口袴、金銅腰帶,前二人執槐簡,後二人執金銅儀刀。 束帶、C三」烏皮鞾,後四人執長刀。 二人,武弁、紫寶相花衫、革帶、執黑漆杖。 長行三十人,緋寶相花衫、執黑漆杖。 香案八, 譽士三十二人, 燭籠三十二,大珮銀腰帶,服同與士。行馬十六,服同燭籠。碧襴官十六人,弓脚幞頭、碧襴衫、塗金銅 第五節。中道,八寶香案共三百人:[10] 墨士九十六人,平巾帻、緋寶相花衫、大口袴、塗金銀束 金甲一人,披膊、兜牟、鉞斧、錦臂鞲、勒甲絛。 符寶郎八人,長脚幞頭、綠公服、角帶、槐簡、步導。 進馬四人。 平巾轅、〔三〕紫犀牛裲襠、革帶、袴、刀、矢弓。 押仗二人,長脚幞頭、紫公服、紅鞓帶、烏 金吾仗十二人,四色官四人, 援寶三十二人, 人員

袴、横刀、弓矢、珂馬,將軍平巾幘、無抹額,千牛郎將花脚幞頭,餘同。 長史一一人、長脚幞頭、綠公服、金銅腰帶、袴、 金吾引駕四十九人:千牛將軍一人,千牛十人,郎將二人,並緋繡抹額、紫犀牛裲襠、革帶、大口

烏皮鞾。引駕官四人。長脚幞頭、紫公服、紅鞋帶、烏皮鞾。

中雉扇十二,大傘二,小雉扇四,華蓋二,香蹬一座,八人,火燎一,二人。武弁、緋寶相花大

袖、革帶、大口袴。

逍遙輦人員、什將共十六人,卓帽、塗金銀束帶、紅錦方勝練鵲。人員執黑漆杖。長行二十六人,紅地白獅 錦襖、塗金銀帶、冠同。平輦人員、什將十六人、阜帽、紅錦團襖、塗金銀帶。輿輦共一百三人。 金銀腰帶。 腰輿人員、什將三人,卓帽、紅錦襖、塗金銀束帶。人員執杖。 長行十六人,拳脚幞頭、紅錦四袋襖、 塗 排列官二人,長脚幞頭、紫公服、紅鞓帶、烏皮鞾。 小輿二十四人,白鞓銀束帶,四三服同長行人。

人,黑漆鐵笠、阜皮人馬甲。 諸班開道旗隊一百七十七人:開道旗一,鐵甲、兜牟、紅背子、劍、緋馬甲。 引駕六十二人,阜帽、紅錦團襖、紅背子、鐵人馬甲、箭、兵械、骨杂。 卓纛旗十二,旗一 輔龍直一百

一一人。 阜帽、紅背子、骨朶、鐵人馬甲。

盾二十,稍二十,綠縢絡刀盾二十。黃寶相花衫,餘並如前第一部。 都尉二人,主帥二十人,龍頭竿一百,揭鼓六,儀鍠斧二十,小戟二十,弓矢四十,朱縢絡刀 外仗。[三]黄麾前第四部二百七十二人:殿中侍御史二人,左右武衞大將軍二人,折衝

心第二十二 熊衞上

第六部一百七十二人。除將軍、都尉服瑞馬袍、龍竿以下服阜花衫、餘名色並如前第三部。 第五部一百七十一人。除左右驍衛大將軍與都尉服赤豹袍,龍竿以下服銀褐花衫,餘名色並如前第二部。

馬執者惟紅背子,步執門旗仍帶劍。 十,麋旗一,簇輦紅龍旗八,日月旗二,麟旗一,鳳旗一,旗皆一人。並鐵甲、兜牟、紅錦襖、紅背子, 第六節。中道,門旗隊一百二十三人:騎執門旗四十,五方色龍旗十,步執紅龍門旗六

塗金銀束帶。控馬二人,錦帽、錦絡縫寬衫、銀大珮腰帶。廣武官十二人,錦帽、白鞓銀束帶、CIED襖。 茶酒班 錦背子、塗金銀束帶。共百三十人。 執從物十一人,水罐二、香毬二、唾盂一、厮羅一、手巾一、御椅三人、踏床一,阜帽、碧錦團般、紅 擊鞭內侍十人,卓帽、紅錦襖、塗金銀束帶。駕頭下,御床也。抱駕頭內侍一人,長脚幞頭、紫羅公服、 金輅,皇太后乘之,公主侍坐,故在玉輅之前。 駕士九十四人,赤平巾幘、緋繡對鳳大袖、緋抹額、赤袴、鞋

拱聖直,人員二人,長行三十八人。眞珠頭巾、紅錦四楑襖、塗金銀束帶。

紅錦背子、鐵甲、弓矢、器械。廣武把行門八人,殿班把行門三十五人。服並如仗劍。 導駕官四十二人,朝服。從人八十四,錦帽、紫絡縫寬衫、大珮銀腰帶。 仗劍六人,阜帽、紅錦團換、

玉輅,帝后同乘,太子陪坐。駕士百二十八人,服如金輅,惟用青色。千牛將軍一人,具裝,執長刀於

甲、紅錦襖、執骨朶。挾輅八人,控踏路馬四人,〔三〕馬二匹,銅面、包尾、涼屜,人服如駕士。共一百五十 頭、紫寬衫、塗金銀腰帶。 教馬官一人,長脚幞頭、緋抹額、紫寶相花衫、塗金銀腰帶。 略右。左右點檢二人,披金甲。夾輅大將軍二人,陪輅將軍二人,並朝服**。** 部押二人,阜帽、[三六] 歲 進輅職掌二人,長脚幞

朶、甲馬。殿侍二十八人。 鐵甲、紅錦背子、弓矢、器械、甲馬。 龍翔馬隊三十隊,六百二十人,分左右,每隊人員三人,卓帽、鐵甲、紅錦襖、紅背子、弓矢、劍、骨

兜牟、金鎗。 銀鎗六隊,每隊旗三人、鎗二十五人,內二十人佩弓矢。 共一百六十八人。 並裹鐵笠, 東第五班,金槍六隊,每隊旗三人、鎗二十五人,內二十人佩弓矢。共一百六十八人,並裹鐵

東第四班,二隊,每隊旗三人、弩二十五人,共五十六人。鐵笠、兜牟。

槍。拱聖弓箭直一百六十六人,弓矢、器械、執骨朶。拱聖弩直一百六十六人。挾弩、鞠櫓。 十人,並鐵兜牟、甲。內拱聖骨朶直一百六十四人,拱聖槍直一百六十四人,內執子旗者二人,餘執 神勇步隊七百人:分左右作四重,每重人員十,阜帽、紅錦團襖、弓矢、器械、骨朶。 長行六百六

腰帶、骨朶。 長行三百人。 內一百人簇四金鵰錦帽、紫孔雀寬襖、白鞓銀束帶、〔三〕骨朶,二百人金鍍銀花朱紅笠、 廣武骨朶大劍三百一十人:指揮使五人,紅錦襖、紅背子。都頭五人,紅襖、紅背子、並阜帽、塗金

志第二十二 儀衛上

緋對鳳寬襖、銀帶、執銀花大劍。導駕官四十一員,從者八十四人。服已見前。

外仗。日日青龍白虎隊五十二人,果毅都尉二人,青龍旗一、白虎旗一,旗五人,弩六人,

弓矢十四,稍二十。服已見前。

第七節。中道,駕後輔龍直樂三十一人,[60]拍板一,篳篥十五,笛十四,人員一人。長

行三十人,樂器自備,並阜帽、紅錦襖、塗金束帶,並馬。人員執骨朶。

扇筤二十五人:執筤官一人,控馬二人,服並如前例。紅龍扇二,長脚幞頭、紫公服、塗金銀束帶。

廣武二十人。 錦帽、繡寬襖、白鞓銀束帶、〔三〕紫對風十領、緋對風十領。

七寶輦轝士四十二人:什將、人員十六人,卓帽、紅錦團襖。 長行二十六人。盤裹幞頭、紅錦四

於襖、塗金束帶。

八,小雉扇八,紅羅繡華蓋一,武弁、緋寶相花衫、革帶、袴、錦螣蛇。朱團扇八,黃寶相花衫。眞武幢一, 持级隊五十人:旅帥二人,服如都尉。 重輪旗二,旗五人,服同前例。 紅羅大傘二,大雉扇

阜寶相花衫。睥睨八,緋寶相花大袖。 麾一,幢一。 紫寶相花衫、銀褐抹帶。

掆鼓各三,羽葆鼓十二,歌二十四,拱辰管二十四,簫二十四,笳二十四,節鼓二,鐃鼓十二, 後部鼓吹三百三十七人:鼓吹丞二人,典士四人,部轄指揮使一人,主帥十八人,金鉦、

歌十六,簫二十四,笳二十四,小横吹一百二十。青苣紋袍、抹額、抹帶,餘並與前同。

金吾牙門旗第三門、江里已牙門旗四、旗三人、監門校尉六人。服、執同第一門。

黄麾後第一部二百七十二人,第二部二百七十二人,第三部二百七十二人,殿中侍御、

衞大將軍、「圖」折衝都尉、龍頭竿以下名色,並如前三部。

第八節。中道,後部鼓吹第二,百二十人:笛二十四,簫二十四,篳篥二十四,笳二十

四、桃皮篳篥二十四。服並如前。

士十五人。 武弁、緋對鶇大袖、銀褐抹帶、大口袴。 豹尾車,亦馬一,駕士十五人。 武弁、緋立豹大袖、銀褐 屬車八,牛二十四,駕士八十人。武弁、緋繡雲鶴大袖、銀褐抹帶、大口袴。黃鉞車,赤馬二,駕

抹帶、大口袴。

憤、緋寶相花衫、革大帶。 仙童旗一、玄武旗一、螣蛇旗一、神龜旗一,旗五人,服、執如前例。 稍十九, 玄武隊六十一人:金吾折衝都尉一人,平巾帻、紫辟邪袍、革帶、袴、螣蛇、横刀、弓矢。 犦矟二,平巾

弓矢十五,弩四。 平巾帻、緋寶相花衫、革帶、袴。

數服色並如前第四、第五、第六部。絳引幡二十,執者六十人。並武弁、緋繡寶相花衫、銀褐抹帶 黄麾後第四部二百七十二人,行員第五部二百七十二人,第六部二百七十二人,攝官名

諸從駕官並於仗後陪從,朝服不足者公服。凡應乘馬者,並同床制。

校勘記

[一] 控馬踏路四 「控馬踏路」原作「控踏路馬」。按下文「金輅下」有「控馬踏路四」,大金集禮以下

簡稱集禮卷二七儀仗上行仗爲本志之所本,其述天眷法駕,「玉輅下一百四十人,控馬踏路四」,

「金輅下六十四人、控馬踏路四」。今據乙正。

押馬六人象二十三人,按「押馬六人」四字原誤入上句注文中,今據集禮乙正。

擎執人昇士共八千七百七十一人 原脱「昇」字。按集禮作「擎執人共八千四百三十三人,昇士

三百三十八人」。今據補。

象二十三人 「三」原作「二」。按注文「節級二」至「小旗十五」共二十三人,又上文天眷法駕人 數亦作「象二十三人」。今據改。

寶相花衫 引旗」下與「副竿」下小注,皆脫「相」字,集禮皆有之。今幷據補。 原脫「相」字。按上下文數見「寶相花衫」,惟此處及下文「朱雀隊朱雀旗」下、「龍旗隊

[六]折衝都尉三人 「尉」原作「衞」。據集禮改。

外仗 原脫「外仗」二字。按「外仗」與「中道」對言。上文首述「第一節中道」,則此「外仗」二字不

可省,今按集禮補。

綠具裝冠 「具」原作「貝」,幷脱「裝」字。 按本書卷四二大駕鹵簿第二節:「白澤旗二、旗五人,

綠具裝冠。」今據改補。

[c] 青寶相花衫抹額 「衫」字原在「抹額」下,據集禮乙正。

第二節中道 原脫「中道」二字。按前後各節皆有此二字, 集禮敍此儀「第二節」原文中亦有

之,今據補。

[11] 絲鞭 「絲」原作「糸」。據集禮及殿本改。

[1] 外仗 原脱「外仗」二字。據集禮補。

[1]] 平巾幘 原脫「幘」字。據集禮補。

[18] 外仗 原脱「外仗」二字。據集禮補。

三 折衝果毅都尉二人 原脫「果毅」二字。 據集禮補。

第十隊五十二人折衝果毅都尉二人 原脫「折衝果毅都尉二人」八字。據集禮補。

[14] 貼金帽 原脫「貼」字。據集禮補。

[14] 引駕龍墀旗隊六十五人,原脫「旗」字。據集禮補。

1.4.7. 外仗 原脱「外仗」二字。據集禮補。

- [110] 八寶香案共三百人 原脫「香案共」三字。據集禮補。
- [二] 塗金銅束帶 原脫「塗」字。 據集禮補。
- [11] 平巾幘 原脫「幘」字。據集禮補。
- [川川] 白鞓銀束帶 「鞓」原作「成」。據集禮改。
- [118] 外仗 原脱「外仗」二字。據集禮補。
- [1] 白鞓銀束帶 「鞓」原作「成」。據集禮改。
- [1] 宋] 阜帽 「帽」原作「袍」。 據集禮改。
- [114] 控踏路馬四人 按集禮作「控籠踏路馬二匹四人」。
- [1](1] 白鞓銀束帶 「鞓」原作「成」。據集禮改。
- [11六] 外仗 原脫「外仗」二字。據集禮補。
- [110] 駕後輔龍直樂三十一人 「樂」原作「等」。據集禮改。
- 白鞓銀束帶 「鞓」原作「成」。按集禮「第七節」以下闕,今依上文例改。
- 金吾牙門旗第三門 「金吾牙門旗第二門」,今據補。 原脫「旗」字。按上文第一節外仗有「金吾牙門旗第一門」,第三節外仗有 又此句上當脫「外仗」二字。
- 殿中侍御衞大將軍 按上文「第四節」」「黃麾前第一部」及「第三部」,皆有「殿中侍御史二人,

記

下必有脫文。

黃麾後第四部二百七十二人 按上文,第四節外仗「黃麾前第一部」 至「第三部」,第五節外仗

「黃麾前第四部」至「第六部」,第七節外仗「黃麾後第一部」至「第三部」,則此處之「黃麾後第四

部」至「第六部」,必是第八節之外仗,此句上當脫「外仗」二字。

金史卷四十一

志第二十三

儀衞下

大駕鹵簿 皇太后皇后鹵簿 皇太子鹵簿 親王傔從

諸妃嬪導從 百官儀從

第二節、黃麾第四、第五部,次君王萬歲日月旗,次御馬,內增控馬司圉、挾馬司圉口名一 用黃麾前三部,次前部鼓吹,次金吾牙門旗,次駕頭,次引駕龍墀隊,次天王、十二辰等旗。 十六人,次日月合璧、五星連珠等旗,次八寶,內增執黑杖傳喝一十八人在香案前,次七寶 第三節,黃麾後第一、第二部,次玉輅,次栲栳隊,次導駕門仗官。第四節,黃麾後第 大駕鹵簿。世宗大定三年,給享,用黃麾仗三千人,分四節。第一節,無縣令、府牧,即

九四九

志

第二十三

儀

衞

ፑ

三、第四、第五部,次金輅,次牙門旗,次後部鼓吹。

馬八、駕士一百四十人,護駕栲栳隊五百人,執擎二百四十二人。第四節,攝官五十人,金 輅赤馬八、駕士九十四人,控鶴二十二人,樂工八十四人,執擎二百九十人。 執擎三百七十六人。第三節,仗內攝官四十四人,導駕官四十二人,門仗官一百人,玉輅青 四節。第一節,攝官五十四人,執擎三百二人,樂工一百七十人。第二節,攝官三十二人, 大定六年九月,西京還都,用黃麾仗二千五百四十二人,攝官在內。騎七百六十二匹,分

朕用宋真宗故事、朝服乘馬、於禮甚輕、今皇太子乃用備禮何耶。」丞相良弼謝、上徐曰:「此 文臣因循,不加意爾。」先是,凡行幸皆役民執仗,是後詔以軍士易之。 上怒,皆責降之。明年,將册皇太子,宰臣奏當備儀仗告廟,上曰:「前朕受尊號謁謝,但令 是歲、上還自西京,有司備儀仗、皇太子乘綴輅、「三上疑其非禮,以問禮官,無能知者,

增損黃塵仗爲大駕鹵簿,凡用七千人,攝官在內。分八節。 大定十一年,將有事於南郊,朝享太廟,右丞石踞奏其禮,上曰:「前朝漢人祭天,惟務

人,御史大夫,名色與府牧同,頗損其數,而增行止旗一。 第一節,第一引,七十人,縣令。第二引,二百六十四人,府牧。第三引,二百二十九 旗一。緋繡寶相花衫、抹額、銀褐抹帶、大口袴。 緋寶相花衫、革帶、銀褐大口袴,執儀刀。 殳二十六,叉二十六。 五色寶相花衫、抹額、抹帶、行縢、鞋韈。 行止 甲勒皮、錦臂鞲、横刀、引夾加弓矢,綠皮馬甲、包尾至。折衝都尉二人,黑平巾幘、紫繡辟邪袍、革帶、銀褐大口袴、 鐵甲、兜牟、橫刀、弓矢、黑馬甲全。 鐵甲 依飛 一十六人。服、執如上。 前部馬隊,第一隊六十四人,第 錦螣蛇、横刀、弓矢。弩六,弓矢二十四,矟三十。並錦帽、青繡寳相花衫、革帶、銀褐大口袴。 俠飛隊四十 二、第三隊皆六十人,第四、第五隊皆五十八人。 殳叉仗五十四人:內帥兵官二人,黑平巾幩、 八人:內果毅都尉一,黑平巾憤、紫繡飛麟袍、革帶、銀褐大口袴、錦螣蛇,佩横刀、弓矢。 虞候 依飛三十人, 十八人。前部鼓吹一百二十九人。 清游隊七十二人:內白澤旗二,旗五人,綠具裝冠、綠皮 第二節,金吾阜纛旗一十二人,朱雀隊三十四人,指南、記里鼓車皆五十二人,鸞旗車

旗二十人。黄麾前第一部一百五十人,第二部一百二十人。殳叉仗五十八人。行止旗一。 百二十人,青龍白虎隊五十二人,殳叉仗五十六人,行止旗一。 第四節,黃麾幡三人,六軍儀仗二百二十六人,御馬三十三人,黃麾前第三至第五部皆 第三節,前部鼓吹第二,三百六十九人。前步甲隊,第一至第五隊皆四十二人。衙門

內將軍二人、折衝都尉二人、平巾幩、緋辟邪袍、革帶、銀褐大口袴、錦螣蛇,執儀刀。班劍、儀刀各九十 第五節,八寶二百三十二人,平頭輦三十人,七寶輦四十二人。班劍、儀刀隊二百人:

第二十三

儀

衙下

黑平巾幘、緋繡瑞馬袍、革帶、銀褐大口袴,執儀刀。鳳旗二,旗五人,服、執如前。弩、弓矢、矟皆一十六。服如 寶符旗二,旗五人,朱鍪甲刀盾八十。朱甲、錦臂鞲、行縢、鞋襪。第二隊八十二人:內果毅都尉二 並平巾幘、緋繡寶相花衫、革帶、銀褐大口袴、錦螣蛇,執儀刀。 驍衞翊衞隊六十人:內供奉郎將二員, 夾轂隊,第一隊九十二人:內折衝都尉二人,平巾轅、緋繡飛麟袍、革帶、銀褐大口袴,執儀刀。

袍。吉利旗二,旗五人,阜鍪甲刀盾七十。 殳叉仗五十六人。 行止旗一。

人,自澤袍。飛黃旗二,旗五人,銀褐鍪甲刀盾七十。第三隊八十二人:內果毅都尉二人,赤豹

矢,執銀骨杂,馬甲全。 長行一百二十人, 鐵笠、紅錦團花戰袍、鐵甲、弓矢、骨朶。 骨朶直步隊一百二十四 八、長行一百八人,服並如上,銀槍。弓箭直步隊一百二十四人,人員四、鐵甲、阜帽、紅錦團花戰袍、弓 長行一百八人,鐵甲、兜牟、紅錦背子、錦臂鞲,甲馬、紅錦包尾,執金槍。銀槍隊一百二十六人,人員十 百人:內金槍隊一百二十六人,分左右,人員十八、並鐵甲、阜帽、紅錦背子、執小旗、馬甲、紅錦包尾。 直四十人。紅錦圍襖、鍍金束帶,內人員二阜帽,三十八人眞珠頭巾。[三]玉輅一百五十一人。栲栳隊五 人,第二部一百二十人,殳叉仗五十二人,行止旗一。 人,人員四、長行一百二十人。 服甲同上,無弓矢。 金吾牙門旗二十人, 黄麾後第一部一百五十 第六節,馬步門旗隊一百人,駕頭一十五人,廣武官、茶酒班執從物者二十三人。御龍

第七節、扇筤二十五人、金輅九十四人。大安輦一百八十二人、內尙輦奉御二人、殿中

錦團襖、銅束帶,內指揮使一人執銀骨杂。 舁士一百五十一人。 服同掌輦。 御馬三十三人。 持 鈒 靴,一人長脚幞頭、紫羅公服、角帶阜靴。 少監二人,奉職官二人,並公服。令史四人,書令史四人,七人烏介懷、緋四揆素衫、銀褐抹帶、大口袴、阜 十九人。後部鼓吹一百六十人。黃麾後第三至第五部皆一百二十人。後步甲隊第一至第 二隊皆四十二人。殳叉仗五十六人。行止旗一。 掌輦四人,武弁、黃繡寶相花衫、銀褐抹帶、大口袴。人員十二,阜帽、紅

十人。行止旗一。後分行旗、止旗爲二。以上名數與黃麾同者不重述。 吾牙門旗二十人。後部馬隊第一隊七十六人,第二隊六十四人,第三隊六十人。殳叉仗六 尾車一十八人,屬車八十人。 第八節,後部鼓吹第二,一百四十人。象輅、革車、木輅皆五十人,進賢車二十六人,豹 玄武隊六十一人。後步甲隊第三至第五隊皆四十二人。金

麾仗二千人、及金玉輅、栲栳隊甲騎五百人、導駕官四十二員,自後遂不復用。 今車駕幸景 明宮,還都之日宜依用之。」制可。 章宗明昌五年六月,尚書省奏:「大定六年,世宗自西京還都,採宋省方還京之儀,用黃

十八。世宗親行郊祀,仗用七千人。 十八,通七千五百四十八人,仍分八節。」從之。 承安元年,省臣奏:「南郊大禮,大駕鹵簿當用人二萬一千二百一十八、馬八千一百九 今擬大定制外量添甲卒三百,栲栳隊、執檛人二百四

貫,馬八百六十五匹。舊例,馬皆借取於民,親軍、班祗皆自備從事。今軍旅方興,官馬以 泰和六年,上欲親行船享,命有司計其役費,尚書省奏:「當用仗三千五百人,錢一萬餘

八年四月,禘于太廟,依元年例,用黃麾仗三千人,屯門仗五百人。

備緩急,不可借用,民亦不可重擾,宜令有司攝事。」上詔再議之。

平巾贖、紫裲襠、大口袴、錦螣蛇、弓矢、横刀。 爆矟二人,平巾贖、緋衫、大口袴,夾折衝。 領四十騎:二十人執 赤花綦襖、帽、行縢、鞋、襪。次左右領軍衞、左右威衞、左右武衞、左右驍衞、左右衞等,衞各三行, 書令史二人。平巾幘、緋衫、大口袴,騎從。次黃麾一,執一人、夾二人。武弁、朱衣、革帶,正道騎。次左 幘、緋裲襠、大口袴、弓矢、横刀,騎夾道,分左右均布至黃廳仗。 次內僕令一人、丞一人,依本品服,分左右。各 稍、四人弩、十六人横刀。〔三〕並平巾幩、緋裲襠、大口袴、横刀、弓矢。 次虞候饮飛二十八人。 並平巾 次外第二行,戈、五色氅,執人並赤地黃花綦襖、帽、行縢、鞋、韈。次外第三行,儀鍠、五色幡。 並青地 右厢黃麾仗,厢各三行,行百人,從內第一行,短戟、五色氅,執者並黃地白花綦襖、帽、行縢、鞋、襪。 行二十人,分前、後。衛各主帥六人,唯左右領軍衛各三人,並平巾幘、緋裲襠、大口袴,領軍衞前後獅子 人、引二人、夾二人。並平巾幘、緋裲襠、大口袴、佩弓矢、横刀、執矟、弩、騎。次金吾衞折衝都尉一人, 皇太后、皇后鹵簿。用唐、宋制,共二千八百四十人。四清游隊三十人,清游旗一,執

麾後。 宮人執之,服同執扇。次內寺伯二人,領寺人六。分左右,平巾幩、緋裲襠、大口袴、執御刀,並騎,夾重翟車。次 前。次重翟車,馬四,駕士二十四人。平巾帻、青衫、大口袴、鞋襪。次行障二,坐障二。分左右夾車, 文袍、帽,餘衞豹文袍、帽,各執鍮石裝長刀,騎領,分前、後。 每衞各果毅都尉 一人檢校。被繡袍,以上各一名 腰輿一,轝士八人,團雉扇二。 夾與。 次大傘四,次大雉扇八。 分左右,横行爲二重。 次錦 華 蓋 綦襖、黄袍、帽。第一門在前黃麾前,第二門在後黃麾後。次左右領軍衞,每廂各一百五十人,執殳,並赤地 錦六柱八扇。 分左右。自腰輿以下並內給使執之,服同前。 次宮人 車。 次絳 麾门。 分左右,執各一人,武 人執之,皆服間綵大袖裙襦、綵衣、革帶、履。 次香蹬一, 執擎內給使四人。 平巾幘、緋裲襠、大口袴,在重翟車 人,給事二人,內常侍二人,內侍少監二人。並騎,分左右。以上各有內給使一人,步從。 次內給使百 黄花綦襖、帽、行縢、鞋襖。前與黃麾仗齊,後盡鹵簿。、廂各主帥四人,檢校。平巾幘、緋衫、大口袴、被黃袍帽,執鍮 金根車,皆駕牛三,駕士各十二人。服同前。次左右廂牙門各二,每門執二人,夾四人。並赤 弁、朱衣、革帶、鞋襪。 次後黃 麾一,執一人,夾二人。 並騎,武弁、朱衣、革帶,正道。 次供奉宮人。 在黄 ||。單行,正道。[<]次小雉扇、朱團扇各十二。並橫行,分左右。次錦曲蓋二十四。橫行,爲二重。次 二十人。皆宫人,並平巾帻、緋衫、大口袴,分左右,在車後。〔4〕次偏扇、團扇、方扇各二十四。分左右,以宮 左右領軍衛有絳引幡,引前、掩後各三。「六〕執者六人,並平巾贖、緋衫、大口袴。 次厭翟車,馬四,駕士二十四人。次翟車、安車皆四馬,駕士各二十四人。次四望車、 次內謁者監四

志

銀裝長刀,騎。每廂各巡檢校尉一人、往來檢校。服仗同前。前後部鼓吹,金鉦、掆鼓、大鼓、長 鳴、中鳴、鐃吹、羽葆、鼓吹、横吹、節鼓、御馬並減大駕之半。 石長刀,騎。 其服豹文者二在內,服獅文者二,一引前,一護後。 以上各一人騎從。次後殳仗內正道置牙門一,每門監門校尉二人,皆平巾幘、緋裲襠、大口袴,執 次左右領軍衞、折衝都尉各一人,檢校殳

是歲,日五重翟等六車改用圓方輅輦,及行障、坐障、錦六柱、宮人等車,其制度人數並

見輿服志。

錦襖、金花幞頭、塗金銀束帶。永壽、永寧宮導駕各三十人,傘子各二人,此亦常行之儀也。 ,此蓋殿庭導引之儀也。又設皇太后導從六十人,傘子不在數內,並服簇四盤鵰團花紅 天德二年,海陵立后,皇后乘龍飾肩輿,有司設二步障於殿之西階,設扇左右各十,傘

皇太子鹵簿。受册寶謝廟,凡大禮、大朝會則用之。 有司奏當用唐、宋儀禮、韶止用

直盪隊一十八人:折衝都尉二人,犦矟四,[10] 弓矢十二。並騎。誕馬四,控攏八人。[11]正直 旗隊三十三人:[11]果毅都尉一人,重輪旗一、馴犀旗二、野馬旗一、馴象旗二,旗各五人,副 中道、清游隊二十四人:折衝都尉一人、白澤旗一、五人、弩四、弓六、矟八。 並騎。 清道

葆鼓二、帥兵官二。傘扇八:梅紅傘二,大雉扇四,中雉扇二。小輿一十八人。導引官一十 竿二。[1三]並騎。細引隊一十四人:果毅都尉二人,弓矢六,稍六。 稍與弓矢相間,並騎。 前部鼓吹 獸旗一,五人,弩四,弓矢十六,稍二十。 人,笛六,笳四,拱辰管六,小横吹十,主帥二人。後拒隊四十六人:果毅都尉一人,騎。三角 四 府校尉四人,騎。朱團扇三,紫曲蓋三,朱團扇三,紫曲蓋三。大角一十八。後部鼓吹五十 五. 三衞隊一十八人。執儀刀。厭角隊六十二人:郎將一人,祥雲旗一,五人,弩三,弓七,矟十 在金輅後。並騎。親勳翊衞圍子隊七十四人:郎將二人,儀刀七十二。並騎。金輅七十人。 二人:中允二人、渝德二人、庶子二人、詹事二人、太師一人、太傅一人、太保一人,少師一人 兵官二、節鼓二、小鼓十二、中鳴八、桃皮篳篥四、歌四、拱辰管六、篳篥六、大橫吹十二、羽 九十八人:並騎。府史二人,金鉦、掆鼓各二,大鼓十二,長鳴八,鐃鼓二,簫六,笳六、〇四帥 |^並騎。又郞將一人,祥雲旗一,五人,弩三,弓七,矟十五。並騎。朱團扇一十六人:司禦率 人:並騎。管轄指揮一人,金鉦、掆鼓各一,鐃鼓二,簫六,歌六,篳篥六,節鼓一,主帥二

班 劍九。 絳引幡三首,九人,麟頭竿二,儀鍠斧二,弓矢二,麟頭竿二,儀鍠斧二,朱刀盾二,小戟 前第一隊二十七人:司禦率府一人,果毅都尉一人,折衝都尉一人,主帥一人,並 左行二百四人。牙門十六人:並騎。牙門旗一,三人,監門校尉三人,郎將一人,

志

第

= +

儀

衛下

都尉一人,綱子旗一,五人,矟五,弩三,矟五,弓矢三,矟三,弓矢四。並畸。後第三隊二十 四,弩三,矟四,弓矢三,矟四,弓矢三,朱刀盾二,小戟二。並騎。後第二隊二十九人:果毅 旗一,三人,監門校尉三人,果毅都尉一人,主帥一人,終引幡三,九人,鷃鷄旗一,五人,稍 九人、果毅都尉一人,黄鹿旗一,五人,稍五,弩三,稍五,弓矢三,稍三,弓矢四。 並騎。 右行 二。第二、第三、第四、第五隊各一十四人。與第一部麟頭竿已下同。後第一隊四十七人:牙門 二百四人,排列同。

熠。 銀圈、雙戲麒麟椅背,紅絨絲結。殿庭與宴,徵用繡羅間金盤鳳,卓衣則用繡羅獨角間 紅 束帶。凡從物鐁鑼、唾盂、水罐等事並用銀金飾。傘用梅紅羅、坐麒麟金浮圖。椅用金鍍 ,蒙帕踏脚同。 東宮視事,朱髹飾椅,塗金銀獸銜、紅絨絲結、明金團花椅背,案衣則用素羅, 太子常行儀衞,導從六十二人,傘子二人,並服梅紅繡羅雙盤鳳襖、金花幞頭、塗金銀 色皆梅 金

黃絹義襴,並用金鍍銀束帶, 幞頭同。 邀喝四人。傘用青表紫裏, 金鍍銀浮圖。 執銀裹牙杖,傘子紫羅團荅繡芙蓉襖、口思問金花交脚幞頭,餘人紫羅四楑繡芙蓉襖、兩邊 親 王 廉從。 引接十人,阜衫、盤裹、束帶、乘馬。捧攏官五十人,首領紫羅襖、素幞頭, 椅用銀裹

圈背。 人,未出宫者十四人。 水罐、鐁鑼、唾盂並用銀。 郡王引接六人,國公四人,未出宮者各滅半。 郡王撁攏官三十人,未出宮者二十人。國公撁攏官二十 人從儀物並依一品職

襖幞帶。大長公主導從一十二人,皇妹皇女一十人,並服紫羅繡胸背葵花夾襖、盤裹、幞 各十四、皆宮人執、服雲脚紗帽、紫四揆衫、束帶、綠鞾。 各從其夫子勳封品級用傘。 頭、大珮 裏、金浮圖,親王公主王妃金鍍銀浮圖、郡主縣主夫人銀浮圖,皆青表紫裏,諸臣下母妻 妃嬪導從四十人,幞頭、繡盤蕉紫衫、塗金束帶。妃用偏扇、方扇、團扇各十六,諸嬪 銀腰帶,牙杖各二。其諸宗室女,各以親疏差降之。 大傘各一,傘子二人,就用本服錦 **傘制**,皇太子三位妃皆青羅表

傘用青羅紫裏、銀浮圖。 水 人,並服紫衫帽、銀偏帶,內執藤棒二對、骨朶三對、牙杖三對,簇馬六人,傘子二人。 交椅、 罐 、鐁鑼、盂子、 百官儀從。 正一品:三師、三公、尚書令,朱衣直省各十人,三公稱直府。捧攏官各六十 **唾盌等事以次執之,服阜衫帽、塗金銅束帶。** 從 品:尚書左右丞相、平章政事、都元帥、樞密使,直省同、樞密稱 後凡執色人並同。邀喝四人。

志

第二十

=

儀

衞

F

直院,以班祗人充。 捧攏官五十人, 邀喝四人。判大宗正, 引接十人、捧攏官四十人。 大興尹,

面 [前兩對,餘並同。 以上交椅並用銀裹圈背、紫絲絛結。

用朱浮圖。從二品:參知政事、樞密副使、御史大夫,直省同,御史臺稱通引,以犦使班祗人充。捧 正二品:東宮三師、左右副元帥、尚書左右丞,直省八人,捧攏官四十人,邀喝三人,傘

椅、銀水罐、鐁鑼、盂、盌、牙杖,內銀裹骨朶、大劍各兩對,及邀喝,唯運使無骨朶、大劍。 府尹、轉運、節度使人力亦仍舊,其數雖多,俱不得過四十人,並服紫衫、銀帶,銀裹圈背交 討、總管、部族節度、羣牧使自來無射糧軍人力者並仍舊外,留守、統軍、總管、都運、招討、 族節度同,公使上鎮七十人、中鎮六十五人、下鎮六十人。以上外任官人從服色,除諸招 捧攏官一十八人,內中丞引從則給緋衫。 外任,運使、節度使,捧攏官四十人,諸節鎮、諸部 從三品:元帥左右都監、勸農副使、殿前副都點檢及御史中丞等官,凡同品者,各引接六人, 條結。諸京都轉運使、招討使、諸路提刑使、諸府尹兼本路兵馬都總管及留守,捧攏官五十 人。外任,統軍使、都運、招討使、副使、CIKJ諸府尹兼總管,捧攏官四十五人,公使七十人。 林學士承旨等官,凡同品者,各引接六人,捧攏官二十人。以上交椅並用直背銀間粧、青絲 攏官三十六人,邀喝數同。 正三品:東宮三少、元帥左右監軍、殿前都點檢、六部尚書、諸京留守、宣徽、勸農使、翰

官三十五人,公使上防禦六十人、中防禦五十五人、下防禦五十人。 猛安千戶、親王府尉、諸京同知轉運等官,凡同品者,各引接四人,本破十二人。 外任,捧攏 人。外任,留守同統軍都監、提刑副使、[14]各撁攏官三十人。從四品:殿前左右衞將軍、諸 正四品:左右諫議大夫、國子祭酒、六部侍郎等官,凡同品者,各引接八人,本破十二

從五 軍司、節鎭佐貳官人從,並服紫衫、角束帶,直背銀交椅、鐁鑼、盂子、唾盌、牙杖,傘用青表 攏官三十人,公使上州五十人、中州四十五人、下州四十人。凡防禦、刺史、知軍、幷京府統 外任,本破十人。以上職事官並許張蓋。 碧裏靑浮圖。 一品··六部郎中、侍御史、大理少卿CISD等官,凡同品者,本破七人,侍御引從則給緋衫。 正五品:尚書左右司郎中、翰林待制、太常少卿等官,凡同品者,各本破八人。 外任,捧 防禦、刺史、知軍仍用銀裹骨朶、大劍一對,邀喝,唯隨路副統軍則不邀喝。

六部員外等官,凡同品者,本破五人。外任,本破九人。 正六品:尚書左右司員外等官,凡同品者,本破六人。 外任,本破九人。 從六品:尚書

都 軍,公使六人。 正 七品:殿中侍御史等官,凡同品者,本破四人。外任,本破七人。縣令,公使十人。 從七品:應奉翰林文字等官,凡同品者,本破四人。外任,本破六人。縣

令,公使十人。

正八品:大理評事等官,凡同品者,本破二人。外任,本破六人。從八品:太常太祝等

官,凡同品者,本破二人。外任,本破五人。

同 . 監等官,凡同品者,本破一人。 外任,本破一人。 正九品:御藥都監等官,凡同品者,本破一人。外任,本破三人。從九品:隨殿位承應、

尙書省樞密院令譯史通事、六部御史臺及統軍司通事、誥院令史、國史院書寫等職,各

以上職官,人力從物不得僭越。其外任官,人從服執,以本處公用或贓罰錢置。

設本破一人。

之所以禮臣下、足任使者,其亦先代之遺法歟。 糧給之,故曰射糧。其首領則有將節、承局、什將等名,而皆統於隨路都兵馬總管府焉。 射糧軍充,其軍非驗物力以事攻討,特招募民年十七以上、三十以下魁偉壯健者收刺,以資 府尹以下等官設之。本破如捧攏之職,公使從公家之事,從己執私家之役者也。五等皆以 以下設之。四日公使,外官正三品以下設之。五日從已人力,外官正三品京都留守、大興 內官從四品以上設之。 二日捧攏官,內外正五品以上設之。 三日本破,內外正四品 凡內外官自親王以下,係從各有名數差等,而朱衣直省不與。其賤者,一曰引接,亦曰

+ 傅、同 從 揮 討 留 縣 巡 使、兵馬副都指揮、同提舉漕運司,正六品,鹽副 尹 人。 田守、同 八 檢 使 、副 都 丞 司 提舉上京皇城 統軍 品 都都 諸 勘 總管,四十五 州 外 知 總管、同 京縣次劇縣令、都巡檢使、正將、府軍都指揮使,七人。 事官、諸縣令、警巡副使、知城堡寨鎭, 任官從己人力,諸京留守、大興府尹,五十人。統軍、都轉運、招討、按察使,諸路兵 留 鹽 巡河 軍 知 司 兵馬都鈴轄,十五人。 都 使,四 府 守 判 判 轉運司京府總管散府等判官、京推官, 尹兼 官,五 官、 同 、副統軍、按察副使、諸州刺史知軍事,三十人。同知都轉運使事、副招討、副 知轉運節度使事,二十人。京都兵馬都指揮使,一十八人。 漕運 七品 人。 人。 兵馬鈴轄,正七品,酒麴鹽稅副使、都轉運判官、府推官、節度觀 總管、提舉漕運 人。 大 司 酒使、防禦判官,六人。 轉運、節度使,四十人。提控、諸羣牧、防禦使,三十五人。外任 統軍司 興府 勾當 官、警巡判官、諸縣丞、市丞、司候、主簿、錄事司 招討、按察司 知事、親王府 親王府尉、諸京留守總判官、同知防禦使事,十三人。警巡 司、諸五品鹽使,二十五人。 知事、京 記室參軍、司 市令、錄事、赤劇 從七品, 使,從六品,酒麴鹽稅使、同 府運 九人。 司 鹽判、同提舉上京皇城 節 屬丞 親王 鎭 都轉運副使、按察司簽事 司 正 縣丞 司屬令、親王府文學、日心招 |府司馬、招 獄、管勾河 一八品, 、副都巡檢使、 酒使 轉運 討 橋關 知 | 判官、縣尉、副 (州軍 **判官,赤劇縣** 副 節 度 節 京縣 鎭軍都指 副 譏察官, 察判官, 度 公副使, 將、都 次劇 親 少少 王

法,二人。 將、同管勾河橋、副譏察、司候判官、教授、統軍按察司知法、軍轄、諸司都監、 都巡檢、諸巡檢、巡河官,正九品,酒使、諸司副使,三人。鹽塲管勾、防刺以下司獄、部隊 鹽場同管勾、防刺以下知法、諸司同監、統軍按察司書史、統軍司 睪 節鎭以 書 通 上知 ,

者,並上中戶輪當。 品、胡里改、蒲與路並於各管猛安謀克所管上中戶內輪差驅丁,依射糧軍例支給錢糧,周年 易。 婆速公使、從已人力,於附近東京澄州招募漢人百姓投充。 部羅 火、土魯渾扎石合亦同。 其諸乣及羣牧官員,若猛安謀克應差本管戶民充人力 謂非猛安謀克所管者。 合懶、恤

諸內外官有無職各應得人從者,從多給,餘各驗品類差。

諸 親 王引接、引從,在都兵馬司差,公主隨朝者從守部本破內差,外路者幷所在州府

就差。

諸王府引從、相府撁攏官、引接,周年替代,自餘十月滿代,並以射糧 軍充。

諸 隨 朝六品以下職官、幷諸局承應者,願令從己輸庸者聽,仍具姓名申部,本處官 司周

年內不得占使。

諸 職官之任、以理去官者,接送人力於從己人內給半,取接者皆於所在官司出給印券

差取,送還者須到本所給券發還,如無驗者權閣支請,候會問別無逃亡將帶,然後放支。

之,若年未六十而致仕及罷去者,則不給。 諸致仕官職俱至三品者,從己人力於願往處給半,不得輸庸。 身故應送還者又減半給

校勘記

- (一) 控馬司圉挾馬司圉 「圉」原作「圍」。按道光四年殿本考證云,「考百官、輿服志俱無『司圍』之
- 名,但周禮圉師、圉人皆掌養馬者,則『圍』字自係『圉』字之誤,謹改」。 今從之。
- 皇太子乘綴輅「綴」原作「金」。按本書卷一九顯宗紀,「故事,大駕鹵簿天子乘玉路,皇太子鹵 簿乘金路。六年,世宗行自西京還都,禮官不知皇太子自有鹵簿金路,乃請太子就乘大駕綴路,
- 行在天子之前。上疑其非禮」。今據改。
- 紅錦團襖鍍金束帶內人員二阜帽三十八人眞珠頭巾 貫。按大金集禮以下簡稱集禮卷二七行仗,天德五年黃麾仗第六節,「拱聖直四十人,紅錦四揆 「內人員一」四字原作大字正文,文義不

襖,塗金銀束帶,人員二阜帽子,長行三十八人眞珠頭巾」。今據以改爲注文。

- 共二千八百四十人 按集禮卷二八儀仗下皇后鹵簿爲本志皇太后皇后鹵簿之所本,首云「大定 十九年,昭德皇后吉儀」,又云「共二千八百四十四人」,較此多一「四」字。
- 志第二十三 校勘記

「ヨ」 領四十騎二十人執矟四人弩十六人横刀 「横刀」二字原在「騎」字下。按集禮作「領四十人,並 破句,今乙正。 政和五禮新儀卷一八皇后鹵簿作「領四十騎:執矟二十人,弩四人,服佩同執旗 騎,平巾幘、緋裲襠、大口袴,帶橫刀,二十人執矟,四人帶弩,十六人帶弓箭橫刀」,作史者誤讀

八 八 八 左右領軍衞有絳引幡引前掩後各三 按集禮作「左、右領軍衞各絳引幡六口,三口引前,三口 掩後」。政和五禮新儀卷一八作「左、右領軍衞各絳引旗六、引前旗六、掩後旗六」。

人,帶弓矢橫刀一十六人」,可供參考。

「より 次內給使百二十人皆宮人並平巾幘緋衫大口袴分左右在車後 按集禮作「次內給使一百二十 遂致文不可解。 人,並平巾幘,緋衫,大口袴,分左右單行,後盡宮人車」,政和五禮新儀卷一八同,意謂內給使 一百二十人左右夾車,單行極長,直至最後之宮人車。作史者不察,以爲「皆宮人」、「在車後」,

【<>」單行正道 「行」下原行一「一」字。今據集禮刪。

是歲 集禮作「是時」、指大定十九年,參見本卷校記[B]。

折衝都尉二人犦矟四 「矟」上原空格闕一字,按本志所據集禮卷二八皇太子鹵簿作「犦」字。

(二) 誕馬四控攏八人 原脫「控攏」二字。據集禮補。

今據補

- 正直旗隊三十三人,按政和五禮新儀卷一九「正直」作「正道」。
- 旗各五人副竿二 原脫「副竿二」三字,則「三十三人」之數不足,今據集禮補。
- [18] 笳六 按集禮作「笳四」。
- CI五〕傘子紫羅團苔繡芙蓉襖 「苔」字疑是「花」字之誤。
- 招討使副使 此「副使」二字當有誤。本卷下文「外任官從己人力」條)「統軍、都轉運、招討、按察使)諸路兵馬 都總管,四十五人」,其敍次與此相合,則「副使」或是「按察使」之誤。 按本書卷五七百官志,「招討司:使正三品,副招討使從四品」,其儀從必不相同,
- 〇七〕外任留守同統軍都監提刑副使 軍司 軍、按察副使,三十人」,次敍與此相合按察副使卽提刑副使,知「留守同」下脫「知」字,「統軍」上脫 副」字,惟此處多「都監」二字。考本書卷五七百官志「諸京留守司:同知留守事正四品」,「統 "副統軍正四品」,而「都監」品秩皆卑無正四品者,卷五六百官志載「都水監:監正四品」, 按此處文有脫誤。下文「外任官從己人力」條「同知留守、副統
- 大理少卿 大 理寺少卿是從五 「卿」原作「府」。按本書卷五六百官志,大理寺卿與少府監皆正四品,與此不合,惟 品。今據改。

然非外任官,疑「都監」二字或是衍文。

親 志 王府文學 第 = + = 「學」原作「字」。 校 勘 記 按本書卷五七百官志親王府屬官有「文學二人,從七品」。今 九六七

職婦文者 · 多·方子 · の · 日本民から

· 大學學學 一樣 "八月" 以下 "日本司是為,所不是 "日本" "因。"可用是高號等,假去 大学 大学 一下 ここと とうしょうけん

第二 清禮者則以, 一下下 り、 1人 特方為兩 中華

為一方、不可思相以 九四年 五十五八

作乃定,班班乎古矣。考禮文,證國史,以見一代之制度云。

金史卷四十三

志第二十四

輿服上

寡,惟於郊廟祀享法駕導引,爲一代令儀而不敢廢也。其於先王經世立法之意,寥乎闊哉。 承,互有損益,或因時創始,或襲舊致文,奇巧日滋,浮靡益蕩。加以後世便習騎乘,車用蓋 古者車輿之制,各有名物表識,以祀以封,以田以戎,所以別上下、明等威也。 金初得遼之儀物、旣而克宋、於是乎有車輅之制。 天子車輅 皇后妃嬪車輦 皇太子車制 熙宗幸縣,始用法駕。迨至世宗,制 王公以下車制及鞍勒飾 歷代相

遠、皮軒、進賢、白鷺、羊車,大輦各一,革車三,屬車四 車、豹尾車、軺 木輅、耕根 大定十一 車、明遠車、指南車、記里鼓車、崇德車、皮軒車、進賢車、黄鉞車、白鷺車 年,將有事於南郊,命太常寺檢宋南郊禮,鹵簿當用玉輅、金輅、 車、羊車各一,革車五,屬車十二。 除見有車略外,闕象、木、革輅,耕根、明 象輅、革輅、 、鸞旗

若餘 黄、青羅錦三色。 此隨輅之色者也。 賢、明遠、白鷺、羊車,革車,大輦,凡十有 之色者,有當用別色者,如玉輅用靑絲繡雲龍絡帶,靑羅繡寶相花帶,靑畫輪轅,靑氂牛尾, 無定制,各以意從 物但爲美觀,其踏床、倚背、踏道之褥皆用紅 按五禮新儀,玉輅以青,金輅以緋,象輅以銀褐,革輅以黃,木輅以皂,蓋其物有合隨輅 長斟酌造之。 叉大輦,宋陶穀創意爲之,至祥符中以其太重,減七百餘斤, 若象、木、革輅則當用緋、用銀褐、用黃及皂。 其制,金玉輅闕, 0 錦,座褥、及行馬褥、透壁輭簾三,用銀褐 可 `見者象輅、革輅、木輅,耕根、皮軒、 若至尊乘御步 可見當時亦 武所及,非 進

革輅,黃質,鞔之以革,金塗銅裝,輪衣 **象輅,黃質,金塗銅裝,以象飾諸末。** 輪衣以 以黄 ,建大白。 銀褐。 建大赤。 餘同玉 餘同玉輅。

木輅、黑質、漆之、輪衣以皂、建大塵。餘同玉輅。

耕根車,青質,蓋三重,制如玉輅而無玉飾。

皮軒車,赤質,上有漆柱,貫五輪相重,畫虎紋,一轅。

進賢車、赤質、如革車、緋輪衣、絡帶、門簾並 繡 鳳。 上設朱漆床、香案, 紫綾衣。

車

明 遠車,制如屋,銳頂,重簷,勾欄。 頂上有金龍,四角垂鐸。 上層四面 垂簾,

周以花板。三轅。

鷺車,赤質,周施花板,上有漆柱,柱杪刻爲鷺鷥,銜鵝毛筩,紅綬帶。[11] 柱貫五輪相

生 亘っ下頁。兩差由表記と,至人四。 景えく皆里。輪衣、皂頂、緋裙、緋絡帶,並繡飛鷺。 一轅。

羊車,赤質,兩壁油畫龜紋,金鳳翅。 **憾衣、結帶並繡瑞羊。**

二轅。

網,珠翠結雲龍,鈿窠霞子。 大輦,赤質,正方,油畫,金塗銀葉龍 四角龍頭銜香囊。 鳳裝。 其上四面施行龍、雲朶、火珠,方鑑、銀絲囊 頂輪施耀葉, 中 有銀蓮花、 坐龍。 紅綾

碧牙壓帖。 几,香鑪、錦結綬。 內設圓鑑、香囊,銀飾勾欄臺坐,四紫絲條網帉錔。 几衣、 輪衣、絡帶並緋繡雲龍寶相花, 金線壓。 中施黃褥, 長竿四,飾以金塗銀龍 上置 御座、 曲

頭。畫梯、托叉、行馬。

七 寶 **、輦,制如大輦,飾以玉裙網,七寶,滴子用眞珠。** 宋欽宗爲上皇製,海陵自汴取而

用之。

志

第

=

十四四

輿服

Ŀ

青羅明金生色雲鳳夾幔一,紅羅明金緣紅竹簾二,金塗銅葉段行馬二,至一朱紅漆金塗銀葉 帶結,朱紅漆杌子、踏床各一,扶板扶魚一副,紅羅明金衣褥,紅羅襯褥一,青羅行道褥四, 裝釘胡梯一,青羅胡梯尋儀褥二,踏道縟十,青絹裹大麻索二,油蒙帕一。 兩廂明金五彩間裝翟羽二,金塗鍮石長轅鳳頭三,橫轅立鸞八,香鑪香寶子一副,宜男錦 ,紫羅銷金生色寶相帷一,青羅、青油幰衣各一,朱絲絡網、紫羅明金生色雲龍絡帶各二, 皇后之車六。一曰重翟車,靑質,金飾金塗銅鈒花葉段裝釘,燿葉二十四,明金立鳳

同重翟,惟行道褥、尽之夾幔、尋儀褥羅及裹索等用紅。 二曰厭翟車,赤質,倒仙錦帷一,紫羅、紫油幰衣各一,朱絲絡網、宜男錦絡帶各二,餘

三曰翟車,黃質,金節鍮石葉段裝釘,宜男錦帷,黃羅油幰衣,鍮石長轅鳳頭三,而無橫

轅立鸞,餘同厭翟,而羅色用黃。

横轅立鸞及香鑪香寶子,餘同翟車,而色皆用紅。 四日安車,赤質,倒仙錦帷,紫、油幰衣,朱絲絡網,天下樂錦絡帶,鍮石長轅鳳頭三,無

五日四望車,朱質,宜男錦帷,青、油幰衣,轅端螭頭二,餘並同安車。

六曰金根車,朱質,紫羅、紫油幰衣,朱絲絡網、[t]倒仙錦絡帶各二,踏床衣褥用紅

綾、〇尋儀褥、踏道褥並用綾、〇日餘並同安車。

九尺,廣丈五寸,長三丈。异士各九十六人作兩番代,並生色緋寶相花衫,餘如前製。管押 生色青緋黃三色寶相花衫、銀褐抹帶、大口袴。平頭輦一、五華輦一、亭頭輦一,各高一丈 銅面,插翟尾,朱轡,朱總。龍車合用紅羅傘一,傘子二人用本服錦帽幞帶。 人員三十五人,長脚幞頭、紫羅窄衫、金銅帶束。 一丈、廣一丈一尺、長二丈六尺。五鳳車四,各高一丈八尺,長廣如之。圓輅車一、方輅車 、重簷車一,各高一丈七尺,長一丈八尺,廣八尺。皆駕馬四,駕士各五十人,並平巾幘、 造六車成後,復改造圓輅、重簷、方輅、五華、亭頭、平頭六等之制,又增製九龍車一 駕馬繁纓、涼屜、鈴拂、包尾皆從車色,金

朱裏,餘同行障。錦六柱八扇,各闊二尺、高三尺,冒以錦,內給使八人執。 裏,畫雲鳳,龍首竿銜鞶結,每障用宮人四。坐障三扇,各長七尺、高五尺,畫雲鳳,紅羅表、 又檢定扇、障等制。偏扇如仙人羽扇。 行障六扇,各長八尺、高六尺,用紅羅表、朱

宮人車制如屬車,駕士八人,平巾幘、緋衫、大口袴、鞋韈,供奉宮人三十人,雲脚紗帽、

紫衫束帶、綠靴。

明昌元年三月,定妃嬪車輦同鍍金鳳頭、黃結,御妻、世婦用問金鳳頭、梅紅結子。

牙。左建九旒,右載關戟。旂首銜金龍頭,結綬及鈴緌。八鸞在衡,二鈴在軾。 畫虞文鳥獸,黃屋。軾作赤伏鹿,龍輈。 騮六減爲四,及簾褥用黃羅處改用梅紅,餘並具體成造。其制,赤質,金飾諸末,重較。 節,減四分之一。上用輅,軾前有金龍改爲伏鹿,軾上坐龍改爲鳳,旂·一二旒減爲九,駕赤 輈、旗、旂首及應用龍者更以麟爲飾,省去障塵等物。 丈三尺二寸,修廣之閷亦如之。 金鑁方釳,插翟尾,鏤鍚鞶,纓九就。 皇太子車制。大定六年十二月,奏皇太子金輅典故制度,及上用金輅儀式,奉勅詳定。 皇帝輅自頂至地高一丈七尺了三十分親四分之一為 。金鳳一,在軾前。C10J設障塵。朱蓋黃裏。輪畫朱 上用金輅名件色數,依上公以九爲 駕赤騮四,

得施銀,涼棚杆子、月板亦聽用銀爲飾。五品以上,轅獅頭。六品以下,江三轅雲頭。庶人 王公以下車制。一品,轅用銀螭頭,涼棚杆子、月板並許以銀裝飾。 三品以上,螭頭不

坐車平頭,止用一色黑油。

者,障泥許用金花。若經賜或御毬場內,不在禁限。 家小功以上、太皇太后皇太后大功以上、皇后期親以上、幷一品官、及官職俱至三品以上 親王鞍,塗金銀裹,仍鈒以開花。 障泥用紫羅,飾以錦。 轡以塗金銀裝,束用絲結。皇

亦外官三品,而與親王無別,遂命不得御銀鞍、絲鞭,惟同外三品例,幞頭、帶、展皂視事。 舊制,親王、宰執任外者,與大興尹,皆服小帽、束帶、銀鞍、絲鞭。 大定中,世宗以京尹

玉較具及金、銀、犀、象飾鞍轡。 承安二年,制護衞銅裝鞍轡不得借人。庶人馬鞍許用黑漆,以骨、角、鐵爲飾,不得用

輿服中

天子袞冕 視朝之服 皇后冠服 皇太子冠服

宗室外戚及一品命婦服用 臣下朝服 祭服 公服

卽 終 可 亦不 以有 所謂 昔者聖人制爲玄黃黼黻之服,以象天地之德,以章貴賤之儀,夏、商損益,至周大備,不 純 加 朝服者。 而 矣。 已。 自秦滅棄禮法,先王之制靡敝不存,漢初猶服袀玄以從大祀,歷代雖漸 章宗時,禮官請參酌漢、唐,更製祭服,青衣朱裳,去貂蟬竪筆,以別於朝 金制皇帝服通天、絳紗、袞冕、偪舃,即前代之遺制也。其臣有貂蟬法服, 復古,

志

第

_

+

四

輿

服中

九七五

惟公朝則又有紫、緋、綠三等之服,與夫窄紫、展皂等事,悉著于篇云。

帶、玉鈎鰈。 黄、赤、白、縹、綠,小綬三色,同大綬,間施三玉環,大綬五百首,小綬半之。 白玉雙佩、革 袍、裳、方心曲領、中單、蔽膝、革帶、大帶、玉具劍、綬、佩、舃、韈。乘輿服,大綬六采,黑、 天眷三年,有司以車駕將幸燕京,合用通天冠、絳紗袍,據見闕名件,依式成造。禮服,

幷納言,並用青羅爲表,紅羅爲裏,週迴用金稜。 天板下有四柱,四面珍珠網結子,花素墜 鐸子二。 子,前後珠旒共二十四,旒各長一尺二寸。青碧線織造天河帶一,長一丈二尺,闊二寸,兩 二,內組帶鈿窠四並玉鏤塵碾造。玉簪一,頂方二寸,導長一尺二寸,簪頂刻鏤塵雲龍。 頭 各有真珠金碧旒三節,玉滴子節花。紅線組帶二,上有真珠金翠旒,玉滴子節花,下有金 冕制。天板長一尺六寸,廣八寸,前高八寸五分,後高九寸五分,身圍一尺八寸三分, 梅紅線款幔帶一。黈纊二,真珠垂繫,上用金蕚子二。簪窠,款幔、組帶鈿窠,各

羅單製,羅領、標、襈。裳一,帶、標、襈,紅羅八幅夾製,繡藻三十二、粉十六、米十六、黼三 對,虎、雌各六對,背面星一、昇龍四、山十二,華蟲、火各十二對,虎、蜼各六對。中單一,白 袞,用靑羅夾製,五綵間金繪畫,正面日一、月一、昇龍四、山十二,上下襟華蟲、火各六

大圭。 脚。 以來,大圭長尺二寸,與鎭 有司 面、水葉、環、釘。涼帶一,紅羅裹,縷金,上有玉鵝七,鉒尾束各一,金攀龍口,以玳瑁板襯釘 五 進,用之。 玉佩二,白玉上中下璜各一,半月各二,皆刻雲龍,玉滴子各二,皆以眞珠穿製。 一百首, 而 鎭 舃,重底,紅羅面,白綾托裏,如意頭,銷金黃羅緣口,玉鼻仁飾以珠。 不折,雖非先王之法,蓋後世玉難得,隨宜故也。 請御純 凡大祭祀、加尊號、受册寶、則服袞冕。 視 朝 今御府有故宋白玉圭,圓,無上閷 主, 小綬半之。 之服。 大定十一年,太常寺按禮「大圭長三尺、抒上終葵首,天子服之」。 大圭。 吉 不從 初,太宗 皇統 緋白大帶一,銷金黃羅帶頭,鈿窠二十四。 ,乃服淡黄袍、烏犀帶。 九年十月二十四日,禮部下太常,畫鎭圭式樣,大禮使據三禮圖以 即位,始服赭黄,自後視百官朝御袍帶。 全同。 蓋鎭圭以鎭天下,以四鎭山爲飾,今其圭已依古制,惟無 及終葵首。 常朝則服小帽、紅欄、偏帶或束帶 行幸、齋戒出宮或御正殿,則通天冠、絳紗袍。 自西魏以來,所制玉笏皆長尺有二寸, 擬合以御府所藏,行禮就用。 紅羅勒帛一,青羅抹帶一。 章宗卽位,以世宗之喪, 韈用 自西魏、隋、唐 緋

綠縹六綵織,紅羅托裏,小綬三色,同大綬,銷金黃羅綬頭,上間施三玉環,皆刻雲龍,大綬

金篦鈎、獸

羅 加 十二、黻三十二。 蔽膝一,帶、標、襈,並紅羅夾製,繡昇龍二。 綬一副:[11] 大綬以赤黃黑白

志 第 + 四 舆 R 中

等,後有納言,上有金蟬鑻金兩博鬢,以上並用鋪翠滴粉縷金裝珍珠結製,下有金圈口,上 用七寶鈿窠,後有金鈿窠二,穿紅羅鋪金款幔帶一。 龍銜穗毬一朶,前後有花株各十有二,ᄗ乭及鸂鶒、孔雀、雲鶴、王母仙人隊、디呂浮動插瓣 皇后冠服。 花株冠,口四用盛子一,青羅表、青絹襯金紅羅托裏,用九龍、四鳳, 前 面大

標、撰織成紅羅雲龍,明金帶腰。 蔽膝,深靑羅織成翟文三等,領緣, 鄉色羅織成雲龍。 眞珠裝,綴繫帶。 韈,青羅表裏,綴繫帶。 用金打鈒水地龍,鵝眼銘尾,龍口攀束子共八事,以玳瑁襯金釘脚。抹帶二,紅羅、青羅各 施三玉環,上碾雲龍,撚金線織成大小綬頭,紅羅花襯。大帶,青羅朱裏,紕其外,上以朱錦, 金帶大綬一,長五尺,闊一尺,口也黃赤白黑縹綠六彩織成,小綬三色同大綬,間七寶鈿窠, 製,領織成黼形十二,標、袖、撰織成雲龍,並織紅穀造。裳,八副,深靑羅織成翟文六等, 一,並明金造,各長一丈五寸。「「〇层,以青羅製,白綾裏,如意頭,明金、黃羅準上用,玉鼻仁 並玉碾。縷金打鈒獸面、篦鈎佩子各一,水葉子眞珠穿綴。青衣革帶,用縷金青羅裹造,上 下以綠錦,紐約用青組,撚金線織成帶頭。玉佩二朶,每朶上中下璜各一,半月墜子各二, **韓衣,深靑羅織成暈翟之形,素質,十二等,領、標、禩並紅羅織成雲龍。** 中單以素青紗 明

鈎鰈。 鳥加金塗銀釦。 衣,山、龍、華蟲、火、宗彝,四章在裳,藻、粉米、黼、黻。 皇太子冠服。冕用白珠九旒,紅絲組爲纓,靑纊充耳,犀簪導。袞,靑衣朱裳,五章在 蔽膝,隨裳色,爲火、山二章。 謁廟則服之。 瑜玉雙佩,四采織成大綬,間施玉環三。 白紗中單,青標襈裾。 革帶,塗金銀 白襪,朱舄,

單,方心曲領,絳紗廠膝,白襪黑鳥。 遠遊冠,十八梁,金塗銀花,飾博山附蟬,紅絲組爲纓,犀簪導。 餘同袞冕。 册寶則服之。 朱明服,紅裳,白紗中

桓圭,長九寸、廣三寸、厚半寸,用白玉,若屋之桓楹 為二稜。

太子入朝起居及與宴,則朝服,紫袍、玉帶、雙魚袋。 其視事及見師少賓客,則服小帽、

皂衫、玉束帶。

銀、象金及金條壓繡。 母、妻,許披霞帔。 宗室及外戚幷一品命婦,衣服聽用明金,期親雖別籍、女子出嫁並同。 唯首飾、霞帔、領袖、腰帶,許用明金、 正班局分承應帶官人,雖未出職係班,其祖母及母、妻、子孫之婦、同 籠金、間金之類。 其 衣 叉五 品以 服 止用 上官 明

十四 與服中

志第

籍兄弟之妻、及在室女、孫、姊妹並同。 日 月雲肩、龍文黃服、五箇鞘眼之鞍皆須更改。 又禁私家用純黃帳幕陳設, 若會經宣賜鸞輿服御,

同。 環綬一,白羅方心曲領、白紗中單、銀褐勒帛各一,玉珠佩二,金塗銀革帶,烏皮履,白綾韈。 立筆、銀立筆、犀簪導、佩劍、緋羅大袖、緋羅裙、緋羅蔽膝各一、緋白羅大帶、天下樂暈錦玉 銅環綬,銅珠佩,[10]銅束帶,餘並同。 五梁冠,銀立筆,犀簪,白獅錦銀環綬,珠佩,銀革帶,御史中丞則獬豸冠、青荷蓮綬,餘並 正二品:七梁冠,銀立筆,犀簪導,不佩劍,緋羅大袖,雜花暈錦玉環綬,餘並同。正四品:[15] 正五品:四梁冠,簇四金鵰錦銅環綬,銀珠佩,餘並同。正六品至七品:三梁冠,黃獅錦 臣下朝服。 凡導駕及行大禮,文武百官皆服之。正一品:貂蟬籠巾,七梁額花冠,貂鼠

六品冠四梁,七品冠三梁,監察御史獬豸冠、青綬,回己八品九品冠二梁,餘製並同 大定二十二年船享,攝官、導駕二品冠七梁,三品四品冠六梁,服有金花,五品冠五梁,

位官,准古典當服袞冕、九章畫降龍,隨品各有等差。通典云虞、夏、殷並十二章,日、月、星 皇統七年,太常寺言:「太廟成後,奉安神主,給享行禮,凡行事、執事、助祭、陪

服。 相亂之議。」尚書省乃奏用後魏故事,止用燕京大册禮時所服朝服以祭。 衣服之制不同,若從後魏則止服朝服,或用宋服則爲七章,若遵唐九章,則有飾龍名袞尊卑 茂道言,『諸臣之章雖殊,然飾龍名袞,**尊卑相亂,**請三公服鷩冕八章爲宜』。 直官言,自宣和二年已後,一品祭服七旒冕、大袖無龍。 服自袞冕而下如王之服,侯伯之服自鷩冕而下如公之服』。又後魏帝服袞冕, 登火於宗彝,作九章之服,龍、山、華蟲、火、宗彝繪於衣,〔三〕藻、粉米、黼、黻繡於裳。 『公之 辰、山、龍、華蟲作繪於衣,宗彝、藻、火、粉米、黼、黻絺繡於裳。 又開元禮一品服九章。又五禮新儀正一品服九旒冕、犀簪、靑衣畫降龍。 唐雖服九章服,當時司禮少常伯 周升三辰於旂,登龍於山, 臣等竊謂 今汴京 與祭者皆朝 歷 代 孫

十四年,用唐制,若祭遇雨雪則服常服,謂今之公服也。 大定三年八月,詔遵皇統制,攝官則朝服,散官則公服,以皇太子爲亞獻,服袞冕。

漢、唐故事,祭服冕旒畫章,然君臣冕服雖章數各殊而俱飾龍名袞,曰三而唐孫茂道已有尊 子之視朝服也。臣下之服則用青衣朱裳以祭,朱衣朱裳以朝。 分別。 二等之服,今羣臣但有朝服,而祭服尚闕,每有祀事但以朝服從事,實於典禮未當。 泰和元年八月,禮官言:「祭服所以接神,朝服所以事君,雖歷代損益不同,然未嘗不有 是以袞冕十二旒,玄衣纁裳備十二章,天子之祭服也。通天冠、絳紗袍、紅羅裳,天 國朝惟天子備袞冕、通天冠 請 依

志第

十四四

與服中

卑相亂之論。然三公法服有龍,恐涉於僭,國初禮官亦嘗駁議。乞參酌古今,改置祭服,其 少有差別。」上曰:「朝、祭之服,固宜分也。」 冠則如朝冠,而但去其貂蟬、竪筆,其服用青衣、朱裳、白襪、朱履,非攝事者則用朝服,庶幾

窄紫亦同服色,各依官制品格。其諸局分承應人並服無紋素羅。十五年制曰:「袍不加襴, 非古也。」遂命文資官公服皆加襴。 八品、九品服綠無紋羅。應武官皆服紫。凡散官、職事皆從一高,上得兼下,下不得僭上, 徑不過寸半。四品、五品服小雜花羅,謂花頭碎小者,徑不過一寸。六品、七品服緋芝蔴羅。 徑不過五寸,執政官服小獨科花羅,徑不過三寸。二品、三品服散搭花羅,曰鬥謂無枝葉者, 公服。大定官制,文資五品以上官服紫。三師、三公、親王、宰相一品官服大獨科花羅,

內侍、敎坊、服皆同文武官、惟不佩魚。應殿庭承應五品以下官,非入內不許金帶,又展紫 四品金帶,五品、六品、七品紅鞓烏犀帶,皆不佩魚,八品以下並皂鞓烏犀帶。司天、太醫、 文金帶,佩金魚。三品、四品荔枝或御仙花金帶,並佩金魚。 金魚,服緋者紅鞓鳥犀帶,佩銀魚,服綠者並皂鞓鳥犀帶。 武官,一品、二品佩帶同,三品、 帶制,皇太子玉帶,佩玉雙魚袋。親王玉帶,佩玉魚。一品玉帶,佩金魚。二品笏頭毬 五品,服紫者紅鞓烏犀帶,佩

入殿庭者,並許服紅鞓,不佩魚。又二品以上官,許兼服通犀帶,三品官若治事及見賓客,

許兼服花犀帶。

典儀、贊儀、內直郎丞,當直亦許服之。太子太師出入宮中則展紫,至東宮則展皂,三少則 參侍立則服本品服,若宮中當直則服窄紫、金帶。學士院官、修起居注、補闕、拾遺、秘書 長、符寶更紫襖子,塗金束帶。輪直,則近侍給使並常服,常服則展紫。日三閤門六尙,遇朝 沾衣則從便。凡朝參,主寶、主符展紫,御仙花或太平花金束帶。近侍給使、供御筆硯、直 丞、秘書郎,朝參侍立則服本品服、色帶,當直則窄紫、金帶。 大定二年制,百官趨朝、赴省,並須裹帶。五品以上官,趨朝則朝服,赴省則展皂,雨雪 東宮左右衞率、僕正、副僕正、

輿服下

衣服通制

君子之服,以稱德也,故德之備者其文備。 古者王公及士庶人莫不各有一定之制,而

志第二十四 與服下

乎,人君以風俗爲言,其亦知所務矣。 因言衣服之制,上曰:「如卿所言,正恐失人心耳。」守貞曰:「止是商賈有不悅者。」萬公曰: 禮部具典故以聞。」他日又謂參知政事張萬公曰:「山東風俗如何。」萬公對以奢,左丞守貞 盛,人物之懿也。明昌間,章宗謂宰臣曰:「今風俗侈靡,莫若律以制度,使貴賤有等。其令 容不改,出言有章。」其三章曰:「彼都人士,充耳琇實。彼君子女,謂之尹吉。」此言都邑之 不敢相逾者,蓋風俗之奢儉,法令之齊一,必於是而觀焉。詩曰:「彼都人士,狐裘黃黃。 「乞寬與之期,三年之內當如制矣。」於是,上以禮部所擬太繁,以尙書省所擬而行之。嗟

金人之常服四·帶,巾,盤領衣,鳥皮靴。 其束帶日吐鶻。

其中必貫以大者,謂之頂珠。帶旁各絡珠結綬,長半帶,垂之,海陵賜大興國者是也 羅之下各附帶長六七寸。當橫額之上,或爲一縮檘積。貴顯者於方頂,循十字縫飾以珠, 巾之制,以皂羅若紗爲之,上結方頂,折垂于後。頂之下際兩角各綴方羅徑二寸許,方

金繡,其從春水之服則多鶻捕鵝,雜花卉之飾,其從秋山之服則以熊鹿山林爲文,其長中 其衣色多白,三品以阜,窄袖,盤領,縫腋,下爲檞積,而不缺袴。其胸臆肩袖, 或飾以

骭,取便於騎也。

黑相半,有黑雙距者爲上,或三事五事。室飾以醬瓣樺,鐦口飾以鮫,或屑金鍮和漆,塗鮫 雙銠尾,納方東中,其刻琢多如春水秋山之飾。左佩牌,右佩刀。刀貴鑌,柄尙鷄舌木,黃 吐鶻,玉爲上,金次之,犀象骨角又次之。 銙周鞓,小者間置於前,大者施於後,左右有

初,女直人不得改爲漢姓及學南人裝束,違者杖八十,編爲永制。

而礲平之。醬瓣樺者,謂樺皮班文色殷紫如醬中豆瓣也,產其國,故尙之。

年老者以皂紗籠髻如巾狀,散綴玉鈿於上,謂之玉逍遙。此皆遼服也,金亦襲之。許嫁之 女則服綽子,製如婦人服,以紅或銀褐明金爲之,對襟彩領,前齊拂地,後曳五寸餘。 紺,直領,左衽,掖縫,兩傍復爲雙檘積,前拂地,後曳地尺餘。帶色用紅黃,前雙垂至下齊。 婦人服襜裙,多以黑紫,上編繡全枝花,周身六檘積。上衣謂之團衫,用黑紫或皂及

用緣,雜色圓板絛羅帶不得用紫,靴用黃及黑油皂蠟等,婦人各從便。 上得兼下。係籍儒生止服白衫領,繫背帶並以紫圓絛羅帶,乾皂靴。餘人用純紫領,不得 明昌六年制,文武官六貫石以上承應人幷及廕者,許用牙領,紫圓板阜絛羅帶,皂靴,

緣,品官皆紫領白緣,餘從明昌制。 泰和四年,以親王品官旣分領緣,而復有皂靴之禁,似涉太煩,遂聽親王用銀褐領紫

帶上懸帶,公退則懸於便服,違者所司糾之。 以黑斜皮爲之,寺、監、隨朝諸局、幷州縣,並黃皮爲之,各長七寸、闊二寸、厚半寸,並於束 檢察,遂定懸書袋之制。省、樞密院令、譯史用紫紵絲爲之,臺、六部、宗正、統軍司、檢察司 書袋之制。|大定十六年,|世宗以吏員與士民之服無別,潛入民間受賕鬻獄, 有司不能

絲紬。在官承應有出身人、帶八品以下官,未帶官亦同,許服花紗綾羅紵絲絲紬,家屬同, 婦人許用珠爲首飾。其都孔目與八品良閒官同,﹝云﹞京府州縣司吏皆與庶人同 大定十三年,太常寺擬士人及僧尼道女冠有師號、幷良閒官八品以上,許服花紗綾羅 庶人止許服絁紬、絹布、毛褐、花紗、無紋素羅、絲綿,其頭巾、繋腰、領帕許用芝蔴羅

條用絨織成者,不得以金玉犀象諸寶瑪瑙玻璃之類爲器皿、及裝飾刀把鞘、幷銀裝釘床榻

兵卒許服無紋壓羅、絁紬、絹布、毛褐。 婦人首飾,不許用珠翠鈿子等物,翠毛除許裝飾花環冠子,餘外並禁。

奴婢止許服絁紬、絹布、毛褐。

校勘記

門簾並繡鳳 原脫「繡」字。按大金集禮以下簡稱集禮卷二九輿服上輅輦爲本志天子車輅之所本,

其文作「並繡 鳳。 今據補。

頂上有 金龍 原脫 「龍」字。按宋史卷一四九興服志明遠車條作「上有金龍」。

今據補。

= 紅 綬帶 「綬」原作「綾」。據集禮、宋志改。

24

銀

飾

勾欄臺坐

「飾」原作「輪」。

據集禮、朱志改。

豇 金 一塗銅葉段行馬二 「段」原作「斷」。 按集禮卷二九興服上皇后車服爲本志皇后妃嬪車輦之所

本,其文作「段」。今據改。

>* ∪ 惟行 道 褥 原 脫「褥」字、據集禮補。

-朱 絲 絡 網 原 脱「絡網」二字、據集禮 補

へ **し** 踏 床 衣 媷 用 紅 綾 「衣」字原在「綾」字下,據集禮文義乙正。

广九山 葬 儀 褥 踏道 褥 並 用 綾 按集禮作「紅綾胡梯尋儀褥二、踏道縟八」,是此「綾」上當有「紅 字。

在 軾 前 原 脫 「在」 字。 按集禮卷二九興服上皇太子車服爲本志皇太子車制之所本, 其文作

四 校 勘 記

志

第

+

「金鳳一,在軾前」。今據補。

- [二] 高一丈七尺 分之一爲一丈三尺二寸,則原高當爲一丈七尺六寸,此當脫「六寸」二字。 按集禮作「自頂至地高一丈七尺三寸,今擬減四分之一,該一丈三尺二寸」,減四
- 六品以下 「下」原作「上」。按集禮卷三○興服下臣庶車服」「大定制,文諸車,一品用銀螭頭, 五品以上獅頭,六品以下雲」。今據改。
- 〇一 一級一副 皇后車服「禕衣」條,「綬一副,大綬一」,亦有「小綬」。今據改。 「副」原作「幅」。按此指下文之「六采綬一」及「小綬」言,非止一幅。集禮卷二九輿服上
- 花株冠 二五興服后妃之制「首飾花十二株」,政和五禮新儀卷一二皇后冠服同。今據改。 「花株」原作「花珠」。按大唐開元禮卷三衣服「皇后服首飾花十二樹」,太常因革禮卷
- [1至] 前後有花株各十有二 「株」原作「珠」。今改,見前條。
- 王母仙· 人隊 「隊」原在「仙人」上。據集禮卷二九皇后車服乙正。
- 大綬一長五尺闊一尺 施三玉環」。 白、縹、綠,純玄質,長二丈四尺五寸,首廣一尺,小雙綬長二尺六寸,色同大綬而首半之,間 此皇后之綬閥旣相同,長亦當相同或略短,推測此處「長」字下脫「二丈」或「一丈」 按宋史卷一五一輿服志天子之服,袞冕之制,「犬綬六采,玄、黄、赤、

- 各長一丈五寸 「丈」字疑是「尺」字之誤。
- 正四品 按上敍「正二品」,下當敍「正三品」。 集禮卷三〇亦無,殿本于本章末加注云,「三品舊

無一。

- (10) 銅珠佩 原脫「銅」字。按集禮卷三〇臣庶車服作「銅珠佩二朵」。今據補。
- 監察御史獬豸冠靑綬 按「監察御史」此處當作「監祭御史」。參考本書卷二八校記「三」。
- 作九章之服龍山華蟲火宗彝繪於衣「龍」字原在「山」字之下。據通典卷六一乙正。
- 然君臣冕服雖章數各殊而俱飾龍名袞 原脫「臣」字。據文義補。
- (三) 二品三品服散搭花羅 原脫「服」字。按集禮卷三〇臣庶車服,大定官制,「二品三品服散搭花頭

羅」。今據補。

- 常服則展紫 按永樂大典卷一九七九二引文無「常服」二字。
- 其都孔目與八品良閒官同 原脱「良」字。按上文有「良閒官八品以上」,集禮卷三○興服下臣

無車服作「良閑」凡四見。今據補。

金史卷四十四

志第二十五

兵

兵制 禁軍 養兵之法

食,有事苦戰可致俘獲,勞其筋骨以能寒暑,徵發調遣事同一家。是故將勇而志一,兵精而 勁,人多沉雄,兄弟子姓才皆良將,部落保伍技皆銳兵。 力齊,一旦奮起,變弱爲强,以寡制衆,用是道也。 金興,用兵如神,戰勝攻取,無敵當世,曾未十年遂定大業。 加之地狹產薄,無事苦耕可給衣 原其成功之速,俗本鷙

之。 猛安謀克雜厠漢地,聽與契丹、漢人昏因以相固結。 及其得志中國,自顧其宗族國人尙少,乃割土地、崇位號以假漢人,使爲之效力而守 迨夫國勢寖盛, 則歸土地、削位

芯

第二十

五.

兵

雜人召禍于外,向之所謂志一而力齊者,不見可恃之勢焉。豈非自壞其家法而致是歟,抑 賊, 逐致强本刊落, 醇風鍥薄, 將帥携離, 兵士驕惰。 迄其亡也, 「忠孝」等軍構難于內, **乣軍** 第以土字旣廣,豈得盡任其所親哉。 |宋之役參用||漢軍及諸部族而統以國人,非不知制勝長策在於以志一之將、用力齊之兵也, 號,罷遼東渤海、漢人之襲猛安謀克者,漸以兵柄歸其內族。然樞府簽軍募軍兼采漢制,伐 是道也可用於新造之邦,不可以保長久之天下歟。 剔致極盛,乃自患其宗族國人之多,積其猜疑,卒自戕

養兵等法載諸舊史者,昈列于篇。 金以兵得國,奉詔作金史,故於金之兵志考其興亡得失之跡,特著於斯。 兵制、馬政、

克,從其多寡以爲號,猛安者千夫長也,謀克者百夫長也。謀克之副曰蒲里衍,士卒之副從 部內,及遣使詣諸孛堇徵兵,凡步騎之仗糗皆取備焉。其部長曰孛堇,行兵則稱曰猛安、謀 日阿里喜。 金之初年,諸部之民無它徭役,壯者皆兵,平居則聽以佃漁射獵習爲勞事,有警則下令

謀克,謀克十爲猛安。繼而諸部來降,率用猛安、謀克之名以授其首領而部伍其人。出河 部卒之數,初無定制,至太祖卽位之二年,旣以二千五百破耶律謝十,始命以三百戶爲

收遼、漢之降卒,外籍部族之健士。 之戰兵始滿萬,而遼莫敵矣。 及來流、鴨水、鐵驪、鱉古之民皆附,東京既平, 嘗用遼人訛里野以北部百三十戶爲一謀克, 漢人王六 山屿繼定,內

見以諸州漢 人六十五戶爲一謀克,王伯龍及高從祐等並領所部爲一猛安

安謀克承襲之制,至這後移兵柄於其國人,乃分猛安謀克爲上中下三等,宗室爲上,餘次之。 **捧八路民兵,隸諸萬戶,其間萬戶亦有專統漢軍者。** 下從漢官之號。 至天會二年,平州旣平,宗望恐風俗揉雜民情弗便,乃罷是制, 至海陵庶人天德二年,省併中京、東京、臨潢、咸平、泰州等路節鎭及猛安謀克,削上中 四年,伐宋之役,日司調燕山、雲中、中京、上京、東京、遼東 熙宗皇統五年,又罷遼東漢人、渤海猛 諸部降人但置長吏,以 、平州、遼西、長

下之名,但稱爲「諸猛安謀克」,循舊制間年一徵發,以補老疾死亡之數

族屬 里野 里補 了輔國 猛安、太師勗、宗正宗敏之族,〔三處之中都。 處之河間。 貞元遷都,遂徙上京路太祖、遼王宗幹、秦王宗翰之猛安,併爲合扎猛安,及右諫議 一勃魯骨,定遠許烈,故杲國公勃迭八猛安處之山東。 正隆二年,命兵部尚書蕭恭等四,與舊軍皆分隸諸總管府、節度使,授田 斡論、和尚、胡刺三國公、太保昂、詹事島 阿魯之族處之北京。 按達

六年,南伐,立三道都統制府及左右領軍大都督,將三十二軍,以神策、神威、神捷、神

牛使之耕食,以蕃衞京國。

都總管、副總管及巡察使、副各一員。而沿邊契丹恐妻孥被鄰寇鈔掠,不可盡行,遂皆背 銳、武揚、武翼、武震、威定、威信、威勝、威捷、威烈、威毅、威震、威略、威果、威勇爲名,軍置 銳、神毅、神翼、神勇、神果、神略、神鋒、武勝、武定、武威、武安、武捷、武平、武成、武毅、武

及

大定之初,

窩斡旣平,

乃散

契丹隸諸猛安謀克。

叛。而

大名續授甲之士還迎立

世宗于東京。

無丁男,有誤農種,與免一丁,以驅丁充阿里喜,無驅丁者於本猛安謀克內驗富强有驅丁者 至三年,詔河北、山東等路所簽軍,有父兄俱已充甲軍,至子弟又爲阿里喜,恐其家更

十三年,徙東北等戍邊漢軍於內地。

十五年十月,遣吏部郎中蒲察兀虎等十人分行天下,再定猛安謀克戶,每謀克戶不過

三百,七謀克至十謀克置一猛安。

甚爲勞苦。縱有一二馬牛,一往則無還理,且奪其農時不得耕種。故嘗命卿等議,以何術得 罷其役,使安于田里,不知卿議何如也。」左丞相良酮對曰:「北邊之地,不堪耕種,不能長 用,令遷之於烏古里石壘部及上京之地。上謂宰臣曰:「北邊番戍之人,歲冒寒暑往來千里, 十七年,又以西南、西北招討司契丹餘黨心素狠戾,復恐生事,它時或有邊隙,不爲我

貧者得濟,富戶줲於更代之勞,使之得勤農務。 成,故須番成耳。」上曰:「朕一日萬幾,安能編及,卿等旣爲宰相,以此急務反以爲末事,竟 以 無一言,甚勞脫慮。 兩路招討司及烏古里石壘部族、臨潢府、泰州等路分定保戍,具數以聞,脫親覽焉。」 往者參政宗敍屢爲朕言,若以貧戶永屯邊境,使之耕種, 若宗敍者可謂盡 心爲國矣。 **朕嘗思之,宜** 官給 糧 則

十八年,命部族、乣分番守邊。

者,猛安不得過十戶,謀克不得過六戶。 近不同,又自正隆之後所授無度,及大定間亦有功多未酬者,遂更定以詔天下。 承替,以奴代者罪之。 者並令就封, 二十年,以祖宗平定天下以來,所建立猛安謀克,因循旣久,其間有戶口繁簡、地里遠 其謀 克人內有六品以下職及諸局承應人,皆爲遷之。三從以上族 韶戍邊軍士年五十五以上, 許以其子及同居弟姪 人願 復命新 從 行 授

甚符脵意,而遙落河猛 與女直 二十一年三月,詔遣大興尹完顏迪古速遷河北東路兩猛安,上曰:「朕始令移此,欲令 戶相錯,安置久則自相姻 安不 如此,可再遣兵部尚書張那也按視其地以雜居之。」 親,不生異意,此長久之利也。 今者移馬河猛安相錯以居,

曰:「彼方之人以所得之地爲家,雖兄弟不同處,故貧者衆。」參政點割斡特刺曰:「舊時兄 二十二年,以 山東 心电田 戶鄰之於邊鄙, 命聚之一處, 俾協 力蠶 種。 右丞相烏古論 元忠

濟,增減不以實,命括其口,以實籍之。 弟雖析 猶相聚種,今則不然,宜令約束之。」又以猛安謀克舊籍不明,遇簽軍與諸差役及賑

黑河猛安下蘸荅謀克,移里閱斡魯渾猛安下翕浦謀克、什母溫山謀克九村人戶徙於劉僧 二謀克之舊地。 二十三年,遣刑部尚書移刺慥遷山東東路八謀克處之河間,「尽」 其未徙者之地皆薄惡且鄰寇,遣使詢願徙者,相可居之地,圖 其棄地以山東東路忒 以進。

十四謀克以實之。蓋欲上京兵多,它日可爲緩急之備也。 地 廣 而 上嘗以速頻、胡里改人驍勇可用,海陵嘗欲徙之而未能,二十四年以上京率、胡剌溫之 腴,遂遣刑部尚書烏里也出府庫錢以濟行資牛畜,遷速頻一猛安、胡里改二猛安一

之備。 射,儲其糧糒 當是時,多易置河北、山東所屯之舊,括民地而爲之業,戶頒牛而使之耕,畜甲兵而 乃大重其權,授諸王以猛安之號,或新置者特賜之名。制其奢靡,禁其飲酒,習其騎 ,其備至嚴也。 爲

族、計魯部族、孛特本部族數皆稱是。西北、西南二路之虬軍十、云曰蘇謨典虬、曰耶剌都 東北路部 合節度使。 是時宗室 二部五乣,戶五千五百八十五。 族乣 軍日 戸百 选刺部,承安三年改為土魯渾札石合節度使。[+] 七十,猛安二百二,謀克千八百七十八,戶六十一 其它若助魯部族、烏魯古部族 日唐古部, 承安三年改為部魯火札石 萬五千六百二十四。 、石壘部族、 萌 骨 部

幼、日骨典处、唐古虬、霞馬虬、木典虬。萌骨虬、咩虬、胡都虬凡九,其諸路曰曷懶、曰庸與、 日婆速、日恤頻、日胡里改、日移懶、移懶後廢、皆在上京之鄙、或置總管府。或置節度使。

至章宗明昌間,欲國人兼知文武,令猛安謀克舉進士,試以策論及射,以定其科甲高

下。

耳。且學古兵法如學弈棋,未能自得於心,欲用舊陣勢以接敵,疏矣。敵所應與舊勢異,則 奇二軍,臨敵制變,以正爲奇,以奇爲正,故無往不克。」上曰:「自古用兵亦不出奇正二法 具載攻守之法,亦多難行。」右丞相清臣曰:「兵書一定之法,難以應變。本朝行兵惟用正 必不可支。然武經所述雖難遵行,然知之猶愈不知。」 承安四年,上謂宰臣曰:「人有以八陣圖來上者,其圖果何如?朕嘗觀宋白所集武經,

泰和間,又制武舉,其制具在選舉志。

軍初徙于山西,後分遷河東。其漢軍中都永固軍,大定所置者也。所謂鎭防軍,則諸軍中取 置諸路效節軍 奴婢,使屯守于泰州者也。 以更代戍邊者也。在西北邊則有分番屯戍軍及永屯軍驅軍之別。 所謂渤海軍,則渤海八猛安之兵也。所謂溪軍者,奚人遙輦昭古牙九猛安之兵也。奚 ,京府節鎭設三十人,防刺設二十人。 掌同弓手者也。 邊鋪軍則河南、陝西居守邊界者。 河東三虞候順德軍及章宗所 驅軍則國初所免遼人之

九九八

諸路 所 募射糧 [軍,五年一籍三十以下、十七以上强壯者,皆刺其□,〔5〕所以兼充雜役

者也。

盗竊者,以充防築之役。 京 師防城軍,世宗大定十七年三月改爲武衞軍,則掌京師巡捕者也。 日土兵,則以司警捕之事。 其日牢城軍,則

凡漢軍,有事則簽取於民,事已則或亦放免。

及令罷還。[10]正隆間,又嘗罷諸路漢軍,而所存者猶有威勇、威烈、威捷、順德及「韓常之 軍」之號。 初,天會間,郭藥師降,有曰長勝軍者,皆遼水側人也,以鄉土歸金,皆愁怨思歸, 宗望

洮、蘭、會、積石、鎭戎、保安、綏德、保德、環、葭、隩、[11] 寧邊、東勝、淨、慶、來遠、桓、昌、曷 懶、婆速、蒲與、恤品、胡里改、置於要州者十一,南京、東京、益都、京兆、太原、臨洮、臨潢 凡邊境置兵之州三十八,鳳翔、延安、鄧、鞏、熙、泗、潁、蔡、隴、秦、河、海、壽、唐、商、

豐、泰、撫、蓋。

戰士之心,乃令其家盡入京師,不數年至無以爲食,乃聽其出,而國亦屈矣。 器械旣缺,糧糒不給,脧民膏血而 及宣宗南遷,乣軍潰去,兵勢益弱,遂盡擁猛安戶之老稚渡河,僑置諸總管府以統之, 不足, 乃行括糧之法,一人從征, 舉家待哺。 **叉謂無以堅**

戰,不能 初 取 南渡時,盡以河朔戰兵三十萬分隸河南行樞密及帥府,往往蔽匿强壯, 後 乃至 以二十五人為謀克, 四謀克爲猛 安。 毎謀· 克除旗鼓司火頭五 驅羸弱 一人,任 使

戰者止十八人,不足成隊伍,但務存其名而

時,下 充軍。 皆强 爲 至 故 令簽軍 一千月 壯 至 混 一衝宰 許 , 或 源 元光末,備潼關 ´, 餘 州,前 劉 相 盡 祁謂金之兵制 會一時任子爲 不可 取 鹵 侍 「簿以告,丞相 無遺,號泣動乎鄰里,嗟怨盈 悉紀。 御 史劉元規年幾六十, 黄河,又簽軍,諸使者歷縣邑, 旣立 最弊,每有征伐及邊釁,輒下令簽軍,使遠近騷動。 監當者 僕散七斤大怒, 一部伍,必以 春赴吏部選, 軍 亦 律相 選爲千戶。 於道路,驅 趣 左右 宰執 臨,物議 取弓矢射 命取 自見居官外, 此 至陳州, 紛然,後 爲 使戰,欲其勝 監官軍、三当皆慣慍哀號交愬 去。 亦 以 已而 郦 龍 無文武 之。 父從 敵,難矣 上知 益 小 以前 大 其不 職 初初 民家丁男 監 事 ,貞祐 可用 了官皆 三察御

衝 不 虜 領 夾谷 敢 、 振 以 率 哀宗 威 數 貴 鷹 本 萬 IE 重 臨 揚、虎賁、振武 人 大二年 姓类。 之。 軍 陳州 勢旣張,乃易總 議 天 興 振武溫撒辛,本姓李 選諸路 初 完,有 、折衝、盪 精兵,直 十 領 Ħ. 寇、殄寇、江三必以 之名爲都尉 都 隸密院。 尉 蔡州盪寇蒲察打吉卜 [图] 先六人陞授,在京 先設 班在 總領六員, 先嘗 隨 朝 秉 四四 旧 帥 分路 權 之列 , 者 申裕安平完顏斜列 建 威 日日 居 揀閱,因 奥屯 是職 建 威 雖 斡 相合併。 里 曰虎威 帥 1 府 行 嵩汝 院 日 毎總 孙 折 破 亦

志

宣權潼 武 唐括 關 草僧 都尉三…虎賁完顏陳兒、鷹揚內族大婁室、全節。 。續封金昌府虎威紇石烈乞兒,宣權歸德果毅完顏猪兒,南京殄寇完顏阿拍。

千,千戶以上將帥尙不預焉。 所屬、臨陣所獲,皆放歸鄉土,同忠孝軍給其犒賞,使河朔俘係知之。 馬,得千餘人,歲時犒燕,名曰忠孝軍。以石抹燕山奴、蒲察定住統之。 復 取 河朔諸路歸正人,不問鞍馬有無、譯語能否,悉送密院,增月給三倍它軍,授以官 故此軍迄于天與至七 加以正大 已後諸路

月,然後試補忠孝軍,是所謂合里合軍也 又以歸正人過多,乃係於忠孝籍中別爲一軍,減忠孝所給之半,不能射者令閱習 再

又以親衞馬軍,舊時所選未精,必加閱試,直取武藝如忠孝軍者得五千人,餘罷歸爲步

軍。

所統 謂 餘都尉十三四軍猶不在是數。 國家 親 凡進征,忠孝居前,馬軍次之。 全盛之際馬數則有之,至於軍士精銳、器仗堅整,較之今日有 衞 軍三千,及阿排所統四千,皆哀宗控制樞密院時所選,敎場地約三十頃尙不能容, 日 布列曹門內教場,忠孝軍七千,馬軍五千,京師所屯建威都尉 自正大改立馬軍,隊伍鞍勒兵甲一切 不侔者,中興之期 軍萬 更新,將相 人,內族 舊 九住 爲 人自

此外,招集義軍名曰忠義,要皆滅、趙亡命,雖獲近用,終不可制,異時擅殺北使唐慶以

速金亡者即此曹也。

使就 選三十以下千六百人,騎兵日龍翔,步兵日虎步,以備宿衞。五年,罷親 舊常選諸軍之材武者爲護駕軍,海陵又名上京龍翔軍爲神勇軍,正隆二年將南伐,乃罷歸, 興府,置左右驍騎,所謂從駕軍也,置都副指揮使隸點檢司,步軍都副指揮使隸宣徽院 以太祖、遼王宗幹、秦王宗翰之軍爲合扎猛安,口司謂之侍衞親軍,故立侍衞親軍司 僉調,復於侍衛親軍四猛安舊止日太祖、遼王、秦王猛安凡三,今日四猛安,未詳,豈太祖兩猛安耶。**內**, **|大定初、親軍置四千人。二十二年,省爲三千五百。|上京亦設守衞軍。** 禁軍之制,本於合扎謀克。合扎者,言親軍也,以近親所領,故以名焉。貞元遷都,更 軍司,以所掌付大 是年,尚書省 以統之。

謀克官可差年四十上下者、軍士並取三十以上者充。」 異時朕至上京,卽作兩番巡警,限以半年交替。 奏上京旣設皇城提舉官,亦當設軍守衞。 上曰:「可設四百五十、馬一百二十、分三番更代。 人日給錢五十、米一 升半,馬給芻粟,猛安

凡選弩手之制,先以營造尺度杖,其長六尺,立之謂之等杖。 章宗承安四年,增爲五千,又增至六千。 又有威捷軍。 承安增簽弩手千人。 取身與杖等,能踏弩至三

志第

十五五

者,猛安謀克以名上兵部,移點檢司、宣徽院試補之。 控鶴二百人,皆以備出入者也。 也,取五品至七品官子孫及宗室幷親軍、諸局分承應人,身長五尺六寸者,選試補之。 石,鋪弦解索登踏閑習,射六箭皆上垛,內二箭中貼者。 又設護衞二百人,近侍之執兵仗者 又選親軍,取身長五尺五寸善騎射

五六萬人。又以渤海軍爲八猛安。凡猛安之上置軍帥,軍帥之上置萬戶,萬戶之上 置 都 都統司,後改爲六部路都統司,以遙輦九營爲九猛安隸焉,與上京及泰州凡六處置,每司統 都統司,且以討張覺。天輔五年襲遼主,始有內外諸軍都統之名。時以溪未平,又置溪路 然時亦稱軍帥爲猛安,而猛安則稱親管猛安者。 大將府治之稱號。 收國元年十二月,始置咸州軍帥司,以經略遼地、討高永昌、置南路

都統府爲西南、西北兩路都統府。 三年,以伐宋更爲元帥府,置元帥及左、右副,及左、右監 燕山旣下,循遼制立樞密院于廣寧府,以總漢軍。 太宗天會元年,以襲遼主所立 一西南

設兵馬都總管府,州鎭置節度使,沿邊州則置防禦使。 金制,都元帥必以諳版孛極烈爲之,恒居守而不出。 六年,詔還二帥 凡州府所募射糧軍、牢城軍,每五百 以鎭方面 諸路各

軍,左、右都監

近者 人 合置,不可 一指揮使司、設使、分爲四都、都設左右什將及承局押官。 `合者以三百人或二百人亦設指揮使`,若百人則 止設軍使,百人以上立 其軍數若有餘或不足,則與 爲

皮

百人

止設什將及承局管押官各一

員。

統軍 路 及 統 海 陵天德二年八月,改諸京兵馬都部署司 軍 司 + 于 司 年 爲招 Щ 改南京路都統司爲 西、河南、陝西三路,以元 討司,以婆速路統 東南路 軍 司爲 帥 都 府 總管府。 統 都 司, 監 爲本路都總管府。 治東京以鎭高麗。 監 軍爲使,分統天下之兵。 九月, 後叉置統 罷 大名統 軍司 叉改鳥古 軍 于大名府 司 而 迪 置

利。 戶 其次千戶及謀克。 無千 今子 年,以元帥府爲樞密院,罷萬戶之官,詔曰:「太祖開創,因時制宜,材堪統衆授 卢 孫 之職者,續 相繼口以專攬威 當時官賞未定,城郭未下 思 增置 權,其戶不下 國 初 時 賜 · 數萬, 以 國 姓 一、設此 與留守總管無異, 若 爲子孫者皆令復 職 許以世襲, 而 乃權· 世 舊 權 宜之制 過之。 可 非 罷 經 是官 (之萬

使,列 百 司、與前 里,宗浩 正 城堡濠 隆 凡三,以鎭 末, 乃 命、 復陞陜 牆,戍守爲永 分司 漫陲。 于金 西統 山 軍 制 東 司 北路者, 西北 爲 樞密院每行兵則更爲元帥府,罷則復爲院 都 路者置於應州 統 初置 府。 大定五 烏古迪 、西南 烈部 年, 復 路 罷 後置于 者置於桓州 府 降 泰州 爲 統 軍 、こむ以重 泰 司 和 闁 尋 臣 以 叉 知 設 去 兵者為 兩 邊 招 尙

之名也。 爲謀克,五謀克爲一千戶,四千戶爲一萬戶,四萬戶爲一 置行樞密院元帥府,大者有「便宜」之號,小者有「從宜」之名。 西弩手軍二千人爲一軍,賜號威勇。 宣宗貞祐三年,徵代州戍兵五千,從胥鼎言,留代以屛平陽。 然又外設一總領提控,故時皆稱元帥爲總領云。 及南遷,河北封九公,因其兵假以便宜從事,沿河諸城 副統, 兩副統爲 元光間, 興定二年, 時招義軍 都統, 選募河南、 此復 以三十人 國 初 陜

家富 千餘、牛二百八十餘、羊八百六十、駝九十而 駝牛羊,爲之立蕃息衰耗之刑賞。 保、保亦作本。蒲速斡、燕恩、兀者五羣牧所,皆仍遼舊名,各設官以治之。 丁多、及品官家子、猛安謀克蒲輦軍 |金初因||遼諸抹而置羣牧、抹之爲言無蚊蚋、美水草之地也。 後稍增其數爲九。 與司吏家餘丁及奴,使之司牧,謂之羣子, 已。 契丹之亂遂亡其五,四所之所存者馬 天德間、置迪河斡朶、斡里 叉於諸 色人內, 分 牧馬 選

承安三年改爲板底因鳥魯古。 世宗置所七、日特滿、忒滿、在撫州。 甌 里本、承安三年改爲鳥鮮鳥魯古。 斡覩只、蒲速椀、 烏魯古者言滋息也。 蒲速椀本斡覩只之地,大定七年分其地置之。 合魯椀、耶盧椀。

平縣、臨潢、秦州之境。

大定二十年三月,更定羣牧官、詳穩脫朶、日己知把、羣牧人滋息損耗賞罰格。

之外,馬至四十七萬,牛十三萬,羊八十七萬,駝四千。 時遣使閱實其數,缺則杖其官,而令牧人償之,匿其實者監察舉覺之。二十八年,蕃息 二十一年,勅諸所,馬三歲者付女直人牧之,牛或以借民耕,或又令民畜羊,或以賑貧

死則於前 及取羣官之餘騎,以供戰士焉。 明昌五年,散驟馬,令中都、西京、河北東、西路驗民物力分畜之。又令它路民養馬者, 四路所養者給換,若欲用則悉以送官。此金之馬政也。 然每有大役,必括於民,

千匹以上一官,二千匹以上兩官。 令下十日陳首、限外匿及殺、並絞」。 兩,中下遞減十兩。不願酬直者,上等二疋補一官,雜班任使,中等三匹,下等四匹,如之。 宣宗興定元年,定民間收潰軍亡馬之法,及以馬送官酬直之格,「上等馬一疋銀五十 又遣官括市民馬,立賞格以示勸,五百匹以上鈔千貫,

以給軍 統 ,此軍須錢之所由起也。 軍 司弁虞候 養兵之法。熙宗天眷三年正月,詔歲給遼東戍卒紬絹有差。 世宗大定三年,南征,軍士每歲可支一千萬貫,官府止有二百萬貫,外可取於官民 司順德軍,官兵並增廩給。 六年,將南征,以絹萬疋于京城易衣襖穿膝 正隆 四年,命河南、 一萬

東路 支用 錢, 處 月,奏,元帥府乞降軍須錢,上曰:「帥府支費無度,例皆科取於民,甚非朕意。 下物力均 屯軍。 名曰「免役」,請以是錢贍軍。 不盡之數,及諸路轉運司見在如實缺用,則別具以聞。」 每貫徵錢二貫,臨潢、全州則免徵,周年三限送納。 徵。擬依黃河夫錢例,徵軍須錢,驗各路新籍物力,每貫徵錢四貫,西京、北京、遼 十七年七月,歲以羊皮三萬賜西北路戍兵。承安三年,以軍須所費甚大,乞驗 ,者,以山東、河南、陜西等路循床、齊舊例,州縣司吏、弓手於民間驗物力均敷顧 至是,省具數以聞,詔罷弓手錢,其司吏錢 恐期遠,遂定制作半年三 十年四月, 命德順州建營屋 仍舊。 仰會計 限輸納。 四年六 軍 以 天 須

疋,不及十年銀一十五兩、絹一十疋。 銀三十兩、絹二十疋,不及十年銀一十兩、絹一十五疋。 阿 十五五 . 里喜、旗鼓、吹笛、本司 兩 以 絹 一 疋,不及十年銀三十兩、絹二十疋。 銀五十兩、絹三十疋,不及十年,比附十年以上謀克支。 几 河南 疋,不及十年 十五疋。 、陜西、山東放老千戶、謀克、蒲輦、正軍、阿里喜等給賞之例,舊軍千戶十年以 銀三十兩、絹二十疋。 馬步正軍、阿里喜等勾當不 火頭 人等同銀八兩、絹五 正軍、阿里喜勾當不拘年分,放老正軍銀一十兩、絹 蒲輦十年以上銀三十兩、絹二十疋,不及十年銀二 謀克二十年以上銀五十兩、絹三十疋,十年以上 拘年分,放老正軍銀一 疋。 三虞候千戶,十年以上銀四十兩、絹 蒲輦十年以上銀二十兩、絹 謀克十年以 十五 上銀四十兩、絹二 兩、絹一十疋, 一十五

管押千戶以下,依河南、陝西體例。 品,不及二十年年老放罷,遷一官與正七品,若十年以下遷一官賞銀絹四十兩疋。正謀克 品,若十年以下遷一官賞銀絹五十兩疋。正千戶管押千戶,勾當過二十年,遷一官與正六 五品。不及一十五年年老放罷,遷一官與正六品。若十年以下,遷一官賞銀絹六十兩疋。 軍功及年老放罷給賞之例,遷官同從東部格。正千戶管押萬戶,勾當過一十五年,遷兩官與從 正謀克管押萬戶,勾當一十五年遷兩官與正六品,不及一十五年年老放罷,遷一官與正七 七疋,阿里喜、旗鼓、吹笛、本司火頭人等同銀五兩,絹四疋。北邊萬戶、千戶、謀克等,歷過

軍、擊家赴京者,人日給六口糧,馬四疋芻藁。 凡鎭防軍,每年試射,射若有出衆,上等賞銀四兩,特異衆者賞十兩銀馬盂。 簽充武衞

衣錢六貫。邊鋪軍請給與射糧軍同。 五百文、栗二石,春衣錢五貫、秋衣錢七貫。牢城幷土兵錢八百文、栗二石,春衣錢四貫、秋 使錢栗六貫石、絹同上,什將錢二貫、粟三石,春衣錢五貫、秋衣錢十貫。承局押官錢一貫 四十貫、絹四疋。 一疋,土兵錢十貫、絹一疋。凡射糧軍指揮使及黃、沁埽兵指揮使,錢粟七貫石、絹六疋,軍 諸招軍月給例物。邊鋪軍錢五十貫、絹十疋。軍匠上中等錢五十貫、絹五疋、下等錢 黃河婦兵錢三十貫、絹五疋、射糧軍及溝渠等處婦兵水手,錢二十貫、絹

月,陝西六月。鎭防軍補買馬錢,河南路正軍五百文,阿里喜隨色人三百文,陝西、山東路 栗,正軍錢二貫、米石五斗、絹四疋、綿十五兩、兩馬芻粟,阿里喜錢一貫五百文、米七斗、絹 栗,謀克錢六貫、米二石八斗、絹六疋、五馬芻栗,蒲輦錢四貫、米石七斗、絹五疋、四馬芻 青草馬可牧養則止,惟每猛安當差馬七十二疋,四時皆給。又定制河南、山東、河東歲給五 正軍三百文,阿里喜隨色人二百文。 三疋、綿十兩。步軍,猛安馬二疋、謀克馬一疋芻粟。每馬給芻一束、粟五升,歲仲春野有 河南、陜西、山東路統軍司鎭防甲軍、馬軍,猛安錢八貫、米五石二斗、絹八疋、六馬芻

貫、米一石二斗、三馬芻粟、蒲輦錢二貫、米六斗、二馬芻粟、正軍錢一貫五百文、米四斗、一 給三馬料,蒲輦錢一貫、米二石七斗、紬絹同上、給二馬料,長行錢一貫、米一石八斗、紬絹 斗、絹四疋、綿十五兩,給一馬料,溪軍謀克錢一貫五百文、米一石五斗、紬絹春秋各一疋, 六疋、三馬芻粟,軍使什將錢四貫、米一石七斗、絹五疋,給兩馬料,長行錢二貫、米一石五 馬芻粟,阿里喜隨色人錢一貫、米四斗、一馬芻粟。德順軍指揮使錢六貫、米二石八斗、絹 諸屯田被差及緣邊駐扎捉殺軍,猛安月給錢六貫、米一石八斗、五馬芻粟,謀克錢四

北邊臨潢等處永屯駐軍,千戶錢八貫、米五石二斗、絹八疋、飼馬六疋,步軍飼兩馬、地

錢二貫、米四斗,阿里喜錢一貫五百文、米四斗。上番漢軍,千戶月給錢三貫、糧四石、絹八 疋、飼四馬,謀克錢二貫五百文、糧一石、絹六疋、 飼二馬, 正軍錢二貫、米九斗五升、 絹 疋、飼四馬、地三頃,正軍錢二貫、米一石四斗五升、絹四疋、綿十五兩、飼兩馬、地二頃、口む 阿里喜錢一貫五百文、CIOD米七斗、絹三疋、綿十兩、地一頃,旗鼓司人與阿里喜同,交替軍 五頃、謀克錢六貫、米二石八斗、絹六疋、飼五馬、地四頃、蒲輦錢四貫、米一石七斗、絹五

六貫、米二石八斗、絹六疋、飼二馬、正軍月支錢二貫五百文、米一石二斗、絹四疋、綿十五 兩、飼一馬,阿里喜隨色人錢二貫、米一石二斗、絹四疋、綿十五兩。 上京路永屯駐軍所除授,千戶月給錢栗十五貫石、絹十疋、綿二十兩、飼三馬,謀克錢

諸北邊永駐軍,月給補買馬錢四百文,隨色人三百文。

彰化軍節度使張行信言:「一軍充役、舉家廪給、蓋欲感悅士心,使爲國盡力耳。至於無軍 俸給,又與無職事者同支券糧,故時議欲省員滅所給之數,俟征行則全給之。及興定二年, 之家,復無丁男,而其妻女猶受給何謂耶。」五年,京南行三司官石抹斡魯言:「京南、東、西 三路見屯軍戶,老幼四十萬口,歲費糧百四十餘萬石,皆坐食民租,甚非善計。」語在田制。 貞祐三年,軍前委差及掌軍官,規圖糧料,冒占職役,皆無實員,又見職及遙授者,已有

春秋衣粗布一段、秋絹二疋、綿一十五兩。諸黃院子年滿者,以元請錢糧三分內,給一貫石 諸屯田軍人,如差防送,日給錢一百五十文。看管孝寧宮人,月各給米五斗、柴一車、

校勘記

- (一) 四年伐宋之役 「克汴城」。「十二月癸亥、宋主桓降」。今據改。 右副元帥宗望伐宋」。「十一月甲子,宗翰自太原趨汴。丙寅,宗望自眞定趨汴」。閏月丙辰, 「四」原作「五」。按本書卷三太宗紀,天會四年「八月庚子,詔左副元帥宗翰、
- CIJ 熙宗皇統五年又罷遼東漢人渤海猛安謀克承襲之制 渤海千戶謀克,以臭舊臣,獨命依舊世襲千戶」,所記與此是一事而早五年。 按本書卷八〇大臭傳,「天眷三年,罷漢
- 宗正宗敏之族 三年「兼判大宗正事」,知「敬」蓋「敏」之誤,今改正 「敏」原作「敬」。按「宗敬」之名僅此一見,本書卷六九太祖諸子傳,宗敏於皇統
- 2] 正隆二年命兵部尚書蕭恭等 原脫「正隆」二字,「蕭恭」原作「蕭仲恭」。按本書卷八二蕭仲恭 傳,仲恭未曾任兵部尚書,且於天德二年早經死去,知此處必有訛誤。卷五海陵紀云,正隆三年 三月「辛巳,以兵部尚書蕭恭爲賀朱生日使」。卷八二蕭恭傳亦云「貞元二年爲大興尹,歲餘,遷

兵部尙書」。 又本卷下文載「六年南伐」,即海陵之正隆伐宋。則此「二年」必屬「正隆」已明。

有父兄俱已充甲軍 「已」原作「亡」。據文義改。

二十三年遣刑部尚書移剌慥遷山東東路八謀克處之河間 按本書卷四七食貨志,「大定二十

二年九月,遣刑部尚書移刺慥于山東路猛安內摘八謀克民,徙于河北東路酬斡、青狗兒兩猛安

舊居之地」,與此自是一事。 「二十三年」疑當作「二十二年」。

承安三年改爲土魯渾札石合節度使 「札」原作「凡」。按下文有唐古部「改爲部魯火札石合節

度使」之記載,本書卷二四地理志,「迪烈又作选刺女古部族,承安三年改爲土魯渾札石合節度

使」、卷四二、儀衞志百官儀從「外任官從己人力」條,亦見「部羅火、土魯渾札石合」,今據改。

西北西南二路之乣軍十 按下文所列乣名「凡九」,其數與本書卷二四地理志西京路同,惟地 理志無萌骨虬而有移典虬。卷五七百官志「諸虬」條未著所在路分,亦無萌骨虬而有失魯虬、移

典处、究竟此處當爲乣軍「九」、或乣名中當有移典乣或失魯私、今不可定。

「其」下原缺一字,疑是「面」或「頰」字。今仍以□誌闕。

「及」字疑是「乃」字之誤。

八九

皆刺其□

宗望及令罷還

第二

+

五

校

勘

記

環葭隩 「隩」原作「澳」。按本書卷二六地理志,河東北路有隩州,厠葭州之後。今據改。

- 宰執命取爲監官軍 籍赴選監當官爲軍」, 「監官軍」原作「監軍官」。按本書卷一四宣宗紀,貞祐三年夏四月「癸卯, 劉祁歸潛志卷七、「貞酤初,下令簽軍,會一時任子爲監官者以春赴吏部
- 日建威曰……殄寇 調數,宰執使盡揀取,號監官軍」。本志此段全本劉文。今據乙改。 按本書卷五五百官志、都元帥府、所列都尉名稱較此多一「果毅」。
- 天興初元有十五都尉 按本書卷一一三赤盞合喜傳記此事作「十三都尉」。
- 更以太祖遼王宗幹秦王宗翰之軍爲合扎猛安 字,今據殿本改爲大字正文,並删一「軍」字。 「宗翰之軍」四字原爲小字注文,下又衍一「軍」
- [14] 今子孫相繼 「今」原作「令」。 據殿本改。
- 西北路者置於應州西南路者置於桓州 本書卷二四地理志校記四三 按當作西北路者置于桓州, 西南路者置于豐州, 參見
- 謂牛馬羣子也」、「詳」作「掃」,疑此處誤。 更定氧牧官詳穩脫杂 按本書卷五七百官三「諸羣牧所」注云,「又設掃穩脫朶,分掌諸畜,所
- 絹四疋綿十五兩飼兩馬地二頃 按「綿十五兩」原在「飼兩馬」之下,今據上下文例乙正。
- [10] 阿里喜錢一貫五百文 原脫「文」字。據殿本補。

金史卷四十五

志第二十六

刑

廉以興義,仁義興,刑法不幾於措乎。 下平矣。是故先王養其威而用之,畏可以敎愛。愼其法而行之,恥可以立廉。愛以興仁, 閑也。是故,刑以治已然,法以禁未然,畏以處小人,恥以遇君子。 君子知恥,小人知畏,天 昔者先王因人之知畏而作刑,因人之知恥而作法。畏也、恥也,五性之良知,七情之大

舒蹙,風俗醇醨,世道升降,君子觀一代之刑法,每有以先**知焉。** 重修制條。明昌之世,律義、勅條並修,品式寖備。旣而泰和律義成書,宜無遺憾。然國脈 會以來,漸從吏議,皇統頒制,兼用古律。厥後,正隆又有續降制書。大定有權宜條理,有 金初,法制簡易:無輕重貴賤之別,刑、贖並行,此可施諸新國,非經世久遠之規也。

志

第二十

六

刑

故習,由是以深文傅致爲能吏,以慘酷辦事爲長才。 金法 以杖折徒、累及二百、州縣立威、甚者置刃於杖、虐於肉刑。 百司姦贓眞犯, 季年, 此可決也,而微過亦 君臣好用筐篋

上之所爲,蓋秦人强主威之意也。 原其立法初意,欲以同疏戚、壹小大,使之咸就繩約於律令之中,莫不齊手並足以聽公 是以待宗室少恩,待大夫士少禮

風紀之臣,失糾皆決。考滿,校其受決多寡以爲殿最。

者。 簡牘所存,可爲龜鑑者,本紀、刑志詳略互見云。 雖然,世宗臨御,法司奏讞,或去律援經,或揆義制法。 君 子無恥而 章宗、宣宗嘗親民事,當宁裁決,寬猛出入雖時或過中,迹其矜恕之多, 終金之代,忍恥以就功名,雖一時名士有所不免。 犯義,則小人無畏而犯刑矣。 是故論者於敎愛立廉之道,往往致太息之意焉。 近古人君聽斷,言幾於道,鮮有及之 至於避辱遠引,罕聞其人。 猶有祖風焉。 殊不知

償主 一,併以家人爲奴婢, 金國舊俗,輕罪笞以柳葼,殺人及盜劫者,擊其腦殺之,沒其家貲,以十之四入官,其六 其親屬欲以馬牛雜物贖者從之。 或重罪亦聽自贖,然恐無辨於齊

民`則劓、刵以爲別。 其獄則掘地深廣數丈爲之。

太宗雖承太祖無變舊風之訓,亦稍用遼、宋法。 天會七年,詔凡竊盜,但得物徒三年,

十貫以上徒五年,刺字充下軍,三十貫以上徒終身,仍以贓滿盡命刺字於面,五十貫以上

死,徵償如舊制。

制,至正隆間,著爲續降制書,與皇統制並行焉。然二君任情用法,自有異於是者矣。 則臀、背分決。及海陵庶人以脊近心腹,遂禁之,雖主決奴婢,亦論以違制。又多變易舊 舊制,兼採隋、唐之制,參遼、宋之法,類以成書,名曰皇統制,頒行中外。時制,杖罪至百, 乃詔其民,約所用刑法皆從律文,罷獄卒酷毒刑具,以從寬恕。至皇統間,詔諸臣,以本朝 熙宗天眷元年十月,禁親王以下佩刀入宮,衞禁之法,實自此始。三年,復取河南地,

前制書兼用。 識典法,有司亦未嘗丁寧誥戒,豈可遽加極刑。」以減死論。 五年,命有司復加删定條理,與 條理。大定四年,尚書省奏,大興民男子李十、婦人楊仙哥並以亂言當斬。上曰:「愚民不 及世宗卽位,以正隆之亂,盜賊公行,兵甲未息,一時制旨多從時宜,遂集爲軍前權宜

思鉢鬻金於市,事覺,伏誅。上聞之曰:「箠楚之下,何求不得,奈何鞫獄者不以情求之乎。」 賜死者錢人二百貫,不死者五十貫。於是禁護衞百夫長、五十 夫長 非 直 日 不 得 帶 刀入 人鞫之,掠三人死,五人誣伏。上疑之,命同知大興府事移刺道雜治。旣而親軍百夫長阿 七年,左藏庫夜有盜殺都監郭良臣盜金珠,求盜不得。命點檢司治之,執其可疑者八

志

宮。日是歲、斷死囚二十人。

八年,制品官犯賭博法,贓不滿五十貫者其法杖,聽贖。再犯者杖之。 且曰「杖者所以

罰小人也。 旣爲職官,當先廉恥,旣無廉恥,故以小人之罰罰之」。

分受,恐至深重,乃令復舊。今聞民間有不欲者,其令罷之。」 者皆以律文為準。」復命杖至百者臀、背分受,如舊法。 已而,上謂宰臣曰:「朕念罪人杖不 九年,因御史臺奏獄事,上曰:「近聞法官或各執所見,或觀望宰執之意,自今制無正條

十年,尚書省奏,河中府張錦自言復父讎,法當死。 上曰:「彼復父讎,又自言之,烈士

也。以減死論。」

十一年,詔諭有司曰:「應司獄廨舍須近獄安置,囚禁之事常親提控,其獄卒必選年深

而信實者輪直。」

自今可並追還其主,惟應入官者殆徵。」 當除名。今遇赦當敍,仍免徵贓。」上以貪僞,勿敍,且曰:「乞取之贓,若以赦原,予者何辜。 十二年,尚書省言:「內丘令蒲察臺補自科部內錢立德政碑,復有其餘錢二百餘貫,罪

今告得實者量與給賞。」 尚書省奏, 盜有發塚者, 上曰:「功臣墳墓亦有被發者, 蓋無告捕之賞, 故人無所畏。 自

得已。 故咸平尹石抹阿沒刺以贓死於獄,上謂其「不尸諸市已爲厚幸。貧窮而爲盜賊,蓋不 三品職官以贓至死,愚亦甚矣,其諸子可皆除名」。先是,詔自今除名人子孫有在仕

休暇幷禁屠宰日,皆不聽決死刑,惟强盜則不待秋後。 十三年、詔立春後、立秋前,及大祭祀,月朔、望,上、下弦,二十四氣,雨未晴,夜未明,

者並取奏裁。

十五年,詔有司曰:「朕惟人命至重,而在制竊盜贓至五十貫者處死,自今可令至八十

貫者處死。」

十七年,陳言者乞設提刑司,以糾諸路刑獄之失。尚書省議,以謂久恐滋弊。 上乃命

距京師數千里外懷冤上訴者,集其事以待選官就問。

「韶宰臣,朝廷每歲再遣審錄官,本以爲民伸寃滯也,而所遣多不盡心,但文具而已。

時濟南尹梁肅言,犯徒者當免杖。朝廷以爲今法已輕於古,恐滋姦惡,不從。

卽 以狀聞,失糾察者嚴加懲斷,不以贖論。 一錄之官,非止理問重刑,凡訴訟案牘,皆當閱實是非,囚徒不應囚繫則當釋放,官吏之罪

又以監察御史體察東北路官吏,輒受訟牒,爲不稱職,笞之五十。

又謂宰臣曰:「比聞大理寺斷獄,雖無疑者亦經旬月,何耶。」參知政事移剌道對曰:「在

批送尚書省曰:「凡法寺斷重輕罪各有期限,法官但犯皆的決,豈敢有違。 法,決死囚不過七日,徒刑五日,杖罪三日。」上曰:「法有程限,而輒違之,強慢也。」罷朝,御 况其小過者乎。 「故廣寧尹高楨爲政尙猛,[il] 雖小過,有杖而殺之者。 ,至於再三批送,其議定奏者書奏牘亦不下旬日,以致事多滯留, 人之性命安可輕哉。」 卽罪至於死而情或可恕,猶當念之, 自今當勿復爾。」又曰: 但以卿等所見不

大定軍 吏因 及疑 制條爲名,韶頒行焉。回 部存之。 [得上下其手。遂置局,命大理卿移剌慥總中外明法者共校正。 而 上 以正隆續降制書多任己意,傷於苛察。 前權宜條理、後續行條理,倫其輕重,删繁正失。 不能決者,則取旨畫定。 參以近所定徒杖減半之法,凡校定千一百九十條,分爲十二卷,至司 軍前權宜條理 內有可以常行者亦爲定法,餘未 而與皇統之制並用,是非淆亂,莫知適從,姦 制有闕者以律文足之。 乃以皇統 、正隆之制及 以大定重修 應者 制、律俱 亦 別 闕

償其直。」 二十年,上見有蹂踐禾稼者,謂宰相曰:「今後有踐民田者杖六十,盜人穀者杖八十,並

減死一等,以戒敗風俗者。」 一十一年,尚書省奏鞏州民馬俊妻安姐與管卓姦,俊以斧擊殺之,罪當死。 上目:「可

絕。]取觀之,初送法寺如法裁斷,再送司直披詳,又送闔寺參詳,反覆三次,妄生情見,不得結 朕以國政不宜滯留,昨雖炙艾六百炷,未嘗一日不坐朝,欲使卿等知勤政也。自今可 二十二年,上謂宰臣曰:「凡尙書省送大理寺文字,一斷便可聞奏。如烏古論公說事,

止一次送寺、闔寺披詳、苟有情見卽具以聞、毋使滯留也。」

十餘,家無侍丁,上請。上曰:「范德與酤父母年相若,自當如父母相待,至毆殺之,難議末 二十三年,尚書省奏,益都民范德年七十六,爲劉祐毆殺。,祐法當死,以祐父母年俱七

減,其論如法。」

行者,天下事多,人力有限,豈能一一盡之。必因一事奏聞,方知有所窒礙,隨即更定。今 兵邀之,强取財物,與盜何異。 有聖旨、條理,復有制條,是使姦吏得以輕重也。」 尚書省奏招討司官及禿里乞取本部財物制,上曰:「遠人止可矜恤,若進貢不闕,更以 且或因而生事,何可不懲。」又曰:「朕所行制條,皆臣下所奏

如 此,人所甚難。 大興府民趙無事帶酒亂言,父千捕告,法當死。 可特減死一等。」 上曰:「爲父不恤其子而告捕之,其正

察罰 俸一月。 武器署丞奕、直長骨歲坐受草畔子財,奕杖八十,骨歲笞二十,監察御史梁襄等坐失糾 上曰:「監察,人君之耳目。事由朕發,何以監察爲。」

101

辺 法寺斷獄, 以漢字譯女直字,會法又復各出情見,妄生穿鑿,徒致稽緩,遂詔罷

情見。

杖二百而発輸作,以臀、背分決。 二十五年二月,上以婦人在囚,輸作不便,而杖不分決,與殺無異,遂命冤死輸作者,決

王、公主有權也。 親,尊天子,別庶人也。」上曰:「外家自異於宗室,漢外戚權太重,至移國祚,朕所以不令諸 達鈔兀嘗犯大辟,朕未嘗宥。今乃宥之,是開後世輕重出入之門也。」宰臣曰:「古所 減,是使之恃此而横恣也。昔漢文誅薄昭,有足取者。前二十年時,后族濟州節度使烏林 固當減請也。 時后族有犯罪者, 尚書省引「八議」奏, 上曰:「法者, 公天下持平之器, 若親者犯而從 夫有功於國,議勳可也。至若議賢,旣曰賢矣,肯犯法乎。 脫或緣坐,則 以議

上謂宰臣曰:「法有倫而不倫者,其改定之。」 二十六年,遂奏定太子妃大功以上親、及與皇家無服者、及賢而犯私罪者,皆不入議。

友閻恕屬玠得緩。 監察御史陶鈞以携妓遊北苑,歌飲池島間,迫近殿廷,提控官石玠聞而發之。 旣 而 事覺,法司奏,當徒二年半。 韶以鈞耳目之官,携妓入禁苑,無上下 鈞令其

之分,杖六十,跗、恕皆坐之。

二十八年,上以制條拘於舊律,間有難解之詞,命删修明白,使人皆曉之。

汝霖曰:「昔子產鑄刑書,叔向譏之者,蓋不欲預使民測其輕重也。今著不刊之典,使民曉 舊禁民不得收制書,恐滋告訐之弊,章宗大定二十九年,言事者乞許民藏之。 平章脹

明昌元年,上問宰臣曰:「今何不專用律文。」平章政事張汝霖曰:「前代律與令各有分,

然知之,猶江、河之易避而難犯,足以輔治,不禁爲便。」以衆議多不欲,詔姑令仍舊禁之。

其 有犯令,以律決之。今國家制、律混淆,固當分也。」遂置詳定所,命審定律、令。

符寶典書北京奴盜符寶局金牌,伏誅,仍除屬籍。按虎、阿虎帶失覺察,各杖七十。 承安二年,制軍前受財法,一貫以下,徒二年,以上徒三年,十貫處死。

泰和二年,御史臺奏:「監察御史史肅言,大定條理:自二十年十一月四日以前,奴娶良

聚。放良從良者卽聽贖換,如未贖換間與夫所生男女並聽爲良。而泰和新格復以夫亡服 人女爲妻者,並準已娶爲定,若夫亡,拘放從其主。離夫摘賣者令本主收贖,依舊與夫同

除準良 許爲良。 人例,離夫摘賣及放夫爲良者,並聽爲良。若未出離再配與奴,或雜姦所生男女並 如此不同,皆編格官妄爲增減,以致隨處訴訟紛擾,是涉違枉。」刺付所司正之。

聞。 如禁屠宰之類,當著于令也,愼之勿忽,律令一定,不可更矣。 初, 詔凡條格入制文內者,分爲別卷。復詔制與律文輕重不同,及律所無者,各校定以

10111

明昌三年七月,至右司郎中孫鐸先以詳定所校名例篇進,旣而諸篇皆成,復命中都路

轉運使王寂、大理卿董師中等重校之。

四年七月,上以諸路枷杖多不如法,平章政事守貞曰:「枷杖尺寸有制,提刑兩月一 巡

察,必不敢違法也。」

新律焉。 酌時宜,準律文修定,歷採前代刑書宜於今者,以補遺闕,取刑統疏文以釋之,著爲常法,名 減,罪名輕重,當異於律。 理丞麻安上爲校定官,大理卿閻公貞、戶部侍郎李敬義、工部郎中賈鉉爲覆定官, [8] 重修 翰林待制奧屯忠孝、小字牙哥。 通定,然後頒行。 日明昌律義。 五年正月,復令鈎校制、律,即付詳定所。 時詳定官言:「若依重修制文爲式,則條目增 別編権貨、邊部、權宜等事,集爲勅條。」宰臣謂:「先所定令文尚有未完,俟皆 若律科舉人,則止習舊律。」遂以知大興府事尼厖古鑑、御史中 旣定復與舊同頒,則使人惑而易爲姦矣。 提點司天臺張嗣、翰林修撰完顏撒剌、刑部員外郎李庭義、大 臣等謂,用今制條,參 丞董師中、

諸條,是古亦許情見矣。」上曰:「科條有限,而人情無窮,情見亦豈可無也。」 見非出於法 時奏獄而法官有獨出情見者,上曰:「或言法官不當出情見,故論者紛紛不已。 外,但折衷以從法爾。」平章守貞曰:「是制自大定二十三年罷之。 然律有起請 股 謂 情

今所宜,且代流役四年以上俱決杖,而徒三年以下難復不用。婦人比之男子雖差輕,亦當 明昌五年,尚書省奏:「在制,名例內徒年之律,無決杖之文便不用杖。 緣先謂流刑非

例減。」遂以徒二年以下者杖六十,二年以上杖七十,婦人犯者並決五十,著于勅條

承安三年,勅尚書省,自今特旨事,如律令程式者,始可送部。自餘創行之事,但召部

官赴省議之。

爲杖式,頒之天下。且曰:「若以笞杖太輕,恐情理有難恕者,訊杖可再議之。」 恐難偏覽,其三推情疑以聞。」五月,上以法不適平,常行杖樣,多不能用。遂定分寸,鑄銅 四年四月,尚書省請再覆定令文,上因勅宰臣曰:「凡事理明白者轉奏可也。 文牘多者

五年五月,刑部員外郎馬復言:「外官尙苛刻者不遵銅杖式,輒用大杖,多致人死。」詔

令按察司糾劾黜之。

北京留守司亦動經數月,愈致稽留,未便。」詔復從舊,令委官追取鞫之。 其官就讞之。刑部員外郎完顏綱言:「自是制行,如上京最近之地往還不下三、二千里,如 先嘗令諸死囚及除名罪,所委官相去二百里外,幷犯徒以下逮及二十人以上者,並令

但使譯人往來傳詞,罪之輕重,成於其口,貨賂公行,冤者至有三、二十年不能正者。」 十二月,翰林修撰楊庭秀言:「州縣官往往以權勢自居,喜怒自任,聽訟之際,鮮克加

史臺聞奏之制,當復舉行也。」又命編前後條制,書之于册,以備將來考驗 上遂命定立 條約,違者按察司糾之。 且謂宰臣曰:「長貳官委幕職及司 吏推問獄 囚,命申御

禁不得過五分。 泰和 元年正月,尚書省奏,以見行銅杖式輕細,姦宄不畏,遂命有司量所犯用大杖, 且

之制,曰律令二十卷。又定制勅九十五條,權貨八十五條,蕃部三十九條,曰新定勅條三 六條,雜令四十九條,釋道令十條,營繕令十三條,河防令十一條,服制令十一條,附以年月 條、關市令十三條、捕亡令二十條、賞令二十五條、醫疾令五條、假寧令十四條、獄官令百有 條,公式令五十八條,祿令十七條,倉庫令七條,厩牧令十二條,田令十七條,賦役令二十三 義。 其一爲四者六條,凡五百六十三條,爲三十卷,附注以明其事,疏義以釋其疑,名曰泰和律 條,封爵令九條,封贈令十條,宮衞令十條,運防令二十五條,儀制令二十三條,衣服令十 九條,因而略有所損益者二百八十有二條,餘百二十六條皆從其舊,又加以分其一爲二、分 也,但加贖銅皆倍之,增徒至四年、五年爲七,削不宜於時者四十七條,增時用之制百四十 六曰擅興,七曰賊盜,八曰ഠ訟。九曰詐偽,十曰雜律,十一曰捕亡,十二曰斷獄。實唐律 自官品令、職員令之下,日祠令四十八條,戶令六十六條,學令十一條,選舉令八十三 十二月,所修律成,凡十有二篇:一曰。经例,二曰、衞禁,三曰職制,四曰戶婚,五曰厩庫

卷,六部格式三十卷。司空襄以進,詔以明年五月頒行之。

貞祐三年,上謂宰臣,自今監察官犯罪,其事關軍國利害者,並笞決之。

應人出入親王、公主、宰執家,災傷乏食有司檢覈不實致傷人命,轉運軍儲而有私載,考試 貞祐四年,詔「凡監察失糾劾者,從本法論。外使入國私通本國事情,宿衞、近侍官、承

舉人而防閑不嚴,其罰並決。在京犯至兩次者,臺官減監察一等治罪,論贖,餘止坐,專差

任滿日議定。 ' 若任內會以漏察被決,依格雖爲稱職,止從平常,平常者從降罰」。

輒減之,則貴戚皆將恃此以虐民,民何以堪。」 對曰:「凡議者先條所坐及應議之狀以請,必議定然後奏裁也。」上然之,曰:「若不論輕重而 興定元年八月,上謂宰臣曰:「律有八議,今言者或謂應議之人卽當減等,何如。」宰臣

校勘記

於是禁護衞百夫長五十夫長非直日不得帶刀入宮 命護衞親軍百戶、五十戶非直日不得帶刀入宮」,當卽此事,則當在下文「八年」下。 按本書卷六世宗紀,大定八年三月「丁丑」

CII放廣寧尹高楨爲政尚猛 廣寧尹」。 今據改。 本書他處以「楨」誤「禎」者皆同改,不復出校。 「楨」原作「禎」。按本書卷八四高楨傳、「天會六年遷尚書左僕射、判

志

- 凡校定千一百九十條分爲十二卷 按本書卷八九移刺慥傳記此事作「大凡一千一百九十餘,
- 爲十二卷」。
- 以大定重修制條爲名詔頒行焉 按本書卷八世宗紀, 大定二十二年三月「癸巳, 韶頒重修制
- 條」。此列在大定二十年之前,未知孰是。
- 31 \cup 宗紀, 師中重校事,據本書卷九九孫鐸傳,章宗「初卽位, 明昌三年七月 明昌五年正月,記有「前中都路都轉運使王寂」。卷九五董師中傳,「明昌元年,初置 原脫「明昌」二字。 按此下所敍孫鐸進名例篇,中都路轉運使王寂、大理 韶刊定舊律,鐸先奏名例 一篇」。 卷 ○章 卵董 九路路
- 工部郎中賈鉉爲覆定官 提刑司, 「五年正月」兩條,由各人名官職考之,亦皆在明昌而 師中選爲陝西路副使、召爲大理卿」。 按本書卷九九賈鉉傅,時爲「左諫議大夫兼工部侍郎」。 皆可證在明昌初年。 非泰和間事。文繁不錄。 又本卷下文「四年七月」、 今據補「明昌」二字。 與此稍異。

